

書叢本基學國

集亭書曝

(上)

撰尊彝朱

行發館書印務商

書叢本基學國

集 亭 書 曝

(上)

撰 曾 彝 朱

行 發 館 書 印 務 商

史遷云。擇其言之尤雅者。柳子厚云。參之太史。以著其潔。文至雅潔。品莫貴焉。然非徒汰除俗調。以爲雅。刊落枝詞。以爲潔也。必也才雄而識高。資深而養厚。貫天人以爲學。綜古今以鑄辭。乃能超然大雅。粹然精潔。不則空疎而已矣。淺陋而已矣。自明中葉。僞文競起。擬做蹈襲。浮囂鉤棘之病。紛然雜出。二三君子。以清真矯之。而莫能救也。迄於末年。織佻怪譎。軌則蕩然。道喪文弊。於斯爲極。迨於今朝。人稍覺悟。操觚者。往往遠宗歐蘇。近慕歸唐。漸知雅潔之足尙。然雅潔未易言也。無古人之才之識。不得立言之根源。而徒求工於枝葉。則貌爲歐蘇。與貌爲左史。其爲僞文一也。秀水朱竹垞氏。天才甚高。識趣甚遠。自其少時。以文鳴世。中年學益醇深。文益高老。入直詞館。典大制作。退耕長水之上。紀事纂言。老而不倦。旣已著書數百卷。編成文集。又八十卷。人皆服其文之富且工。而不知其悉本之于學也。竹垞之學。邃於經。淹於史。貫穿於諸子百家。凡天下有字之書。無弗披覽。墜聞逸事。無弗記憶。蘊蓄閎深。搜羅繁富。析理論事。考古證今。元元本本。精詳確當。發前人未見之隱。剖千古不決之疑。其文不主一家。天然高邁。精金百鍊。削磨見根。辭約而義豐。外淡而中腴。探之無窮。味之不厭。是謂真雅真潔。譬猶綴千腋之白。以爲裘。釀百花之露。以爲餚。其與大布之鮮。魯酒之清。未可同年語矣。有華世之文。有傳世之文。若汪伯玉。李本寧。諸公。名譽雖高。卷帙雖富。未必可傳。竹垞旣享當世盛名。而異日論今代之文章。亦將以竹垞爲稱首。斯文之正系在焉。不可得而磨滅也。竹垞之詩。若詞。傳播人口。皆知其工。置勿論。論其文如此。康熙戊子仲春。吳江

潘耒序。

曝書亭集

康熙戊午朝議修明史。天子慎選局僚。命在廷各舉所知。明年己未。特開自詔之科。親試體仁閣下。擢高等五十人。於是秀水竹垞朱先生。由布衣除翰林檢討。充史館纂修官。其後十餘年間。同時被用者。多改官去。或列顯要。躋卿貳。而先生進退迴翔。仍以檢討終老。論者以爲當史局初開時。得先生者數輩。專其任而責其成。則有明一代之史。必可成。成亦必有可觀。若以未盡其用爲先生惜者。余獨謂立言垂世。先生固自有其不朽者在。而史局不與焉。先生天資明睿。器識爽朗。於書無所不窺。於義無所不析。蓋嘗錯綜人物而比量之。其博物如張茂先。多識如虞祕監。淹通經術。如陸德明。顏師古。熟精史乘。如劉知幾。劉遵父兄弟。貫穿今古。明體而達用。如馬鄱陽。鄭夾漈。王浚儀。而乃濟之以班馬之才。運之以歐曾之法。故其爲文。取材富而用物宏。論議醇而考證確。先生嘗謂孔門弟子。申黨。薛邦。後人不當以疑似妄爲廢斥。謂曲阜縣令。宜用周公後東野氏爲之。謂鄭康成功存箋疏。不當因程敏政一言。遽罷從祀。謂王陽明事功人品。炳烈千古。不得指爲異學。輒肆詆媢。凡此皆有闢名教之大者。世徒知先生文章之工。而不知其根柢六經。折衷羣輔。雖極縱橫變化。而粹然一出于正如此。其稱詩以少陵爲宗。上追漢魏。而汎濫於昌黎。樊川。句酌字斟。務歸典雅。不屑隨俗波靡。落宋人淺易蹊徑。故其長篇短什。無體不備。且無微不至。他若商周古器。漢唐金石碑版之文。以及二篆八分。莫不搜其散軼。溯其源流。往往資以補史傳之缺略。而正其紕繆。下至樂府篇章。跌宕清新。一掃花間草堂之舊。填詞家至與玉田白石並稱。先生亦自以無媿。

也。平生纂著。曾兩付開雕。未仕以前。曰竹垞詩類文類。序之者多一時名公巨卿。高材績學之彥。通籍後。曰騰笑集。先生自爲序。并屬余附綴數言者也。晚歸梅會里。乃合前後所作。手自刪定。總八十卷。更名曝書亭集。刻始于己丑秋。曹通政荔軒。實捐貲倡助。工未竣。而先生與曹相繼下世。賢孫稼翁。徧走南北。乞諸親故。續成茲刻。斷手于甲午六月。於是八十卷。裒然成全書矣。余里居無事。既分任校勘。稼翁復來乞序。余不才。何足以序先生之文。顧念中年從事問學。質疑請益。受教最深。又幸託中表。稱兄弟。自謂生平出處之跡。以及入朝歸老之歲月。與先生有髣髴相似者。噫。自己未迄今三十六年。向之爲先生序集者。惟余在耳。則推原作者之意。以塞賢孫之請。固後死之責也。其又敢辭。先生有才子名昆田。字西峻。先十年卒。有詩十卷。稼翁遵大父治命。附刻于後。昔黃氏伐檀集。朱氏韋齋集。兩翁之傳。皆因賢子。今西峻則附名父以傳。比于蘇家之有叔黨。覽斯編者。如讀文忠集。而兼得斜川詩。非快事歟。康熙五十有三年。歲在闕逢敦牂。且月辛未。下泮。海寧查慎行序。

原序

秀水朱文恪公。以名德著萬曆中。諸子姓彬彬繼起。號能文章。四十年來。浙西言文獻者。必首朱氏。文恪公之曾孫。曰彝尊。錫鬯。最晚出。文章之名播海內。一旦出諸父之右。予考唐史。若韋氏。杜氏。蘇氏。崔氏。盧氏之屬。皆累世爲公卿。當時史官。至爲著宰相世系。迄于宋代。則有若邯鄲李氏。魏郡王氏。壽春呂氏。河南韓氏。暨范文正。韓忠獻。父子兄弟。其功名。率與國運相終始。蓋唐宋以來。其重世臣如是。錫鬯少逢喪亂。棄制舉。自放于山巔水涯之間。獨肆力古學。研究六藝之旨。于漢唐諸儒注疏。皆務窮其指歸。家苦貧。依人遠遊。南踰五嶺。北出雲朔。東泛滄海。登之罘。所至叢祠荒冢。金石斷缺之文。莫不搜剔考證。與史傳參互同異。其爲文章益奇。嗚呼。以文恪公之德。錫鬯之才。不得比于唐宋之世臣。而老于布衣。僅以文章自見。蓋遇不同矣。是可感也。錫鬯之文。紆餘澄澹。蛻出風露。于辯證尤精。詩則捨筏登岸。務尋古人不傳之意。于文句之外。今之作者。未能或之先也。始順治戊戌。予在都下。見錫鬯嶺外詩。嗟異之。康熙甲辰。錫鬯過廣陵。投予歌詩。適予客金陵。不及相見。丁未。始遇于京師。中間聚散者不一。迨今丁巳。予復入京師。而錫鬯又將有金陵之行。回憶予始見錫鬯詩時。忽忽已二十年。兩人論交。且十有四年。而錫鬯與予。皆非少壯人矣。錫鬯過別予。以所著竹垞集屬序。予因述其所有感于中者。而并道予二人離合之情。以遺

之。錫鬯其亦有感于予言也。濟南王士禛。

古今之論博學者。不必工于文。工文者學不博。秀水朱錫鬯。幼負異才。爲太博文恪公曾孫。年十七。棄舉子業。學古文。博極羣書。既食貧。歷幕府。則之豫章之粵。之東甌之燕之齊之晉。凡山川碑志。祠廟墓闕之文。無弗觀覽。故所作文。考據古今人物得失。爲最工。而經傳注疏。亦多所發明。然世之博學者。往往其文不工。則何也。老子曰。常其無。有室之用。天下之理。以實爲體。以虛爲用。是故風觸于虛。而聲作。水激于虛。而瀾生。博學者。惟思自用其實。故窒抑煩懣。而無以運之。且夫鷓鴣之神也。水不從南溟。風不搏扶搖。九萬里。則不能自運。何者。水狹而風卑。則其虛也無幾。何地。而何以運爲。然且見聞多。則私智勝。又好以其偶合。穿鑿傳會古今之事。故其文愈根據而愈昧于道。吾觀錫鬯所論說。競競然必稽于古。古人所無。有弗道也。又必折衷聖賢之理。而載籍所未嘗明言者。每引伸觸類。互推而得其說。人之始視之也。若夏雲之起于空中。若城市樓觀臺閣車馬之見于海。恂乎不見其根本。既而求之。則皆有以得其確然之故。而援古喻今。使言者無罪。聞者足戒。是蓋所謂能以虛運其實者。非邪。三吳顧寧人。汪荅文。博學窮物理。予最愛其文。有根據。而錫鬯皆與爲友。虛己以下之。相與切劘其學。又能出新意自見。此其文之日工也。夫寧都魏禧。

竹垞先生。以名高入史館。刻其詩文數十萬言。旣爲藝苑職志矣。今年丙寅。復輯其己未以來詩若文。凡

若干卷。集成見示。且屬爲之序。慎行於先生中表兄弟。然名位文章。相去絕遠。何足以知先生。雖然。亦嘗從事於文。欲有所就。正於先生久矣。竊謂唐之文奇。宋之文雅。唐文之句短。宋文之句長。唐以詭卓頓挫爲工。宋以文從字順爲至。昌黎之文。進學解。自言之矣。答李翱書。則爲人言之矣。李漢。李翰諸人。又言之矣。總斬不蹈襲前人一語。廬陵推論六藝之華。則曰。自能以功業光昭於時。故不一於立言。而垂不腐。而今乃沿襲模擬。以空疎不學之材。強爲無本之枝蔓。不幾爲古人所笑乎。先生於書無所不窺。搜羅遺佚。爬梳考辨。深得古人之意。而後發而爲文。粹然一澤於大雅。固非今之稱文者所敢望矣。其稱詩最早。格亦稍稍變。然終以有唐爲宗。語不雅馴者勿道。正始之音。不與人以代興之業。此慎行所竊窺於先生。嘗欲廣諸同好。而因舉私見。以質之先生者也。故辱先生之命。輒書此以進之。海寧查慎行。

詞原序

往壬寅夏日。與錫鬯聚首湖上。時畫船歌扇。午風滌暑。各有詩篇和答。倏忽已十年矣。中間離合不常。錫鬯時理游履。歷窮邊。汾陰之橫吹已遙。青冢之琵琶欲咽。據鞍弔古。音調彌高。而僕且蹉跎不振。奔走困頓於四方。不減屈吟。而賈賦也。頃與錫鬯同客邪溝。出示近詞一帙。芊緜溫麗。爲周柳擅場。時復雜以悲壯。殆與秦缶燕筑相摩盪。其爲閨中之逸調邪。爲塞上之羽音邪。盛年綺筆。造而益深。固宜其無所不有也。僕髮已種種。力衰思鈍。望其旗纛精整。鬱若茶墨。爲之曳屣卻走。退三舍避之已。嘉善曹爾堪。

原夫樂府盛於齊梁。倚聲肇諸唐宋。雖遞爲汎濫。難曰同源。而揆厥風騷。總非異轍。是以門前楊柳。詎無託興之風。石上菖蒲。大有相思之句。新歌子夜。獨擅新聲。舊舞前溪。還誇舊調。迨夫月滿秦樓。侶新詞於供奉。家臨長信。歎麗製于溫岐。花間蘭畹。盡賞才華。綽板琵琶。別推風格。夢回雞塞。難消後主之愁。腸斷人間。惟有方回之句。柳屯田無慙風雅。李清照實冠閨房。凡諸作者。俱隸風人。吾友朱十。天上謫星。人間達士。弄桓伊之笛。姿制無雙。鼓安道之琴。風流第一。文情欣賞。詩律羣推。固已置之名山。雲霞蒸蔚。試令擲地。金石鏗鏘矣。然而江文通之著作。別緒居多。庾開府之生平。間關不少。昔年遠夢。曾隔羊城。此日思君。還來雁塞。李陵臺畔。詩詠浮雲。太武宮前。愁隨明月。望昭君之青草。能不傷心。登秦女之白樓。可無懷古。爰歷介推之地。更尋尹鐸之鄉。寶瑟晨彈。盡是倡家蕩婦。錦裘夜獵。都爲上國王孫。未免有情。能無所感。託深思于紅豆。憂亦中來。悲搖落于青衫。泣將何及。於是被之小令。不無惆悵之詞。寫就衍波。亦有綢繆之作。撫箏篴而意遠。彈捍撥而魂消。遂使賦稱鸚鵡。更傳寸錦名文。湖號鴛鴦。爭羨吹簫仙子。嗟乎。僕本恨人。愁逢錦瑟。君爲上客。雅擅金荃。別逾三年。時維九月。若邪同汎。曾聞越女之歌。碣石相逢。重覓燕王之館。悵飛花于大道。何處狂遊。記殘曲于常璫。難忘送酒。舞同鸚鵡。誰憐落拓之人。句是珊瑚。終屬清狂之客。用爲此序。聊代紅牙。敢附高文。永垂黃絹。吳江葉舒崇。

蕃錦集原序

自嚴儀卿論詩。別唐爲初盛中晚。高廷禮遂按籍分之。同一開元也。或爲初。或爲盛。同一乾元大曆也。或爲盛。或爲中。論世者因之。定聲律高下。予嘗惑之。近見同郡朱錫鬯集唐人詩爲詞。取而讀之。不能辨其爲詩中之句。又何初盛中晚。聲律高下之殊焉。乃知拘方之論。不足語於賞音者也。而予之惑庶幾可釋已。乃編爲二卷。爲鏤板以傳好事之君子。嘉善柯維楨。

曝書亭集目錄

第一卷 賦

謁孔林賦

太極圖賦

省方賦

水木明瑟園賦并序

第二卷 古今詩一

旃蒙作鹽

村舍二首并序

過丘生

柔兆闍茂

曉入郡城

過吳大村居

目錄

春蒐賦

夜明木賦同澤州陳侍郎作

湘湖賦

橋李賦并序

夏嘉蕩二首

悲歌

漫感

暝

平陵東

強園大淵獻

捉人行

馬草行

北邙山行

春晚過放鶴洲

雨後卽事二首

野外

舟經震澤

著雍困敦

董逃行

五遊篇

少年子

雀飛多

獨不見

曹三秀才山秀讀書馨菴同吳大憲訪之遇雨留信宿

晚

題項叟聖謨畫柳

屠維赤奮若

春江花月夜

芳樹

擬古

靜夜思

阿邨瓊二首

那呵灘

烏棲曲

劉生

當壚曲

小長干曲

上章攝提格

同沈十二詠燕

夏至日爲屠母壽

夏日閒居二首同范四路作

放言五首

八月十五夜望月懷陳大仇

贈諸葛丈

懷鄭明客淞江

寄家孝廉一是

重光單闕

春日閒居

懷朱山人屏

語溪道中

東飛伯勞歌

樹萱篇

休洗紅

采蓮曲

寄胡明府振芳

目錄

曝書亭集

雞鳴

讀曲歌

華山畿三首

游仙三首

臣里

玄默執徐

南湖夜聞歌者

舟次平望驛

楓橋夜泊

治平寺

中峰尋讀徹上人不遇

白紵詞二首

江亭

古興二首

哭萬兒

送王翺游粵

立秋後一夕同睦修季愈亮朱一是繆永謀集屠爨齋

送袁駿還吳門

題畫四首

集句題王女史畫蓮

昭陽大荒落

卽席送王廷璧朱士稚同之松江

遣悶

閑情八首

渡黃浦

龍潭曉發

嫁女詞

七夕詠牛女二首

南湖卽事

送林佳璣還莆田

送十一叔游中州二首

送通門和尚住持太白山

送屠熾入閩

逢姜給事塚

簡陳秀才光釋

長安賣卜行贈吳三統持集杜句

無題六首

哭王處士翺六首

第三卷 古今詩二

闕逢敦牂

同舍人五兄登觀山頂

送王訪遊嶺南

寄懷徐孝廉之瑞

贈別王山人元慧

示弟彝玠

彝公過

七月八日夜對月

得譚七表兄吉聰西陵書集杜

俞汝言移居八首集杜

懷黃十三級客閣

黟脰湖寄周四吉亥

八月十三日夜泛月太湖

十七日夜月

旅興呈舍人五兄二首

寂寞行

九日同張璵永謀集錢汝霖宅分賦

旃蒙協洽

謁廣陵侯廟井序

固陵懷古

蕭山道中

梅市

鑑湖

雨坐文昌閣

偕謝晉吳慶楨登倪尚書衣雲閣

謁大禹陵二十韻

南鎮

晚過寶林山寺

遶門山

舟中望柯山

蓬萊閣晚望

再過倪尚書宅題池上壁

若邪溪

叢山亭子

弔王義士誠著

岳忠武王墓

表忠觀

歸

橫山蛟潭

歸次西小江行舟被捉夜宿蔡村田舍二首

擬古折楊柳詞

對月簡周貧繆永謀

柔兆涪灘

山陰道歌送沈十二進

送舍弟彝鑒之山陰

午日吳門觀渡

將游嶺南留別故園諸子

錄別

金山登妙高臺

秣陵

采石

小孤山

大孤山

舟中望廬山

望湖亭對月

封谿聶侯廟

灘行口號六首

虔州懷古

南安客舍逢陸郡伯兄世楷以滕王閣詩見示漫賦

度大庾嶺

滇陽峽

目錄

七

香爐峽

太廟峽

羚羊峽

寄遠

強圍作韻

元日陰

首春端州述懷寄故鄉諸子

珠江午日觀渡

五羊觀

篷軒落成曹方伯濬招飲納涼卽席分韻

羊城客舍同萬泰嚴煒陳子升薛始亨醉賦

同陳五子升過光孝寺

越王臺懷古

東官書所見

東官客舍屈五過譚羅浮之勝時因道阻不得游悵然有懷作詩三首

贈張山人穆

贈張五家珍

贈高鑑

哀莫處士以寅

食龍目

送曹方伯還里

夜泊西南驛

三水道中

崧臺晚眺

七星巖水月宮

入景福洞登璇璣臺

由香關至玉虛觀遂轉登絕頂

下扶嘯臺陟閱風崖自蓬壺徑汎舟入鐘鼓洞

阻風珠江口漫成十韻

送嚴煒之惠陽

鬱洲寒望

第四卷 古今詩三

著雍闕茂

將歸留別粵中知己

峽山飛來寺

凌江道中

楊歷巖觀瀑布水

雒州歌四首

席上留別陸兄世楷

庾嶺三首

謁張曲江祠

晚過東山寺

題南昌鐵柱觀

登滕王閣

阻風吳城

舟次彭澤悼萬孝廉

秋浦

烏江謁西楚霸王廟

還家卽事四首

雨中陳三島過偕飲酒樓兼示徐晟

吳江顧處士樵扁舟過訪留所畫山水圖并新詩見贈集杜句酬之

屠維大淵獻

喜羅浮屈五過訪

贈顏鼎受

送王掾入蜀省其尊人觀察庭

渡錢塘

贈蔡五十一仲光

梅市飲祁四居士駿佳宅同徐十五祁六分韻

題祁六班孫東書草堂

祁六坐上逢沈五

祁理孫席上口占

祁六紫芝軒席上留別

顯皇帝大閱圖爲吳金吾國輔賦并序

飲吳生理楨宅

食鮠魚

越江詞

曹娥廟觀渡二首

土城山和錢六

雜詩三首

寄屈五金陵

八月十五夜集半選錢爾復齋有懷錢四汝霖聯句

過筏公西谿精舍懷羅浮屈五留白下聯句

懷嚴煒客嶺南

同曹侍郎遙和王司理士禎秋柳之作

初秋泊錢清江

飲張司理陞南華館題壁

梅市對雨遲朱士稚不至同呂師濂祁理孫班孫分韻得泥字

留別董三隱

上章困敦

同杜潛俞汝言屈大均三處士放鶴洲探梅分韻

送汪進士挺游嶺南

和曹使君憶姚州酒歌二首

聞東莞查明府舅培繼擢戶部書寄

寄顧處士有孝

別杜潛

同魏周二處士集鍾淵映宅遲俞汝言不至

寇至二首

壽姚太學潛集杜

寄表弟查容

屈五來自白下期作山陰之遊

送屠熾重入閩

梅市逢魏璧

柯山

送錢六霍朱大士曾同游白下

同王二猷定登種山懷古招屈五大均

雪中得內人信

目錄

一一

古意二首

寓山訪屈五

同宋使君琬游雲門山

山陰送葉六爨還當湖

山陰客舍送高舍人送膠州

萬歲通天帖歌贈王舍人作霖

送蔣翰林超歸金壇

第五卷 古今詩四

重光亦奮若

元日對雪簡宋孝廉實穎

上元南鎮逢蕭鍊師

伎席贈王二

山陰雨霽同楊大春華游郊外飲朱廿二士稚墓下

侯山讌集

蘭亭行贈朱大士曾

梅市訪祁七明府熊佳留贈公子誠孫因憶亡友朱廿二士稚

山陰苦雨酬謝處士孔澗
與朱二十九驛元約過楊大春華三江村居

贈祁七數

贈沈華

彭山卽事

重經彭山

南鎮春游詞

酬毛十九奇齡兼寄張五杉

偕曹侍郎溶施學使閩章徐秀才誠姜處士廷梧張處士杉祁公子理孫班孫段橋玩月分韻得

三字

同王處士猷定施學使閩章陸處士圻汎舟西湖遇雨

觀海行贈施學使閩章

曹侍郎席上送別顧工部大申還華亭鄒進士祇謨還晉陵

西湖竹枝詞六首

于忠肅公祠

徐吏部旭齡招飲西湖迴舟卽事

施學使閩章招集湖舫

由淨慈寺登南屏山絕頂晚憩壑菴精舍

吳山望浙江

湖上贈蘭陵陳生

寒夜集燈公房聽韓七山人曷彈琴兼送屈五還羅浮

夜過曹侍郎溶倦圃二首

玄默攝提格

真如寺塔重建

采蓴

湖上逢楊二給事雍建

同楊二給事飲徐給事惺舟中二首集唐

夏日西湖同曹學士爾堪余山人懷汎舟待曹侍郎浴不至有感舊游愴然於懷作詩二首

送曾司理王孫之官漢中

西陵感舊

九日

橈山橋觀漲

題峴山窪樽亭

吳興客夜

由碧浪湖汎舟至仁王寺飯旬公房

白雀寺

對酒酬周貧兄弟

送曹侍郎備兵大同二首

將之永嘉曹侍郎餞予江上吳客韋二丈爲彈長亭之曲并吹笛送行歌以贈韋卽送其出塞

舟行酬王明府世顯

七里瀨經嚴子陵釣臺作

蘭溪道中懷遠

雙溪

金華道上夢游天台歌

黃龍寺

蔣廣文薰留飲縉雲學舍爲談仙都之勝

縉雲雜詩十首

吏隱山

窪樽石

忘歸臺

羅鷗灘

天際樓

西巖

惡谿

仙巖寺

積翠亭

桂山

絲丹楓驛曉行大雪度青雲嶺桃花隘諸山暮投麗水舟中三首

石門懷古寄諸大九鼎

謁劉文成公祠

永嘉對月懷家孝廉一是一四首

永嘉除日述懷

大牆上蒿行

襄陽曲

第六卷 古今詩五

昭陽單闕

永嘉元日

元夕寄故鄉諸子

山雪

夢中送祁六出關

憶河豚二首

賦得歸鴈寄曹使君雲中

舍弟彝鑒遠訪東甌喜而作詩

永嘉雜詩二十首

松臺山

斜川

青牛塢

春草池

太玉洞

東山

南亭

西射堂

北亭

孤嶼

謝客巖

花柳堂

吹臺

吳橋港

白水滌

斤竹澗

瞿谿

華嚴山

上戍渡

綠嶂山

雨

七夕

東甌王廟

華陽精舍贈源上人

郡東山對月有懷周四吉亥陳大忱吳二周璣

秋日對酒江心寺同高石埭駿升作二首

雨

夜渡永嘉江入黃巖

送吳二先輩還漢陽

九月十四日夜月

返照

雨渡永嘉江夜入柵溪

孤嶼亭對月

題廊下村主人壁

華壇望鴈宕山歌贈方十三朱生朱十八振嘉

病橘

西陵後感舊

文丞相祠

歸次皋亭山作

闕逢執徐

別李繩遠

送孫處士默還黃山

淮陰城下作

七夕雨

黃河夜月

謁先賢仲子祠

分水廟酬高大佑絕

守牖清源驛凡五日不得度

臨清州大寧寺

曉發東光縣

青縣同高大佑絕雨泊

董子祠

八月十五夜集天津曹武備臧官舍分韻得牀字

高博士恆懋席上留贈公子楫審二首

出君庸關

目錄

土木堡

宣府鎮

上谷道中

苦寒行

傷歌行

十月十四日夜同曹使君雲州對月

十五日夜月

十六日夜席上贈陳孝廉容永

十七夜月

雲中至日

雲中客舍曹武備自津門以筐蟹銀魚見寄賦謝二首

贈周參政

絕塞

旃蒙大荒落

長歌行

短歌行

鴈門關

觀獵

晚次崞縣

滹沱河

將次山陰墮馬傷足張明府龐大枉顧逆旅餉酒賦謝二首

留贈王沙縣秦垞四首

將之晉陽留別包十二銘

七馬坊

再度鴈門關

夢寐

捕虎詞

晉祠唐太宗碑亭題壁集杜

宋烈女行

明妃曲

柔兆敦牂

臺駘廟

送趙三湛還永年

太原客舍同方三孝廉青盛話舊二首

龔百朋自梗陽以詩見寄漫答二首

七夕立秋王方伯顯祚席上和毛會建

客夜

聞黃鶴樓成賦寄楚中一二知己

寄酬譚七舍人兄吉璉陸二舍人弟柔

題錢宗伯謙益文集後集杜

題倦圃圖二十首

叢筠徑

積翠池

浮嵐

范湖草堂

靜春菴

圓谷

芳樹亭

谿山真意軒

容與橋

漱硯泉

潛山

錦淙洞

采山樓

狷谿

金陀別館

聽雨齋

橘田

留真館

澄懷閣

春水宅

第七卷 今古詩六

強圍協洽

太原途中聯句四首

猛虎行

陳參議上年署中題畫五首

戲效香奩體二十六韻

壽陳叟繼新

瓊華島

朱碧山銀槎歌孫少宰席上賦

食半翅二首

食鐵脚二首

著雍涪灘

人日同閣孝廉爾梅紀處士映鍾陸處士嘉淑周處士容集龔尙書鼎孳齋中得人字

落日

題高六柘塘移居圖二首

中秋待月和劉興詩

華不注

自沂水至大峴山作

濰水弔韓淮陰

寄錢二枋

濟南除夕

屠維作噩

鄒縣謁孟子廟二首

曲阜晚眺同劉中丞

地軸

飲歷下亭汎舟蓮子湖作二首

長城堡皇姑寺

度駱馬湖

淮南感事

秋日登胥山聯句

風懷二百韻

上章闈茂

寄懷李因篤

送謝榛入燕

同紀處士映鍾杜太史鎮譚舍人兄吉璫集孫侍郎承澤研山齋四首

目錄

二

九日集刺梅園松下送譚七舍人之官延安聯句四十韻

題譚漢畫山水送譚七舍人兄三首

壽徐侍讀元文聯句

酬潘耒

壽申檢討涵吟

慈仁寺夜歸同李十九良年對雪兼有結鄰之約

孫少宰塾室觀吳季子劍聯句四十韻

雪牕

雪中過程五倉部同李十九蔡大賦二首

壽何侍御元英

第八卷 古今詩七

重光大淵獻

立春日同李十九飲孫少宰塾室有懷曹侍郎在里

西山書所見

臥佛寺

題退谷

來青軒

鮑家寺白松歌

玉泉山下別瞻公

贈歌者陳憐二首

贈冒嘉穗二首

何侍御元英招同高上舍層雲士奇繆處士永謀趙舍人隨鄭舍人宣飲刺梅園松下四首

周郡丞令樹遷太原守詩以送之兼懷傅處士山

將出都門曹舍人貞吉黃舍人仍緒沈舍人胤范喬舍人萊曹舍人禾汪舍人懋麟招同高上舍

層雲李秀才良年賦詩贈行口占留別

和程遠龍尾祝歌爲方侍御亨咸作卽送其入粵

賦得官柳送人自濟入燕

紅橋

題何氏書樓

旱

送越孝廉闈入楚兼作廬山之游

逢周侍郎堯工二首

酬彭師度三首

送柯大崇樸還里兼寄周貧

送葉上舍舒崇之睢陽

譚孝廉十一兄瑄歸自楚粵訪予維陽喜成三首兼懷郡丞七兄吉璉在榆林

雪霽同周儀部襄緒對酒康山二首

玄默困敦

題竹垞壁

雨度仙霞嶺三首

題福州林秀才竹亭

泰安道中曉霧

目錄

重陽前一日沈暎日鮑夔生載酒柯氏園亭同諸子分賦兼感舊游成二十韻

柯將軍園亭卽席分韻送柯三維楨還嘉善 送計孝廉東還吳江

送陳鉞之青浦 送汪戶部琬還長洲

送陳叟南歸

昭陽赤奮若

人日謁景皇陵

同劉侍郎芳躅入大房山時劉編修芳蒔養疴山中八首

過何侍御丹臺書屋二首

送喬舍人萊還寶應

和韻送徐編修乾學還崑山

藍秀才見示劉松年風雪連糧圖

席上贈陸生三首

夢硯歌爲汪舍人懋麟作

龔尙書輓詩八首

送龔孝廉宜生掌教涿州

九言題田員外雯秋汎圖

寄懸公

第九卷 古今詩八

闕逢攝提格

春雪二首

送龔大之淮陽

汪舍人懋麟以丁娘子布見贈賦寄

寄高層雲

王尚書崇簡招同錢澄之毛會建陸元輔陳祚明嚴繩孫計東讌集豐臺藥圃四首

送鄭培南還

鴛鴦湖權歌一百首并序

旃蒙單闕

題畫竹二首

懷上方山二首

送顧乃西還楓涇

嚴侍郎招同吳明府山濤龔觀察佳育陳處士晉明高上舍層雲集吳氏園亭時公子曾繫在坐

贈吳明府山濤

潞河遙送湯駟南還四首

懷鄉口號八首

第十卷 古今詩九

柔兆執徐

讀葉司城封嵩游草賦贈

春暮何少卿招同故鄉諸子集古藤花下送譚十一孝廉兄之舒州

目錄

二五

題元張子正林亭秋曉圖同高層雲賦

贈鄭篋

送顧瀛之沂州

壽何少卿元英

壽劉編修芳蒔二首

強圍大荒落

河豚歎

送董孝廉愷游五臺

咒觥歌

周郎中自閩回賦贈二首

同里李符遊于溟遇碧雞山道士謂曰子前身廬山行腳僧也後十年當仍歸廬山符乃畫廬山

行脚圖俾予題詩二首

春浮閣

題董尙書墨蹟

彭城中詠古二首

清流關

題顧夫人畫蘭

著雍敦牂

興化李先生清壽詩

鄭州題壁

得龔百朋嶺南書却寄

爲徐徵士題畫

王尙書招同陸元輔鄧漢儀毛奇齡陳維崧周之道李良年諸徵士讌集怡園周覽亭閣之勝率

賦六首

題周恭肅公畫牛二首

沈烈女詩

題腰鼓圖

丘漢陽壽詩二首

屠維協洽

元日同孫枝蔚毛奇齡陳維崧吳雯汪楫諸徵士喬萊舍人湯右曾上舍集曹舍人禾書齋遲李

良年潘耒不至卽席限韻二首

古意投高舍人士奇

酬閻若璩

御試省耕詩二十韻

送張大理雲翼省親皋蘭結婚作

爲姜宸英題畫

送施鑾范令什邡

寄酬張五處士兄彥之

和田郎中雯移居圖

題李檢討澄中所藏明月蘆鴈圖二首

淨業寺看荷花同嚴四檢討繩孫作

李檢討澄中惠鮮鮓魚賦謝

送耿副使之官隴右

佛手柑二首

上章涪灘

平蜀詩十三章并序

題李檢討枏梅花圖和韻

目錄

刺梅園餞別陸進游汝陽

題楊上舍自牧潛籟軒

七月晦日賜瀉恭紀二首

送慕主事權關杭州

題吳徵君雲詩卷二首

送趙主事吉士權關揚州

贈別梅庚三首

奉酬相國馮夫子問病之作

送十一叔還里卽作豫章之遊二首

第十一卷 古今詩十

重光作噩

送陸參議光旭督儲江北兼訊龔方伯佳育金司臬鎮田學使雲

題李檢討澄中濯足圖

夏日瀛臺侍直紀事六首

五月丙子侍宴保和殿恭紀二十四韻

題王舍人嗣槐西山游記三首

臨淮口號

秋杪同周貧王輩李符龔翔麟邵瓊舍弟彝珍從子建子游攝山是夕包銘曹彥樞適至際曉周

覽山曲信宿乃還羣圖爲行看子各紀以詩予得四首

晚登燕子磯同周布衣貧柯舍人崇樸各賦三韻

魯太守超席上賦

贈徐丈

玄默閣茂

送徐中允秉義假還崑山六首

送張劭之平遙

送孫編修卓使安南

李檢討澄中紺園雜詠六首

荷陂

柳浪

綠水軒

會心亭

鏡香樓

松風臺

上已萬柳堂讌集同諸君和相國馮夫子韻二首

送陳四處士晉明再入楚二首

沈詹尹荃崔少詹蔚林招同湯侍讀斌施侍講閔章潘檢討耒飲限燈字

送查上舍昇之湖口

除日保和殿侍宴

昭陽大淵獻

元日賜宴太和門

十三日乾清宮賜宴

是夜賜內紵表二裏一

十五日保和殿侍食

目錄

是日再入保和殿侍宴

二十日召入南書房供奉

恩賜禁中騎馬

三十日上自南苑回賜所射兔

二月初二日賜居禁垣

駕幸五臺山恭紀三首

駕自五臺回賜金蓮花

銀盤菇

賜紵紀事

賜御衣帽恭紀

醍醐飯

賜鮓魚

憎蠅

憎鼠

送杜少宰臻視海閩粵二首

早秋西華潭

夜起

送宋僉事舉之官通路四首

次韻贈沈上舍

題高侍讀江村圖二首

題畫羅漢

題雪中垂釣圖

爲王祭酒士禎題畫册二首

法酒

官羊

鹿尾

梭魚

除日侍宴乾清宮夜歸賦

第十二卷 古今詩十一

闕逢困敦

元日南書房宴歸上復以肴果二席賜及家人恭紀

自禁垣徙居宣武門外

送張先生巡撫山東二首

同黃虞稷周在浚彭桂飲劉學正中柱齋

副相徐公庭中種蕉結實禹鴻臚爲作圖因題絕句三首

題汪贊善羅讀書秋樹根圖

同陸處士查上舍兄弟寓齋小集分韻得逢字

送益都馮先生集萬柳堂次韻二首

送張遠之桂林二首

題王叔楚墨竹爲家上舍載震賦

送馮遵祖宰平陸

送少詹王先生士禛代祀南海兼懷梁孝廉佩蘭屈處士大均陳處士恭尹

送周參軍在浚之官太原

送田少參雲之楚分韻得江字

送曹郡丞貞吉之官徽州

贈別孟楷二首

詠柿

題東浦學耕圖二首

題汪檢討楫乘風破浪圖

題侯開國鳳阿山房圖三首

沈上舍季友南還詩以送之

和韻題惠周惕紅豆書莊圖五首

嘉禾篇頌張先生

簡宋觀察傘

題陳履端詞稿

題洪生對酒圖

再題高學士江村圖二首

爲畢大生題扇

雨過劉學正兼隱齋觀石鼓文拓本聯句

旃蒙赤奮若

秋涇行示吳秀才周瑾

送王贊善拔視浙江學政二十韻

社日二首

柳巷杏花歌同嚴中允繩孫

錢編修中諧作

寄胡少參介祉

送陳舍人大章歸黃岡

贈耿都尉二首

納臘侍衛性德輓詩六首

送姚先生巡撫全蜀二首

高處士兆方處士中德陳上舍治將歸過集古藤書屋同陸處士嘉淑魏上舍坤分韻賦長歌送

別得要字

重陽後一日雨中集長椿寺聯句

送梁孝廉佩闕還南海

古藤書屋再餞梁孝廉聯句

寄周參軍在浚

曹先生澄輓詩六十四韻

徐公元文小像二首

第十三卷 古今詩十二

柔兆攝提格

聽馬行送任御史朔視鹺長蘆

贈魏世微

送劉郎中守思南

送張囁宰淄川

題王給事又旦過嶺詩集

竹爐聯句并序

送毛檢討奇齡還越

題項秀才奎水墨小山叢桂

送陳上舍曾毅還杭州三首

喜周質至

送曾燦之南海

送顧進士永年南歸

送周二之海陽

紫藤花下聯句

遲湯上舍右曾不至

題賈院判鉅畫荷二首

送吳護入太原三首

題喬侍讀侍直圖

程侍郎江山臥遊圖

顧編修藻以橄欖見遺賦謝二首

飲遂安毛檢討寓齋

題蔡修撰早朝圖

周上舍篁夜過

鱸魚同魏坤作四首

強園單闕

寶晉齋研山聯句

懷汪進士澂

喬侍讀萊一峰草堂看花歌同陸嘉淑周質姜宸英錢金甫孫致彌查慎行湯右曾陳曾毅賦

棗花聯句

王暉畫三首

檀聯句

萬柳堂同沈秀才蕙繼對酒作

畢上舍大生止酒經年冬夜夜枉過勸之復飲賦三十韻

畢子飲二十杯而腹痛復欲止酒再以詩示之送葉參議映榴督儲楚中

表弟查二嗣琛至都過古藤書屋留宿作詩二首依韻奉酬

冬日陪徐副相元文姜著作宸英游大房山出郊雨雪馬上作

止孤山普濟寺

入上方山

一斗泉

兜率院

望摘星陀

中院

東峪寺

西峪寺

甘池

六聘山中弔晉處士霍原

瓦井

欲尋孔水洞不果

詠古二首

寒夜集古藤書屋分賦得火箸

題喬侍讀小像

食采玉山藥聯句

宋僉事華園亭雜詠六首

淥波村

芟梁

釣家

和松菴

放鴨亭

緯蕭草堂

第十四卷 古今詩十三

著雍執徐

次查上舍韻送楊侍郎雍建還里四首

任孝廉坪以家釀苦酒見貽賦詩志謝效孟東野體卽送其還高密三首

送吏部侍郎張先生假還京口六首

偶成

杭州水利不治者累百年矣巡撫趙公考城河故道悉濬治之鄉人來述喜而作詩凡二十四韻

送柯孝廉維楨之蕪湖

紫藤花下醉歌同查上舍弟嗣燾賦

爲錢給事晉錫題王給事原祁富春大嶺圖二首

吳徵士還蒲東魏上舍還嘉善集古藤書屋話別聯句

送楊侍御燦還東湖

秋日萬柳堂同譚十一給事瑄沈秀才蕙纘龔主事翔麟同賦三首

馮檢討招諸同年集六枳園對菊卽席分賦得顏字

贈許容

題畫送徐檢討鈺還吳江二首

屠維大荒落

二月自古藤書屋移寓槐市斜街賦詩四首

上巳集南城祝氏園聯句

奉題徐副相祝園修禊卷三首

社日登黑窯廠聯句

題畫二首

朴公書來招游盤山邵寄

題龔主事翔麟西湖雨汎圖二首

徐尙書載酒虎坊南園聯句

題倪高士畫

苦熱聯句

曹贊善鑑倫移居二首

聯句十首

椶屨

藤枕

竹簾

風燈

響竹

冷布

油紙扇

瓦甌壺

涼篷

竹簾

送蘇郡伯守杭州

送張世濟之官楚中

宋中丞舉鎮撫江西詩以寄之

再簡朴公

送胡參議分守河東四首

和韻送金檢討德嘉還黃州

同諸君聖安寺餞曹檢討宜溥

晚過崇效寺同李檢討澄中李中允壇龐舍人壇曹檢討宜溥賦

白馬寺

輓錢進士廷銓

寓居天寧僧舍同魏坤作四首

爲魏上舍坤題水村圖二首

九月八日天寧寺觀塔燈聯句

九日雨阻天寧寺聯句

同錢光鏗王原嚴虞惇魏坤查慎行吳卜雄過白雲觀分韻二首

送高佑鉞之安邑和魏坤韻

夜宿天寧寺大風和徐四處士善韻

曉起風未止復賦

送樊明府咸修之嘉興

蘆塘放鴨圖爲查大弟慎行題二首

冬夜同諸子集杜尙書齋中分韻得波字

給事弟雲宅席上觀倒刺四首

第十五卷 古今詩十四

上章敦牂

同郭三徵滿井訪崙公卽事二首

送史甯姜君宸英赴包山書局二首

送徐處士善南還

送禹鴻臚之洞庭

送劉進士凡知孟縣

送人宰順德

贈張叟弘

裂帛湖

查上舍慎行弟將南還過寓舍話別同魏二坤小飲賦六言

積雨寄賀秀才

倪博士我端讀書城西雨中寄之二首

牽牛花十二韻

同李中允澄中錢中允金甫李諱德鑑重過萬柳堂有懷相國馮公二首

題汧祭酒羈詩卷三首

秋日集馮檢討齋分韻得南字

題周編修金然雲松雪瀑圖

皇仁綏遠詩八首并序

爲魏上舍題水村第二圖二首

燕京郊西雜詠同諸君分賦

十八盤

高粱河

釣臺

君子城

芙蓉殿

黃牛岡

香水院

夾山寺

鑿山

重光協洽

送吳御史震方還里二首

雨中酬王先生士禎早春見過韻

團谿歌寄題黃贊善與堅書屋

九日萬柳堂同譚十一表兄瑄作三首

秋水十韻

送蔡中允假還省親

寄題張學士英前輩賜金園二首

毛封公壽詩集唐人句十韻

目錄

三九

寄題新城王上舍啓泐園居十二首

綠蘿書屋

嘯臺

春草池

石丈

大椿軒

小華子岡

石帆亭

三峰

雙松書塢

樵唱軒

小善卷

半偈閣

題沈上舍洞庭移居圖六首

第十六卷 古今詩十三

玄默涪灘

出都王山人畫山水送別

白草屯

入汴過胡司臬介祉

瓜步留贈張同知

寄陸侍御隴其

洞霄宮題壁

江行三首

冬日同鹿明府祐錢廣文瑞徵游爛柯山二十韻

鹿鳴山晚眺二首

玉山

廣信

鉛山

弋陽

貴溪

安仁

瑞洪

自贛州至南安灘行口號二首

昭陽作鹽

夜泊珠江

同屈五大均過五羊觀

光孝寺觀貫休畫羅漢同陳恭尹賦

嶺海將歸梁吉士佩闕載酒邀同屈大均陳恭尹吳韋王準陳元基梁無技李燂燕集五層樓席

上分賦得會字

嶺外歸舟雜詩十六首

梁吉士以羅浮蝴蝶繭二枚贈行曲江道中一蝶先出篷底聯句成三十韻

沈霖據石圖

秦吉了聯句

關逢閣茂

曉行圖

白陽山人陳括折枝花

崑山謁宋劉處士過墓

積雨八首

池上編籬偶成二首

題畫

爲高上舍題其尊人太常曆雲山水軸

李秀才琪枝墨竹

送鄭公培入粵

招陳秀才枕山游之作

旃蒙大淵獻

二月二十日

論畫和宋中丞十二首

答徐舍人永寧上舍永宣五十韻

喬孝廉崇烈居父喪每泣則庭烏盡下禹鴻臚爲畫餉烏圖率題三首

兩舟聯句

第十七卷 古今詩十六

柔兆困敦

耳疾示王周二上舍

初夏重經龍洲道人墓三十二韻

曝書亭偶然作九首

斑魚三十韻

題汪上舍讀書圖

山陰客舍題高布衣蓴鄉釣師圖二首

顧明府培元載酒邀觀三江閣

壽孟叟

贈牧上人

強圉赤奮若

萬年藤杖歌贈尤檢討侗

寄蘭溪葛廣文

趙贊善以新詩題扇見懷賦答

雨過馮檢討葑水園四首

仙游茅筆歌酬徐檢討鈺

齋舫卽事二首

九月八日滄浪亭懷古二十四韻

九日宋中丞招集滄浪亭觀韓滉五牛圖復成二十四韻

得張舍人雷皖口書卻寄

寄賈黃州鉉

題禹鴻臚號國夫人下馬圖

又題

乍浦

題吳上舍菜根香圖

贈繆篆顧生

題崔翬畫鳩

漕船

御風圖爲魏坤題扇

題蔡徵君方炳著書圖

題李秀才琪枝畫梅

贈王叟嘯二首

張處士釣風圖

青浦道中

五雜組九首

第十八卷 古今詩十七

著雍攝提格

僧查孝廉入閩初發江干

自漁浦挂席至富陽聯句二首

桐廬雨泊

七里瀨

瀧中吟

晚次汝步乘月抵蘭溪城下

雨發東峰亭和查孝廉

水碓聯句四十韻

箕步

常山山行

入舟

沙谿舖紀所見

自焦石塘抵鉛山湖口兩岸石山瘳劣上無寸土尺木查孝廉作詩嘲之賦以解嘲

鉛山城中有古樟三每歲四月白鷺來巢其間伏雛乃去亦一異也

發鉛山

紫溪道中二首

度紫溪嶺

觀造竹紙聯句五十韻

分水關

武夷沖祐宮

幔亭

虹橋板歌

御茶園歌

天游觀萬峰亭

建陽

雨中過黯淡灘

竹崎關

噉福州荔

甘泉漢瓦歌爲候官林侗賦

又聯句

目錄

車盤驛題逆旅主人壁

烏石村

崇安孔明府招飲縣齋池上賦贈二首

宿虞道士山房

坐竹籬入九曲聯句

仙蛻巖

仙掌峰瀑布

樟灘

延平晚宿

水口

食荔支寄查上舍弟嗣璣時在秦中

林叟攜二子載酒過

長慶寺噉荔支二首

汪學使薇餉楓亭荔

林封君招飲榕菴

飲張舍人巖齋

閩中海物雜詠七首

西施舌

鱓

花蛤

珠蚶

飲陳孝廉學洙烏石山房

壽山石歌

以蜜漬生荔支戲成一律

第十九卷 古今詩十八

屠維單闕

羅浮蝴蝶歌

題瞻園舊雨圖二首

龔運使招飲園亭

江瑤柱

香螺

鱓魚

黃螺

題讓竹亭修禊圖卷

題汪方伯小像三首

高斯億爲余畫竹以三絕句報之

又近體四首

長水曉行

荷花

七月八日張孝廉大受招高上舍不齋載酒過百花洲索予父子吟稿率賦

李高士廷昱墓下作

十月二十一日喪子老友梅君文鼎歸自閩中扁舟過慰攜別後所著書見示部帙甚富予亦以

經義考相質并出亡兒撫韻遺稿觀之成詩百韻次日送之還宣城兼寄孝廉庚

怪鷗行

除日二首

上章執徐

送窮日作

君平造鏡歌爲家上舍思贊賦

春日南垞雜詩七首

巡撫宋公以新雕蘇詩施注見貽賦謝

飲顧孝廉嗣立秀野堂同周吉士彝賦

偕陳同知昂畢上舍大生李孝廉大中從孫丕鸞登澱山寺謁秦女祠分得合字成三十韻

徐檢討鈇紙扇讀修上人詩愛其清逸上人時訪予放鶴洲予留吳不值卻寄以詩

澱湖陳氏書齋觀吳仲圭爲陶九成畫竹居圖冊

題納涼圖

目錄

四七

陳君緘寄普光王寺二碑索予游記復成三十韻兼寄錢上舍柏齡高處士不審

近來二首

陸秀才競烈南田書屋圖

送李司訓琇之括州

東湖曲八首

題趙方伯勸農圖

南浦歸舟圖爲李上舍宗渭作

西湖

臨平道中是日立春

虎山橋夜泊

第二十卷 古今詩十九

重光大荒落

二月朔查山探梅集六浮閣分韻得覃字

初二夜月聯句

雲溪草堂圖爲徐進士永宣題二首

上巳後三日顧孝廉之珥招同諸公泛舟西湖卽事分韻得交字

吳越武蕭王祠觀表忠觀碑得潛字

八日汪上舍日祺招同諸公夜汎五首

十日周上舍崧招飲晨過昭慶僧舍雨霽偕諸君登舟循孤山沿蘇公堤至定香橋尋杖策歷大

小南屏觀磨崖家人卦舟回席上賦六十韻 顧十一孝廉嗣立載酒寓樓遂同夜泛三首

偕諸君過靈隱寺雨宿松竊山房限韻二首

松竊山房六詠

四松徑

山茶院

清籟居

西澗

栗園

竹筧

吳氏山莊牡丹歌

三潭采蓴聯句

雨宿大仁院

石屋

南山雜詠十七首

水樂洞

虎跑泉

煙霞寺

風篁嶺

過溪亭

楊梅塢

龍井

片雲石

薩埵石

納翠山房

九溪

十八澗

玉鈎橋

翁家山

桂隴

理安寺

冬花厂

馮孝廉念祖招飲北園分韻卽送其同周崧入吳

酬洪

題春郊浴馬圖

題初白菴主小像

題丁明府秋江垂釣圖

寄樂平石明府爲崧

題李上舍騎牛圖

玄默敦牂

小宛堂

題洪上舍傳奇

水帶子歌爲喬孝廉崇烈賦

送張士琦令永新

爲宋巡撫萃題李營丘古柏圖

何孝廉噉荔圖

觀劇四首

題家廣文端鄧尉尋梅圖

慧慶僧房雪中聯句三首

柏

玉蘭

山茶

聯句題王處士畫折枝紅豆圖并序

雜詩二十首

第二十一卷 古今詩二十

昭陽協洽

盛秀才書齋觀文嘉水墨杏花新燕

春暮看花木瀆夜過上沙連雨不止信宿還慧慶僧寺左足病覺自慰二十韻

苦熱和梅都官韻

夏日病足留慧慶寺張顧二孝廉孫范二上舍徐陳范汪顧五文學載酒至席上譚藝率賦二首

初秋宋五進士聚業載酒過張三孝廉大受潮生閣送魏二孝廉坤之西江卽席分賦得九言

橋下小軒對菊效陶

題喬孝廉崇烈書離騷

題梅生庚詩稿

闕逢涪灘

齋中讀書十二首

雨中從銷夏灣泛舟泊石公山麓

林屋洞二首

太湖眾船竹枝詞十首

題楊賓浮瓠圖

題文處士點山水

同徐吉士昂發陸上舍積沈秀才翼過普賢僧房

謁韓蘄王墓

明瑟園雜詠三首

目錄

五一

八月十五夜陸上舍積招同張孝廉大受徐吉士昂發顧孝廉嗣立徐上舍惇復沈秀才翼玩月

石湖席上作

逢廬州守張純修四首

同曹叟話舊三首

旃蒙作噩

詠白杜鵑花應東宮教

方乾木蓮花闌歌爲鐵夫上人作

題黃山鐵公小像

戲題汪上舍日祺拓盜小像二首

焦山別銘圖爲王副使煥作

題宋中丞迎鑾集二首

七夕詞六首

曹通政寅自真州寄雪花餅

題朱顯祖梅花手卷

贈卓處士爾堪

初冬北郭讌集分賦

飲方觀園亭卽送其入都

玉帶生歌并序

柔兆闌茂

春日讀春秋左氏傳心非胡氏夏時冠周正之說偶憶草廬吳氏讀尙書絕句因用其韻

題徐檢討毓豐草亭六首

東禪寺林酒仙祠

憶高徵士不齋三首

山塘紀事二首

題裝潢顧生勤卷二首

寄訊龔御史翔麟

汪侍郎罷攜仲子日祺夜過二首

第二十二卷 古今詩二十一

強園大淵獻

宿陸上舍種聽雨樓

由上沙登靈巖山寺有感書壁

讌集張上舍士俊水周林同諸君分韻得人字

石湖

過龔御史翔麟田居留飲卽席賦

初夏湖上同修學士法海賈編修國維查編修慎行嗣琛汎舟學士紀之以詩遂和其韻

瑪瑙寺陳閣老行館

武林逢鄭高州梁

謁泰伯廟四十韻

夏日雜興二首

得三十五弟彝爵杭州書

送高佑鉅之江寧二首

天平山謁范文正公祠

胥口

高麗菱歌賦謝納蘭院長揆敘

飲查編修慎行寓樓二首

杉青牖別修學士法海

曝書亭得孫學士致彌都下札

苦旱茗飲乏水戴秀才饌以所蓄天泉見惠率爾賦詩

寄鄭秀才元慶

更舞蛟石爲蛇蟠石紀之以詩

吳甥振武用指頭作畫花竹翎毛草蟲山水畢肖異而賦長歌

南垞晚步同王生滋

過李上舍村居

五毒篇效曹通政寅用其首句

送筵占楊叟還廬江

雨集平山送查編修嗣璫蔡舍人篋方上舍世舉唐明府紹祖入都二十韻

紀夢作

送程秀才元愈還宣城

歲暮送張生星還吳

著雍困敦

五言賦鴨餽鮓

送李上舍之濟南謁新城王尙書

九日籬菊未放桂有餘花里中諸子過出金華酒小飲分韻得小字

潘檢討未以方竹杖見贈賦謝

德藏寺詠古跡五首

雙塔

梓徑

浦花堂

松風臺

山月池

天游觀歌寄贈崇安王明府梓

查二編修弟嗣琛煎錫爲洗頭盆注水扶寸江行恆自隨乃以脫贈賦五言詩紀事

題盛叟生壙

題張平山水墨明妃出塞圖

第二十三卷 古今詩二十二

屠維亦奮若

寄查山張上舍二首

送施生重游武夷三首

雨

卽事二首并序

野老

柬友人

三月十日詔下青宮再建喜而賦詩

四月八日效長慶體

題曹通政寅思仲軒詩卷

爲殷秀才譽慶題梅孝廉庚春雨幽居圖

題程上舍鳴寒梅霽雪圖

眞州客舍對雨

魏諭德學誠調鶴圖

項叟小像

五月晦曹通政寅招同李大理煦李都運斯佳納涼天池水榭卽席送大理還蘇州
守風瓜步示沈秀才翼二首

丹陽道中

載

贈吳下張生星

攜李

查編修弟嗣孫家上舍思贊書來許以七夕見過愆期不至漫賦

蟋蟀二首

送徐甥焯之豫章三首

社日送燕和查編修嗣璫

村夜

顧孝廉嗣立過訪村居卽席懷汪泰來郭元鈺二徵士二首

第二十四卷 詞一

江湖載酒集上

霜天曉角 早秋放鶴洲池上作

高陽臺 井序

柳梢青 和沈山子西湖後游之作

清平樂 秋夜宿燈公山房

憶王孫

又夜泛鑑湖

生查子

醉太平 題姜開先贈歌者李郎秦樓月詞

女冠子

思越人

桂殿秋

采桑子 梧宮詠古

又吳大帝廟

賣花聲 雨花臺

菩薩蠻 東筦書所見

酷相思 阻風湖口

洞仙歌 吳江曉發

南樓令

蝶戀花

殢人嬌 贈女郎 細細

玉抱肚

沙塞子

目錄

望湘人

探春令

更漏子 吳江秋泛

滿江紅 金山寺

風蝶令 石城懷古

喝火令

東坡引

好事近 效朱希真漁父詞

有有令 計甫草索贈吳僮時來

明月引

玉樓春

似娘兒

梅花引 蘇小小墓

惜分斂

百字令富春道中

秋霽嚴子陵釣臺

祝英臺近任城登李太白酒樓

百字令度居庸關

又爲曹使君題江南春思圖

菩薩蠻登雲中清明樓

柳梢青應州客感

多麗送王懷仁謫官西安經歷

上行杯

清平樂馬邑道中

采桑子雲州書感

消息度雁門關

滿庭芳李晉王墓下作

花發沁園春王湛求方伯招同暉含萬姚注若周雪客諸子飲郝園

夏初臨天龍寺是高歡避暑宮舊址

晝夜樂贈伎蠟兒

燕山亭清明日王湛求方伯招同劉津逮趙秋水毛子霞孔子威飲金粟園杏花下

太常引題姜夫人淑齋詩卷

蘭陵王過晉藩舊邸

河傳送米紫來入燕

風蝶令送霍二還曲梁

蝶戀花重游晉祠題壁

釵頭鳳逢呂二梅

畫堂春徐溝道上作

桃源憶故人祁縣登樓作

太常引寄呂一梅

步蟾宮代州伎有小字白狗者晨往曲中訪之不值戲投以詞

青門飲別晁靜憐

一斛珠贈伎餅兒

蘇幕遮別王千之

南樓令倩人寄靜憐札

醉春風送陸集生孝廉還華亭

最高樓登慈仁寺毘盧閣

金明池燕臺懷古和中隨叔翰林

飛雪滿羣山燕京歲暮作

滿江紅贈吳佩遠

鳳凰臺上憶吹簫和梁尚書傷逝作

鎮西途陳六謙之官安邑

意難忘

八歸丁未燕京除夕同表兄舟石家兄夏士守歲作

紅娘子正月十三日夜同毛子霞張登子集王滿求方伯齋中

臺城路十四夜

春從天上來元夕

南歌子贈伎張綺綺

虞美人寒食太原道中

第二十五卷 詞二

江湖載酒集中

目錄

木蘭花慢上元

霄馬索送崔二再游黔中兼評李斯年

沁園春送葉元禮之眞州

宣清送米紫來之官建昌

賣花聲

菩薩蠻

青玉案臨淄道上

轉應曲安丘客舍對雨

柳梢青馬上望瑯琊山

點絳脣濟南九日兒子南還賦此

六幺令壽劉宜人編修用劉氏事

霜天曉角晚次東阿

塞孤高唐道中曉行作

瑤花慢寄酬陸我謀表叔

采桑子寄贈史雲臣

眞珠簾寄陸郡守兄孝山

清平樂送沈融谷再游南雄

瑤臺聚八仙題錢舍人望廬集句詩

點絳脣九日同顧寧人陸翼王登孫氏石壑賦呈退翁少宰

百字令偶憶

訴衷情

邁陂塘題其年填詞圖

角招裂帛湖春游作

十拍子上已逢錢葆紛舍人賦

玉樓春伎席

鵲橋仙席上贈伎張伴月

又

步蟾宮席上同沈六贈伎

南鄉子

水調歌頭得曹秋岳侍郎札卻寄

又送鈕玉樵宰項學

又和韻送曹子顧城士還南溪

長相思紅橋尋歌者沈四

思佳客

江城子飲道山亭

南鄉子游鼓山題靈源洞壁相傳五代時有高僧喝水水移他處遂涸

點絳脣歸次浦城寄酬高雲客

西谿子

百字令元夕和陳山農韻

秦樓月

鞦韆毬歲除同兒子對雪懷鄉里作

河傳題譚天水小像卽送其入閩

一翦梅題汪季角舍人錦瑟詞

又送諸駿男赴楚撫幕

百字令自題畫像

風中柳戲題竹垞壁

蝶戀花揚州早春同沈覃九賦

東風齊著力延平道中

尉遲杯七夕懷靜憐

一翦梅

擊梧桐送曾道扶歸里

百字令酬陳緯雲

解珮令自題詞集

摸魚子送魏禹平還魏塘

又寄李武曾在貴竹

又送陳參議祺公之官廣西

渡江雲送蔣京少入楚香觀

點絳脣

天仙子

祝英臺近題汪舍人少壯三好圖

又寄酬李十九

又入日訪汪茗文戶部往堯峯山莊不值

更漏子送陳山農入閩

浣溪沙

洞仙歌送陳康侯入楚

金縷曲憶靜憐

金縷曲寄譚七郡丞兄在榆林

又同周鄧山陳胤倩飲殿太僕齋中醉賦

百字令索曹次岳畫竹坵圖

應天長鄭雲直招飲虎丘酒肆

河滿子

十六字令

臨江仙和成容若見寄秋夜詞

又

西地錦送錢爾載之河中

醉花間送王古直還西湖

暗香初夏飲何侍御蕤音古藤書屋

減蘭贈程叟

江湖載酒集下

百字令彭城經漢高祖廟作

水龍吟謁張子房祠

江南好

金縷曲初夏

邁陂塘答沈融谷卽送其遊皖口

又用前韻題查韜荒詞集

又題顧茂倫雪灘濯足圖圖爲松陵女子沈關關所繡

又白桃葉渡泛舟暮抵浦口雨宿村店漫賦

蝶戀花送惠視溪歸吳

又同繆天自再過柯翰周園亭

柳梢青題戴上舍惟意所擬圖

摸魚子題李武曾灌園圖

又題徐電發楓江漁父圖

又寄龔衡園

又贈吳天章

又題王咸中石塢山房圖

又同青士重訪晉賢時書樓落成訂詞綜付雕刻有懷周士季青在吳興

蘭陵王送宋員外牧仲視權贛州

浣溪沙郊游聯句

解連環孫愷似使旋夜話用李十九韻

祝英臺近送張見陽令江華

又送葉道子之官臨清衛

又送翁武原之官黃州郡丞

又題丁雁水韜汝詞稿

燕山亭七月十五夜同次友武曾融谷羣九集護園竹屋

又燕市逢李分虎

滿江紅送陸雲士宰江陰

綺羅香贈沈融谷納妾

風入松送沈平萬之新安

臺城路夏日同對巖蓀友西溟其年舟次見陽飲容若滌水亭

又遼后洗妝樓

又送葉井叔主事還南鄂

又張鑑遠酌春堂席上賦

又送畊客南還

又送張漢瞻還嘉定題所畫望雲圖

喜遷鶯送丁雁水觀察虔州

一枝花送沈融谷宰來賓

邁陂塘送尤展成還吳

又劉學正禹峰搨石鼓文見貽賦此志謝用姜白石體

又送陳雲銘入楚

清平樂

解珮令送趙秋谷聯句

生查子曉行鄧州

清平樂齊河客舍

金縷曲過外祖唐刺廢園感舊作

清平樂鷓鴣塘生日

又贈歌者陳郎

又題吳中女子呂文安畫

金縷曲題查浦書屋圖

滿江紅錢唐觀湖追和曹侍郎韻

點絳脣題虞夫人玉映樓詞集

第二十七卷 詞四

靜志居琴趣

清平樂

生查子

菩薩蠻

憶少年

如夢令

朝中措

鵲橋仙十一月八日

又

芙蓉月

鵲橋仙

增字漁家傲

十六字令

目錄

四和香

搗練子

卜算子

漁家傲

秦樓月

瑤花午夢

天仙子

南歌子

眼兒媚

行香子

金縷曲

摸魚子

婆羅門令九日

城頭月

臺城路

又

夢芙蓉

滿庭芳

南樓令

後庭花

好事近

卜算子

紅娘子

如夢令七夕

一葉落

點絳脣

西江月

兩同心

南鄉子

聲聲慢七夕

三姝媚

青玉案

又

減蘭

浣溪沙

賣花聲

換巢鸞鳳

采桑子五月六日

無悶雨夜

風蝶令

鵲橋仙

柳梢青

少年游

風入松

玉樓春

又

洞仙歌

又

又

又

又

又

又

又

目錄

玉闌干

留春令

祝英臺近

幔卷紬

臨江仙

又

又

又

又

又

又

又

又

又

又

怨王孫七夕

憶少年

第二十八卷 詞五

茶煙閣體物集上

柳色黃對雨

渡江雲欲雪

聒龍謠雪

春風裊娜游絲

無夢令飛花

步蟾宮端溪觀采硯

掃花游試茶

一枝春汪舟次貽流求筆筠管蘆管各一同查客賦之

瑞鶴仙錢編修庸亭席上觀司馬相如私印

天香龍涎香

又前題

十二時雲母燈

點絳脣鞦韆

斂頭鳳藏鈎

臨江仙金指環

踏莎行斂

鵲橋仙鞦

秦樓月吹笙

沁園春額

又鼻

又耳

又齒

又肩

又臂

又掌

又乳

又臙

又腸

又背

又膝

雙雙燕別淚

笛家題趙子岡畫水墨水仙

金縷曲水仙花禁用湘妃漢女洛神事

又前題

又前題

又前題

滿江紅西湖荷花

綺羅香康熙丁丑六月舍南池上紅蓮作並頭花賦以紀異

又前題

水龍吟白蓮

臨江仙引枯荷

又咏茄

惜紅衣咏薑

摸魚子蓴

迷仙引水蘼花

滿江紅塞上咏葦

醉春風茶蘼

侍香金童茉莉

疎影芭蕉

臺城路芋

柳梢青西瓜

天香題寫生冬瓜

一翦梅盆梅聯句

醉花間題金曉珠水墨芙蓉

於中好題蔡女羅疎篁寒雀圖

好事近題馬湘蘭畫蘭

清平樂題水墨南瓜圖

點絳脣敬業堂早桂

第二十九卷 詞六

茶煙閣體物集下

一枝春梅

疎影黃梅花

東風第一枝杏花

紅娘子緋桃

帶人嬌垂絲海棠

綺羅香玉蘭

搗練子再過瞻園值玉蘭花放同衛園耕客賦

玉樓春繡毬

洞仙歌合昏

減蘭夾竹桃聯句

東風第一枝白楊梅

明月榷孤舟枇杷

邁陂塘曹侍郎席上食橋李同右吉融谷賦

洞仙歌嫩櫻

五綵結同心荔子

暗香紅豆

滿庭芳佛手柑和嚴蓀友

霜葉飛詠柑同魏萬平作

秦樓月金豆

減蘭橙

玉樓春柳

減蘭楊花

疎影秋柳和李十九韻

臨江仙寒柳

瀟瀟雨落葉

玉女搖仙珮白鷗

八寶妝舞孔雀

花犯鴛鴦

臺城路鸞鷲

月華清王阮亭侍讀書齋詠山鷓侍讀詞有妾是桐花耶是桐花鳳之句故六七及之

江城子黃雀

琵琶仙秋日桑乾河上見雙白燕詠之

東坡引鸚鵡

長亭怨慢鴈

滿庭芳鷓

邁陂塘鷓

水龍吟觀洗象作

掃花游駱駝

木蘭花慢孫懋叔以山獐見貽賦謝

雪獅兒錢葆勣舍人書詠貓詞索和賦得三首

又前題

又前題

催雪席上賦黃鼠

臺城路蟬

又前題

綺羅香和宋牧仲別駕詠蟹

花心動蜻蜓

南鄉子蚩

玉人歌杭州玉泉寺池中五色魚凡千頭內一種翠藍者最可愛賦之

探春慢河豚

桂枝香蟹

又前題

雙鷓鴣織蛤

湘江靜蛤蜊

清波引西施舌

聒龍謠龍蝨

第三十卷 詞七

蕃錦集

十六字令春暮

南歌子早秋西湖

摘得新伎席

桂殿秋剡城客夜

搗練子吳興感舊

又同前

江南好同周青士過沈山子村居

又曉起商氏園亭

又過柯翰周書屋

又詠燕

南鄉子珠江春思

又度錢社湖

又上谷觀伎

憶王孫湯公牧鄭文谿柯翰周飲酒肆

又春游

又後游

又歌席

又探梅

又題沈武功雙谿草堂

又鏡湖秋思

又濟南元夕

江神子題畫竹

春光好春恨

長相思歌席

昭君怨題畫

生查子別思

楊柳枝會稽春游

玉蝴蝶同沈覃九再登平山

浣溪沙同柯寓匏春望

又西湖早春

又虎丘

又山塘夜泊

又小孤山

又天津道中

又夜泊無錫聞鄰舟歌者

又惜別

又春閨

又同前

減蘭憶別

又鴛鴦

又落花

又落葉

采桑子秋日度穆陵關

菩薩蠻秋日陪劉增美中丞飲冶源亭子愛其山水竹樹之勝題壁四首

又

又

又

又題畫

又題孫武光山南讀書圖

卜算子夜過高溪思書屋

又泛舟橫塘

又早春閨思

巫山一段雲滇江道中

又題毛子霞小像

好事近飲蓮子湖

柳含煙春游憶青士天自

清平樂春感

又雨中夜度蕭山

又玉泉山寺招曾青藜徐方戍不至

又維揚春暮

又同程穆倩孫無言泛舟紅橋

又送李天生還關中

秦樓月春思

更漏子京口晚望

阮郎歸春閨

河瀆神大孤山神祠

又妒女祠

又長水三姑廟

又兩度石湖

風蝶令送別

賣花聲紅橋後游寄懷柯翰周

鷓鴣天燕臺送陳左源還吳

又嶧山

又鏡湖舟中

又訪舊

河傳聽鶯

玉樓春簾內美人

又燭下

又小樓

又畫圖

瑞鷓鴣春思

又別思

又感舊

虞美人雲中送俞右吉之鄴下

南鄉子舊游

踏莎行中秋席上送吳孝廉南還

目錄

臨江仙客東甌懷歸

又峽中望飛來寺

又寄題澹公丹霞精舍

又汾陽客感

又胡天岫移居密山寄之

又懷歸寄周青士繆天自

南樓令

又春愁

蝶戀花春暮

又錢唐觀潮

又閒適

又詠春雨

漁家傲贈別

十拍子同李武曾潘次耕蔡竹濤過玉泉山寺

天仙子惜春

又喬柱史壽詞

風入松憶別

滿江紅春日懷歸

水調歌頭暮春山居

又送孫無言歸黃山

滿庭芳春暮入雲門山贈月公

歸田歡柯翰周見過村舍夜話卽歸朝歡

沁園春送曹子顧學士還南溪

第三十一卷 書

與李武曾論文書

與查韜荒弟書

與高念祖論詩書

與顧寧人書

報周青士書

與越辰六書

寄譚十一兄左羽書

第三十二卷 書二

史館上總裁第一書

史館上總裁第三書

史館上總裁第五書

史館上總裁第七書

第三十三卷 書三

上山東巡撫張公書

報徐敬可處士書

答閻徵君書

報李天生書

報汪茗文戶部書

答孫侍郎書

與魏善伯書

史館上總裁第二書

史館上總裁第四書

史館上總裁第六書

與胡解元書

答胡司臬書

答蕭山毛檢討書

寄禮部韓尙書書

答刑部王尙書論明詩書

與修太守書

寄查德尹編修書

第三十四卷 序

周易義海撮要序

周易輯聞序

易璇璣序

周易集說序

合訂大易集義粹言序

徐氏四易序

東萊呂氏書說序

雪山王氏質總聞序

聶氏三禮圖序

丘氏周禮定本序

讀禮通考序

陸氏春秋三書序

春秋權衡序

春秋意林序

涪陵崔氏春秋本例序

春秋地名考序

五經翼序

授經圖序

重刊玉篇序

重刊廣韻序

合刻集韻類篇序

字鑑序

第三十五卷 序二

萬氏歷代史表序

元史類編序

杜氏編珠補序

道傳錄序

葬經廣義序

感應篇集注序

丁氏印譜序

江村銷夏錄序

曝書亭著錄序

熊氏後漢書年表序

第三十六卷 序三

重刊白香山詩集序

梁谿遺稿序

五代史記注序

天發神讖碑文考序

顏魯公石柱記釋序

張氏定歷玉衡序

地理徑序

葛氏印譜序

韞光樓印譜序

日下舊聞序

永嘉朱氏紀年總辨序

長安志圖序

朱文公文鈔序

信天巢遺稿序

十家宮詞序

樂府補題序

白蘭谷天籟集序

放膽詩序

感舊集序

清風集序

明詩綜序

高太常齋菴遺稿序

遜志齋文鈔序

王文成公文鈔序

喬御史讀書劄記序

黃先生遺文序

天愚山人詩集序

王築夫白田集序

屠東蒙詩集序

九歌草堂詩集序

荇谿詩集序

第三十七卷 序四

王禮部詩序

錢舍人詩序

程職方詩集序

葉指揮詩序

丁武選詩集序

秋水集序

方編修錦官集序

王學士西征草序

錢學士詩序

嚴中允瀛臺侍直詩序

禹峰文集序

叢碧山房詩序

徐電發南州集序

裘司直詩集序

第三十八卷 序五

石園集序

王先生言遠詩序

葉李二使君合刻詩序

胡參議轉漕雜詩序

王鶴尹詩序

張君詩序

馮君詩序

沈明府不羈集序

王考功遺集序

尙書魏公刻集序

話山集序

高舍人詩序

朱人遠西山詩序

太守修公述德詩序

陳叟詩集序

高戶部詩序

劉德章詩序

鍾廣漢遺詩序

第三十九卷 序六

錢教諭忘憂草序

張趾肇詩序

南湖居士詩序

顧俠君噉荔集序

劉介于詩集序

汪司城詩序

王崇安詩序

和鴛鴦湖權歌序

東浦詩鈔序

第四十卷 序七

宋院判詞序

黑蝶齋詩餘序

紫雲詞序

孟彥林詞序

憶雪樓詩集序

成周卜詩集序

小方壺存稿序

離華山人詩集序

胡永叔詩序

李上舍瓦缶集序

棟亭詩序

橡村詩序

騰笑集序

陳緯雲紅鹽詞序

蔣京少梧月詞序

柯寓匏振雅堂詞序

魚計莊詞序

水村琴趣序

高侍講扈從東巡日錄序

姚氏族譜序

李氏族譜序

具區徐氏族譜序

第四十一卷 序八

送湯潛菴先生巡撫江南序

送汪檢討使琉球序

送悔人宰石泉詩序

贈筆工錢叟序

黃徵君壽序

朱翁六十壽序

顧叟壽序

叔母賀太君八十壽序

羣雅集序

劉氏族譜序

雲氏族譜序

商丘宋氏家乘序

送周郎中還琴山序

送張檢討還郁洲山序

贈顧銘序

贈汪叟序

劉高士壽序

孫逸人壽序

胡母楊太君八十壽序

蔣母沈太君七十壽序

第四十二卷 跋一

李氏周易集解跋

書林氏周易經傳集解後

王氏大易緝說跋

尙書纂言跋

讀武成篇書後

跋王氏詩疑

豐氏魯詩世學跋

吳氏周禮經傳跋

跋陸氏儀禮釋文

讀聘禮書後

石經月令跋

嚴氏春秋傳注跋

石藥爾雅跋

書周易本義後

龍氏易集傳跋

跋魯齋王氏書疑

書傳會選跋

讀蔡仲之命篇書後

跋毛詩李氏句解

讀豳詩書後

錢氏冬官補亡跋

儀禮逸經跋

跋大戴禮記

呂氏春秋集解跋

六經奧論跋

第四十三卷 跋二

大唐開元禮跋

書大明集禮卷後

書花間集後

樂府雅詞跋

書絕妙好詞後

回溪史韻跋

書韻府羣玉後

類篇跋

題江都王氏家藏閣帖

絳帖平跋

書蘭亭續考後

盛熙明法書考跋

衍齋印譜跋

政和五禮新儀跋

鄭世子樂律全書跋

書尊前集後

跋典雅詞

書沈氏古今詞譜後

禮部韻略釋疑跋

汗簡跋

書淳化閣帖夾雪本後

石刻鋪敘跋

隸續跋

寶刻叢編跋

跋名蹟錄

第四十四卷 跋三

書周髀後

乙巳占跋

書宋寶祐會天曆後

宋本輿地廣記跋

續錦里耆舊傳跋

書成都文類後

跋元豐九域志

書新安志後

咸淳臨安志跋

至元嘉禾志跋

跋虎丘詩集

書土官底簿後

越嶠書跋

靈臺祕苑跋

天文鬼料竅跋

太平寰宇記跋

桂林風土記跋

書夢華錄後

書熙寧長安志後

淳熙三山志跋

景定建康志跋

夢梁錄跋

寰宇通志跋

正德重修金山寺志跋

安南志略跋

書高麗史後

又

跋吾妻鏡

崇文書目跋

書元祕書監志後

跋重編內閣書目

書馮尙書元颺題首善書院詩後

第四十五卷 跋四

胡氏皇王大紀跋

跋後漢書

書元趙居信蜀漢本末後

書孫氏唐史論斷後

五代會要跋

眉山彭氏太平治迹統類跋

中輿通鑑跋

書海東諸國紀後

跋洪遵翰苑羣書

跋中輿館閣錄續錄

文淵閣書目跋

南京太常寺志跋

跋綏寇紀略

書錢氏補漢兵志後

吳氏兩漢刊誤補遺跋

唐六典跋

唐會要跋

莆田陳氏九朝編年備要跋

宋學士院中輿紀事本末跋

書李氏續通鑑長編後

書宋史張浚傳後

姜氏祕史跋

明史提綱跋

第四十六卷 跋五

商祖丁爵銘跋

宋拓鐘鼎款識跋

周司成頌寶尊壺銘跋

南海廟二銅鼓跋

書漢鏡銘

跋甘羅城小錢文

咸寧縣唐冶金五佛像銘贊跋

書錢武肅王造金塗塔事

續題溪州銅柱記後

續書光孝寺鐵塔銘後

書柯氏宋史新編後

孝宗大紀書後

書兩朝從信錄後

商父己敦銘跋

周鼎銘跋

周延陵季子劍銘跋

漢尙方劍銘跋

跋新莽錢范文

景雲觀鐘銘跋

吳大安寺鐵香鑪題名跋

溪州銅柱記跋

廣州光孝寺鐵塔記跋

跋晉祠鐵人胸前字

太醫院銅人膾穴圖拓本跋

第四十七卷 跋六

書岫嶼山銘後

跋漢五鳳二年甄字

漢開母廟石闕銘跋

漢魯相乙瑛請置孔廟百石卒史碑跋

漢桐柏廟碑跋

衡方碑跋

漢博陵太守孔彪碑跋

漢冀州從事張君碑跋

跋漢華山碑

漢白石神君碑跋

續題曹全碑後跋

漢蕩陰令張遷碑跋

石鼓文跋

會稽山禹廟窆石題字跋

漢戚伯著碑跋

漢武梁祠碑跋

漢婁壽碑跋

漢淳于長夏承碑跋

漢析里橋鄱關頌跋

跋蔡中郎鴻都石經殘字

溧陽長潘校官碑跋

漢郃陽令曹全碑跋

漢北海相景君碑并陰跋

漢酸棗令劉熊碑跋

漢泰山都尉孔宙碑跋

書韓勒孔廟前後二碑并陰足本

郎中鄭固碑跋

書王純碑後

跋竹邑侯相張壽殘碑

金鄉守長侯君碑跋

漢丹水丞陳宣碑跋

跋漢司隸校尉魯君碑

執金吾丞武君碑跋

書尹宙碑後

滕縣秦君碑跋

第四十八卷 跋七

魏封孔羨宗聖侯碑跋

尙書宣示帖跋

跋吳寶鼎甄字

吳天璽紀功碑跋

晉汲縣齊太公二碑跋

晉平西將軍周孝侯碑跋

宋搨黃庭經跋

開皇蘭亭本跋

跋蘭亭殘石搨本

跋蘭亭定武本

國子監石本蘭亭跋

姜氏蘭亭二本跋

蘭亭神龍本跋

晉王大令保母甄志宋搨本跋

梁始興安成二王墓碑跋

魏魯郡太守張猛龍碑跋

北齊少林寺碑跋

後周幽州刺史贈少保豆盧恩碑跋

題僞刻李衛公告西嶽文

第四十九卷 跋八

唐太宗祠碑銘跋

高騎都尉李君碑跋

跋唐明徵君碑

跋石淙碑

唐張長史郎官石記跋

唐封北岳神碑跋

書唐蘇祕監小洞庭二碑後

蘇靈芝易州鐵像頌跋

茅山許長史舊館碑跋

魏李仲璇修孔子廟碑跋

宇文周華嶽頌跋

真定府龍藏寺隋碑跋

潘氏家藏晉唐小楷冊跋

聖教序跋

唐郭君碑跋

唐龍門奉先寺盧舍那像龕記跋

跋唐博城令祭岳詩

開元太山銘跋

唐崇仁寺陀羅尼石幢記跋

唐憫忠寺寶塔頌跋

唐御史臺精舍記并碑陰題名跋

唐儲潭廟裴諝喜雨詩碑跋

五經文字跋

平定州唐李諲妒神頌跋

跋唐衢州刺史嗣江王禕石橋寺詩

唐郎官石柱題名跋

跋唐岱岳觀四詩

唐濮陽卞氏墓誌銘跋

唐游石橋記跋

跋石橋寺五唐人詩

唐濟瀆廟北海壇置祭器銘跋

書唐賈竦華岳廟詩石刻後

白樂天草書春游詩拓本跋

第五十卷 跋九

唐國子學石經跋

榆次縣三唐碑跋

九經字樣跋

書張處士瘞鶴銘辨後

湖州天寧寺尊勝陀羅尼石幢跋

唐阿育王寺常住田碑跋

憫忠寺重藏舍利記跋

唐漳州陀羅尼石幢跋

唐北嶽廟李克用題名碑跋

憫忠寺葬舍利記跋

唐濟安侯廟二碑跋

晉王墓二碑跋

千峰禪院碑勅跋

晉義成節度使駙馬都尉史匡翰碑跋

第五十三卷 跋十二

裹鮮帖跋

跋草書千文

書曹太尉助迎鑾七賦後

跋趙魏公書

跋陳子微書

跋皇帝御書跋

題十五完人墨蹟

鈕榮翁夢紀跋

書大學士徐公述歸賦後

書東田詞卷後

書先文恪公覆楊通政劾羅近溪疏後

先君子五言詩書後

書羅浮蝴蝶卷後

書萬歲通天帖舊事

書黃山谷試李展筆真蹟卷

趙子昂書十二月織圖後

鮮于伯機草書千字文跋

書張子宜墨蹟冊

跋王陽明先生家書

高念祖先世遺墨跋

書沈文恪公行書卷

書姜編修書帖子後

書先太傅奏疏尺牘卷後

書忠貞服勞錄後

題亡兒書陶靖節文

書戴貞女事

第五十四卷 跋十三

顧長康女史箴圖跋

王維伏生圖跋

再題王維伏生圖

光武帝燎衣圖跋

跋鈞鰲圖

李龍眠九歌圖卷跋

八景圖跋

題李唐長夏江寺圖

題楊補之墨梅

書彝齋趙氏水仙花卷

錢舜舉鼯鼠圖跋

題趙子昂雝華秋色圖

題趙子昂水村圖

題王孤雲蒲萄庭榭小幅

題江山偉觀圖

題元四學士畫像

書顧定之墨竹

跋李紫篔畫卷

又

黃子久浮嵐暖翠圖

書王叔明畫舊事

跋師子林書畫冊

書孫氏同鑿會圖後

項子京畫卷跋

題薛素素畫冊

許旌陽移居圖跋

建雄節度史相里金碑跋

北漢千佛樓碑跋

第五十一卷 跋十

宋太宗書庫碑跋

太原縣惠明寺碑跋

大同府普恩寺碑跋

書拓本玉帶生銘後

遼雲居寺二碑跋

趙吳興千字文跋

霍山廟建文元年碑跋

北京國子監進士題名碑跋

第五十二卷 跋十一

陶徵士聖賢羣輔錄跋

刑統賦解跋

鎮東軍牆隍廟記跋

宋京兆府學石經碑跋

桂林府石刻元祐黨籍跋

杭州府學宋石經跋

遼釋志愿葬舍利石匣記跋

金京兆劉處士暮碣銘跋

元豐閏縣令碑記跋

跋首善書院碑

唐律疏義跋

長短經跋

東宮備覽跋

宋本六家注文選跋

跋五百家昌黎集注

書晁以道撰蘇叔黨墓誌後

書劍南集後

書敦交集後

跋危氏雲林集

跋釣鰲集

書姚學士明山存稿後

書曼寄軒集後

書鑑誠錄後

跋劉豫事跡

跋碧溪詩話

書王司綵宮詞後

書玉臺新詠後

大唐類要跋

播芳文粹跋

竹友集跋

賴良大雅集跋

梅菴李氏明正晉跋

跋草閣集

高麗權秀才應制集跋

書狷石居遺集後

摭言足本跋

書北牕炙輠後

書王氏墓銘舉例後

格齋四六跋

書五百羅漢名記後

題趙淑人宮門待漏圖

第五十五卷 跋十四

跋巢元方諸病源候論

本草衍義跋

書宋本晞范子脈訣集解後

醫家四書跋

跋張氏醫說

九章算經跋

跋鄱陽洪氏南朝史精語

第五十六卷 考一

孔子弟子考

第五十七卷 考二

孔子門人考

第五十八卷 考三 辨原

孟子弟子考

書太平惠民和劑局方後

書是齋一選方後

跋濟生拔萃方

大觀證類本草跋

跋孫子算經

五曹算經跋

書楊太真外傳後

太極圖授受考

浙江分地考

呂冢考

尙書古文辨

五穀辨

原教

原刑

原貞

第五十九卷 論

書論一

書論二

詩論一

詩論二

春秋論一

春秋論二

春秋論三

春秋論四

秦始皇論

韓信論

楊雄論

王弼論

陳壽論

第六十卷 議 釋 說 策 問

孔廟禮樂議

曲阜設官議

孺悲當從祀議

鄭康成不當罷從祀議

經書取士議

釋圭

釋齋

釋棠

釋杙

名孫說二首

說硯

說舟示戴生鏃

說緯

康熙二十年江南鄉試策問三首

第六十一卷 頌 贊 箴 銘 辭 零丁 答問 募疏

御書大字蘭亭頌并序

御書贊爲李都運使作并序

退谷先生像贊

謝柔則像贊

題吳處士于庭小像

煙雨歸耕圖自贊

敬悅齋箴

醜舫箴

南唐硯銘

古林哥窯硯銘

城硯銘并序

先舍人太極圖硯銘

史館硯銘

記注硯銘

目錄

九九

貢院硯銘

南書房硯銘

松化石硯銘

石城甌硯銘

翡翠硯銘

梁吉士水巖硯銘

靳熊封蕉葉硯銘

萬孝廉水巖硯銘

松花江石硯銘

歙硯銘

又

井田硯銘

又

方硯銘

風字硯銘

沈覃九片雲硯銘

周琴山鸚鵡硯銘

曹孳士澄泥硯銘

汪叟硯銘

大耳硯銘

鮑血邊硯銘

鳳尾硯銘付昆田

硯銘付桂孫

半月硯銘付稻孫

白石硯銘

紹泰甌硯銘井序

徐虹亭端溪硯銘

陶硯銘

鮑血硯銘

斧硯銘

張敏求員硯銘

方端硯銘

沃村硯銘

徐七來索綯硯銘

蠶磯石硯銘

著書硯銘

珣叔硯銘

稻孫小硯銘

麟坑硯銘

靈壁石硯山銘

求休石章銘

圖書匣銘

子母印筒銘

新莽錢范銘

梅定九造日晷見贈書之以銘

書檀銘并序

筆筒銘

銅水盂銘

錫書燈銘

烏絲筆格銘

檀界尺銘

磬銘

朱碧山鼠鬻田瓜觥銘

官窯花澆銘

桃核酒器銘

巢孝廉手製匏尊銘

杖銘

方竹杖銘

弩銘

古銅銃銘

醉司命辭并序

零丁爲陸進士寅作

答陸修撰問

重修嘉興府儒學募疏

第六十二卷 傳一

汪克寬傳

貝瓊傳

王彝傳

趙燠傳

陳基傳

高啓傳

傅恕傳

朱右傳

王廉傳

朱廉傳

第六十三卷 傳二

戴良傳

唐肅傳

錢宰傳

徐賁傳

袁凱傳

孫賈傳

王蒙傳

林鴻傳

王侑傳

孫作傳

葉子奇傳

王洪傳

高棟傳

王紱傳

沈度傳

劉溥傳

第六十四卷 傳三

王冕傳

楊維禎傳

徐一夔傳

劉永之傳

趙撝謙傳

荅祿與權傳

文淵閣大學士錢公傳

崔子忠陳洪綬合傳

李元垢傳

第六十五卷 記一

文水縣卜子祠堂記

大同府威遠衛重修學記

衢州府西安縣重建學記

重修嚴州府桐廬縣儒學記

揚州府儀真縣重修儒學記

杭州洞霄宮提舉題名記

第六十六卷 記二

尙書杜公疆理記

包山蔡氏宗祠記

履素先生祠堂記

眞賞樓記

萬柳堂記

池北書庫記

傳經堂記

願學堂記

樂儉堂記

道珍堂記

十二硯齋記

匏齋記

秀野堂記

六浮閣記

西陂記

五舫記

倦圃圖記

看竹圖記

芷閩記

第六十七卷 記三

天津衛稽古寺重修藏經閣記

大悲院記

雲岡石佛記

南泉寺新建惜字林記

游晉祠記

西山碧雲寺記

澗泉記

古南禪院重建方丈記

第六十八卷 題名

橫山題名

楊歷巖題名

重游晉祠禊飲題名

峴巖寺題名

胥山題壁

西山祕魔崖題名

題福州長慶寺壁

應州木塔記

唐朱邪府君墓銘石蓋記

風峪石刻佛經記

登嶧山記

重建屯溪石橋記

白玉盃記

題柯山寺壁

烏江謁項王祠題名

卦山題名記

蒙山訪碑題名

題歷下亭

京師西山弘教寺題壁

鼓山題名

房山北砦題名

洞霄宮題壁

靈隱寺題名

南屏題名

羊石山題壁

艾山題壁

包山寺題名

第六十九卷 碑一

東甌王廟碑

開化寺碑

大同府三皇廟新建財神祠碑

好舫廟碑

重修泰安州東嶽廟碑

鄒縣重修亞聖孟子廟碑

通州西倉增福神祠碑

重修江都縣旌忠廟碑

重修張仙祠碑

第七十卷 碑二

中奉大夫分守嶺北道江西右布政使賀公祠堂碑

提督浙江學政翰林院檢討顏君清德碑

太保孟忠毅公神道碑銘

誥封朝議大夫國子監祭酒新城王公墓碑

通議大夫都察院左副都御史徐公神道碑銘

光祿大夫工部左侍郎顧公神道碑銘

第七十一卷 碑三

禮部尙書兼掌翰林院學士長洲韓公墓碑

光祿大夫兵部左侍郎楊公神道碑銘

光祿大夫太子太保刑部尙書李公神道碑

第七十二卷 墓表

五經進士譚先生墓表

貞毅先生墓表

文林郎湖廣道監察御史王公墓表

封奉直大夫顏公墓表

處士繆君墓表

前進士高公墓表

布衣周君墓表

第七十三卷 墓表二

靖南王墓表

德州田君墓表

吏部驗封清吏司員外郎卜君墓表

封文林郎韓君墓表

翰林院侍讀喬君墓表

通奉大夫福建布政司使內陞汪公墓表

贈中憲大夫知灤州事李公墓表

錢孺人墓表

節婦陳孺人墓表

節孝溫孺人墓表

第七十四卷 墓誌銘一

王處士墓誌銘

張處士墓誌銘

文林郎知桃源縣事張君墓誌銘

殷先生墓誌銘

諸處士墓誌銘

歸安縣儒學教諭馮君墓誌銘

朱開仲墓誌銘

徐先生墓誌銘

孝子長洲劉君墓誌銘

文學沈君墓誌銘

處士文君墓誌銘

第七十五卷 墓誌銘二

奉政大夫提督福建學政按察司僉事山陽陸公墓誌銘

奉政大夫吏部考功清吏司郎中顏君墓誌銘 儒林郎戶科給事中邵陽王君墓誌銘

掌京畿道監察御史任君墓誌銘 知伏羌縣事蔣君墓誌銘

工部主事席君墓誌銘

第七十六卷 墓誌銘三

孝潔姜先生墓誌銘

贈日講官起居注翰林院檢討徵仕郎貞靖潘先生墓誌銘

贈翰林院檢討徵仕郎徐先生墓誌銘
小譚大夫墓誌銘

徵士徐君墓誌銘
翰林院侍講尤先生墓誌銘

承德郎日講官起居注右春坊右中允兼翰林院編修嚴君墓誌銘

第七十七卷 墓誌銘四

朝議大夫戶科給事中降補國子監學正趙君墓誌銘

鄉貢進士魏君墓誌銘
歲貢生程君墓誌銘

嘉定張君墓誌銘
歲貢生潘君墓誌銘

徐州蕭縣儒學訓導樂君墓誌銘
文學鄭君壙誌銘

第七十八卷 墓誌銘五

中憲大夫知思州府事陸公墓誌銘
許封君墓誌銘

知交城縣事靳君墓誌銘
儒學訓導倪君墓誌銘

文林郎知舒城縣事朱君墓誌銘
文學咎君墓誌銘

文學曹君墓誌銘

張君墓銘

高士李君塏銘

第七十九卷 墓誌銘六

烈婦楊氏墓誌銘

蔣孺人墓誌銘

朱孺人墓誌銘

嚴孺人墓誌銘

王淑人墓誌銘

孫恭人墓誌銘

馮媼冢銘

葉媼冢銘

第八十卷 行狀 誄 哀辭 祭文

徵士李君行狀

國子監生錢君行狀

亡妻馮孺人行述

故都察院右副都御史總督浙閩軍務朱公誄

沈武功哀辭

弔李陵文 井序

告江神文

貢院誓神文

祭孫侍郎文

祭納蘭侍衛文

祭劉太夫人文

祭黃母周孺人文

附錄

葉兒樂府

折挂令正宮

又

又

水仙子雙調

又爲毛大可輓姬人曼殊豐臺花匠女也

又題周編修漁隱圖

普天樂中呂

朝天子送分虎南還

又送融谷宰來賓

落梅風查山探梅

金字經憶長娘作

山坡羊雙林庵

又

又

天淨沙

又

沉醉東風

清江引

又

又

又

又

又

又飲池上

曝書亭集

醉太平

又靈隱

又西湖

又釣臺

又九峰

又錫山

又淮浦

又送德尹還里

叨叨令

黃鶯兒

一半兒西溪商調

又淨慈

又浙江

又長山瀧

又虎丘

又金山

小桃紅題王元章墨梅

又前題

又

曝書亭集卷第一

秀水 朱彝尊 錫鬯

賦

謁孔林賦

粵以屠維作噩之年。我來自東。至於仙源。斯時也。壇杏花繁。庭楡甲坼。元和之犧象畢陳。闕里之榛蕪盡闢。既釋菜於廟堂。旋探書於屋壁。乃有百石卒史。導我周行。牽車魯城之北。縶馬洙水之陽。卽大庭之遺庫。循端木之故場。驕孫耐兮居前。聖子藏兮在左。自黃玉之封緘。闕幽宮而密鎖。隕長鯨兮不驚。儲祖龍兮遠禍。除荆棘之叢生。罕翔禽之飛墮。雨露既濡。遲景東隅。整衣裳之肅肅。正顏色之愉愉。展謁方終。誕尋往蹟。超百兔之深溝。撫青羊之臥石。爰有草也。苞著其名。守之以龜。一本百莖。我求其德。洵圓且靈。爰有木也。題之以楷。非柏非樅。靡瘦靡廡。歷千禩而長新。貫四時而不改。惟先師之遺澤。道莫著乎六經。配光華于日月。若迭奏之琴箏。降而後儒。各事采獲。中文古文之書。先天後天之易。口鄭衛以淫邪。評春秋以深刻。藐往哲之嘉謨。恆末師之是則。滔滔天下。後死其悲。安得起素王於泉壤。操筆削而正之。我思古人。恥同污俗。或六聘而收身。或三詔而逃祿。或依李充之山。或就張超之谷。潛戶壁于服虔。變姓名于梅

福入源水兮栽桃。隱丹霞兮種竹。詎如此地。桑海不遷。可游可息。有歌有絃。耳不聞僧尼之魚板。目不覩旗鼓之樓船。樂土樂土。速營一廛。願爲林戶。躬耕墓田。庶幾近聖人之居。讀聖人之書。將不得爲聖人之徒也與。

春蒐賦

皇帝御宇。十有八年。握金鏡。運玉璇。超百王之聖域。漱六藝之神淵。德無遠而勿屈。聲有濯而彌宣。舞兩階之干羽。靖萬里之戈鋌。雨洗炎洲之瘴。波澄閩海之煙。聿將秩祀。衡岳底定。巴滇猶克。嚴夫武事。洵無逸而有虔。乃命僕臣。乃召司馬。選丞徒以大蒐。諏吉日於小雅。晉鼓則百二咸陳。虞旌則東西來下。車鏤象以嫋嫋。駟飛黃而白赭。風清紫陌之塵。天闊黃圖之野。於是乎駕六駟。從百官。建九旂。總三單。經長楊。陟上蘭。遵路直。從橋安。歷平原之膺膺。瞻秀木之丸丸。雲霏霏兮五色。山磊磊兮層巒。斯時也。穀雨新晴。暮春之序。劍乍捧乎金人。觴甫浮於鶴羽。亞繁杏兮山郵。舒崇桃於野圃。藥苗則的的。依闌。萑葉則青青。被渚。粉颺。鳳子之衣。綠潤。桐孫之乳。雉角角兮晨飛。烏啞啞兮晚翥。兔趨趨兮淺草之叢。鹿呦呦兮平林之塢。爾乃刷霧鬣。騰風鬣。擊鷲鳥。搏殺蟲。落驚雌。駭高雄。輕裘兮不御。暄景兮方融。釋其一面之網。射以九和之弓。三驅兮四牡。一發兮五縱。於焉斂綏章。徹表貊。張幔城。羅藻帟。息蔭乎高林。容與乎秀澤。數獸計鮮。犒勤讚獲。大庖不盈。乾心有懌。用訓儉而昭仁。豈丘崇而山積。調六膳而作甘。飲三漿其如液。則有

飛龍之舸鳴鶴之舟。梁排雁齒。水漲鴨頭。和迴波之妙曲。詠在藻於中流。沙停振鷺。權起眠鷗。白魚湧躍。黃鵠翔留。勝昆明之習戰。與華林之沂遊。於是川后效珍。河宗輸寶。山出醴泉。地生朱草。鑄十鼓於岐陽。列三山於蓬島。天子師湯文之裕民。法軒轅之訪道。省四野之耕農。問百年之耆老。照華薄以春曦。挾恩膏於靈沼。爭擊壤兮康衢。永銷兵兮海表。在昔成王繼序。四征弗庭。既巡侯甸。萬國咸寧。暨漢文帝。邊宇肅清。猶選良家於六郡。躬戎服而治兵。稽春蒐之盛禮。允治世之大經。豈其賓客是燕。乾豆是營。惟居安而必慮。斯坐致夫太平。敢擬廣成之頌。用垂休美之聲。

太極圖賦

原夫黃牙欲發。蒼精未垠。一氣融結。萬象胚渾。馮馮翼翼。烟烟熅熅。睢睢盱盱。緜緜分分。既龐鴻之莫兆。何聲臭之可聞。量則包夫清濁。質斯合乎昭昏。謂虛無而有象。運妙有而無鄰。鴻靈幽紛。泰貞蠢闢。混成天地之先。互藏陰陽之宅。觀動靜兮無端。占迴游兮不隔。譬水車之恆轉。類果核之未坼。爾其理則貫一。象實函三。白麟之書莫吐。赤雀之籙未銜。名雖傳乎十翼。義尙晦乎周聃。啓華山之妙蘊。藉營道之幽探。種穆祕師授之說。朱陸滋異同之談。至希至微。無偏無側。一翁一施。半白半黑。外若離玦。中如含薏。萬物於焉化生。五行之所糾纏。成能設位。圖往鏡來。化一氣甄三才。天根啓。月窟開。悟儒言於冥蹟。允經學之偷魁。乃知聖人能備全體。先知可詔後覺。大道爲事物之母。天子有簡能之學。用廣運而不窮。信範圍之

非邈。願永繪於丹辰。方金鑑之在握。

夜明木賦同澤州陳侍郎作

皇帝避暑於輿州。時維昭陽大淵獻之秋。尋捺鉢之舊蹟。啓帳殿於仙陬。六屯內肅。千廬外周。雲容容兮四合。水泱泱兮交流。風颯颯兮徐來。雨霏霏兮乍收。爰有物焉。星芒遙逗。明滅露螢之尾。吐吞火雞之味。謂野燒而不延。疑神燈而未輟。迺命俞騎。卽而視之。是爲廩木。有枿無枝。黝同桴炭。澀若榴皮。如場之轉碌礪。如絳之拽豐碑。載以堅車。駕之健犢。入重關。度平谷。選郢匠以運斤。俾奄人以司局。舍科上槁。存堅多心。近天顏兮咫尺。位祕宇之崇深。鑽不勞兮司權。燎無灼兮烘熤。等壁夜光。類珠宵映。方角枕而輝盈。比風簾而神定。四照儼若木之華。六宮擬賓連之慶。豈非聖德之咸臨。固無遠而弗鏡。宜坤珍之畢效。雖枯木朽株。亦疇德而瑞聖。

省方賦

歲在甲子。歷應上元。聖化翔洽。東汜西崑。九州之外郡縣。重譯而至橋門。嘉穀駢穗。濁河激源。於時山祇望幸。臣庶上言。請欽崇以郊岱。或奉符而封禪。天子思省方以設教。用求莫而監觀。踐六十四民之遙迹。省七十二后之彌文。吉日旣諏。德音斯布。獨六軍所過之租。減四方惟正之賦。推洪恩於槐宸。霈解澤於棘路。神人交贊。遐邇樂附。願儲祉以慶成。共希光而景鶩。迺以九月辛卯。農事備收。七驕始駕。百工方休。

扈千官於行所。勒五營於道。既伯既禱。爰豫爰遊。承曲瑤之璇蓋。建太常之辰旒。導以金鉦瓊級。驂以紫燕玉蚪。鳴霞而雲韶並和。駐罕而星廬外周。黃圖三輔。青壤千里。濟鬲津以無波。履平原其如砥。則有單椒秀澤之山。側坎飛輪之水。橋號鵠華。湖名蓮子。踰歷下之舊城。尋介丘之遺趾。美哉左海山。有岱宗。閔啓仙人之石。官存大夫之松。天雞鳴而躍日。宸駕至而呼嵩。徹稽席蒲車之制。罷泥金檢玉之封。於焉訪淮土之仙茅。驗吳門之白馬。渡河則神獻其寶。遊海而風不鳴瓦。泛藻舟於中流。息參旗於大野。越南竟與南徐。溯吳下而白下。帝有恩言。宣示函夏。眺勝國之蒿萊。封蔣陵之松檟。德無施而不徧。恩未沾者蓋寡。由是展軫素王之里。致齋金絲之堂。陳元和之犧象。循闕里之宮牆。懸車在廟。遺硯在牀。肅拜杏壇之上。翔步檜庭之旁。洵禮隆乎三古。而事冠乎百王。衡律既同。秩祀有典。振旅則邇。考祥斯遠。覽四瀆而經五州。乍六旬而還輦。兩宮交悅。萬姓齊忭。粵若稽古。時致太平。必命掌故。登封告成。或紀社首。繹釋。或禮云云亭亭。石域石距之狀。金匱玉匱之形。祺安禪安之樂。封壇覲壇之銘。莫不雲連帳殿。雷動山庭。未
有謬詢疾苦。彰瘡濁清。不警不蹕。不震不驚。凡高年之耆老。尺口之童嬰。婦子所集。商旅所經。咸得覲天顏於咫尺。瞻仙仗於郊垌。至若天縱之能。溢於筆墨。月璧星珠。寶題靈式。鸞蹤鳳藻。被物成飾。轅唐帝之八分。陋宋宗之飛白。扁榜義義。發舒心畫。蔭之華棖。勒之貞石。誠與日月雲漢共昭。垂於無極者也。

湘湖賦

賦

歲柔兆困敦兮。是月維陽。辭鑑水之一曲兮。言歸故鄉。遵大路于蕭山兮。猶勾踐之舊疆。舍予舟于城闕兮。別問渡于陂塘。踐荒塗之幽辟兮。山是越而湖湘。圍列岫之周遭兮。匯一水于中央。蓴絲苳帶。齊消歇兮。澄百頃之波光。相茲湖之寥闊兮。溯蒼蒼之葭葦。漾輕舸而如所兮。逾五里而十里。鮮澤農之耕作兮。但眾師之棲止。雉角角以飛鳴兮。鷺娟娟而停峙。瞻牛頭與苧蘿兮。信不遠而伊邇。愛山川之清淑兮。斯生長夫西子。洵明豔之絕倫兮。直夫差之一死。以餘暨爲諸暨兮。驗往牒之非是。眺越王之故嶂兮。丁國步之連邇。會稽不可保兮。稱臣妾而播遷。浴臨江而祖道兮。奏哀曲于烏鳶。迨返國而渡三津兮。惟八臣四友謀猷之後先。既十年而生聚兮。更教訓之十年。簡俊士之四萬兮。率君子之六千。誕一舉而沼吳兮。齊衣錦而師旋。讎九世而當復兮。豈身恥辱而忘焉。志既立而轉死爲霸兮。胡後之人獨不然。他山難久留兮。問西陵而前路。夕既濟于錢唐兮。尙踟躕而迴顧。徒弔古而慨慷兮。惜年歲之遲暮。

水木明瑟園賦并序

僕生平不耐作賦。雖以賦通籍。非稱意之作不存也。康熙甲申八月。陸上舍貽書相要。過上沙別業。遂汎舟木瀆。取道靈巖以往。抵其閭。則吳趨數子在焉。愛其水木明瑟。取以名園。上舍延賓治具。飲饌豐潔。主客醉飽。留七日乃還。念勝引之難再也。成賦一篇。先民有言。人各有能有不能。賦非僕之所能也。辭曰。度十畝之地。葺宅一區。泚有阡而可越。潭分沙而不淤。翦六枳而榘藩。因雙樹而闢閭。嘉水木之明瑟。愛

徑眇之盤紆。山有穴而成岫。土戴石而名岨。磬雨判而得路。芻四照兮盈株。園之主人。則陸生稭也。匪聲利是趨。惟古訓是茹。鼓枻而吟。帶經以鉏。不隱不仕。無礙無拘。良辰既撰。爰遣莊奴。筆疏告吾。商飈乍肅。赫暑早祛。葵傾芳步。森秀華英。桂英粟綻。阜英條纒。茗縛厥帚。鎌刈其蕪。井汲餅綆。牀轉轆轤。靡塵不滌。靡穢不除。可以譚讌。可以歌歛。夫子惠顧。跋屨無虞。於是竹垞一叟。誕發僧廬。遵彼橫塘。津逮岑隅。風塘傘竹。日漏衣枷。亦有同調。數子素心。相於水抽。其帆陸柅。其車不速。而集語笑。軒渠離坐。貫坐或跏。或跣。生也。敕中廚。剖兩膾。誠食饌之次第。傳方法于臆胸。乃羹乃淪。間以臠臠。藪則有蒲。鮮則有菹。擘翠房之鮮葍。剝紫芡之員珠。旋棊改令。覆斗傾孟。倒季路之十榼。慕宣尼之百觚。生起避席。顏色敷愉。稱園雖小。聊可以娛。夫子賦之。可歟。否歟。叟曰。可哉。吾思魯鈍。母疾而徐。於焉閉關。納屣自晨。及晡。拂几案。屏甃甃。挹勺水。注蟾蜍。默養羸肩。潛捋短鬚。雖有千慮。終成一愚。譬諸奏事。四足而非馬。書券三紙。而無驢。爾乃舍左思之席溷。投鍾繇之筆楯。循蘭陵。踐椒塗。躡聽雨之樓梯。登升月之窗筵。流覽帷林。蕩漾方壺。心傾意寫。志豁神攄。留宿宿兮信信。忽便便兮諸諸。而曰。猗茲園之怡曠兮。經夫差之故都。駐我馬于高岡兮。想越來之師沼。吳傷西子之不作兮。徒憑弔于交衢。聆寶屨而聲銷兮。剩紅心之草鋪。嗟宮牆流水之人兮。驗妖夢之非誣。既上山而下山兮。復自田而之湖。回瞻巖椒之夕陽兮。挂霄漢之浮圖。逼茶鴉之葱青兮。占稻田之豐腴。耘雖資乎疆以兮。穫免發彼租符。眺松泉之明秀兮。步衡薄而踟蹰。辭八門與七堰兮。

遠肥膩之姑蘇。望之叢叢蒼鬱。卽之羅羅清疎。旣外隈而內隩。亦前澗而後沮。磴希偏側。丘不崎嶇。澗無
 飲虎。穴少潛狙。石梁緩度。坦坦舒舒。春則桃殷李縞。夏則筍白櫻朱。蒿一丈兮爛漫。香五木兮紛敷。架層
 闌之曲彙。刺不慮夫牽掣。又有同心宿蕙。並蒂新蕖。未八月而剝棗。先九日已囊萸。野芳斷兮復續。淇露
 晞兮更濡。訝鷓鴣之撲鹿。縱烏鳥之畢逋。啗楚雀。汎汎江鳧。雀則有殼。鳧則有雛。翠羽定巢而不去。文
 鱗在藻而忽徂。非無牛宮豚柵。糜罍兔置。羝藩鹿柴。雉艾雞筴。螃蟹設斷。鱸鮓施罟。寧寬便了之僮約。而
 免責其辛劬。彼玉山之仲瑛。暨光福之良夫。連峰列岫。夾澗通瀟。豈若斯之一丘一壑。不見其隘。而祇見
 其有餘。且客獨不聞茲園經理之初邪。曩有高士。蜚遁山岵。履穿東郭。面坵左徒。垂蘆簾于紙閣。然翦葉
 于瓦墮。朋情迎兮勿送。戶罷闔而不逾。柏雖生兮上槁。桐已醜而无膚。斯人去兮猿鶴散。幸茅亭之尙在。
 對魚幢之咫尺。而轉覺其空虛。生乃取介白之遺字。吾鄉徐高士白。居于此。上舍請岷山。縣孽窠之大。
 書。志先民之軌躅。作後學之範模。豈非仁心仁術。視富貴利達。買宅者攸殊。今吾與諸子。飲食宴樂于此。
 倡子和女。安知後之游者。觀題壁之作。不曠世而相感。誦清風之穆如。重爲告曰。四坐莫誼。吾言不渝。諸
 君卜築。近在郊郭。吾獨寥寥。栖小長蘆。目極百里。何山可居。相生之宅。其樂只且。兄分布被。母御板輿。婦
 采蘋而采蘩。子耕菑而耕畝。烹泉則京挺都監。並載入市。則修琴賣藥。非迂。郊關一舍。而近津渡。扁舟可
 呼。行不苦于趨。趨策不藉乎翼。扶我舟弗勞。我僕免痛。訪翠墨而椎拓。揚黃卷而流輪。凡靈威所守。唐述

之儲莫不籤題置筥。裝界開圖。爾雅釋寓。齷之屬。離騷箋草木之疏。僕雖耄矣。耽與道俱。奇文疑義。猶冀相須。友直友諒。爲德不孤。思載家具。旁生厝櫨。卜鄰晨夕。我與爾夫。

橋李賦并序

嘉興古之橋李也。橋遵爲切。許慎說文解字。從木。有所擣。賈思勰嫁李法。臘月中。以杖微打岐間。正月復打之。足子殆擣之義。與府治西南二十里。舊有橋李城。今蕪沒。李惟縣東十里淨相寺有之。近苦官吏需索。寺僧多伐去。將來慮無存矣。考之圖經。俱不載。因體物成篇。辭曰。

植物有李兮。應玉衡之星精。受命南國兮。特以橋名。產維揚吳會之交兮。載于魯春秋之經。既殊河沂之黃建兮。亦不類房陵之縹青。夙傳九標之稱。允宜五沃之土。自空城之蕪沒。遷淨相之梵宇。獲要術于齊民。授靈方于老圃。甄著樹以分岐。犁不耕而用拊。當其溫風始至。法苑徐開。井上勿遺螿食。林間恰有禽來。價方高乎朱仲。種不讓夫顏回。果熟偏蕃。枝低易拜。漿均玉乳之梨。品勝紅雲之柰。相珍果之離核。縣弱縷而虛中。異懷仁之桃杏。必待嫁而分叢。宜登玉盤。宜沉冰水。雪素滿而並陳。配甘瓜而兩美。傳諸故老。一事矜奇。遇入吳之西子。臙脂之匯舟移。經纖指之一搯。量心賞之在斯。何造物之工巧兮。化千億于來茲。雖彼美之云亡兮。髣髴若或覩之。人情重故鄉兮。雖小物而增慕。矧俊味之得嘗兮。信土產之有素。悵圖經未之及兮。迺宣豪而作賦。

曝書亭集卷第二

古今詩一

旃蒙作噩

村舍二首

村舍。朱生感遇作也。生年十七。爲贅壻。避兵五兒子橋。
村舍有牛宮。架以曲尺木。牴牾盈四三。戀此其泥伏。牧童驅使行。跨之上原陸。日夕齊下來。各自舐其犢。
吾生命不辰。早歲去邦族。父母謂他人。安敢望拊畜。吁嗟犢不如。寢說從所欲。
村舍有雞柵。樹近蓬門樞。曉日披其樊。一雌將衆雛。村嫗導之前。握粟呼朱朱。當前或更却。母啄子必俱。
吾生早離家。南北忽相踰。父母謂他人。衆中益羈孤。吁嗟雞不若。骨肉長相須。

夏菽蕩二首

夏菽蕩前停釣輪。荒溝極浦易迷津。夕陽滿地北風起。飛遍蘆花不見人。
干戈靜處見漁師。羨爾花源信所之。豈意叉魚艇子集。殺機不異銳頭兒。

過丘生

古今詩一

一一

丘生避地夏湖曲。獨伴流泉結書屋。茅柴酒薄留故人。破甑夜燒風折木。

柔兆闍茂

曉入郡城

輕舟乘閒入。繫纜壞籬根。古道橫邊馬。孤城閉水門。星含兵氣動。月傍曉煙昏。辛苦鄉關路。重來斷客魂。

悲歌

我欲悲歌誰當和者。四顧無人。熒熒曠野。

過吳大村居

泛舟經谷口。迢遞入林端。一徑野煙夕。孤村返照寒。榴花赤瑪瑙。竹色青琅玕。滿酌主人酒。休歌行路難。

漫感

淮陰昔未遇。旅食昌亭年。薄俗愛惜費。晨炊固宜焉。哀哉趙元叔。日歎囊無錢。男兒雖落魄。寧受衆目憐。相逢游俠子。白馬黃金鞭。揖我入酒家。飲我斗十千。臨觴忽不御。拔劍心茫然。

暝

暝投人外宿。桑柘藹陰陰。獨樹歸禽少。平川隱霧深。松篁初月上。鐘磬夕陽沉。漸覺微風起。寥寥山水音。

平陵東

平陵東。蒿艾蓬。爾爲誰。劫義公。攬者金。伐者鼓。縛義公。大旗下。帳前力士頭。虎毛傳呼欲下五尺刀。如可贖。君歸賣白馬。我歸賣黃犢。

強圉大淵獻

捉人行

步出西郭門。遙望北郭路。里胥來捉人。縣官一何怒。縣官去。邊兵來。中流蕭鼓官船開。牛羊麋駝蔽原野。天風蓬勃飛塵埃。大船義義駐江步。小船捉人更無數。頽垣古巷無處逃。生死從他向前路。沿江風急舟行難。身牽百丈腰環環。腰環環。過杭州。千人舉擢萬人謳。老拳毒手爭毆逐。慎勿前頭看後頭。

馬草行

陰風蕭蕭邊馬鳴。健兒十萬來空城。角聲嗚嗚滿街道。縣官張燈徵馬草。階前野老七十餘。身上鞭扑無完膚。里胥揚揚出官署。未明已到田家去。橫行叫罵呼盤殮。闌牢四顧搜雞豚。歸來輸官仍不足。揮金夜就倡樓宿。

北邙山行

北邙山前望行路。素車白馬紛紛暮。誰家丘墓樹龍嵒。白楊粉檜松柏桐。黃金爲鳧石爲馬。魚燈燐燐照泉下。古碑崩剝無歲年。後人於此犁爲田。雄狐僂僂免嬰嬰。人聲夜哭烏聲樂。

春晚過放鶴洲

問訊裴公島。春來幾度遊。古牆修竹上。潭水落花浮。煙雨無人境。山泉放鶴洲。鳴夷今不見。往事問漁舟。

雨後卽事二首

暑雨涼初過。高雲薄未歸。泠泠山溜遍。淅淅野風微。日氣晴虹斷。霞光白鳥飛。農人乍相見。歡笑款柴扉。
一雨平林外。羣山倚仗前。蛙聲浮岸草。鳥影度江天。鳴磬上方寺。揚帆何處船。坐疑秋氣近。蕭瑟感流年。

野外

野外疎行跡。深林客到遲。江湖殊後會。風雨惜前期。秋草飛黃蝶。浮萍漾綠池。南樓夜吹笛。寥落故園思。

舟經震澤

澤國東南遠。樓船舊荷戈。明霞開細練。惡浪走蛟鼉。橫海將軍號。臨江節士歌。重來已陳跡。歎息此經過。

著雍困敦

董逃行

我欲上登嶮。謁見仙人韓終。兩驂白鹿雲中。輕車超忽西東。駕者何人木公。旁有千載玉童。耳長覆髮。丰茸。天門關者蘇林。復開閭闔招尋。青藍紫桂成陰。清風細雨吹襟。提壺設席盍簪。蒼龍白虎交臨。投壺六博無方。中筵促坐芝房。有美一人清揚。輕軀暢舞洋洋。宛若龍游鷗翔。清歌妙曲難忘。四坐歡樂未央。

曠曠日出博桑。

五游篇

崑崙有鳥。自名希有。東覆木公。西藏金母。解一飄風東來。吹我西征。路從弱水。阿母未經。解二雲車隆隆。士鼓
逢逢。道逢仙人。言葬雷公。解三河鼓渡河。天孫設食。奔星馳驅。不見太白。解四方丈之山。其高五千。羣仙往來。
不願升天。解五

少年子

臂上黑彫弧。腰間金僕姑。突騎五花馬。射殺千年狐。

雀飛多

雀飛多。飲啄野田裏。奈何卒逢黃鶴子。誰其救者彈以丸。何用報君雙玉環。玉環如可得。不惜黃花與爾
食。

獨不見

青樓百尺狹巷旁。中有桂樹臨高堂。啼鳥自將八九子。鳴鶴散立東西廂。情人碧玉小家女。快馬瑯琊大
道王。陽春三月獨不見。夜如何其守空牀。

曹三秀才山秀讀書馨菴同吳大莖訪之遇雨留信宿

故人多寂寞。而子寄僧房。不見長相憶。因之暫裹糧。野雲停曲几。涼雨滴虛廊。欲問歸津渡。兼葭一水長。

晚

白屋生寒早。蒼煙向晚陰。松門清磬遠。楓岸夕陽深。坐聽農人語。多諳靜者心。荆扉猶未掩。倚杖數歸禽。

題項叟聖謨書柳

吾家舊宅由拳北。恰與胥山樵對門。巷柳蕭條今已盡。春風猶喜畫圖存。

胥山樵項叟白號也。

屠維赤奮若

春江花月夜

今夜江中月。兼花照水濱。春潮寒不起。定有弄珠人。

芳樹

芳樹不知名。當君階下生。三春三月暮。一雨一番晴。看舞山薌曲。聽吹玉笛聲。相思人不見。終日遶花行。

擬古

東鄰有女。自名碧玉。問年幾何。三六未足。言采柔桑。不盈一劑。愧無南珠。以慰心曲。原田有雉。艾而張羅。愛而不見。傷如之何。

靜夜思

靜夜涼風天氣清。開軒白露滋前楹。憂人佇立愁屏營。仰觀北斗懸高城。浮雲飄忽蒼煙平。誰家青樓葳蕤鑰。月寒沉沉夜飛鵲。

阿那瓌二首

黃塵起踔跋。乃自渭橋過。小袖織錦袍。足踏深羅鞞。問客家何方。揚鞭兩走馬。四角白虎幡。招搖來闕下。

那阿灘

聞歡常遠行。泣下不可止。大舩開江津。懊惱鐵鹿子。

烏棲曲

天河漫漫月流光。錦筵紅袖燈輝煌。城頭烏棲夜擊鼓。吳王更衣西子舞。

同作

嘉興王翊介人

深宮烏啼天未旦。城頭擊鼓明星爛。吳王讌罷星已希。繁霜落樹烏驚飛。

劉生

京華多俠客。勇略重劉生。一劍酬然諾。千金問姓名。歌鐘喧北里。冠蓋隘東平。聞道龍城戰。軍前更請纓。

當壚曲

吳姬春酒解常壚。隨意絲繩瀉玉壺。五馬漫誇秦氏女。雙鬢愁殺霍家奴。

小長干曲

江水東流急。風波正未安。郎今何處去。留妾小長干。

上章攝提格

同沈十二詠燕

節物驚人往事非。愁看燕子又來歸。春風無限傷心地。莫近烏衣巷口飛。

夏至日爲屠母壽

臨高臺。將進酒。君提壺。我鼓缶。君子且勿誼。小人鼓缶歌一言。我昔從東海上。親見上元夫人。指爪長長。鬢髮翩翩。吹瑤笙。擊石鼓。宴者誰。有金母。投壺玉女爲客豪。青蚪白鹿相招邀。鍾山之李綏山桃。李如餅。桃如斗。得而食之皆老壽。今日高堂上。壽稱觴。一年三百六十日。三百五十九日無如此日長。

夏日閒居二首同范四路作

蘭草羅合宅。蓬蒿仲蔚園。桐陰初覆井。瓜蔓漸踰垣。歸鳥檐前樹。斜陽嶺上村。無家昧生計。漂泊信乾坤。草閣親魚鳥。江天滿芰荷。行吟多澤畔。晞髮自陽阿。傍水看垂釣。因風聽伐柯。高陽尋酒伴。乘醉亦來過。

放言五首

長門賣賦司馬。秦市懸書呂章。吾生恨不能早。手載其金以歸。
步兵真成老卒。德祖亦是小兒。功名豎子先遂。詩賦壯夫不爲。
高士南州磨鏡。大夫吳市吹簫。男兒不妨混迹。何用匡居寂寥。
爲文思以冢葬。對客寧將硯焚。當年必無鍾子。後世定有揚雲。
種南山一頃豆。瞻西疇三徑松。耕桑若得數畝。吾豈不如老農。

八月十五夜望月懷陳大忱

明月生滄海。天橫一氣中。遙憐今夜客。相對與誰同。應有良朋過。銜杯學孟公。思之不得見。清露小庭空。

贈諸葛丈

旅車張燈夜未央。相逢跋扈少年場。同來大道朱樓上。並坐佳人錦瑟傍。白首悲歌非往日。青春把酒是他鄉。襄陽耆舊今寥落。乘醉還須問葛疆。

懷鄭明客淞江

連江楓樹外。煙水隔層波。歲暮飢寒逼。荒城雨雪多。故人居谷口。策馬去山阿。幾日離居恨。還應獨嘯歌。

寄家孝廉一是

懷歸當歲晏。木落徧江潭。作客應相憶。離羣自不堪。陰風連晦朔。寒日下西南。早晚依同病。窮愁意亦甘。

重光單閣

春日閒居

幽棲城市隔。好鳥亦來翔。閉戶野橋畔。讀書春草堂。有時敲阜帽。終日據繩牀。且貰鄰家酒。狂歌盡一觴。

懷朱山人扉

別時桂樹秋。相送衡門夜。不見所思來。春水生堂下。

語溪道中

小縣初成市。經春罷荷戈。陂塘湖水緩。桑柘石門多。入饌鵝兒酒。愁人阿子歌。見吳越樂府解題蒲帆十八幅。一半客經過。

東飛伯勞歌

伯勞飛來燕飛去。參辰天上重相遇。誰家女兒十五餘。織成湘綺三條裾。迴身微步乍生塵。巧笑明眸善避人。鬱金爲堂桂爲柱。中庭新種相思樹。陽春已暮花漸稀。可憐高下從風飛。

樹萱篇

朱明四五月。萱草滿中園。花花連枝發。葉葉從風翻。一解移萱南湖濱。樹萱北庭側。亮無同心人。馨香詎相識。二解免絲自有枝。桃葉自有根。黃花特小草。何用通慇懃。三解冶容無故懽。柔條易顛倒。本是忘憂花。翻成

斷腸草
解四

休洗紅

休洗紅。洗多紅漸白。人心初不同。愛好非前日。紅顏絕世衆所尤。美女入室惡女仇。

采蓮曲

采蓮女。兩漿橋頭去。錦石清江日落時。羅裙玉腕花深處。采蓮童。素舸游湖中。江謳越吹歌未歇。朱唇玉面來相逢。共道江南可采蓮。湖中蓮葉已田田。攀花風動飄香袂。照水萍開整翠鈿。翠鈿香袂逢人少。回看蘭澤多芳草。青鳥飛來啄紫鱗。白蘋斷處生紅蓼。雲起暮流長。飛花鏡裏香。雙雙金翡翠。一一錦鴛鴦。鴛鴦翡翠飛無數。蘭橈並著輕搖櫓。素藕連根絲更柔。紅蓮徹底心偏苦。誰家年少垂楊下。出入風姿獨妍雅。岸上徘徊七寶鞭。湖邊躑躅千金馬。淥江腸斷起歌聲。惆悵方塘一望平。水上輕衣吹乍溼。風中細語聽難明。沙棠舟繫青絲紵。相邀盡說江南樂。白露初看翠蓋飄。秋風漸見紅衣落。橫塘燈火采蓮歸。隔浦歌聲聽已希。雲間月出開煙樹。惟見沙明白鷺飛。

寄胡明府
振芳

老去甘垂釣。秋深歎轉蓬。虛堂驚蟋蟀。涼露滿梧桐。隱吏思梅福。忘年得孔融。飄零方有日。清宴幾時同。

雞鳴

東方未白雞長鳴。離人束帶步前楹。中閨切切再三語。曉寒入室燈光清。家童驅雞誤相觸。腦膈膊膊飛上屋。

讀曲歌

素藕生池中。紅荷浮水面。與汝同一身。本自不相見。

華山畿三首

華山畿。弩張不發箭。知子未投機。
兩相望。儂非弧矢星。安能長對狼。
奈何許。安得鳳凰子。迎接儂與汝。

游仙三首

東土非吾好。西征豈憚勞。何能從桂父。且且學盧敖。入水騎龍竹。耕煙種鴨桃。不知閩風去。負闕幾重高。
八桂何時植。雙鸞此日鳴。然犀分水族。懸鏡照山精。片石臨河見。浮槎貫月行。心知逢織女。不待問君平。
少小璇宮織。當牕機九張。天孫分重錦。價直百千強。欲渡明河去。牽牛不服箱。謫來北斗下。無計挹仙漿。

臣里

臣里東家子。生來十指柔。已矜能挾瑟。不自解梳頭。蠟淚挑珠鳳。風簾控玉鈎。日長消午夢。鬪草及春游。

玄默執徐

南湖夜聞歌者

輕舟暗度古城東。惆悵霜天落塞鴻。誰向夜深歌水調。傷心不待管絃終。

舟次平望驛

舟人爭利涉。日夕更揚舲。一水分平望。羣山接洞庭。風來潮約約。煙積雨冥冥。愁聽嚴更發。中宵尙未寧。

楓橋夜泊

初月開平林。繁星羅遠戍。驚禽沙上鳴。漁子夜深語。遙聞歌吹聲。暗入楓橋去。

治平寺

招提下山路。一徑轉迴塘。塔影開初地。鐘聲落上方。陰崖深樹綠。斜日亂峰黃。湖上扁舟興。沉吟意不忘。

中峰尋讀微上人_{不遇}

中峰藤蘿上。亭午傳齋鐘。無復憚長路。因之策短筇。山明石齒齒。樹暗雲容容。不見支公鶴。相隨塵外蹤。

白紵詞二首

吳王宮中夜欲闌。秋江露白芙蓉殘。青娥二八羅裳單。左鈿右鈿何娑盤。明星滿天月三五。城頭坎坎夜
擊鼓。君王既醉不知音。猶向燈前作歌舞。

天橫北斗夜沉沉。美人並進揚清音。白紵輕衣香氣深。玉釵亂墮無人尋。此時但恐君恩竭。急管繁絃那能歇。明燈忽滅烏夜啼。醉起更衣滿江月。

江亭

楊柳官亭外。春來送客頻。傷心車馬地。淚盡復生塵。

古興二首

空井雙桐落葉深。銅餅百丈響哀音。美人不見涼風至。愁對秋雲日暮陰。
羅生芳草綠汀洲。少婦明妝北洛游。日暮清歌何處發。蘋花秋水木蘭舟。

哭萬兒

提攜猶昨日。髮髯憶平生。夜火銅盤淚。春風竹馬聲。無錢輕藥物。瀕死念聰明。迢遞黃泉道。沉沉慟汝行。

送王嫺游粵

好去羊城道。吁嗟契闊深。離羣空悵望。惜別重登臨。零雨哀南土。晨風念北林。征途祭酒客。天末渡江吟。
煙火蠻鄉少。山雲驛路陰。枕榔交嶺樹。孔雀擾家禽。去問楊孚宅。歸看陸賈金。梅花如可寄。幸慰故人心。

立秋後一夕同睦

修季俞亮朱一是繆永謀集屠熾齋

涼風吹細雨。蕭瑟度庭陰。把袂來何暮。當杯夜已深。天邊同落魄。江上獨愁心。誰念新亭淚。飄零直至今。

送袁駿還吳門

袁郎失意歸去來。彈鋏長歌空復哀。天寒好向汝南臥。酒盡誰逢河朔杯。遠岸楓林孤櫂入。平江秋水夕陽開。要離墓上經過地。知爾相思日幾迴。

題畫四首

林深屐齒未曾經。萬壑松濤偶坐聽。我若支筇來此地。便攜酒榼上茅亭。綠蕪遠近山參差。露氣暗浮松樹枝。烏篷七尺屢回首。看到月明歸未遲。長林楓葉早霜催。絕磴鳴泉激石迴。料得山樓聽不盡。絃桐欲寫又徘徊。竹梢藤蔓淨飛沙。冷翠疎林不著花。羨殺幽人此高臥。更無剝啄到山家。

集句題王女史畫蓮

可愛深紅間淺江。滿池荷葉動秋風。綵迴謝女題詩筆。一片西飛一片東。

昭陽大荒落

卽席送王廷璧朱士稚同之松江

楊柳青青覆板橋。春江花月夜生潮。停杯又是他鄉別。無那相思一水遙。

遣悶

古今詩一

一雨竟十日。蕭條成暮春。歡娛那有地。歲月漸過人。煙草天邊路。風花陌上塵。良游如可再。尊酒莫辭頻。
閑情八首

邂逅重門露翠鈿。娉婷不嫁惜芳年。徒勞暇日窺香掾。漫想橫陳得小憐。洞口桃花何灼灼。江南蓮葉更田田。輸他三戶人。僂倖載上胭脂匯。匯船。胭脂匯在橋李村。傳范蠡載西施處。

生來里是比肩名。兩美須知定合并。北地佳人矜絕世。西鄰名士悅傾城。何緣珠樹成連理。便擬香車駕六萌。不分秦臺漏消息。玉簫先有鳳凰迎。

家臨大道不難知。夾岸楊枝踈地垂。春水白魚多比目。秋風紅豆最相思。飛龍藥店虛存骨。走馬章臺孰畫眉。多事定情繁主簿。山南山北淚連絲。

宛轉吳歌別有腔。蜻蛉舟小露紅窗。梅花日暮風吹樹。桃葉春深夜渡江。荀令香消煙寂寂。何郎燭暗影幢幢。思憑謝女題詩筆。畫作輕鸞六百雙。

蓮花細步上蘭階。徐整同心七寶釵。入室便應金作屋。當壚須得酒如淮。身前容易風吹袖。夢裏分明月墮懷。五角六張看過了。何愁作事兩難諧。

舍後方池一水流。鶉鵲鶉鶉驚信沉浮。從教露井生桃樹。更遣中庭種若榴。錦段未通千里字。玉簫猶隔幾層樓。不知桑葉城南路。五馬寧能共載不。

水北花南路不紆。形相色授兩心輸。莫須遠結千絲網。且緩平量十斛珠。大婦亦憐中婦豔。新人定與故人殊。鴛鴦有分成頭白。肯許飛還野鴨俱。

一自神珠別漢皇。經春不見意徒勞。門前種樹名烏臼。水上飛花盡碧桃。三里霧同千里遠。九重樓恨十重高。無因得似紅襟燕。恣拂簾鈎日幾遭。

渡黃浦

極浦連天闕。驚濤壯海門。揚舲辭驛路。放溜入雲根。白霧魚龍伏。蒼煙日月昏。樓臺朝作市。雷雨暗翻盆。疏鑿千年久。舟航萬里奔。摩霄盤野鶴。吹浪湧江豚。杳渺通長島。虛無出遠村。祠因黃歇起。葺以陸機存。上客今何在。高文不可論。乘槎應未得。搖落問乾坤。

龍潭曉發

曉發白龍潭。移舟綠楊岸。篙師暗中語。行客水邊飯。雞鳴潮始來。月落天未旦。冥冥煙霧生。稍稍城鴉散。乘風萬里外。擊楫中流半。慷慨游子心。臨江起長歎。

嫁女詞

嗟嗟重嗟嗟。鴛鴦隨野鴨。誰家可憐窈窕娘。容顏精妙難意量。大姑生兒仲姑嫁。小姑獨處猶無郎。媒人登門教裝束。黃者爲金白者玉。阿婆嫁女重錢刀。何不東家就食西家宿。

七夕詠牛女二首

浪傳靈匹幾千秋。天路微茫不易求。今夜白榆連理樹。明朝銀浦斷腸流。
瓜果中筵笑語微。西樓涼月夜開扉。無因得泛浮槎去。親向天孫乞巧歸。

南湖卽事

南湖秋樹綠。放櫂出迴塘。簫鼓聞流水。蒹葭泛夕陽。心隨胡雁滅。目斷楚雲長。惆悵佳人去。憑誰詠鳳凰。

送林佳瓊還莆田

高樓置酒觴今夕。愁聽驪歌送行客。搖落深知羈旅情。飄零況是雲山隔。林生磊落無等倫。鳳雛驥子誰能馴。一朝怏慨辭鄉里。幾載飢寒傍路人。平生崔嵬好奇服。流離恥作窮途哭。往往詩歌泣鬼神。時時談笑驚流俗。林生林生骨相奇。昂藏不異并州兒。看君富貴當自有。不合憔悴留天涯。高秋別我閩中去。行李蕭條慘徒御。客舍清江萬里船。鄉心紅葉千山樹。九里湖邊倚翠屏。穀城山下俯清泠。寒風江路兼山路。落日長亭更短亭。嗟予分手天南遠。惆悵河橋送君返。遠客休辭行路難。高堂應念還家晚。

送十一叔游中州二首

木葉下亭臯。西風一雁高。驅車千里道。結客五陵豪。河水浮官渡。關門鎖虎牢。驪駒方在路。尊酒意徒勞。
旅館涼風起。秋城畫角哀。天涯方遠客。祖道且深杯。山色陰中岳。河流繞吹臺。梁園多雨雪。歲暮好歸來。

送通門和尚住持太白山

越山東望路迢迢。洞口寒藤度石橋。惆悵空林飛錫遠。海門秋雨浙江潮。

送屠爨入閩

故人千里去。風雪上行車。南浦悲長路。西河歎索居。江猿啼遠近。天水入空虛。莫作經年別。高堂正倚闕。

逢姜給事探

黃門先生官左掖。力欲拔山氣辟易。虎豹天關閉九重。孤臣血肉徒狼藉。東萊蜃市易沉淪。南國相逢淚滿巾。青鞵布韞江湖外。誰念當時折檻人。

簡陳秀才光釋

幾日秦嘉去。應留贈婦篇。盤龍明鏡好。雙笑玉臺前。

長安賣卜行贈吳三統持集杜句

翻手作雲覆手雨。長安布衣誰比數。天涯涕淚一身遙。避地何時免愁苦。男兒性命絕可憐。實籍君平賣卜錢。身上須繒腹中實。長安市上洒家眠。酒酣拔劍肝膽露。勾陳蒼蒼玄武暮。人生萬事無不有。世人那得知其故。揚眉結義黃金臺。亦知窮愁安在哉。可憐懷抱向人盡。黃帽青鞵歸去來。寂寞江天雲霧裏。舍南舍北皆春水。龐公隱時盡室去。我獨何爲在泥滓。強移棲息一枝安。百遍經過意未闌。復有樓臺銜暮

景也。從江檻落風湍。多才依舊能潦倒。百壺且試開懷抱。但覺高歌有鬼神。不知明月爲誰好。吾兄吾兄。巢許倫路難悠悠。長傍人可憐。爲人好心事。終日坎壈纏其身。

無題六首

金谷繁華地。風流石季倫。量珠凡幾斛。買取墮樓人。
織女牽牛匹。姮娥后羿妻。神人猶薄命。嫁娶不須啼。
夢逐山頭去。身從掌上迴。黃金如結屋。先築避風臺。
月映凌波韞。風飄出水衣。莫教仙犬吠。花下阮郎歸。
漢皐珠易失。洛浦珮難分。不及閒男女。肩挑六幅裙。
養就芙蓉粉。勻成十樣牋。相思無別語。只解勸歸船。

哭王處士翹六首

書信傳初到。銘旌已在途。今來紛涕淚。昔別念須臾。迢遞悲長道。艱難喪老儒。山陽懷舊賦。流恨滿江湖。
遠道將歸客。孤舟返舊林。招魂迷楚水。臥病絕吳吟。夢裏羅含鳥。囊中陸賈金。猶憐別時語。悽斷故人心。
江海飄零日。秦川喪亂餘。淒涼蒿里曲。生死秣陵書。零雨沾青草。高原哭素車。南山桂搖落。無復子雲居。
知己從今少。平生負汝多。人生看到此。天道復如何。流水笳簫曲。悲風薤露歌。王猷竹林在。舊徑不堪過。

落日明丹旆。飄風卷繡帷。途窮偏作客。身老獨無兒。書籍今何託。人琴不可知。高山空有調。回首失鍾期。相送悲長別。還家慘獨行。流連簡書札。次第念交情。自有篋中作。何難身後名。泉臺應快意。未必似平生。

曝書亭集卷第三

古今詩二

關逢敦牂

同舍人五兄登觀山頂

杖策荒塗外，憑高遠樹重。微茫開積水，縹緲見孤峰。細雨春歸鴈，深山日暮鐘。何年共招隱，相伴入雲松。

送王訪遊嶺南

送君西去大江深，回首雲煙楓樹林。嶺路千山萬山外，相思孤月夢中尋。

寄懷徐孝廉之瑞

憶別吳山事隱淪，相思煙草歷冬春。餘杭溪水空千尺，不見雙魚白錦鱗。

贈別王山人元慧

王猷原愛竹，圖畫得天真。老去貧尤甚，年來妙入神。與余情不淺，傾蓋日相親。紈扇題教遍，屏風點更新。蕭疎抽直幹，蒼翠染叢筠。雨暗瀟湘夕，煙浮鄠杜春。枝柯紛異色，水石盡堪珍。國史傳文苑，君家有舍人。舍人名紱，善畫竹，不苟作，嘗退朝黔國，以雙謙索畫呼之，不應。至三年始致之。又月夜聞鄰人吹簫，因圖尺幅與之，曰：以簫材報汝，其人更求別幅，并前畫裂之。風流存髮髯，清切典絲

綸散直矜通籍。吹簫狎比鄰。一朝翻毀裂。萬里幾逡巡。能事原殊俗。當時信絕倫。昔賢從脫略。似爾實悲辛。白髮重湖海。青山廢隱淪。狂歌老藤杖。醉脫小烏巾。不厭經過密。惟應歎息頻。物情輕一藝。有識定千緡。相賞知何地。思歸及此辰。郊扉餘舊業。雲壑息勞筋。早晚扁舟就。三江共采蓴。

示弟彝珍

攤書仍不學。萬慮亦徒然。就市非長策。躬耕少薄田。請纆今日事。作賦幾時傳。莫效諸兄嬾。蹉跎媿昔年。

彝公過

遲客無三逕。浮杯自獨園。林棲堪永日。瓢飲坐忘言。竹戶青蟲網。荷風翠鳥翻。更看涼月上。徒倚向南軒。

七月八日夜對月

素月弦初直。清宵漏轉添。乍堪盈手贈。無復兩頭纖。影動明河鵲。涼生碧海蟾。玲瓏看不定。試上水晶簾。

得譚七表兄吉總西陵書集杜

鰕菜忘歸范蠡船。斷腸分手各風煙。更爲後會知何地。自斷此生休問天。縱酒欲謀良夜醉。將詩不必萬人傳。江山路遠羈離日。郭外誰家負郭田。

俞汝言移居八首集杜

亂後居難定。臨江卜宅新。入門高興發。對酒滿壺頻。爲客裁烏帽。呼兒正葛巾。平生飛動意。披豁對吾真。

寂寞書齋裏。幽偏得自怡。美花多映竹。小水細通池。丘壑曾忘返。招邀屢有期。論文或不媿。步履過東籬。田園須暫住。版築不時操。落景聞寒杵。牆頭過濁醪。雜花分戶映。亂石閉門高。試問垂綸客。吾何隨汝曹。簡易高人意。村花不掃除。日長唯鳥雀。客至罷琴書。曬藥安垂老。鈔詩聽小胥。由來意氣合。歲晚莫情疎。卜宅從茲老。幽居不用名。倒衣還命駕。高枕笑浮生。弟子貧原憲。諸公厭禰衡。看君多道氣。攜手日同行。隱者柴門內。無村眺望賒。圓荷浮小葉。秋竹隱疎花。帖石防隕岸。傾壺就淺沙。何時一茅屋。來問爾東家。牀上書連屋。庭中藤刺簷。看君用幽意。勝槩欲相兼。棗熟從人打。杯乾自可添。此時同一醉。與汝定無嫌。滿目悲生事。終朝有底忙。世人皆欲殺。詞客未能忘。回首驅流俗。過逢類楚狂。吾生無倚著。配爾亦茫茫。

懷黃十三級客園

八月霜清木葉飛。關河秋望淚沾衣。寒山桂樹今搖落。惆悵王孫尙不歸。

鸚鵡湖寄周四 吉亥

鸚鵡湖邊水。臨流好結廬。桑麻深杜曲。雞犬擾秦餘。紅葉層層樹。銀花寸寸魚。耦耕兼有伴。暇擬著叢書。

八月十三日夜汎月太湖

爲愛清秋月。中流獨扣舷。艱難羣盜路。寂寞五湖船。白髮從今夜。青山憶往年。酒闌愁不寐。相顧意茫然。

十七日夜月

待月涼宵靜。更深醉玉缸。空城懸北斗。流水入西江。落葉紛無數。驚鳧起一雙。高樓思蕩婦。茲夕定常臆。

旅興呈舍人五兄二首

舊宅烏衣巷。涼秋白苧歌。湖山歸路遠。風雨閉門多。暗壑隱松桂。深潭漂芰荷。美人日遲暮。芳草奈愁何。旅館三秋客。端居百慮遘。張衡長不樂。王粲竟無依。夜月彈長鋏。涼風歎短衣。天涯芳草盡。我馬亦懷歸。

寂寞行

寂寞復寂寞。四壁歸來竟何託。男兒不肯學干時。終當餓死填溝壑。布衣甘蹈湖海濱。飢來乞食行負薪。不然射獵南山下。猶勝長安作貴人。

九日同張璠繆永謀集錢汝霖宅分賦

魯酒飲未醉。商歌調復勞。百年齊下淚。九日罷登高。短髮參軍帽。重寒范叔袍。舊來飛動意。空羨五陵豪。

旃蒙協洽

謁廣陵侯廟井序

錢塘江干有廣陵侯廟。其來古矣。乙未三月。將之越中。問渡展謁廟下。按枚乘七發。觀濤於廣陵之曲江。世疑廣陵國爲今揚州府治。然元季錢思復。試羅刹江賦。證曲江卽浙江。楊廉夫。賦之時。號曲江處士。而曾子固撰越郡趙公救災記中。有廣陵斗門。合之伍子之山。胥母之場。疑義可析。因賦絕句紀之。江月松

風者思復自題其集名也。

昔聞江月松風客。賦證錢唐是曲江。不見郊關廣陵廟。靈風長拂舊旛幢。

固陵懷古

越王此地受重圍。置酒江亭感式微。想像諸臣紛涕淚。淒涼故國久睽違。天寒竹箭參差見。日暮烏鳶上下飛。猶羨當年沼吳日。六千君子錦衣歸。

蕭山道中

古樹參差暗。春禽旦暮鳴。東西開水市。高下築山城。翠竹千家靜。清江二月平。昔賢栖隱地。巖壑有同情。

梅市

仙吏經過處。空江日夜流。何年市門去。千載渺難求。竹暗清溪路。沙明白石樓。羈鴻與孤客。歸思兩悠悠。

鑑湖

狂客常年歸四明。經過遺跡不勝情。澄湖一曲明如鏡。身在山陰道上行。

雨坐文昌閣

芳草辭南浦。晨風寄北林。佳人天路隔。帝子水雲深。風雨他鄉別。羈愁薄暮心。冬青已無樹。忍向六陵尋。

借謝晉吳慶楨登倪尚書衣雲閣

閣初成日倪公謙漳浦黃公於此

飛樓跨百尺。畫棟長氤氳。我來借客一延佇。置身髣髴雲中君。憶昔樓成時。尙書歸田里。北海方看尊酒開。東山終爲蒼生起。自從龍馭歸鼎湖。公亦仗節死京都。子規燕市尋常見。白鶴遼東歲月徂。十餘年間亭已壞。游客經過增感慨。噫吁嘻。黃公授命大中橋。魂兮欲歸不可招。千門白下總蕭瑟。何況尙書一廛室。請君下樓歌莫哀。回首高城月東出。

謁大禹陵二十韻

夏后巡游地。茅峰會計時。雙圭開日月。四載集輻輳。國有防風戮。書仍宛委披。貢金三品入。執帛萬方隨。相古洪流割。欽承帝曰咨。寸陰輕尺璧。昆命有元龜。自授庚辰籍。寧論癸甲期。清都留玉女。惡浪鑿支祁。荒度功攸賴。平成理自宜。神姦魍魎屏。典則子孫貽。明德山來遠。升遐亦在茲。丘林無改列。弓劍祇同悲。回首辭羣后。傷心隔九疑。鳥耘千畝徧。龍負一舟移。斷草山阿井。空亭嶽麓碑。茫茫懷舊跡。肅肅禮荒祠。黃屋神如在。桐棺記有之。筵誰包橘柚。隧或守熊羆。共訝梅梁失。因探窆石遺。謁來憑弔處。拜手獨陳辭。

南鎮

稽山形勝鬱嵒峴。南鎮封壇世代遙。絕壁暗愁風雨至。陰崖深護鬼神朝。雲雷古洞藏金簡。燈火春祠奏玉簫。千載六陵餘劍鳥。帝鄉魂斷不堪招。

晚過寶林山寺

相傳山自鄆。那更武海中。一夕爲至。人民皆徙焉。

春風從何來。吹彼芳樹枝。客心坐惆悵。日夕千里思。出門異南北。獨往任所之。眷言登茲山。已見西日馳。羣峰趨戶外。出沒成參差。置身空濛間。恍忽飛來時。向下聽雞犬。極視窮高卑。沉沉西林路。光闌從此辭。回瞻白雲合。林外鐘聲遲。

遶門山

修途緣廣隰。川暝高煙平。迢迢前山路。落日西林明。舍舟復登陸。慰我巖壑情。斧斤山林外。白石丁丁鳴。危梯懸木杪。幽谷聞人聲。陰晴古壁暗。高下蒼崖傾。或見山火出。時聞猿鳥驚。平看雷雨黑。下視源潭清。微風吹素浪。日夕云云生。山田足禾黍。水石明柴荆。何年此幽棲。深謝世上名。無爲在城市。戚戚多所營。

舟中望柯山

朝光麗華薄。清川蕩浮瀾。橫楫臨江阜。流目肆遐觀。丹葩眩重谷。素雲冒曾巒。我行既遲迴。顧景多所歡。青林翳巖桂。香風過崇蘭。空亭邈孤高。修竹自檀欒。緬懷古之人。知音良已難。

蓬萊閣晚望

源水桃花樹樹。春風燕子家家。日斷江南歸思。愁人不在天涯。

再過倪尚書宅題池上壁

尚書池館古城邊。卷幔山光繞座前。一自鼎湖龍去後。難期華表鶴歸年。石廊細雨生春草。蒿里悲風起

墓田。柱付尼師作精舍。粥魚茶版此安禪。

若耶溪

若耶溪頭春水深。南風北風樵采音。浣紗女兒不得見。清江日暮愁人心。

叢山亭子

石磴層層上。憑高四望同。君王遺跡在。寂寞古亭空。綠水人家外。青林島嶼中。昔年生聚日。辛苦舊江東。

弔王義士

賦晉義士受學于都御史劉公宗周。公聞南都不守。絕食。義士上書于公曰。慎勿爲王炎午所笑。乃衣儒巾藍衫。投柳橋下死。與義士先後死者。潘生集。周生卜年。

中丞弟子舊家風。杖屨相隨誓始終。閉戶坐憂天下事。臨危真與古人同。短書燕市遺丞相。餘恨平陵哭義公。此地由來多烈士。千秋哀怨浙江東。

岳忠武王墓

宋室偏安日。眞忘帝業艱。但愁諸將在。不計兩宮還。鄂國英雄士。淮陰伯仲間。策名先部曲。薄伐自江關。赤縣期全復。黃河度幾灣。龍庭生馬角。雪窖視刀鐮。城下盟何急。師中詔已頒。盈庭尊獄吏。藁木謝朝班。相狡妻兼煽。和成主愈孱。長城隳道濟。大勇器成颯。舊井銀餅失。高墳石虎閒。銘功存版碣。鑄像列神姦。曠世心猶感。經過淚獨潸。傳聞從父老。流恨滿湖山。朔騎頻來牧。南枝尙可攀。墓門人寂寞。江樹鳥緡蠻。宿草經時綠。秋花滿日斑。依然潭水月。終古照潺湲。

表忠觀

城邊碧瓦樹靈旂。廟口明湖濯翠微。罷聽緩歌歸夜月。獨存豐碣對閒扉。錢塘白馬迴犀弩。玉座青苔上錦衣。保障東南功不細。祠官異代豈相違。

歸

江南春事早。二月已飛花。眼見芳菲盡。吾生信有涯。妻兒空待米。風雨獨還家。自斷無長策。何勞感歲華。

橫山蛟潭

雲根雁齒階。旁觀怪石裂。傳聞此山隅。有蛟出自穴。崖傾箭栝門。水暗玄黃血。不見下山人。惴惴芳菲節。
山爲顯况舊居。有讀書臺。下山歌云。日日兮春風。芳菲兮欲歇。况所作者也。

歸次西小江行舟被捉夜宿蔡村田舍二首

石壕逢小吏。日暮捉人船。斷續清江樹。冥濛細雨天。一身無倚著。三命苦連遭。亟把迷津問。蕭山何處邊。
野老原頭立。逢迎禮數增。江村寒抱被。茅屋夜張燈。兵革愁何極。桑麻話未能。爲言官道近。一舍是西興。
擬古折楊柳辭

手折楊柳條。倒樹孟津河。十年來繫馬。楊柳今婆娑。

同作

山陰祁班孫

上馬不執鞭，但折楊柳枝。出門不垂淚，但歌楊柳辭。

對月簡周質繆永謀

楓林初落日，秋露漸沾牕。仰視明明月，遙臨浩浩江。游思陶謝並，客有阮何雙。待發清溪櫂，相要醉玉缸。

柔兆沿灘

山陰道歌送沈十二進

我從山陰來，卻憶山陰道。客舍高歌一送君，江南愁思盈芳草。芳草碧迢迢，離人千里遙。青山謝公屐，白馬伍胥潮。潮來潮去春江路，行車遠發西陵渡。雲暗清溪梅市空，風吹修竹柯亭暮。迤邐鏡湖邊，中流記采蓮。樵風空舊跡，沉釀自成川。誰家青翰長相見，何處紅妝不可憐。溪風橋雲門寺，流泉淙淙石齒齒。我昔愛奇未到此，送君遠游從此始。直上秦山望海水。

送舍弟彝鑿之山陰

別情不可道，送汝益淒其。分手悵前路，離居感後時。山中伯禹穴，江上伍胥祠。何處無芳草，池塘遶夢思。

午日吳門觀渡

勝日銜杯罷，輕舟解纜初。盡傳迎伍相，不比弔三閩。畫舫龍鱗見，飛樓蜃市居。雲濤看震盪，雷雨任吹噓。別有張筵客，相邀吳市墟。王孫五花馬，少婦六萌車。芳樹晴川外，平沙夕照餘。泉聲間絲竹，人影亂芙蕖。

爲樂時將晚。當歌恨不除。閭閻成土俗。天地感權輿。江表遺風在。承平舊事虛。吾生多涕淚。高會輒欷歔。

將游嶺南留別故園諸子

驪駒長路起秋塵。遠客清樽不厭頻。握手相看猶未醉。滿堂明月照離人。

錄別

飄飄山上雲。泱泱溝中水。居人語前除。行子夜中起。攬衣候雞鳴。束帶復隱几。上堂辭嚴親。入室慰妻子。戚戚對弟昆。依依向鄰里。臨常掩柴扉。行復顧桑梓。睠彼雙飛鴻。徘徊不能已。

金山登妙高臺

高臺堪極目。落景一登臨。衆水金陵下。孤城鐵甕深。平沙依鴈宿。橫笛想龍吟。不見安禪叟。寥寥江上心。

秣陵

秣陵城闕暮雲封。估客帆檣落日逢。萬里星霜沙塞鴈。五更風雨掖門松。長江鐵鎖空千尺。大道朱樓定幾重。此夕愁人聽鼓角。驚心不似景陽鐘。

采石

采石磯邊積雪晴。橫江館外暮潮生。金陵美酒百斛盡。明月滿江空復情。

小孤山

北船乘長風。南船載柔櫓。篙師戒晨征。渡口動津鼓。霧淨開孤峰。沙明橫極浦。逶迤經前山。日色未亭午。半嶺界樓臺。參差近可覩。離離金碧光。窅窅神靈雨。遠望空愁心。沿流采芳杜。

大孤山

兩孤去百里。宛在中流半。匪獨形勝殊。氣亦變昏旦。天梯鬼斧開。廟火神鴉散。昭昭雲月輝。歷歷明星爛。空水既澄鮮。浮光亦凌亂。飄飄御冷風。恍忽度銀漢。未有歸與情。空深逝者歎。

舟中望廬山

昔予志名山。夢寐五老峰。今茲遠行邁。舟楫欣來逢。中流望員闕。隱見金芙蓉。空翠非一色。飛雲渺千重。歷歷澗中水。青青崖上松。所嗟限于役。策杖誰相從。空愁石梁在。緬懷虎溪蹤。巖棲不得遂。惆悵東林鐘。望湖亭對月

封谿聶侯廟

山色匡廬近。湖光彭蠡開。異鄉頻見月。孤客乍登臺。遠樹霧中失。浮雲川上來。離心似黃鶴。中道一徘徊。返照封谿上。停橈思惘然。地傳白鹿渚。人記赤烏年。簫鼓迎神曲。帆檣送客船。誰令戎馬日。萬里入南天。

灘行口號六首

白鷺洲前動客愁。黃公灘畔駐行舟。誰開瘴嶺天邊路。惟見清江石上流。

銅盤灘急水西東。兩岸高山四面風。絕壁倒飛巫峽雨。懸流直下呂梁洪。
黃茅峽外野人居。潭影空明漾碧虛。長箭短衣朝射虎。鳴榔持火夜驚魚。
斷壑陰崖百丈牽。斜風細雨萬山連。長年三老愁無力。羨殺南來下瀨船。
紅霞深樹嶺雲平。兩槳戈船石罅行。浦口清猿催客淚。一時齊作斷腸聲。
羊腸鳥道幾千盤。設險寧惟十八灘。見說一灘高一丈。直從天上望南安。

虔州懷古

橫浦樓船靜。西風草樹彫。城荒百戰在。地入九江遙。豪傑爭先後。山陵慘寂寥。
鬱孤臺下水。流恨自南朝。
南安客舍逢陸郡伯兄世楷以滕王閣詩見示漫賦

憶昨君從柘湖至。揚舲爭發吳趨市。京口相逢借問君。橫舟揚子江心寺。
晴雲縹緲散碧空。歛忽破波生。長風孤舟如巨魚。鼓鬣洪濤中。
川原迢遞不可極。布帆飄忽隨西東。我從鹿渚超長薄。君到洪都更棲泊。
遠望開襟彼一時。憑高獨上滕王閣。茲樓崛起天下雄。珠簾繡柱垂文虹。
當年王師此高宴。一時詞賦推羣公。留題真蹟不可見。煙雲過眼須臾變。
古來文采光燄長。千載王郎信堪羨。君家兄弟才難伍。甫里聲名動江左。
揮毫落紙氣凌雲。坐令長才失千古。我亦天南萬里行。白衣搖櫂度江城。
閒雲潭影徒回首。南浦西山空復情。大庾城邊日將西。下馬逢君復攜手。
座上新開北海樽。客中飲我蘭陵酒。酒闌相示絕妙

辭九莖勝食齋房芝。曲終定有湘娥怨。讀能如聞帝子悲。當前勝地不得上。使我沉吟一惆悵。舟楫重過定幾時。雲山滿目知無恙。明發梅花嶺外看。長從驛使報平安。側身天地多知己。且莫頻歌行路難。

度大庾嶺

雄關直上嶺雲孤。驛路梅花歲月徂。丞相祠堂虛寂寞。越王城闕總荒蕪。自來北至無鴻鴈。從此南飛有鷓鴣。鄉國不堪重佇望。亂山落日滿長途。

潁陽峽

吳山多逶迤。粵山獨嶄嵒。壁立千仞餘。洞壑俯穹嵌。子午見日月。朝夕鳴松杉。天風一以至。蕭瑟吹江帆。懸崖答長嘯。空翠濕征衫。側聞飛仙度。遠見浮雲銜。何當斲靈藥。坐惜無長錢。

香爐峽

何年香爐峽。擅此香爐名。匡廬與會稽。秀色同削成。篁徑散彩翠。溪流澹澄明。青雲結車蓋。白日懸霓旌。孤舟泛容與。百丈紛縱橫。人影如沙蟲。林林川上行。夕陽下長坂。猿鳥盡哀鳴。征途渺何極。惻惻使心驚。

大廟峽

連山何迢迢。迢迢夕陽外。我行曾幾時。虛舟入青嶽。崖傾斷車箱。廟古陰松檜。遙見靈旗翻。微風響清籟。川光與天容。上下如衣帶。纍纍白石明。窅窅浮雲晦。日夕故鄉心。山川渺吳會。

羚羊峽

泠泠高峽水。際曉煙光微。一聞征橈發。宿鳥皆驚飛。浦樹旣迢迢。山雲亦依依。谿迴修竹靜。日出行人稀。雙崖信奇峻。屹立如重圍。猿猴相叫嘯。水石湛清輝。遂令游子心。萬里亦忘歸。林棲如可得。願息漢陰機。

寄遠

南風日夕度江潭。旅夢還家路未諳。寄語寒衣休憶遠。更無霜雪到天南。

強圍作噩

元日陰

黯黯窮陰合。蕭條歲序遷。故鄉應雨雪。絕域尙烽煙。更憶高堂上。頻思遠信傳。辛盤空自好。誰爲介樽前。

首春端州述懷寄故鄉諸子

客舍千山外。春城萬里心。草青仍一度。雲暗結重陰。往事隨蓬轉。謀生愈陸沉。承歡違菽水。兄弟渺商參。負米情空在。離鴻思不禁。此邦非樂土。何處好懷音。枉作窮途哭。虛勞澤畔吟。蒼梧晴峽遠。桂水暮流深。夢斷梅銷嶺。囊空陸賈金。楓林悲落月。苔石憶同岑。燕笑應如昨。沉吟獨至今。北歸徒躑躅。南望益蕭森。瓊樹佳人隔。梅花驛使臨。短書知可報。珍重問江潯。

珠江午日觀渡

蠻歌撫節下空江。畫舸朱旗得幾雙。想像戈船猶漢日。忽驚風土異鄉邦。芙蓉遠水迷花渡。琥珀深杯覆酒缸。近市青樓經亂盡。知無紅粉出當牕。

五羊觀

中天臺殿倚南溟。玉珮雲衣散百靈。瘴雨不開煙樹黑。驚濤直下海門青。騎羊舊說朝仙馭。銜殺何年降楚庭。歎息遺墟今寂寞。高林空度羽人經。

篷軒落成曹方伯溶招飲納涼卽席分韻

卷幔溪光夕。開軒露氣澄。參差交月樹。升降護風燈。幕府容疎放。蠻天罷鬱蒸。南園多勝友。況挹酒如澗。

羊城客舍同萬泰嚴煒陳子升薛始亨醉賦

客舍所居堂。勝侶時相求。興來攜手一展眺。恍如孫楚之酒樓。樓頭取酒恣驩謔。遠勝十千宴平樂。海寺鐘聲風末聞。江城帆影樽前落。夕陽飄忽晴滿林。須臾急雨來庭陰。蠻天五月不知暑。座客相看寒已深。我本蘆中人。易下新亭淚。莫辭魯酒薄。拚作高陽醉。出亦復苦愁。入亦復苦愁。黃河之清不可俟。何用長懷千載憂。陳拾遺嚴夫子。羅浮四明兩道士。意氣寧從杯酒生。文章本是千秋事。況今生涯羈旅中。時危得不悲途窮。丈夫三十不自立。一身漂泊隨秋蓬。雖未白頭成老翁。當前有酒且痛飲。明朝歧路仍西東。

同陳五子升過光孝寺

浩劫虞翻宅。沙門大士居。寒煙萬井外。春樹六朝餘。是日風旛動。諸天夕照虛。更尋濠上樂。偶坐一觀魚。

越王臺懷古

君不見越山高高越臺古。複道逶迤接南武。北望山頭徧白雲。西臨城下環珠浦。由來形勝盡高丘。萬里天南此壯游。驚濤暗向扶胥落。佳氣晴連鬱水浮。憶昔中原逐秦鹿。五軍失利屠睢戮。番君一出王衡山。戶將從征入函谷。天教霸象開南溟。宵分東井聚五星。龍川縣令起嶺表。被書移檄馳邊庭。聲言三關盜兵至。一時按法誅秦吏。萬人旣築滇陽城。千里還開雒王地。漢帝當年爲剖符。陸生燕喜出西都。冠裳懸結須臾變。文錦蒲桃絕世無。番禺之交一都會。因山築臺落天外。百丈迴盤信壯觀。三時朔望長升拜。自古羈縻稱外藩。誰令市鐵禁關門。不見鮫魚重入貢。旋看黃屋自言尊。漢使陳觴更行樂。紫貝明犀雙孔雀。重來錦石已成山。歸去黃金遂盈囊。一從蒟醬啓唐蒙。越騎校尉甘泉中。是誰僂殺棄繻者。江淮巴蜀紛來攻。伏波下瀨軍三面。樓船戈船齊教戰。合浦珠崖隸海隅。山藿扶荔移深殿。尉佗城圯夕陽原。建德園荒秋樹根。虛傳避暑游宮闕。幾見浮杯出石門。木棉花開山雨積。鷓鴣啼處蠻煙碧。舊井潛移郭璞城。離宮半入虞翻宅。人事消沉洵可哀。千秋朝漢餘高臺。漢家遺蹟不可問。吁嗟乎。歌風柏梁安在哉。

東官書所見

浦樹重重暗。郊扉戶戶關。長年搖櫓至。少婦采珠還。金齒屐一尺。素馨花兩鬢。摸魚歌未闕。涼月出雲間。

東官客舍屈五過譚羅浮之勝時因道阻不得游悵然有懷作詩三首

枉作名山約。茲來不易逢。雨捎千徑竹。苔冷萬年松。錦鳥青丘下。霞書石室封。向來獨往地。悵悵闕仙蹤。
傳道朱明洞。堪留白石樵。鸞凰曾可御。蛇虎爲誰驕。細草香金澗。寒雲束鐵橋。梅花清夢斷。彼美罷相要。
勾漏來仙令。神靈得鮑姑。丹砂不死藥。竹葉辟兵符。白日飛蝙蝠。紅雲泣鷓鴣。何能振衣去。敢復計窮途。

過朱十夜話

番禺屈大均

黃木灣頭月。扶胥渡口舟。日方逾北至。火已漸西流。過雨收紅豆。連波狎白鷗。夫君若護草。一見卽忘憂。

贈張山人穆

鐵橋山人逸興長。草堂卜築東溪傍。彈碁擊劍有奇術。飲酒賦詩多樂方。逢人豈憚竊陵尉。畫馬不數江都王。莫道雄心今老去。猶能結客少年場。

贈張五家珍

可歎張公子。流離自妙年。身孤百戰後。門掩萬山前。易下窮途淚。難耕負郭田。平陵松柏在。餘恨滿南天。

贈高儼

高生老畫師。往往賦新詩。能事繇來重。狂歌和者誰。飲知犀首好。情識虎頭癡。不向銅鞮去。尋常倒接離。

哀莫處士以寅

濃花細雨落前簷。憶別江樓暮卷簾。今日天涯同調盡。白楊荒草哭陶潛。

食龍日

龍日原奇樹。嘉名自海區。何年賦旁挺。得與側生俱。黃擬支郎眼。圓分漢女珠。幾人曾嗜此。昌歎未應殊。

送曹方伯還里

惆悵紅亭酒。登艫奈別何。秋風空日夜。歧路渺關河。重以歸與歎。因之勞者歌。還憑長短笛。吹出感恩多。

夜泊西南驛

生煙平楚夕。隱隱見西南。獵火寒歸騎。津亭暗落帆。往來仍嶺外。憔悴卽江潭。縱有還家夢。愁多已不堪。

三水道中

浦樹高原盡。人家負郭稀。夕陽明斷塔。風色上征衣。老馬長途伏。飢鷹側翅飛。寒江日西下。不送北船歸。

崧臺晚眺

傑閣臨江試獨過。側身天地一悲歌。蒼梧風起愁雲暮。高峽晴開落照多。綠草炎洲巢翠羽。金鞭沙市走明駝。平蠻更憶當年事。諸將誰同馬伏波。

七星巖水月宮

晨策遵北渚。初瞰麗陽崖。淒清曾颺發。鬱述素雲霾。橫術越故蹊。交林冠高齋。蒼煙秀松果。白石崇基階。

以茲清曠地。結念澄中懷。瑤琴雖無音。山水調長諧。何必答歡歌。魚鳥卽朋儕。懷新意猶眷。撫往迹誠乖。卽事非浮歡。眞樂亮難偕。

入景福洞登璇璣臺

紺宇陟旣窮。靈域探未竭。援蘿巡傾崖。窺巖辨修碣。滅跡超重深。拂衣避硤砢。入宮驚坎習。出泉自蒙發。洩雲晴未歸。石火寒不伐。吹萬聆天風。明兩見日月。芳塵凝花堂。象緯逼金闕。陰澗待息心。陽阿足晞髮。歲晏當來游。毋令蕙草歇。

山香關至玉虛觀遂轉登絕頂

山行不辭勞。況非道路長。石門敲屨阿。沙草敷陽岡。仄徑旣窈窕。連峰復青蒼。登高矚千里。矯首凌八荒。飛鳥遺之音。埃風吹我裳。覽彼終南詩。有紀亦有堂。亭亭翠旗列。宛宛朱鳳翔。忘憂豈在邇。爲樂誠多方。何當啓閭闔。高舉朝紫皇。

下扶嘯臺陟閬風崖自蓬壺徑汎舟入鐘鼓洞

高寒肆冥搜。幽異愜心賞。窮梯背樵蘇。密徑而篠蕩。踈後路旣迴。瞻前渚彌枉。緬辭蘇門嘯。重作剡溪訪。泉石匪自今。亭臺已成曩。其鐘異短聞。無射中奇響。偉茲造化功。流形信无妄。津逮興故超。神淵道斯廣。懷哉謝人寰。歸與授吾黨。

阻風珠江口漫成十韻

疾風江上起。舟楫盡停橈。靜聽千林折。驚傳百丈囂。飛鳴連雁落。高下斷蓬飄。急鼓峒人伐。殘虹颯母驕。士囊愁爰藥。板屋歎漂搖。望入孤城近。真成一水遙。空倉寒聚雀。深樹晝聞鴉。長短誰家笛。東西背郭樵。驅馳嗟異域。搖落感今朝。惆悵王孫路。懷歸不自聊。

送嚴偉之惠陽

相期日樂酒。相見輒悲歌。相送有如此。相思知若何。晴川疎樹遠。落日亂山多。別後豐湖月。聞鐘應獨過。

鬱洲寒望

一丘迴柱渚。獨往失斜曛。到地無南雪。連天有朔雲。貪泉懷刺史。蠻語問參軍。漸聽寒潮落。昏鐘隔浦聞。

曝書亭集卷第四

古今詩三

著雍闕茂

將歸留別粵中知己

請君膝上琴。彈我游子吟。哀絃激危柱。離思難爲音。賓御皆煩紆。何況居者心。于役既有年。歸哉方自今。不辭路悠長。眷此朋盍簪。山川一以隔。邈若商與參。行邁日靡靡。憂心亦欽欽。汎舟滄浪天。驅車遏雲岑。中誠何用寫。執手情靡任。

峽山飛來寺

花宮蕭瑟暮雲間。絕磴藤蘿迴莫攀。一自高風留帝子。至今修竹滿空山。澄潭犀去沉金鎖。古洞猿歸帶玉環。此夕登艫渾不寐。更教沿月弄潺湲。

凌江道中

遠客千行淚。離程一葉舟。生憎江上水。不肯向東流。

楊歷巖觀瀑布水

古今詩三

瞻塗越修眇。遵渚拂芸苔。駕言陶嘉月。采隱滌氛囂。舍車循曲汜。捫葛升陵喬。柔荑挺英蕊。灌木蔚豐條。仰沾潺湲沫。俯聆載道飄。逝者如斯夫。洊至非崇朝。靜觀羣化遷。始悟萬象超。一鼓丘中琴。清響流山椒。鳴鳥聲相求。潛蚪德彌劬。願言紱白駒。於焉久逍遙。

雄州歌四首

雄州滿日瘴雲霾。風物當年亦可懷。大庾梅花連小庾。正階流水入斜階。綠榕萬樹鷓鴣天。水市山橋阿那邊。螢雨蠻煙空日夜。南來車馬北來船。滇江西下墨江流。來鴈孤亭春復秋。十部梨園歌吹盡。行人虛說小揚州。山頭風急雨淒淒。篔竹荒茅一望迷。縱有歸人歸未得。空勞夜夜子規啼。

席上留別陸兄世楷

但秉中宵燭。重爲旅客吟。驪駒卽長道。絲竹本哀音。越嶠停雲遠。秦關落日陰。無勞岐路別。酒坐已霑襟。

庾嶺三首

不隨野雀棲。不挹斜階流。顧茲非我鄉。胡然久滯留。侵星陟長阜。亭午次崇丘。丸丸青松偃。鬱鬱玄雲浮。有淪自東來。畢景忽西遄。征夫念獨宿。徒御方相尤。相尤夫何爲。獨宿在車下。往矣歲聿除。來思月惟夏。大儀互迴游。芳華兩徂謝。迴車感長途。如歲匪遙夜。

我馬旣已瘖。征夫本靡暇。曰旦候雞鳴。嚴程起夙駕。
夙駕踰秦嶺。連岡勢逶迤。一爲愁霖唱。慨彼東山詩。沾我征衣裳。素絲以爲緇。不愁裳衣濕。所嗟徒御飢。
薄寒忽中人。不異三秋期。言旋雖云樂。翻使我心悲。

謁張曲江祠

峻坂盤神樹。陰崖鑿鬼工。芳塵羽扇冷。春燕玉堂空。不覩關門險。誰開造化功。經過遺像肅。千載嶺雲東。

晚過東山寺

飛閣流丹蝕。層巒積翠多。松間明月在。惆悵下山歌。

題南昌鐵柱觀

丹甍縹緲麗層城。鐵柱縱橫鍊紫清。陰洞蛟龍晴有氣。虛堂神鬼晝無聲。游人自愛登高賦。仙吏仍兼濟物情。雷雨忽愁天外至。江湖元在地中行。

登滕王閣

峻閣峙洪都。凌虛落照孤。縈迴窮島嶼。波浪接荆吳。舊地君王賞。分封禮數殊。霓旌千騎入。玉佩幾行趨。
水汎魚龍宅。花濃蛺蝶圖。星霜歌舞換。俯仰物華徂。蹟以三王重。名將百代俱。雄文思往事。高興亦吾徒。
闌檻看如昨。登臨信可娛。西山開積雨。南浦散平蕪。作賦秦公子。行吟楚大夫。由來憑眺地。襟帶有江湖。

阻風吳城

客路愁何極。清樽幸未空。匡廬長在望。不厭石尤風。

舟次彭澤悼萬孝廉泰

涕淚千秋在。田園萬事非。悲風彭澤柳。宿草首陽薇。但有青蠅弔。虛傳白鶴歸。秣陵書不遠。何處覲音徽。

秋浦

秋浦沙寒鷺浴。敬亭山暝雲流。何處吹來片雨。回風正濕鄰舟。

烏江謁西楚霸王廟

山前松柏憤王宮。遺恨當年尙不窮。忽見諸軍盡垓下。愁聽父老說江東。美人罷舞餘春草。駿馬悲鳴自朔風。萬歲來游還此地。千秋霸業有誰同。

還家卽事四首

回首辭江海。驚心念物華。漸看鄉樹近。彌覺旅程賒。避地虛留井。無田學種瓜。重爲廡下客。慙媿說還家。
遠客朱顏改。高堂白髮新。長貧謀半菽。幾日且兼珍。遂有耕田計。無勞陟帖頻。南陔蘭可采。眷戀及良辰。
卜築仍無地。來歸轉自憐。癡兒猶昨日。病婦已連年。扇有蒲葵攬。牀移莞蓐眠。濁醪供取醉。不向酒壚前。
至此猶餘悸。於焉暫息機。不辭新蠟屐。重理舊鶉衣。鬼笑劉龍拙。車看袁紹非。生還良已幸。長缺幾人歸。

有感介人
履安也。

雨中陳三島過借飲酒樓兼示徐晟

吳門十日風雨惡。決明花開忽復落。游人登高愁未已。客子入門慘不樂。陳生疎放良可喜。雨中過我臨頓里。却話平生同調人。吹簾擊筑皆知己。皋橋橋西多酒樓。妖姬十五樓上頭。百錢一斗飲未足。半醉典我青羔裘。坐中臨觴忽不語。南州孺子高陽侶。同是東西南北人。明朝酒盡歸何處。

吳江顧處士樵扁舟過訪留所畫山水圖并新詩見贈集杜句酬之

君不見。東吳顧文學。前者途中一相見。同心不減骨肉親。素知賤子甘貧賤。故國平居有所思。數篇今見古人詩。飄零已是滄浪客。酒後嘗稱老畫師。畫師不是無心學。合沓高名動寥廓。漫勞車馬駐江干。數問舟航留製作。春山無伴獨相求。請君一來開我愁。乘興遣畫滄洲趣。舟楫渺然從此去。乃知變化不可窮。意匠慘澹經營中。陰崖却承霜雪幹。山木盡亞洪濤風。尤工遠勢古莫比。雲白山青萬餘里。虛無只少對瀟湘。天下何曾有山水。浴鳥飛鷺晚悠悠。琴瑟几杖柴門幽。嗚呼。何時眼前突兀見此屋。獨立縹緲之飛樓。

屠維大淵獻

喜羅浮屈五過訪

春風蝴蝶飛綠草南園遍。知是麻姑五色裙。羅浮山下曾相見。開門一笑逢故人。遠來問我桃花津。若非綠玉杖。定跨黃麒麟。不然出入京雒一萬里。何爲布素無緇塵。相知樂莫樂。不用金箱圖五岳。況今天地多戰爭。赤城華頂風煙驚。山陰道士不得見。四明狂客誰相迎。由拳城南春可惜。竹石如山水千尺。從此扁舟范蠡湖。長歌來往裴休宅。

贈顏鼎受

桐鄉顏氏子。才大最能詩。往作青齊客。論交游俠兒。星流赭白馬。日射黃金羈。不惜歸來困。簞瓢樂可知。

送王掾入蜀省其尊人觀察庭

向晚東城下。驪歌不可聽。寧親遠行邁。送客出郊坰。去馬黃金絡。離筵碧玉餅。山花開古驛。河柳遍長亭。絕域春零雨。浮槎夜挂星。連天秦棧樹。如日楚江萍。已見投三峽。曾傳役五丁。飛雲橫太白。丹嶂落空青。蜀道難如此。瞿塘險未經。猿聲流暗壑。鳥路人晴冥。好醉臨邛酒。重題劍閣銘。還憑梁上月。夢想對儀形。

渡錢塘

渡口乘潮漾。北風輕舟如馬泝江東。明朝又是山陰道。身在千巖萬壑中。

贈蔡五十一仲光

十里湘湖水。迴流入女牆。君家湖水上。時有落花香。海月生江寺。風琴響石堂。更聞多古調。識曲漢中郎。

梅市飲祁四居士駿佳宅同徐十五祁六分韻

舊里仙人市。搖峰玉女巖。牕中交浦樹。檻外落風帆。藥圃穿籬遠。沙泉近海鹹。紺園留過客。黃獨斲長錢。榻下同徐穉。林中對阮咸。坐來殘暑退。涼思入楓杉。

題祁六班孫東書草堂

愛汝谿堂靜。開尊乍卷帷。江花平岸發。山鳥過庭飛。東海賦垂釣。西山懷采薇。一爲歌白雪。高調和應稀。

祁六坐上逢沈五

沈五配祁夫
人湘君善詩

東陽年少沈休文。五載相思兩地分。今日謝家羣從在。青綾障外更逢君。

祁理孫席上口占

公子華筵醉幾迴。玉簫金管夜重催。他鄉信美不歸去。一飲須傾一百杯。

祁六紫芝軒席上留別

長路何年別。幽居此地偏。石林芝草秀。蘭澤荷花鮮。上客且安坐。主人猶未眠。不知高館裏。絲竹是離筵。

顯皇帝大閱圖爲吳金吾國輔賦并序

萬曆初。太師張文忠公居正秉國。勅駕大閱。時兵部尙書吳公兌實典禁旅。俾圖以傳子孫。錦衣都督同知國輔尙書曾孫也。出以觀客。圖長三丈餘。內自宮闕。外至陵寢。極于沙漠。止焉。繇是萊陽宋琬作賦。南

昌王猷定作記。而蘇軾作詩以述之。

神廟垂衣日。江陵總百官。揆文先奮武。慮亂本居安。殿上蕭何履。朝中貢禹冠。孫通明禮樂。方叔莅師干。駕馭英雄在。超騰士馬驩。車徒看翼翼。禁旅尙桓桓。畫史真能事。披圖得鉅觀。丹青榮顧愷。宮室擬胡寬。歷歷開城闕。高高疊井幹。虛無凌倒影。縹緲結重巒。太液波還靜。長楊露未乾。妝樓原自鏤。圓殿不禁寒。仙杖移平樂。霓旌擁上蘭。忽驚千騎並。旋訝六營團。作氣陳金鼓。前驅建玉鑾。輕雲承翠蓋。麗日表朱竿。遂列堂堂陣。爰升將將壇。小侯班四姓。大閱用三單。紫燕雙絲絡。花驄七寶鞍。呈能羣角觝。教射集星弁。觴飲籌無算。鏡歌曲漸闌。行知塵冉冉。歸想佩珊珊。遠勢工尤極。平原繪更難。蕭疎連板屋。迢遞出峰巒。百里生毫末。諸陵望鬱盤。薊門無煖火。函谷有泥丸。元老謀猶壯。諸孫手澤完。錦題探篋筒。湘簟展琅玕。對此成希覲。因之感萬端。雨煙飛蜀錦。霜雪皎齊紈。賦愧王延壽。謠同梁伯鸞。儀章長在目。珍重歲時看。

飲吳生理楨宅

吳郎愛客解千齡。勸飲青絲挈玉餅。落日兒童齊拍手。過江三日幾曾醒。

食魷魚

白小休論小。奇珍信可珍。炎天來積雪。入饌總如銀。稻蟹時方早。蓴鱸思莫頻。不知江海上。幾處罷垂綸。

越江詞

山圍江郭水平沙。過雨輕舟泛若邪。一自西施采蓮後。越中生女盡如花。

題越江詞後

上虞錢霍

翩翩公子刻川游。五月山陰鏡裏舟。自向花前歌妙曲。若邪溪女盡風流。

曹娥廟觀渡二首

問渡要津吏。沿流信楫師。江空鳴社鼓。風細颯靈旗。遂入曹娥廟。同觀漢代碑。浮江千載恨。猶有弄潮兒。
小小邪溪女。潛來事禱祈。罷歌河女坐。不上越航歸。晉書夏統傳曹娥沉後國人哀其孝義爲歌河女之章斜日明金闕。涼風到錦幃。還持白團扇。搖動五銖衣。

土城山和錢六

江花江草滿江關。浣女清歌日暮還。曲罷彩雲猶未散。春風吹上土城山。

原作

上虞錢霍

西施明豔世間希。此地曾經換舞衣。春色不隨流水盡。暮山猶見彩雲飛。

雜詩三首

滔滔東流水。中有西上魚。素鬢揚洪濤。騰決勢有餘。雲霧生晦冥。川岳助吹噓。白龍未變服。胡然愁豫且。
亮無圖南志。終返北溟居。

鷄鳴本大鳥。海處揚波濤。何意天風來。吹之入魯郊。鏘鏘鐘鼓鳴。昂首思扶搖。青雲鑿其翮。烈風焚其巢。先時方笑言。後至斯號咷。

騏驥服鹽車。彌猴騎士牛。於心徒欲速。爲計苦不周。白洋旣覆粟。太行亦傾輜。擇術昧先幾。焉能獲所求。寄屈五金陵。

新從白蓮社。舊事紫陽君。貽我羣仙詠。全勝十賚文。風濤楊子渡。松柏蔣陵雲。共有山棲志。題書報爾聞。嘉興周篋青士

同作

昭景元名族。宗雷愛道流。聞依靈谷住。最近孝陵秋。倚閣三松樹。風香閣存
陵樹三株浮江一葉舟。匡山多勝侶。何日虎谿游。

又

秀水徐善敬可

傳說靈均裔。經秋尙未還。卜居那有地。縹馬定何山。五岳朝羣帝。孤舟下百蠻。遂令哀郢曲。流轉到人間。

又

秀水朱麟鑿千里

三閩文采後。之子繼清標。少日矜奇服。空門賦大招。軍容屯朔騎。風物話南朝。庾信傷心地。江關入望遙。

八月十五夜集半邏錢府復齋有懷錢四

汝霖錢四本姓何

舊識何顯宅嘉興李繩遠斯年溪亭雜樹交。秋花低結子嘉興李符分虎。寒竹暗抽梢。屢下南州榻嘉興李良年武。
曾彌慚左顧。庖山餅攜播洒。海鹽錢爾復子湘。野藪出杭肴。樂飲傾三爵嘉興李符分虎。寶筵賦載嘏。風
多沉北斗。繩遠雲密自西郊。肅肅離鴻下嘉興李符分虎。栖栖獨鶴巢。空堂驚蟋蟀。良年涼牖落蠨蛸。待月虛高詠。
爾復停杯試解嘲。小山棲隱處。符懷望隔衡茅。繩遠

過笈公西谿精舍懷羅浮屈五留白下

爲愛精廬好。海寧朱一是近修。還從勝侶探嘉興屠熾開伯。連山藏礪戶。居焯昭仲。百頃漾風潭嘉興李。
鏡明遠。暇日同看竹嘉興周質。青士終朝罷采藍嘉興繆永謀。天白汀洲縈曲岸嘉興鄭珮。始空翠入
層嵐嘉興沈進山。子靜聽蓮花漏嘉興。幽尋燕子龕李繩遠。林泉訪支遁李良年。晨夕過劉惔李符。慧業
知相似。一是玄言試共參。曠香雲浮貝葉。焯松火照金函。鏡坐起頻移榻。質遲留此盍簪。永謀漫須觀露
權。珮且與薦霜柑。進高興雖云洽嘉興。離懷總不堪。繩遠同心方遠道。良年輟權復停驂。符澤畔吟應數。
一是淹中臥未甘。曠飄零曾薊北。焯棲泊又江南。鏡赤羽紛傳檄。質青鞵孰荷擔。永謀石城秋草積。珮瓜
步夕陽含。進佳訊憑誰寄。質尊端居祇自慙。繩遠西飛有孤鶴。良年天末望蘇耽。符

懷嚴峰客嶺南

老去嚴夫子，辭家久不回。升沉安可問，時命轉堪哀。尚有高堂在，曾無驛使來。遙憐望鄉處，日上越王臺。

同曹侍郎遙和王司理士禠秋柳之作

回首秦川落照殘，西風遠影對巒岿。城頭霜月從今白，笛裏關山祇自寒。亡國尙憐吳苑在，行人只向灞陵看。春來已是傷心樹，猶記青青送玉鞍。

同賦

櫛李曹溶

灞陵原上百花殘，隄樹無枝感萬端。攀折竟隨賓御盡，蕭疎轉覺道途寒。月斜樓角藏烏起，霜落河橋駐馬看。正值使臣歸去日，西風別酒望長安。

初秋泊錢清江

錢清江口水平堤，雲木參覃磴不齊。川靜未聞鴻雁度，雨昏時有鷓鴣啼。逃名梅尉來吳市，避地梁生入會稽。枉自含情臨北渚，秋風嫋嫋草萋萋。

飲張司理陞南華館題壁

南園載酒勸君歌，涼月紛紛照薜蘿。鏡水連天八百里，張星依舊在明河。

梅市對雨遲朱士稚不至同呂師濂祁理孫班孫分韻得泥字

溪亭蕭瑟水雲低，積雨千山極望迷。落葉漸看沙徑滿，寒烏偏傍女牆啼。重來賓客仍羈旅，此去鄉關亦

鼓鼙何事懷人坐惆悵。且拚今日醉如泥。

留別董三

離堂翦燭重燒燭。深夜他鄉說故鄉。作客蕭條官舍下。逢君歌哭酒壚傍。明朝分手仍南北。後會相期各渺茫。長路烽煙驚海甸。亂山風雨暗河梁。

上章困敦

同杜濬俞汝言屈大均三處士放鶴洲探梅分韻

徑轉叢篁曲。谿迴石磴斜。爲園傳故相。唐相裴休別業勝事復吾家。晚日吹山雨。陰雲覆浦沙。春風三百樹。猶有未開花。

送汪進士擬游嶺南

獻歲發吳閩。緣流抵建康。北風吹五兩。幾日上潯陽。榕葉山城暗。梅花驛路長。回思舊游地。飛夢到君傍。

和曹使君憶姚州酒歌二首

姚州白酒白於泉。醉客何論三百錢。十月糟牀初滿注。莫教焚却子猷船。曹娥江口晚潮低。兩槳春船入會稽。最憶黃冠鼓倒日。夕陽山色鑑湖西。

聞東莞查明府舅培繼擢戶部書寄

飛來雙燕子。遠自羅浮山。爲報神明宰。青春萬里還。風煙辭粵嶠。車馬下秦關。從此相思夢。無煩到百蠻。
寄顧處士有孝

東吳顧文學。念爾亦窮途。留客還雞黍。傾心及釣屠。江城三歲別。書札一行無。何日能相訪。扁舟范蠡湖。
杜別潯

石城烽火後。孤客轉浮沉。乞食來吳市。爲園失漢陽。襄陽耆舊傳。荆楚歲時心。還復扁舟去。淒其洛下吟。
同魏周二處士集鍾淵映宅遲俞汝言不至

城隅急雨漲溪沙。酒坐銅盤燭影斜。有約南樓懷謝監。起看江水落江花。

附簡朱十

秀水項奎東井

昨日南樓讌。懷人到燭斜。風前吟未足。江水落江花。

寇至二首

百里寒山下。萑苻遠近齊。探丸分赤白。放溜各東西。都尉金爭摸。蚩尤霧忽迷。今宵聞野哭。應有萬行啼。
我友遭維繫。空留舊竹林。徒聞鞭寧越。猶未釋陳琳。黃犢誠難賣。青氈詎可尋。垂堂原有誠。端不爲千金。
里中王秀才訪爲寇劫至營中家貧無金可贖遣告

壽姚太學潯集杜

五十白頭翁。經書滿腹中。畏人成小築。把釣待秋風。黃卷真如律。清樽幸不空。看君多道氣。恥與萬人同。

寄表弟查容

查容個儻無與儔。頻年題詩黃鶴樓。一朝攜家忽西下。挂席遠返荆門舟。平生與予未相識。相逢意氣何相投。往時寒食一百五。鬪雞耍我東城遊。東城春寒吹細雨。留我南軒長夜語。坐中陳光緒吳統持十數公。一時傾倒相矜許。呼僮將炙襄陽兒。喚婢盪廚大堤女。盤中尚進武昌魚。甕頭更出宣城醋。別來幾月不相聞。聞道新詩更軼羣。九日登高還落帽。三秋對酒定論文。由拳城西白日短。寒風淒淒雪纂纂。舟楫傳君數往來。音書未得通情款。妻子猶從廡下居。朋簪尙遣堂中滿。年來我亦善留賓。千金散盡空一身。不知生產緣何事。仍復饑寒傍路人。只今交道非疇昔。論心那得同金石。空手徒令壯士慚。因人遠道非長策。勸君有錢須愛惜。楊朱岐路見不悲。阮籍窮途慟何益。

屈五來自白下期作山陰之游

楚調聞高唱。吳航下舊京。涼秋八九月。招我固陵城。射的仙人去。籠鵝道士迎。明湖凡幾曲。攜手鏡中行。

同作

番禺屈大均

最恨秦淮柳。長條復短條。西風吹落葉。一夜別南朝。范蠡湖邊客。相將蕩畫橈。言尋大禹穴。直渡浙江潮。

送屠彙重入閩

閩嶠曾游地。仙歌聽未終。花源凡幾曲。身入幔亭中。

梅市逢魏璧

前年逢君射襄城。山樓置酒懽平生。淳于一石飲未醉。孟公四坐人皆驚。今年逢君梅福市。潦倒鹿疎已無比。寒暑推移六七年。眼前貧賤猶如此。悲君失意成老翁。況復奔走隨西東。攬鏡不知頭盡白。逢人先說耳初聾。山陰祁生賢地主。好奇往往相傾許。豈無上客朱用調。與姜廷梧齊向高堂飯雞黍。哀絲急管何其多。酒酣坐起舞婆娑。魏生魏生奈爾何。百年強半成蹉跎。天生汝才豈庸下。何爲抱膝徒悲歌。

柯山

柯亭山下路。修竹暮紛紛。衆壑千尋暗。雙崖一徑分。沙光明草樹。日氣冷江雲。更憶中郎笛。寥寥不可聞。

送錢六霍朱大士曾同游白下

高詠方從月下聞。佳書猶未換鵝羣。一朝並馬金陵去。閒殺羊欣白練裙。

同王二猷登種山懷古招屈五大均

翠磴盤雲外。蒼山出水隈。樓從飛翼上。峯引臥龍迴。相宅先謀士。成功倚霸才。扁舟一以去。高鳥至今哀。授命誰能爾。知幾不易哉。古碑猶宿草。春殿幾寒灰。流覽窮高下。川涂足溯洄。車書王會地。雲物怪游臺。鄉路迷吳苑。賓朋得楚材。清言同謝許。妙道解宗雷。不分征衣薄。寧愁落日催。成連能就我。急爲抱琴來。

雪中得內人信

河橋風雪斷歸航。遠信沉吟祇自傷。不道比來相憶苦。虛煩錦字十三行。

古意二首

涼秋八九月。游子常遠行。寫心未及竟。轅馬顧我鳴。我車駕君馬。我馬駕君車。徘徊四野中。執手且斯須。何用問遺君。約指于闐玉。上有龍子蟠。下有鴛鴦宿。繚以五色絲。青紅與碧綠。願君一分手。思我贈君時。潛淵與皎日。信誓終不移。

嚴冬十二月。飛來雙白鵠。錦字盤中詩。中央周四角。君書我常報。我書君常開。徘徊一室中。庶以喻中懷。何用問遺君。却月裁芻前。縫以七孔鍼。著以同功絲。青紅與碧綠。五色絲相連。願君一置腹。思我寄君情。轆轤與車穀。輾轉何時平。

寓山訪屈五

草綠南園積雨餘。溪橋宛轉石門虛。山頭白鶴遙相待。知有仙人射的居。

同宋使君晚游雲門山

頻年客會稽。愛茲山水幽。咫尺雲門寺。經旬不出游。朝霞開霽色。喜見風雨收。使君高興發。要我登輕舟。輕舟出遙汀。人語答清冷。流連石帆下。遂至樵風涇。北船吹以南。南船吹以北。欲問仙人居。迢迢不可得。

仙人張射侯。乃在雲中弋。一鶴西飛來。拾矢清谿側。鶴飛猶在沙。回流泛若邪。可憐誰家女。顏色如荷花。新妝映碧水。一笑浣溪紗。如雲匪我思。但弄邪溪月。裊裊綠蘿煙。照見清輝發。際曉衝薄寒。更衣度林樾。鬱金蘭陵酒。酌以鷓鴣杯。一飲動一石。不覺玉山頽。扶我上馬行。有似乘船迴。便蠟阮孚屐。來登任公臺。昔賢多奇懷。眷此滄洲釣。至今臺下泉。清風滿雲嶠。蕭蕭翠竹陰。隱隱哀猿嘯。猿嘯溪風生。動影搖空明。時從翠微半。一聽鐘鼓鳴。鐘聲來何遲。及此夕陽時。山尋子敬宅。塔訪辨才基。明當凌絕頂。更讀秦皇碑。

山陰送葉六娶還當湖

畫舸乘風一葉輕。紅亭相送客相迎。最憐小史如初日。不勸離筵到五更。

山陰客舍送高舍人還膠州

公子翩翩狐白裘。向予長揖返膠州。西陵松柏閭門柳。繫馬春風何處樓。

送蔣翰林超歸金壇

自聽驪駒唱。彌令客思牽。相逢纔破月。惜別已殘年。紅葉山中屐。翰林游雲門賦紅葉詩三十首金沙渡口船。遙憑千里

夢。飛度玉堂邊。

萬歲通天帖歌贈王舍人作霖

千金購墨妙。摹自萬歲通天年。自從靖康亂。人間始覩真蹟傳。百年以來藏項氏。年時記得曾開視。雖無

烏衣四七人。尙有金輪十三字。若非薛稷鍾紹京。安能運腕如天成。銀鈎蠶尾細豪髮。懸針垂露紛縱橫。表上中書勅開宴。九賓咸列武成殿。題扇書裙恍再逢。看朱成碧誰能辨。山來神物難久留。昨日之日忽我適。留題已入他人室。想像空深異代愁。王郎生長山陰縣。弱年通籍金閨彥。贈我盈盈尺素書。君家勝蹟重相見。出門瀕洞風塵多。願置懷中字不磨。試將射的仙人鶴。籠作山陰道士鸞。

曝書亭集卷第五

古今詩四

重光亦奮若

元日對雪簡宋孝廉實穎

令節他鄉會。春盤上客偏。亂雲迷禹穴。獨鶴語堯年。坐下山陰雪。無愁射的玄。明朝江口望。定有孝廉船。

上元南鎮逢蕭鍊師

夏后藏書日。時巡到海陬。周王經野地。作鎮表揚州。秩祀山來重。神功未易酬。河山維十道。封爵視諸侯。碧瓦雲旗繞。香煙石鼎浮。笙簫陳里社。巫覡醉春秋。勝序羣賢至。先生靜者流。真形圖五岳。遐想結三洲。絳縣年須數。黃庭義可求。終期御風去。長袖挹浮丘。

伎席贈王二

松樓竹館映清輝。半醉重窺玉女扉。我欲傳杯杯不放。落花如雪滿春衣。

山陰雨霽同楊大春華游郊外飲朱廿二士稚墓下

簞膠河邊閒杖藜。道逢酒伴相招攜。醉向南鄰抱被宿。際曉不聽天雞啼。醒來忽驚海日出。披衣卻步無

東西殘流小草水。決決舍南舍北。猶春泥揚雲不曉事。要我登會稽。香爐乍見紫煙起。石簣尙有陰雲低。坐我石橋上。影落橋下溪。笑看屐齒折。未得凌丹梯。敝車羸馬寒食下。感念同游淚盈把。新鬼今從故鬼鄰。百年誰是長年者。我今持杯一勸君。有酒且對劉伶墳。從教浣女溪頭曲。并入山陽笛裏聞。

侯山讌集

山係晉孔
愉所居

侯山山上放龜臺。百尺紅亭鏡裏開。試向花源齊列坐。何如蘭渚遠浮杯。巡檐浦樹迎人出。卷幔洲禽拂席迴。我欲臨風歌一曲。起行松月重徘徊。

蘭亭行贈朱大士曾

右軍三十三。修禊蘭亭中。一書蘭亭序。天矯宛若天門龍。我今生年與之同。秋蛇春蚓百不工。謁來山陰道。柳青桃復紅。車如雞栖馬如狗。空使林泉落吾手。朝來蠟屐思入山。雨急風顛重回首。吾宗額也書絕倫。頻過論書仍論文。臨池就我一題扇。世上俗學徒紛紛。持觴勸君且傾倒。晴日今年去年少。曲水東流不待人。春風吹徧蘭亭草。

梅市訪祁七明府熊佳留贈公子誠孫因憶亡友朱廿二士稚

出郭試尋梅福市。臨流不減仲長園。白花結實垂垂綻。紅藥當階故故翻。公子風流能愛客。君家兄弟數開樽。重憐舊日同游少。腸斷空山聽曉猿。

山陰苦雨酬謝處士孔淵

坐見天公笑。何時后土乾。游人三月罷。煙樹六陵攢。苦雨同張協。佳書報謝安。濠梁有高興。春水更宜看。

與朱二十九驥元約過楊大春華三江村居

獨樹原頭盡。三江插口深。聞君理舟楫。許我共招尋。美醞千花露。生魚一寸鍼。鼉峰如可望。試作水仙吟。

贈祁七數

曹娥江上草初齊。謝傅堂前日未西。碧樹紅泉應有待。春來絲竹正堪攜。

贈沈華

沈生好畫兼好詩。昨朝和我春游詞。臨風一曲歌未已。惱殺城南輕薄兒。城南游女明珠佩。青翰舟中時並載。生也經營意匠新。纖纖貌出當風帶。明眸皓腕倚芳叢。修短穠纖思不同。飛燕忽教辭漢殿。西施不見入吳宮。尤長花鳥工沒骨。染草縈沙細如髮。蝴蝶麻姑五色裙。蟠桃漢帝千年核。新製齊紈更可憐。明朝催送下江船。煩君書作相思樹。出入懷中敢棄捐。

彭山卽事

誰家三婦豔新妝。靜鎖葳蕤春日長。一出浣紗行石上。飛來無數紫鴛鴦。

重經彭山

古今詩 四

猶憶清江舊板橋。門前曲水細通潮。垂楊不是傷心樹。那得長條更短條。

南鎮春游詞

黃衫白帽染緇塵。惆悵花時已暮春。總向越王城下住。扁舟須負五湖人。

同作

蕭山毛奇齡

春船初發白蘋開。十里橫塘晚未回。南鎮祠前北風起。夏王陵上雨飛來。

酬毛十九奇齡兼寄張五杉

逝矣三春日。蕭然百尺巖。知君南浦上。朝夕望征帆。湖水蓴絲熟。櫻桃鮑魚銜。歸期今已近。好遣報張杉。

偕曹侍郎濬施學使閔章徐秀才緘姜處士廷梧張處士杉祁公子理孫班孫段橋玩月分韻得

三字

漠漠孤雲合。蒼蒼半嶺含。江山攜謝朓。風月助劉惔。臥柳維舟數。驚烏繞樹三。還同牛渚夜。高詠信無慙。

同王處士猷定施學使閔章陸處士圻汎舟西湖遇雨

東風吹落日。西下北高峰。欲往南屏路。中流聽梵鐘。迴船沙岸火。驟雨石門松。不覺碧雲暮。涼煙生幾重。

觀海行贈施學使閔章

吾生空好游。五岳未登一。玉女青童笑向人。問君婚嫁何時畢。朞來四月西湖邊。輿盡卻返山陰船。餘杭

春酒亦不惡。醉來只向壚頭眠。宛陵施夫子。貽我觀海篇。吳歛會吟不足聽。高張齊瑟絙朱絃。我歌且謠未終曲。風雨秦松振崖谷。天雞叫罷搏桑枝。羣飛海水搖空綠。東臨傑閣觀蓬萊。瀛洲草暖浮煙開。丹田玉闕了可觀。空中照耀金銀臺。齊三士魯兩生。山來此地才華盛。我欲從公問姓名。更尋徐市尋仙去。親向蓬萊采藥行。

曹侍郎席上送別顧工部大申還華亭鄒進士祇謨還晉陵

二子將有入都之役

古寺登高盡。平湖向晚晴。琴書方燕息。車騎更逢迎。置酒從曹植。同游倦馬卿。壺觴無算爵。絲竹漸飛聲。近地多佳客。中筵忽送行。蒼茫浮水國。迢遞計王程。顧愷名元重。鄒陽賦莫輕。曳裾當日異。畫壁一時傾。皎月衣裳好。微風羽扇清。潮迴黃歇浦。江入呂蒙城。聞有南征士。橫行北府兵。時有兵警河橋分手處。前路若爲情。

西湖竹枝詞六首

西子湖平鏡面揩。雷峰倒影象金釵。雲鬢妝就石新婦。香草爲裙笏作鞵。山到婆留城下平。橋從慶忌塔前橫。郎家側近水仙廟。可識水仙王姓名。西曲誰家窈窕娘。獨開小店松毛場。何年偷得江陵樣。織就女兒黃竹箱。岳王祠外舞臺偏。半在湖塘半在田。怕值油車蘇小小。勸郎騎馬不如船。

養魚莊說養魚肥。放鶴亭看放鶴歸。妾在鳳凰山下住。生來不見鳳凰飛。
湖面葦絲寸寸長。爲郎情好作羹湯。朝雲吹散峰頭雨。日出團團雞子黃。

同作

秀水朱彝鑿千里

段家橋邊湖日陰。石新婦下湖水深。自從蘇小西陵去。松柏青青直到今。

于忠肅公祠

昔在狼山下。軍書犯近坳。六師輕朔漠。萬騎失雷霆。土木塵長滿。龍蛇歲不寧。豆田沙浩浩。黍谷路冥冥。
濟世須元老。長材總四溟。從容持國計。指顧悉兵形。瑕呂安羣議。劉琨表外廷。嗣王仍曆數。高廟有神靈。
旣罷金繒款。無煩白馬刑。北幘旋翠輦。南內啓朱扃。命已甘刀鑊。功真溢鼎銘。春秋隆代祀。俎豆肅維馨。
一自輶車至。難期堠火停。遺墟愁戰伐。大樹日飄零。碧草空祠長。黃鸝過客聽。霜鐘沉曉月。風牖繞明星。
卞壺誰修墓。巫陽數降庭。讖還思兩帝。碑欲墮江亭。遠水澄湖碧。流雲暗壑青。千年華表鶴。哀怨此重經。

徐吏部旭齡招飲西湖迴舟卽事

吳姬纖手抱雲和。花下迴船燭下歌。此夕綠流思並載。愁人無那月明多。

施學使問章招集湖舫

朝騎青驄馬。搖鞭似飛燕。道逢尺一書。要我出芳甸。是時孟夏初。澹蕩南風遍。天公忽大笑。向下生雷電。

吾黨三五人。類古之狂狷。脫我尋山屐。登臚接高宴。作使平頭奴。行廚具豐膳。雙絲白玉餅。勸飲嘉魴蘆。向暝更移舟。浮嵐夜頻變。平湖靜無波。皎如一疋練。恍忽葑田中。明滅金牛見。左持鸚鵡杯。右把琉璃研。一笑問主人。何似宣城縣。試畫敬亭雲。貽予白團扇。

由淨慈寺登南屏山絕頂晚憩壑菴精舍

南山色蒼翠。宛若屏風張。下視湖水深。十里浮清光。是時溪雨止。霽色開秋陽。吳娃蕩兩漿。送客上方塘。靜聽煙寺鐘。忽落翠微傍。綠蘿挂絕壁。紫葛懸層岡。層岡何盤盤。松林蔭巖日。公等皆好游。我意雅相匹。入洞窺乳泉。登崖采蜂蜜。失道蒼耳中。蒙茸久方出。出谷齊下山。遂叩中林關。山僧顧我笑。拍手磐石間。簷前桂樹白。鏡裏荷花殷。攀荷坐更遲。拂石影相並。愛此精舍閒。留連日將暝。日暝未足愁。浮雲蔽崇丘。雷聲驚客聽。急櫂迴孤舟。

吳山望浙江

一峰高出萬松寒。磴道虛疑十八盤。近海魚龍吹宿霧。中天日月轉浮瀾。風帆岸壓明珠舶。仙樹花濃白石壇。舊是錦衣行樂地。江山真作霸圖看。

湖上贈蘭陵陳生

西泠橋下水。清擬惠山流。笑問蘭陵客。能來釀酒不。

寒夜集燈公房聽韓七山人曷彈琴兼送屈五還羅浮

韓生燕市來。夜向招提宿。本是悲歌擊筑人。援琴爲鼓清商曲。安絃操縵夜三更。良久徘徊不出聲。坐使閒心遠方閒。逸響生商風泠泠。七絃遍天馬。空山忽不見。石上爭流三峽泉。平沙亂落瀟湘鴈。聞道清商固最悲。不如清角更淒其。一彈試奏思歸引。再轉重愁雙燕離。此時晨鐘猶未撞。月露霜華滿深巷。四座無言歎息頻。篝燈欲滅風升降。羅浮道士思幡然。忽憶朱明舊洞天。種得梅花凡幾樹。泥成丹竈已千年。雲山告歸從此始。四百三十二峰裏。入海能馴海客鷗。攜琴使駕琴高鯉。

夜過曹侍郎滂倦圃二首

水泛鴟夷宅。沙沉樵李亭。昏鐘藏古寺。修竹亂明星。轉信披衣慣。仍看上馬醒。山翁餘興在。舉手笑重經。
初筵月已上。半醉榻頻移。罷奏飛龍引。長謠猛虎詞。時以虎齧城樂府見示朱絃清廟瑟。若木鄧林枝。正喜羊何在。明當共和之。時周子質李子兆漢適在郡

玄默攝提格

眞如寺塔重建

舊湧仁王塔。今開帝釋宮。蜂臺重攬勝。龍藏古稱雄。歷歷時堪紀。高高望未窮。地猶丞相宅。石是上軍功。戰火臨城日。飛塵浩劫中。魚羊乘乙酉。象馬失西東。匠訝胡寬巧。圖看郭恕工。宣和畫譜郭忠恕有雪山佛剎圖經營還

故蹟髣髴像新豐。點墨遺千界。梯雲上半空。燈前招怖鴿。鳥下數歸鴻。不有危樓建。安知寶境崇。火珠將月滿。金冶與天通。盤峻宜承露。幡吹定繞風。留題存片碣。高詠後羣公。白髮愁韋誕。炎臆靜祝融。伽藍如可記。應比洛陽同。

采蓴

湖水清無底。蓴絲滑可憐。相要三五客。采采莫迴船。坐恐葑田合。生憎苻帶牽。祇應櫻筍配。羶膩豈容前。

同作

周貧

細蔓垂垂弱。輕舟箇箇添。參差方未已。采摘定無嫌。入饌銀絲滑。行廚翠釜黏。爲憐滋味別。更下水晶鹽。

又

朱彝鑿

四月湖流闊。三潭塔影低。最嫌絲滑膩。易脫掌東西。遠水旋教濯。歸舟亦可攜。家兄貯以瓦盆攜歸長水當筵啜小陸。羊酪詎堪齊。

又

秀水鍾淵映廣漢

絲蓴先夏摘。何苦待秋風。入掌蠶蟻溜。緣流藻荇同。魚苗盛水滑。雉尾落盤空。一笑辭僮父。何勞蒜果筒。

湖上逢楊二給事雍建

零雨三年別。晨風萬里遙。川涂思往日。舟楫復今朝。碧草湖邊寺。青驄渡口橋。東山有絲竹。知爾定相邀。

同楊二給事飲徐給事惺舟中二首集唐

仙侶同舟晚更移。嬌歌急管雜青絲。相逢苦覺人情好。百罰深杯亦不辭。
風吹洲渚錦帆開。絲管啁啾空翠來。此曲祇應天上有。須成一醉習池迴。

夏日西湖同曹學士爾堪余山人懷汎舟待曹侍郎浴不至有感舊游愴然於懷作詩二首

翠壑南屏下。微風細草薰。山雷焚斷塔。沙柳拂晴雲。白舫朝朝度。清歌處處聞。芙蓉如可采。相約望夫君。
回首憐生事。驚心念物華。同攜今日酒。忽對去年花。驟雨翻青蓋。圓珠溜白沙。坐看雲色暝。餘溼到山家。

送曾司理王孫之官漢中

韓信臺前冷戰雲。漢王城北罷懸軍。三秦父老還相語。國士無雙屬使君。

西陵感舊

鄴下劉文學。陳留蔡議郎。後身那再託。同調轉堪傷。白首憐命谷。青山棄北邙。思歸應有夢。未許訴巫陽。

九日

九日烏程縣。天寒菊自花。遠山初過鴈。淺渚舊平沙。歎逝黃墟隔。登高白蛤斜。重憐故鄉侶。載酒問誰家。

樞山橋觀漲

重陽連夜雨。初日汎層波。不上濠梁望。安知秋水多。淹留攀橘柚。想像駕黿鼉。北渚漫愁思。佳期奈別何。

題峴山窪樽亭

醉殺烏程酒。天寒不放船。從教騎馬去。日日峴山眠。

吳興客夜

東武亭邊樹。栖烏夜半啼。江清楓葉下。天闊鴈行齊。不寐仍杯酒。勞生此杖藜。誰家采菱調。髣髴度前溪。

由碧浪湖汎舟至仁王寺飯旬公房

我愛仁王寺。來從碧浪湖。到門千樹合。登閣一峰孤。仙梵迷高下。香雲忽有無。坐愁風雨至。還與飯秋菰。

白雀寺

竹徑何年寺。松門百丈巖。野雲平石磴。江日冷楓杉。水落青蓮湧。花飛白雀銜。五湖看有望。生計有蒲帆。

對酒酬周貧兄弟

去作西陵別。來從下若還。慙慙杯酒在。試說道場山。

送曹侍郎備兵大同二首

司農論議朝端重。副相聲名輦下聞。豈意尙煩西顧策。翻教暫領朔方軍。河邊遠道人千里。天外鄉書鴈幾羣。到日關城春色早。李陵臺畔柳紛紛。

關榆蕭瑟二庭空。堠火平安九塞通。往日連師驚朔漠。只今市馬互西東。黃河天上三城戍。畫角霜前萬

里風知有馮唐論將帥。不令魏尚久雲中。

將之永嘉曹侍郎餞予江上吳客韋二丈爲彈長亭之曲並吹笛送行歌以贈韋卽送其出塞

韋郎舊隸羽林籍。曾向營門教吹笛。不聽吳中白雪音。定呼鄴下黃鬚客。平原相見轉相親。置酒誇君坐上賓。下若尊疊朝未罄。東山絲竹夜還陳。閒來坐我花閒奏。玉洞飛泉嚮巖溜。古調多傳關馬詞。新聲似出康王授。問我東行到海壖。日斜江上慘離筵。還將北鴈南飛曲。催送錢塘楚客船。船人擘鼓津頭泊。紅葉千山富春郭。忽作邊秋出塞聲。江楓岸柳紛紛落。哀絃促管不堪聽。賓御聞之亦涕零。挂席遠移嚴子瀨。看山直上謝公亭。聞君欲問雲中戍。雪消飲馬長城去。廣武營邊折柳時。黃瓜阜上題書處。司農舊是出羣才。此日征西幕府開。試向尊前歌一曲。梅花飛徧李陵臺。

舟行酬王明府世顯

君從漢陽來。飲我宣城酒。酒盡沙頭津吏迎。乘潮直泝錢塘口。憶別西陵各惘然。東山零雨已三年。一朝遠作瀛壖吏。千里重浮夏口船。君家兄弟文章在。謂孝廉士乾夙昔聲名遍湖海。此去題詩孤嶼亭。白雲青草遙相待。我欲看山到永嘉。不辭蠟屐向天涯。謝公正有同舟興。相與揚帆采石華。

七里瀨經嚴子陵釣臺作

宋謝參軍翻有西臺痛哭記

七里嚴陵瀨。平生眺覽初。江山誰痛哭。天地此扶輿。竹暗翻朱鳥。灘清數白魚。扁舟如可就。吾亦釣臺居。

蘭溪道中懷遠

近郭開門一水居。別來消息近何如。銀絲細繪蘭江鯉。不見佳人錦字書。

雙溪

小店雙溪口。官橋百尺長。登盤魚赤尾。入市棗青筐。菽乳成絲細。薑牙配鼓良。不知前路去。何處石爲羊。

金華道上夢遊天台歌

吾聞天台山高。一萬八千丈。石梁遠挂藤蘿上。飛流直下天際來。散作哀湍衆山響。燭龍銜日海風飄。猶是天雞夜半潮。積雨自懸華頂月。明霞長建赤城標。我向金華問客程。蘭谿谿水百尺清。金光瑤草不可拾。夢中忽遇皇初平。手攜綠玉杖。引我天台行。天台山深斷行路。亂石如羊紛可數。忽作哀猿四面啼。青林綠篠那相顧。我欲吹簫駕孔鸞。瑤臺十二碧雲端。入林未愁苔徑滑。到而但覺松風寒。松門之西轉清曠。桂樹蒼蒼石壇上。雲鬢玉洞展雙扉。二女明妝儼相向。粲然啓玉齒。對客前致詞。昨朝東風來。吹我芳樹枝。山桃花紅亦已落。問君采藥來何遲。曲房置酒張高宴。芝草胡麻迭相勸。不記仙源路易迷。樽前只道長相見。覺來霜月滿城樓。恍忽天台自昔遊。仍憐獨客東南去。不似雙溪西北流。

黃龍寺

黃龍隘口黃龍寺。法鼓空林十里聞。故老尙談元總管。成功實倚耿將軍。蕭條象馬金輪地。寂寞山河鐵

券文古往今來意無限。仙壇瑤草幾斜曛。

蔣廣文薰留飲縉雲學舍爲談仙都之勝

軒后丹砂就乘龍。上紫清。不知滄海畔。亦有鼎湖名。故人家住梅溪上。渡口扁舟日來往。一別柴門已二年。看山忽作仙都長。要予松下飯胡麻。言自仙都道士家。時有仙童來海市。或看玉女載河車。一朝風雨青天注。馬迹龍驤不知處。蓮花一片天上來。從風飄落東陽去。東陽游女弄潺湲。素舸綠流濯足還。笑拾飛花看不足。常歌明月出雲間。廣文先生居四壁。青山無數堂階側。采藥曾迷阮客蹤。窪樽舊是陽冰宅。君去仙都訪道書。金龍玉簡定何如。他時儻入神仙窟。攜手同騎白鯉魚。

縉雲雜詩十首

吏隱山

隱吏昔山樓。留題有真跡。將尋好奇人。結茅看青壁。

窪樽石

不用青荷葉。何須白玉杯。窪樽山上石。醉客有千迴。

忘歸臺

連山積翠深。白石空林廣。落景不逢人。長歌自來往。

羅鷗灘

灘上羣鷗鳥。還應日日來。來時看野老。百過莫相猜。

天際樓

蔣廣文蕭
讓書處

高樓上浮雲。故人曾此住。何處問歸舟。惟見雲中樹。

西巖

朝聞谷口猿。暝宿崖上月。夜久天風吹。西巖桂花發。

惡谿

惡谿無行舟。高下惟亂石。谿中玳瑁魚。可以薦嘉客。

仙巖寺

咫尺仙巖寺。雲峰望轉親。夕陽鐘磬發。猶有未歸人。

積翠亭

孤亭雲木暝。衆壑哀猿嘯。空翠濕衣裳。夕陽忽來照。

桂山

蒼蒼桂之樹。樹下幽人語。山中正可留。惆悵王孫去。

繇丹楓驛曉行大雪度青雲嶺桃花隘諸山暮投麗水舟中三首

曉發丹楓驛。微茫出遠郊。月斜吹積雪。風急燒黃茅。斷嶺羊腸折。寒沙虎跡交。軍麾猶未靖。何處得安巢。
隘口屯師日。功臣汗馬勞。耿再成破石末宜孫於此空山無赤幟。廢壘但黃蒿。亂插繇花盡。千盤細路高。繇來設險地。未必盡神臯。

峻嶺行還出。愁人跡轉孤。飢寒催暮日。風雪逼窮途。士鏗須同燎。金刀可剩沾。莫辭舟楫小。今夜宿江湖。

石門懷古寄諸大九鼎

石門山中瀑布水。奔流直下青雲裏。晴日遙看細雨飄。中林近見微風起。謝公當日此山棲。晞髮陽阿路不迷。已遣連巖移密竹。還營高館對迴谿。昔賢勝跡今游眺。佳處猶能領其要。我亦沉冥山水人。振衣便可稱同調。芳塵瑤席已無存。惟見崑崙雙石門。不攜江海同車客。何處相期知者論。

謁劉文成公祠

草昧經綸日。英雄戰鬪年。真人淮泗起。王氣斗牛躔。命世生良弼。卑棲役大賢。一官齊簿尉。千里正戈鋌。記室依袁紹。飛書謝魯連。神鷹思飽掣。威鳳必高鶩。漢祖除秦法。周王卜渭畋。廟堂才不易。東帛禮宜先。遂有君臣契。能令帷幄專。南征頻克敵。北伐旋摧堅。王會收三統。軍謀出萬全。河山分帶礪。冠蓋儼神仙。未辟留侯穀。長辭范蠡船。麒麟當日畫。竹帛後時編。一自丘陵改。重愁歲月遷。隆中猶故宅。繇上少封田。

舊俗還祠廟。清歌入管絃。黃金遺像蝕。鐵券幾人傳。古瓦颺鼙落。荒庭檜柏圓。蛛絲虛寢冑。鳥跡斷碑眠。想像陰符策。沉吟寶劍篇。前賢餘事業。後死尙連邇。去去辭粉梓。栖栖到海壖。空林多雨雪。哀角滿山川。玉帳無遺術。蒼生久倒懸。憑留一黃石。相待穀城邊。

永嘉對月懷家孝廉一是四首

娟娟東城月。濯濯中園露。修堞乍升輝。廣墀已流素。感物成憂端。翹思念情故。心賞竟莫同。歎歌有遐慕。昔我濟江時。別子澄湖陰。申以款曲言。謂可超重深。軒車來何晚。離緒故難任。不因道路修。惠以瑤華音。瑤華尙阻修。何以展嘉覲。甌越非殊鄉。方舟冀來適。新蒲紛紫茸。春草齊碧色。徒令芳醕陳。庶幾煩慮釋。芳醕無長筵。煩慮何由捐。我思一何篤。有若明膏煎。兼山義有託。涉川道未愆。安得飛鴻翼。報子池上篇。

永嘉除日述懷

不作牽裾別。飄然到海隅。謀生真鹵莽。中歲益艱虞。鄉里輕孫楚。衣冠厭魯儒。微名翻詆挫。暇日少歡愉。處賤無奇策。因人遠禍樞。同舟邀楚客。王明府世顯聽曲賞巴歛。岸轉羣峰出。潮迴衆壑趨。江聲漁浦靜。樹色釣臺殊。祠宇浮空翠。松林儼畫圖。羈懷方浩蕩。前路已崎嶇。草宿侵寒兔。林栖逐夜烏。微茫辭建德。縹緲望仙都。水訝溪流惡。山將棧道紆。僕夫行木末。風雪灑天衢。老鶴侵晨語。窮猿入暮呼。轉思臨嶼岬。誰分久泥塗。柔櫓輕帆下。青田麗水區。哀禽爭叫嘯。孤嶼忽須臾。洵美東甌地。由來謝客娛。詩篇留汗漫。旅食

慰飢劬。強禁樽中酒。難憑肘後符。朋簪方克萃。禮法未應拘。生意窺籠鳥。流年過隙駒。笑看風土別。驚見物華徂。紅綻官梅夢。青分櫪馬芻。深杯期夜酌。細菜出春廚。坐久親孤燭。更深判百觚。遠書勞日夜。歸夢越江湖。正憶高堂在。知攜兩弟俱。屢空無長物。相視必長吁。菽水承顏好。辛盤令節須。艱難存病婦。燈火索鄰通。書籍愁捨賣。衣裳定有無。女長工翦綵。男大學投壺。倚箸憂他日。沉吟媿壯夫。虞翻仍去越。張翰未歸吳。詎有追風驥。恆隨汎洛鳧。達生兼止託。齊物任榮枯。述作安時論。鶯花盡友于。莫將鄉國淚。頻灑阮公途。

大牆上蒿行

高秋何多悲風。草木黃落。盡依于土壤。我悲夫轉蓬。從風高下。亦復南北西東。人生在六合間。渺若蜉蝣之羽。促迫日暮。寧保厥躬。何不恣君中心所欲。右挾矢。左捫弓。追脫兔。落輕鴻。膺熊蹯。炙鹿茸。開我中堂。坐我友朋。援琴倚瑟。鼓鼓考鐘。胡爲自苦乃爾。十囊五囊之錢。千倉萬箱之粟。細而鹽豉蒜果。量籌握算。戚戚思慮。終成老翁。上有蒼蒼者。天下有薄薄之地。日往月來。寒往暑來。人生安得久長視。不如坐堅車。張高蓋。貴且快意。乘我廢馬。出入翱翔。黃金爲絡。青絲爲韁。魯之乘駟。周之訾黃。燕之馭駟。唐成駟驪。雖自謂神且駿。曾不如臣馬良。呼韓娥。進趙倡。歌陽阿。引清商。暢飛暢舞。二八成行。輕軀宛轉。長袖低昂。目迎心蕩。躡屣鳴璫。晉之南威。楚之陽文。吳之夷光。稱名前代。亦自謂美而豔。夫何可方。歲月疾如馳。爲歡

能幾時。升沉分定。窮達天爲。獲我所求。亦復何思。古來達者。飲不辭豐。刑酒誥徒箴規。劉伶畢卓真吾師。但當一月二十九日醉。忍使一年三百五日成齊期。

襄陽曲

襄陽近大隄。君當慎行旅。笑客襄陽兒。憐錢大隄女。

曝書亭集卷第六

古今詩五

昭陽單闕

永嘉元日

官舍紅梅放。繁花一樹春。誰憐元日會。無復故鄉人。

元夕寄故鄉諸子

戍鼓動高城。青燈暖虛壁。爲報故園人。天涯此元夕。

山雪

山雪消猶未。江梅凍已殘。龍蛇翻遠壑。烏雀凜相看。短服裝絛少。深杯入手乾。今宵聞擊柝。轉憶北城寒。

夢中送祁六出關

酌酒一杯歌一篇。沙頭落葉何紛然。朔方此去幾時返。南浦送君真可憐。遼海月明霜滿野。陰山風動草連天。紅顏白髮雙愁汝。欲寄音書何處傳。

憶河豚二首

古今詩 五

正月河豚美。嘗時下箸貪。未應居海曲。翻遣憶江南。野老匙真滑。西施乳更甘。還持春酒榼。爛醉與朋簪。
下若槎頭鱸。松江巨口鱸。嘉魚吾所欲。美味爾終輸。一食輕生慣。頻年入饌無。故鄉弛海禁。應得飽春廚。
賦得歸鴈寄曹使君雲中

萬里南來鴈。歸飛又一羣。三江重汎汎。二月正紛紛。顧影愁官燭。懷書望浦雲。關門他夜月。應得故人聞。
舍弟彝鑒遠訪東甌喜而作詩

急難逢令弟。訪我自江東。頓喜羈愁豁。兼聞道里通。晴江空翠裏。春草亂山中。知汝南來日。西陵定遇風。
題朱十江東見弟詩後

錢唐諸九鼎駿男

有客傳朱十。江東見弟詩。長城四十字。孰敢近偏師。

永嘉雜詩二十首

松臺山

蒼蒼山上松。颯颯松根雨。松子落空山。朝來不知處。

斜川

九曲斜川水。分流到海濱。金釵河上月。留照浣紗人。

青牛塢

我行白鹿城。曉入青牛塢。長嘯不逢人。松門已亭午。

春草池

謝公去已久。空餘池上樓。春風園柳色。朝夕使人愁。

太玉洞

亭亭五粒松。華蓋神君宅。風吹寸草生。依然綠袍色。

東山

判向花前醉。何難典緼袍。江南春可樂。策馬白蘭皋。

南亭

薄雲雨初霽。返照南亭夕。如逢秋水生。我亦西歸客。

西射堂

已見官梅落。還聞谷鳥啼。愁人芳草色。綠徧射堂西。

北亭

日落空水深。潮迴春岸白。時有看山人。江南望江北。

孤嶼

孤嶼題詩處。中川激亂流。相看風色暮。未可纜輕舟。

謝客巖

朝看白雲飛。暮看白雲宿。聞有山阿人。曾歌白雲曲。

花柳塘

山雪初消盡。春塘亂水喧。州人還幾日。相見樂游原。

吹臺

仙人留吹臺。近在南山麓。上有半死桐。下有孤生竹。

吳橋港

聞說吳橋港。荷花百里開。當年王內史。五月櫂船迴。

白水滌

雲峰斷人行。活活風泉落。知有山桃花。青春發紅萼。

斤竹澗

谷口啼清猿。巖花泫深露。美人兮不來。風篁自朝暮。

瞿谿

鳥驚山月落。樹靜谿風緩。法鼓響空林。已有山僧飯。

華嚴山

聞昔華嚴寺。頻經逸少過。洮河流石研。未若此中多。

上戍渡

月露下橋烏。天風靜江樹。何處夜歸人。歷歷沙中語。

綠嶂山

谿山百里陰。霜葉鳴瑟瑟。試鼓丘中琴。定有幽人出。

雨

城晚吹煙霧。風迴渡水雲。入林初漠漠。潤礎旋紛紛。響愛青荷葉。涼思白練裙。西堂有官燭。更遣夜深聞。

七夕

遠客清樽夕。虛堂玉露秋。關山頻北望。河漢已西流。葉落他鄉樹。砧催故國樓。今宵看織女。未必詣牽牛。

東甌王廟

九牧維揚外。三江霸越餘。王勾踐之後。同長沙王吳芮。率百越師。從漢祖入關。滅楚。入關從漢約。遵海裂秦墟。豪俊宜如此。艱難氣不除。策功巨項藉。分壤接無諸。迹異尊黃屋。忠能奉簡書。長沙堪伯仲。百濮定何如。萬古開王會。孤城指帝

車永嘉城象北斗號斗城。靈旂存髣髴。過客盡欷歔。殿瓦年頽圯。霜林日漸疎。躑踞山鬼立。苔蘚石堂虛。側想風雲會。乘時草昧初。遠塗今日暮。下拜獨躊躇。

華陽精舍贈源上人

支公櫪上馬。謝客郡東山。繫馬林亭外。看山日暮還。瑤華猶未折。桂樹尙堪攀。試醉陶潛酒。狂歌白石間。

郡東山對月有懷周四吉亥陳大忱吳二周瑾

白露侵亭幔。涼煙滿桂叢。如何秋色裏。不與故人同。蕭颯聞風葉。飛揚見羽蟲。南樓滅明燭。佇望海雲東。

秋日對酒江心寺同高石埭駿升作二首

謝監尋山日。江童擊汰迎。寒潮天外落。秋草渡頭生。歷覽窮孤嶼。逍遙倚化城。行廚深樹裏。乳酒正須傾。驟雨連山暗。回風病葉飛。入林初緩帶。改席忽沾衣。客醉從高枕。川長得斷磯。扁舟憐范蠡。鰕菜久忘歸。

雨

斷續江天雨。涼風滿戶庭。轉添秋草綠。更洗暮山青。積霧猶沉樹。明河早見星。南亭有歸客。朝夕待揚舲。

夜渡永嘉江入黃巖

絕岸蒼茫水。窮山斷續風。雨歸沉黑蜩。川暝失丹楓。華髮垂垂短。悲歌處處同。最憐中澤裏。深夜有哀鴻。

送吳二先輩還漢陽

漢南歸思遠晴川。溢浦西風送客船。莫上武昌門外望。斷腸楊柳似常年。

九月十四日夜月

坐惜如珪月。懷人歷九秋。關山仍遠道。西北有高樓。苦憶前溪別。應添少婦愁。清輝憐玉臂。獨自下簾鉤。

返照

返照開寒峽。江城入翠微。明霞飛不落。獨鳥去還歸。是處聞吹角。高樓尙曝衣。山家多畏虎。應各掩柴扉。

孤嶼亭對月

皎月空江滿。寒雲萬里收。纖毫瞻顧免。恍忽動潛蚪。望遠高樓笛。行歌半夜舟。南征有鴻鴈。相傍宿沙頭。

雨渡永嘉江夜入柁溪

落日下崦嵫。飛雨自崇墉。駕言出北郭。汎舟橫東江。近岫既凌緬。遙岑亦濛籠。葱青水竹交。乃有樵逕通。潛蚪寒葢墊。海鷗夕來雙。顧望雲葉開。張星昏已中。荒岡響哀狖。枉渚遵輕鴻。故鄉日以遠。川路靡克終。寄言薜蘿客。歲宴期來同。

題廊下村主人壁

江城獨客一千里。海月愁人十上絃。夢裏還家無長物。天涯歸思遍殘年。飢寒僮僕今何有。雨雪關山劇可憐。珍重主人投轄飲。幾回把酒意茫然。

華壇望鴈宕山歌贈方十三朱生朱十八振嘉

我昔逢羽人，迢迢歷滄海。貽我神山鴈宕圖，玉笈金箱至今在。夢想忘歸亭上游，琪花瑤草幾春秋。崩流一萬丈，濯足大龍湫。邇來作客荒山道，欲往層崖事幽討。方君遇我顏色親，朱子更覺人情好。攬環結珮山澤間，樂酒今夕須歡顏。登華壇之絕頂，眺鴈宕之迴巒。雲容容兮欲雨，水嘈嘈兮下山。遙岑出沒不可以悉數，但見哀禽雖獸日暝而俱還。君不見宗少文當年，意興真軼羣。名山臥遊不得見，眼前圖畫空紛紛。君不見謝康樂，跡近名山遠城郭。咫尺丹梯竟未登，江南江北徒丘壑。我今得偕二子從遙看，一百二高峰。彈琴坐待天邊月，攜手同行石上松。荆榛極天路參錯，惆悵平生遠游諾。安得仙人相贈九節筇，招爾雲中兩黃鶴。

病橘

病橘何年植，巡簷許數過。他鄉淹歲月，此樹漸婆娑。滿院飛蟲繞，空庭落日多。向來懷袖意，華實竟蹉跎。

西陵後感舊

潘安曾對酒，吳質數論文。舊史悲難續，斯人意不羣。一爲江海別，遽作死生分。淒斷山陽笛，那堪歲歲聞。

文丞相祠

尙憶文丞相，當年此誓師。計成猶轉戰，事去祇題詩。竹柏空祠屋，牲牢尙歲時。鳴夸他日恨，異代有同悲。

謂永嘉諸生
鄒維則也。

歸次皋亭山作

去年雨雪桃花嶺。此日煙波橋李船。相值皋亭山上月。離家一十二迴圓。滄江游子愁心劇。白髮高堂望眼穿。行李自憐垂橐返。田園生計轉茫然。

關逢執徐

別李繩遠

鴻鴈歲北向。鷓鴣日南征。棄置父母邦。各事萬里行。我游踰上谷。君去適昆明。迢迢異鄉縣。邈若參辰星。登艫卽長道。祖席依修坰。俯視溝水流。仰見浮雲平。居人有餘戚。況乃衢路情。昔賢重離別。努力期修名。忠信苟不渝。川陸猶戶庭。日邁月斯邁。暑往寒再更。但令長相思。何慮不合并。

送孫處士默還黃山

蕪城客散亂鳥啼。別業黃山路不迷。後夜相思秋色遠。月明三十二峰西。

淮陰城下作

岸柳行將徧。郊扉日漸昏。淮陰十萬戶。誰解飯王孫。

七夕雨

七夕他鄉雨。孤舟下相城。戍樓連樹黑。漁火隔河明。且展輕衾臥。難沾濁酒傾。故園兒女在。相憶定含情。

黃河夜月

落月黃河曲。先秋白露寒。牽牛何皎皎。桂樹此團團。直北程難計。天南淚不乾。居人掩閨夕。知已夢長安。

謁先賢仲子祠

光岳鍾青帝。明禋配素王。世家猶不泯。俎豆儼成行。力養嗟何及。長貧更可傷。如聞琴瑟在。千載感升堂。

分水廟酬高大佑鉅

落月西風動戍樓。津亭官柳繫輕舟。行人莫唱思歸調。汶水南來已北流。

守廂清源驛凡五日不得度

清源驛路接幽燕。日日沙頭但繫船。五兩南風空自好。無由吹送衛河邊。

臨清州大寧寺

西北浮雲過雨晴。香臺落日散高城。遠煙歸鳥忽雙下。法鼓空林時一鳴。江海幾人懸夢寐。詩書無地問柴荆。勞生擾擾成何事。目極關山萬里情。

曉發東光縣

際曉投前路。衝寒豈繹袍。關河仍鼓角。舟楫已風濤。落月金樞動。疎煙土鏗高。謀生宜有策。筋力爾徒勞。

青縣同高大佑鉅雨泊

黃河秋潦急，羣盜正紛紛。去遠驚秋半，愁多語夜分。空城寒更雨，哀角斷還聞。正值南飛雲，嗷嗷度海雲。

董子祠

漢日江都相，荒祠舊水濱。玉杯存俎豆，青簡重天人。夕鳥窺園下，秋花裊露新。淒涼不遇賦，千載一沾巾。

八月十五夜集天津曹武備斌官舍分韻得牀字

北里商歌倚笛牀，層城秋色轉蒼涼。關河西望猶千里，時余將適雲中烏鵲南飛更幾行。冷露自零叢桂樹，深杯

無那鬱金香。習池不改山翁興，倒載還同舊葛疆。

高博士恆懋席上留贈公子楫睿二首

列席先投轄，升堂喜盍簪。飄零忘薊北，風物盡江南。滄酒盜罌滿，張梨白露甘。留連如意舞，更與阿戎談。

西陸清秋候，東山舊宅開。壺觴兼日夕，文詠許追陪。且爲看花起，還愁上馬回。春風倚歸櫂，賂賢定重來。

出居庸關

居庸關上子規啼，飲馬流泉落日低。雨雪自飛千嶂外，榆林祇隔數峰西。

土木堡

平蕪一簣狼山下，九月驅車白霧昏。到眼關河成故迹，傷心土木但空屯。元戎苦戰翻迴蹕，諸將論功首

奪門早遣金繒和社稷。祠官誰奉裕陵園。

宣府鎮

高城西北控燕都。吹角清秋落日孤。尙憶武皇巡玉塞。親從鎮國剖金符。宮槐御柳今蕭瑟。虎圈鷹坊舊有無。邊事百年虛想像。誰誇天險塞飛狐。

上谷道中

急雪千山下。渾河萬里流。搖鞭逢漢使。走馬入雲州。

苦寒行

九州皆可歷。何爲雲中居。聽我歌苦寒。泣下沾衣裾。解一寒風利如刀。雪花大如席。重裘如束水。安問絺與綌。解二白日無光晶。驚沙但茫茫。舍我四方事。十室獨摧殘。解三白登自言高。乃是太古雪。漏洩自言深。腹堅不可裂。解四斧冰持作糜。餽糜糜已冰。展轉長宵中。晨夙不得興。解五攬衣未及帶。手龜血出漉。嚴霜割我面。哽咽不得哭。解六男兒可憐蟲。出門思故鄉。寧飲吳市酒。不樂邯鄲侶。解七

傷歌行

北風其涼。雨雪如擣。栖栖素冠。行彼周道。解一蟹則有筐。蟬則有綫。父喪不葬。誰憐我爲。解二瞻彼桓山。有革其羽。載鳴載揚。忽失其侶。解三力行雖疾。不如奮飛。遠望雖高。不如早歸。解四凡百君子。庶幾心惻。翳桑之餓。

可以報德。五解

十月十四日夜同曹使君雲州對月

發軌自徂暑。息鞅及玄冥。迢迢沙際月。皎皎雲中明。皋禽警朔吹。別葉辭苦莖。青霜降北陸。參井緬縱橫。主人託嘉藻。休澣寡所營。悟彼行役艱。曲宴奏中誠。清樽湛瑤席。兔首亦以烹。但言音塵闕。豈意良覲并。謙謙君子柄。習坎美不盈。澄輝矢相照。慰我殷憂情。

十五日夜月

重陰積邊亭。風候異揚粵。駢筵集親懿。復此亭上月。析析靜衰林。斐斐滿層闕。清砧無緩響。素雲屢興沒。客情易爲懷。庶用慰寂蔑。哀鴈逝不居。流芳久云歇。天道互虧盈。物理信昭昧。詩人戒太康。職思永無忽。霜露日夜零。故鄉渺難越。悽愴游子心。獨坐待明發。

十六日夜席上贈陳孝廉容永孝廉成邊

昇運方代序。感此成鬱陶。良友爰白駒。芳酒永今宵。團圞東城月。萬象仍光昭。誰言容輝減。彌覺神理超。哀笛奮層樓。餘響薄風霄。悲哉遠征士。氣轆不得驕。沖魄會有宜。盛滿誰能要。伯陽之流沙。箕子去商郊。苟懷艱貞節。道德豈不劬。申章託微諷。撫景答長謠。

十七夜月

磊磊列宿明。碗碗寒日晚。盍簪數晨夕。吾道豈云遠。飛光上層軒。薄雲冒崇巘。迢迢界斜漢。惻惻引朔管。圓靈乍警闕。素魄已辭滿。清輝寧有渝。潛德期日損。幽人貞素履。君子利往蹇。擇術雖殊塗。心賞得所款。感目既多顏。懷鄉匪異撰。中且陳苦言。庶令勞者慕。

甲辰冬月朱十訪我塞上賦對月詩奉答三首

司理曹溶潔躬

昔我登羅浮。靈雲翼飛軒。炎光扇四序。曄曄神芝顏。有美儼相從。盛作游覽言。芳蘭麗重墀。列植皆翩翻。洗爵命清醕。鱸鯉出丹淵。選日駕輕楫。跌蕩珠江前。矢口吐嘉藻。衆賓稱我賢。聿來鴈門棲。轉瞬八九年。寒燠既殊軌。苦志何由宣。燦燦金張徒。凌忽若浮煙。賴有同心士。風雨仍勿愆。樂莫故交樂。遂賦明月篇。月出照城闔。兵甲何洋洋。連山萬餘里。緜亘不可詳。列營慘清角。羽籥隨風翔。束芻徵近郊。飛駭蔚千行。獵火耀繁星。毳服禦嚴霜。章甫謬司憲。飭躬戒無荒。蓬菅閉重闔。民俗偕吉康。方厓索處憂。之子凌大江。弗效兒女仁。怏慨溢中腸。曠觀幽與并。回睇思故鄉。旦夕事游燕。孤抱成匹雙。何意塵土區。逍遙奉圭璋。圭璋慎中闕。黽勉循昔經。暫當展清輝。釋憤於邊庭。深雪蔽層阪。修柏含青英。匡世羨高度。緇塵詎能攔。短褐濟三冬。園葵待晨烹。曲房翦茅茨。靜見游鴻征。文籍繞四座。持酒忻共傾。開懷玩流景。哀樂全其真。悠悠道路間。乃得親友生。恆嶽有磐石。足以喻精誠。環顧于化周。冀方息交兵。卷組及良時。無爲耽令名。

雲中至日

去歲山川縉雲嶺。今年雨雪白登臺。可憐日至長爲客。何意天涯數舉杯。城晚角聲通鴈塞。關寒馬色上龍堆。故園望斷江村裏。愁說梅花細細開。

雲中客舍曹武備自津門以筐蟹銀魚見寄賦謝二首

千里三沽使。傾筐異味傳。霜螯初入手。臘月更須憐。重馬愁關吏。香杭憶野田。江鄉好風物。罷酒數歸年。水族殊鄉至。明燈夜不孤。雪花寒意減。玉盃近看無。反厭流匙滑。宜將剩酒沾。遙憐垂釣客。白首向江湖。

贈周參政

周君北地推風雅。幾載栖遲白門下。四壁蕭然竟罷官。知君亦有悠悠者。匹馬西來訪故人。相逢師友更情親。自言溽暑辭堂邑。不覺辛盤換早春。春晴風日官齋迴。翰墨于今數公等。書品眞同顧愷工。隸書遠見鍾繇並。貽我梅邊索句陶。江南春思到平蕪。蒼苔濁酒尋常得。冷蕊疎枝何處無。紆于山高凍飛雀。健步移來總蕭索。不見黃須細細開。惟愁白雪紛紛落。蘇武城邊送別遲。桑乾河上已流澌。遙將南浦離人曲。迸入西征橫笛詞。憐君此去壺關道。盍簪到處逢迎好。澤潞三時芳樹多。江風五月歸帆早。滄洲萬里憶田廬。流水柴門今尙虛。卜鄰儻就移家約。來共梅花溪上居。

絕塞

絕塞衝寒起。妖星逼歲除。幾時離畢昴。三見改蟾蜍。我友官中禁。憂時獨上書。謂楊給事雅建時上疏言彗星見宜修吉由來

天道遠，垂象果何如。

旃蒙大荒落

長歌行

糾糾葛屨，行彼中遼。豈無轅馬，登高則危。解一姬姜誨淫，吉士悼之。赫赫王侯，竊鈎笑之。解二羔羊之革，可以禦冬。狐貉雖溫，君子固窮。解三誰謂松柏，微霜萎而。誰謂風雨，雞鳴已而。解四芻蕘者謀，先民所度。志士立言，豈必好爵。解五陟彼北山，俯視崇丘。千秋萬歲，孰知我憂。解六

短歌行

飲酒常醉，拔劍當歌。人生相知，樂豈在多。解一相彼中林，枝葉猗靡。嚴霜一至，焜黃奈何。解二飄飄寒風，不知所屆。豈曰無衣，將子于邁。解三鳴鹿在困，載食其蒿。男兒墮地，惜無錢刀。解四明星在天，雨雪在野。我思故人，泣數行下。解五今夕不飲，來日大難。今者不樂，來朝永歎。解六

和朱十短歌行

嘉興鄭珮隨始

北風烈烈，雨雪載塗。我思禦冬，旨蓄則無。解一濯濯江湖，曷取其魚。緜緜遠道，曷策其車。解二僕夫夙駕，攬子之祛。子無先路，俟我城隅。解三尊有甘酒，不在百觚。俎有嘉肴，不在兩輪。解四子有苑囿，當推我居。我有錢刀，當念子需。解五蜉蝣迫暮，傳語螽蛄。今者不樂，斯焉已夫。解六

鴈門關

南登鴈門道。騁望勾注巔。山岡鬱參錯。石棧紛鈎連。度嶺風漸微。入關寒未捐。層冰如玉龍。萬丈來蜿蜒。飛光一相射。我馬忽不前。抗迹懷古人。千載誠多賢。邗都守長城。烽火靜居延。劉琨發廣莫。吟嘯扶風篇。偉哉廣與牧。勇略天下傳。時來英雄奮。事去陵谷遷。數子不可期。勞歌爲誰宣。嗷嗷中澤鴻。聆我慷慨言。

觀獵

白狼堆近雪。嵯峨風卷黃雲入。塞多盡道打圍春更好。夕陽飛騎兔毛河。

晚次崞縣

百戰樓煩地。三春尙朔風。雪飛寒食後。城閉夕陽中。行役身將老。艱難歲不同。流移嗟鴈戶。生計各西東。

滹沱河

滹沱河上流。澌急騎馬春。冰滑可憐。百尺浮橋空斷板。孤城哀角動荒煙。愁顏送老飢寒日。絕塞因人雨雪邊。轉憶江鄉多樂事。花濃齊放五湖船。

將次山陰墮馬傷足張明府施大枉顧逆旅餉酒賦謝二首

可怪乘船客。今朝墮馬來。半人宣武笑。長路步兵哀。地主逢傾蓋。天涯獨愛才。淹留憐逆旅。相餉竹根杯。果見軒車至。倉皇啓夕扉。亦知寬禮數。強起著裳衣。涕淚餘生在。泥塗萬事非。還方堅臥轍。猶得藉光輝。

留贈王沙縣泰墳四首文端公家屏孫

黃關先朝重。清門絕塞存。東山遺別墅。丙舍有諸孫。吳楚游能徧。詩書道自尊。憑將飛蓋夕。聯騎問詞源。
隨馬愁方劇。欣逢出戶迎。人扶妨折足。家遠竟全生。翦韭當三月。浮杯及二更。熟知舟楫趣。款款話南征。
先臣典禮日。相國去官初。各建留侯策。同傳賈傅書。文端公以爭建儲去國。平先文恪。掌大宗伯事。卒。凡三十上。得尤。聽歌增忼愴。話舊

各款歔。俯仰悲身世。相看計盡疎。

范飢菜蕪返。王冕葉縣歸。飢寒仍不免。子姓復何依。挂壁獨租詔。張羅款客屏。由來被褐士。萬慮與時違。

將之晉陽留別包十二銘

客程冰雪阻蕭關。蕙草芳時各未還。此去尙同千里月。相思知隔幾重山。

七馬坊

積潦黃蒿外。連岡黑霧中。轉愁人馬滑。真覺道塗窮。陶穴遺深井。沙陀沒故宮。離程渺天末。九月斷征鴻。

再度鴈門關時聞舍弟鑿病卒。

鴈門關北鴈初飛。萬里征人淚溼衣。回首秋風行已斷。天南消息到應稀。

夢寐

夢寐看兒女。沉吟泣數行。他時嘗獨立。永日見相將。去動憐渠小。歸應共我長。雲山千萬里。誰道不思鄉。

捕虎詞

黃桑彎弧棘作弩。村民少長齊捕虎。南山有鹿北有獐。何爲馱我檻下羊。青天杲杲白日橫。行大道終罹殃。君不見靈丘捕虎虎盡死。太原城中狼入市。

晉祠唐太宗碑亭題壁集杜

步履深林晚。春池賞不稀。文章千古事。社稷一戎衣。野日荒荒白。悲風稍稍飛。無由覩雄略。寥落壯心違。

宋烈女行

紅羅持作帕。素練持作巾。何必合衾幃。始爲同心人。宋氏有女典。生長蔚州之野。西崖之山。年紀十五餘。許配千字村。村民蘭州斷。大義結夫婦。忽登泰山籙。人壽不得久。女方曬穀。聞之聲悲哀。長跪告父母。兒常從黃泉下。信誓旦旦不可乖。父母向女言。尊章爾未事。慎勿捐形軀。相保親父子。各各還室中。涕淚終不止。月正三十日。其日二十三。白日從東來。奄忽墮西南。闔門夜無人。女向空庭坐。攬我素練巾。接彼紅羅帕。徘徊寢室旁。自挂中門下。父母啓視。哽咽不得言。觀者四方至。歎息日暮還。童童崑嶺側。乃有松柏林。誰言寸草萋。乃有松柏心。

明妃曲

上林消息斷歸鴻。記抱琵琶出漢宮。紅頰近來憔悴盡。春風更遜畫圖中。

柔兆敦牂

臺駘廟

鳳鳥書官後，鴻荒障澤年。神功開白壤，帝系出金天。分野捫參次，山川奠禹先。按圖移岸谷，紀遠昧星躔。亂水汾洮別，諸姬沈妣聯。唐風誰始祀，魯史至今傳。簫鼓橫流散，風沙急溜穿。勢曾吞北漢，潤亦被西邊。壁馬黃河並，雲旗玉井旋。軒裳存想像，憑弔一茫然。

送趙三邁還永年

離堂卜夜且成歡，酒盡休歌行路難。四十逢時猶未晚，看君騎馬入長安。

太原客舍同方三孝廉育盛話舊二首

遠戍崔亭伯，還家管幼安。千金裘馬盡，十載道塗寒。華髮同雙鬢，悲歌感萬端。平生蕭瑟意，長缺爲誰彈。舊業東山下，曾經賭墅過。飄搖秋雨後，零落戰場多。避地從人問，誅茅奈老何。烏衣雙燕子，留恨滿關河。

龔百朋自梗陽以詩見寄漫答二首

傳聞花縣客，不異幔亭居。閩中張君汝明令
精源龔子館焉旅興吟紅藥，賓筵繪白魚。仲宣懷十日，司馬倦游初。咫尺橫汾隔，難尋下澤車。

道重論交地，書題把臂前。相憐煩縞紵，永好有詩篇。多難休儒服，他鄉澀酒錢。但期陽羨隱，見日話歸田。

七夕立秋王方伯顯祥席上和毛會建

暑退林初暝，尊開露漸滋。客中憐夜集，天上果秋期。片葉辭風下，長河卷幔垂。莫教涼月盡，同和謝莊詩。

客夜

陽曲城頭烏夜啼，明燈深巷綠牕低。從教趙女工瑤瑟，不遣愁人醉似泥。

聞黃鶴樓成賦寄楚中一二知己

平生未鼓湘江柁，萬里投詩黃鶴樓。壯觀百年今在眼，異時獨上迴含愁。碧牕下湧樊山月，紅葉斜連鄂渚秋。爲報故人多釀酒，飛帆眞作漢南遊。

寄酬譚七舍人兄吉璠陸二舍人弟璠

客久憐書札，鄉遙感歲時。空淹雞鹿塞，遠隔鳳凰池。九月茱萸會，頻年雨雪詩。朝回逢陸弟，爲報日相思。

題錢宗伯謙益文集後集杜

海內文章伯，周南太史公。衣裳判白露，門巷落青楓。興與煙霞會，人今出處同。白頭無籍在，愁坐正書空。

題倦圃圖二十首

叢筠徑

柴門面湖水，深徑聞人語。月出翠煙開，相送乘舟去。

積翠池

流水石橋東。修篁蔽空曲。獨吟橋上行。縹緲衣帶綠。

浮嵐

宿鷺拳沙石。虛牕啓夕煙。東西望南北。蓮葉總田田。

范湖草堂

松石閉門中。芳菲蕙草叢。春船迴夜月。蝦菜幾時同。

靜春菴

晴戶冒晴絲。風花爛紅藥。緬懷風中琴。兼此花下酌。

圓谷

山牆高下築。中見林扉開。相邀入空谷。偶坐心悠哉。

芳樹亭

獨石欹長臥。空亭夜不扃。春風平仲色。相見幾回青。

谿山真意軒

遠樹聞疎鐘。夕陽上喬木。相對忽忘言。賞心在幽獨。

容與橋

清淺水石間。文魚散花嶼。催客引流觴。山橋更延佇。

漱研泉

主人南粵歸。獨載端溪石。晝日三摩娑。此意人不識。

潛山

積雪開半林。洩雲有膚寸。會此靜者心。潛藏本無悶。

錦淙洞

霜林吹石溜。清響徧亭皋。夜半愁風雨。不知山月高。

采山樓

高樓坐銷憂。攜李亭西路。夕照望千家。春浮倚雙樹。

狷谿

我本狂歌子。卻愛狷谿水。滔滔天下人。誰能洗其耳。

金陀別館

舊識談經地。巖扉靜不開。秋深叢桂發。金粟禮如來。

聽雨齋

風吹石蘭花。柔荑雨中長。清夢入空山。亂落紅泉響。

橘田

瀟灑衡門下。陽坡縱所如。青霜猶未降。先報右軍書。

留真館

平生金石心。一室千秋慮。我亦問奇來。徘徊不能去。

澄懷閣

欲覽城南勝。宜登池上樓。煙波長在望。不放五湖舟。

春水宅

遠水浮橋直。方塘入戶低。東風楊柳樹。吹綠草堂西。

曝書亭集卷第七

古今詩六

強圉協洽

太原途中聯句四首

涓涓難老泉。分流晉祠側。曲周王顯祚。馮求中有長生藥。冬夏同一色。擊尊

三過朝陽洞。一宿羽人居。擊尊。萬籟夜俱寂。想見天地初。顯祚

高歡避暑宮。聞在龍山下。顯祚。馬蹄不敢踏。慮有香姜瓦。擊尊

一百二十六。石柱刻作經。擊尊。會須挾風峪。移置水邊亭。顯祚

猛虎行

班班南山虎。黃金環兩目。獐鹿非不甘。妄意食人肉。一解。朝亦伏林間。暮亦伏林間。將軍不敢射。何況惡少

年。二解。東海殺黃公。山嶠逐馮婦。牛哀導我前。左飛踞我後。三解。下士捉虎尾。上士持虎頭。雄豪安可常。寢處

託王侯。四解

陳參議上年署中題畫五首

古今詩六

香醪小榼載吳船。隔岸桃花湧石泉。此樂江鄉常在眼。披圖那不數歸年。
密樹雲根一徑開。水亭風檻足淹洄。最憐略約前谿好。可惜無人載酒來。
岸柳山松壓翠微。芭籬宛轉護柴扉。主人且莫攤書坐。看弄漁舟箇箇歸。
招提絕頂掩松關。茅屋巖阿竹樹環。恍憶昔游長至日。滿衣風雪括蒼山。
水檻風亭八九椽。叢筠秀木總堪憐。炎天引我江湖興。懊惱黃驄白玉鞭。

戲效香奩體二十六韻

淥水橋橫度。紅樓壁暗慙。軒牕開了鳥。洞壑隱空嵌。絕世歌難得。同生感至誠。裁通心叩叩。愛執手摻摻。
蜀葉垂么鳳。釵梁綴小蛾。不中女子有以纖蛤簇蝶綴髮花者細桃簪後放。碧草鬪來芟。淺黑鴉頭鞮。微黃杏子衫。粉融研
麝和。香潤避梅賦。點筆能成陣。聽詩便發凡。聰明箋樣改。放誕酒籌監。舊譜修簫史。繁聲擊阮咸。日因留
客送。語以解圍俊。捕雀容貓戲。移花信鳥鵲。繡闌鴛鴦睨。阮坐久燕話。誦鈿鏡清於水。妝階白勝瑊。住須金
作屋。行卽錦爲帆。鬱鬱亭前柳。青青插口杉。回船同別鵠。去馬逐驚駟。角枕千行淚。蛾眉衆女譏。車輪腸
內轉。石闕口中銜。積思凝瓊樹。輕郵達蒹雨。犀文擣寒玉。兔穎齧秋兔。益智忘留贈。當歸費遠緘。神光渚
離合。夢雨峽嶄崿。虎阜東西寺。烏山上下巖。當年並游地。悔不姓名劖。

城東小徑舊升堂。五載京華鬢已蒼。誰肯艱難全李燮。未容名姓隱韓康。風帘花市春游健。雲碓青精午飯香。閩史佳辰須盡醉。細論煙水送歸艎。

瓊華島

良嶽移花石。離宮枕玉河。年年御溝葉。相送麴塵波。

鳥石相傳金人自沐移此。

朱碧山銀槎歌孫少宰席上賦

高堂宴客客未醉。主人愛客期開顏。羽觴玉爵詎足算。勸我鑿落重三鉞。槎枒老樹幾千歲。霜皮崩剝枝柯刪。陰崖自遭鬼斧劈。積雨暗齧苔紋斑。尋源之使出想像。高踞兩膝頂禿鬣。觀其傲岸意獨得。髣髴歸自明河灣。流傳河畔逢織女。所恨尙少雙煙鬢。列中鄉衡入其腹。未解刀削何山變。傳之四座叫奇絕。有如白鳥飛翺翺。細看款識刻至正。問誰爲此朱碧山。良工名盛心益苦。顧茲毋乃經營艱。主人博搜金石文。向我更話天曆間。丹丘先生愛奇古。命製芝菌如初椶。當時虞揭相獻酢。是物亦得流人寰。自從闖賊躡燕市。大掠金帛仍西還。紛紛入肆尋鍛冶。否亦道半委榛菅。聞之不覺三歎息。可憐雙鯉今成鰥。吾鄉藝事多絕倫。奇巧不數古輸班。張銅黃錫近乃出。未若此老技最嫻。殊方促坐但酩酊。莫遣酒醒懷鄉關。

食半翅二首

賦物憐窮鳥。營飛日幾迴。遠依黃鼠穴。低搶白龍堆。不用深弓射。恆愁短翼摧。年年隨凍雀。重馬紇千來。

味合添雜筍。羹宜配凍醪。登盤人未識。入肆價須高。且緩思鴟炙。全勝食雉膏。莫愁營易盡。讒鼎戒貪饕。

食鐵腳二首

本與黃頭似。羣傳鐵腳名。網羅謀盡取。膏火遽先烹。凍免廚人割。貧貪市價輕。物微憐最苦。化蛤也爲羹。捕自愁雲外。來從凍雪初。體輕鶴鴿並。骨脆鶴鴿如。羹臠嘗兼得。膜胸法未書。故鄉無爾輩。只鱸玉鱸魚。

著雍洪灘

人日同閻孝廉爾梅紀處士映鐘陸處士嘉淑周處士容集尙書鼎孳齋中得人字

汾東代北三千里。惆悵花前四度春。江左文章公等在。燕臺風物客愁新。牋題薛訪誇車子。時命三歌童行酒許荆卿和酒人。不是尙書期我數。天涯淒斷此佳辰。

落日

落日銜西嶺。驚沙卷北風。今年春已半。猶有未歸鴻。

題高六柘塘移居圖二首

伍員吹簫市。韓信垂釣臺。昔賢曾混跡。之子亦多才。落月搖鄉樹。清淮上酒杯。誅茅三徑在。高詠日悠哉。
草綠連隋苑。花飛憶楚州。人閒從散帙。客至許登樓。自卜羅含宅。頻移范蠡舟。看君圖畫意。轉益故鄉愁。

中秋待月和劉興詩

高館清秋會。愁陰悵望中。常歌延夕漏。卷幔颺天風。玉葉翻雲細。金波落酒紅。殊方寒思早。甘作鹿皮翁。
華不注

仙梵開初地。春秋識舊名。青蓮齊吐萼。石筍獨抽萌。泉憶邊庭實。居連許殿卿。淒涼懷舊意。驅馬入荒城。
自沂水至大峴山作

征衣莫浣淚痕斑。五載辭家尙未還。目送燕鴻南去盡。計程翻度穆陵關。

濰水弔韓淮陰

淮陰師十萬。曾此擊龍且。廢壘人猶識。囊沙水漸淤。生慚諸將伍。史並列侯書。千載烏江廟。君臣反不如。
烏江項王廟。以范增龍且配食。

寄錢二枋

我登魯連臺。君入淮陰市。不知千黃金。何人酬國士。

濟南除夕

五載論除夕。依然滯異鄉。逃名成白髮。歸計復青陽。樞馬喧何事。燈花喜太忙。故園遺弟妹。相憶或停觴。

屠維作鹽

鄒縣謁孟子廟二首

井地連膝壤。詩書近孔門。世儒多橫議。夫子獨知言。楊墨歸斯受。齊梁道自尊。巖巖留氣象。千載肅心魂。壞道殘碑臥。祠官異代虔。爵班公一位。里紀母三遷。叢木冬春冷。風燈卒史懸。空令布衣士。瞻拜獨淒然。

曲阜晚眺同劉中丞

徑轉通油幕。林深護石苔。夕陽新雨過。春杏舊壇開。入廟車猶在。看碑日幾迴。東城寒食近。不上鬪雞臺。

和朱十韻

宛平劉芳躅增美

孔庭釋菜後。攜客步莓苔。犧象湯孫徹。金絲魯殿開。牲碑工拓就。善草馬馱回。魏少春秋癖。言旋罷講臺。

地軸

地軸連年震。沂州接莒州。春農千里旱。野哭萬家愁。鴻鴈驚難定。蛟龍鬪未休。更聞城郭外。盛氣接層樓。

飲歷下亭泛舟蓮子湖作二首

濟水來王屋。源泉處處清。自從湖口入。不復地中行。柳岸鳴蟬急。荷風浴鳥輕。江南歸思緩。髣髴擢歌聲。

海右亭仍在。城隅路不賒。竹深池館靜。山轉柁樓斜。小隊千行柳。行廚五色瓜。未愁霑席雨。歸櫂豁晴霞。

長城堡皇姑寺

皇姑正統間尼曾入大內諫止土木之行

十室長城堡。皇姑迹未湮。偶然朝鳳闕。不惜撼龍鱗。北伐回轅後。中宮感夢頻。荒祠巫覡在。猶見舞冬春。

度駱馬湖

自從前度黃河決。董口填淤駱馬過。夫柳至今喧里巷。客帆終覺厭風波。東南民力愁先竭。西北源泉棄尚多。安得歲星長守越。年年輓粟上盤渦。

淮南感事

城樓高見碧湖懸。淮堰將傾近百年。比歲凶荒耕未得。向來修築計誰先。預愁四瀆江河合。直恐三吳財賦捐。開濟何人輸上策。升虛急誦楚宮篇。

秋日登胥山

秋水日以駛。蘇尊輕船泛清澄。周質青土流沿轉紆曲。沈傳弓武功權急黏孤蔭。蘇尊仄峰尙阻樹。質近寺俄飛棧。傳弓宵宵梵磬出。蘇尊鱗鱗波雲興。質流目訝突兀。傳弓賞心闕峻嶒。蘇尊舟維臥柳渡。質道失寒瓜塍。傳弓誰言崕嶮微。蘇尊曲磴緣百層。質碣殘蘚欲剝。傳弓祠古藤交緝。蘇尊緬懷大夫節。質千秋痛填膺。傳弓覆楚豈大義。蘇尊忠孝不兩能。質飲泣蘆中獻。傳弓悲歌河上朋。蘇尊當其恥已雪。質屬鏤非所矜。傳弓慨此空山中。蘇尊遺跡猶可徵。質刃截兩白石。傳弓指點由孤僧。蘇尊其旁臥石劍。質霜色長侵陵。傳弓矯如鋪練帶。蘇尊巨若橫丹秤。質又如常山蛇。傳弓首尾相爲應。蘇尊觀其氣怒激。質毋乃神式憑。傳弓尙想鞭荆尸。蘇尊壯士心摧崩。質至今祠下水。傳弓猶作胥江稱。蘇尊吾徒久于役。質遠

攬岱與恆。傳弓顧茲百里內。舉尊履齒游未曾。貫故鄉洵足慕。傳弓高興偶此乘。舉尊寄言同心客。貫暇日期重登傳弓。

風懷二百韻

樂府傳西曲。佳人自北方。問年愁豕誤。降日叶蛇祥。巧笑元名壽。妍娥合喚嫿。次三蔣侯姝。第一漢宮嫿。鐵撥嫵諸調。雲璈按八琅。琴能師賀若。字解辨凡將。弱絮吟偏敏。蠻牋壁最強。居連朱雀巷。里是碧雞坊。偶作新巢燕。何心敝笏魴。連江馳羽檄。盡室隱村鱣。綰髻辭高閣。推篷倚峭檣。蛾眉新出繭。鶯舌漸抽簧。慧比馮雙禮。嬌同左蕙芳。歡惊翻震蕩。密坐益徬徨。板屋叢叢樹。溪田稜稜蕩。垂簾遮雁戶。下榻礙蠶房。店鬼同時逐。祆神各自禳。亂離無樂土。漂轉又橫塘。阜散千條莢。紅飄一丈薺。重關于盼盼。虛牖李常常。鳳子裙織褶。鴉頭氍淺幫。倦猶停午睡。暇便踏春陽。雨溼鞦韆索。泥融碌碡場。宮絲捎蠨螋。拒斧折螳螂。側徑循莎薦。微行避麥麩。浣紗宜在石。挑菜每登吭。蘿蔦情方狎。荇苒勢忽猖。探丸搜保社。結侶竄茅堂。廡改梁鴻賃。機仍織女襄。疎櫺安鏡檻。斜桷頓書倉。路豈三橋阻。屏還六扇僮。弓弓聽點履。了了見縫裳。夙擬韓童配。新來卓女孀。縞衣添綽約。星靨婉清揚。芸帙恆留篋。蘭膏慣射芒。長筵分潑散。復帳捉迷藏。匳貯芙蓉粉。其煎豆蔻湯。洎盤潛浴宓。鄰壁暗闌匡。苑裏藉山鹿。藩邊喻觸羊。末因通叩叩。祇自覺佺佺。孟里經三徙。樊樓又一廂。漸於牙尺近。莫避竈觚煬。題筆銀鉤在。常臆繡袂颺。有時還邂逅。何苦太周防。

令節矜元夕。珍亭溢看場。鬧蛾爭入市。響屣獨循廊。振觸釵先溜。簷昏燭未將。徑思乘窘步。梯已上初桃。
大智度論。譬如緣梯。從一初桃而上。莫縮同心結。停樹冰齒漿。月難中夜墮。羅杆北山張。冰下人能語。雲中雀待翔。青綾催製被。黃竹喚成箱。玉詫何年種。珠看滿斛量。綵幡搖婀娜。漆管韻清鏘。白鷗來簫史。斑駁駕陸郎。徒然隨畫艦。不分上華堂。紫葛牽駝架。青泥溼馬柳。枇杷散瑣瑣。榉柳陰牂牁。金屋深如此。璇宮思未央。朝霞凝遠岫。春渚得歸艎。古渡迎桃葉。長堤送窈窕。翠微晴歷歷。綠漲遠汪汪。日影中峯塔。潮音大士洋。尋幽雖約伴。過涉乃須印。澹墨衫何薄。輕紈扇屢障。心憐明豔絕。目奈冶游狂。纜解青絲絳。茵鋪白篔簹。回波吟拷棹。鳴櫓入菰蔣。竹筇重重籜。茶牙段段槍。甘菹翻舊譜。活火試頭綱。榼易傾鸚鵡。裘拚典驢驢。曉醒消芳蔗。寒具析餠餠。已共吳船凭。兼邀漢珮纒。瘦應憐骨出。嫌勿避形相。樓下兜衾臥。闌邊拭淚妝。使思蚤負壓。竊擬鳳求凰。兩美誠難合。單情不可詳。計程衝瘴癘。回首限城隍。紅豆憑誰寄。瑤華黯自傷。家人卜歸妹。行子夢高唐。杜宇催歸數。芻尼送喜忙。同移三畝宅。並載五湖航。院落蚪簷月。階流菟杵霜。池清彫菡萏。垣古繚篔簹。乍執摻摻手。彌迴寸寸腸。背人來冉冉。喚坐走走伴。鬻臂盟言覆。搖情漏刻長。已教除寶釧。親爲解明璫。領愛蝸蟻滑。肌嫌蜥蜴妨。梅陰雖結子。瓜字尙含瓢。捉搦非無曲。溫柔信有鄉。真成驚蛺蝶。甘作野鴛鴦。暫別猶凝睇。兼旬遽病尪。曆頭逢臘盡。野外祝年穰。忽枉椒花頌。來浮柏子觴。亮因微觸會。肯負好時光。鑪飯薰鳧藻。卮須引鶴吭。象梳收髻墮。犀角鎮心恆。滅燄餘殘炮。更衣挂短桁。簪挑金

了烏臼轉木蒼根。納履甃甃底。拳轉景歎旁。綺袞容並覆。皓腕或先攘。暮暮山行雨。朝朝日照梁。含嬌由
 半醉。喚起或三商。連理綠枝葉。于飛任頡頏。燒燈看傀儡。出隊舞跳跟。但致千金笑。何妨百戲償。偶然閒
 院落。隨意發纖細。竹葉符教佩。留藤醬與嘗。硯明鸚鵡眼。香斲鷓鴣肪。日以娑拖永。時乘燕婉良。本來通
 碧漢。原不限紅牆。天定從人欲。兵傳迫海疆。爲園依錦里。相宅夾清漳。奪織機中素。看吞石上梁。茗爐寒
 說餅。芋火夜然糠。唐突邀行酒。勾留信裹糧。比肩吳下陸。偷嫁汝南王。畫舫連晨夕。歌臺雜雨暘。旋娟能
 妙舞。審娘本名倡。記曲由來擅。催歸且未遑。風占花信改。暑待露華濃。蓄意教丸藥。含辛爲吮瘡。賦情憐
 宋玉。經義問毛萇。芍藥將離草。蘼蕪贈遠香。潮平江截葦。亭古岸多樟。鏡水明於鏡。湘湖曲似湘。加餐稠
 疊語。濃墨十三行。約指連環脫。茸絲袍復長。急如蟲近火。躁甚蟹將糖。理權迴青翰。驂駒驟玉環。寧期共
 命鳥。遽化逆毛鷓。寄恨遺卷髮。題絨屬小臧。憤笑殊蔡琰。悔嫁失王昌。作事逢張角。無成種董莖。流年憎
 祿命。美疾中勝眈。手白調羹臛。衣還借襦襦。口脂勻而罷。眉語背人剛。力弱橫陳易。行遲小膽忙。留仙裙
 盡皺。墮馬鬢交鬢。不寐扉重關。巡簷戶暗塘。風微翻蝙蝠。燭至歇蛩螢。霧漸迷三里。星仍隔五潢。輕帆先
 下雪。岐路誤投杭。九日登高閣。崇朝舍上庠。者回成偈側。此去太愴惶。亂水逾浮玉。連峯度括蒼。惡溪憎
 詘屈。盤嶼苦低昂。地軸何能縮。天台詎易望。重過花貼勝。相見紡停軒。射雉須登隴。求魚別有枋。芭籬六
 枳近。練浦一舟盪。烏臼遮村屋。青蘋冒野漚。洛靈潛拾翠。蠶妾未登桑。驟喜佳期定。寧愁下女儻。繇英經

夜合珍木入宵炕。爾雅守宮槐葉畫蟲宵炕啓牖冰紗綠。開奩粉拂黃。話纔分款曲。見乃道勝常。卽事憐聰慧。那教別
慨慷。榻來耍漢艾。塊獨泛沙棠。送遠歌三疊。銷魂賦一章。兜鞵投暗室。卷箔指昏亢。命續同功縷。杯餘九
節蒿。截筒包益智。消食餉檳榔。膠合黏鸞鳥。丸堅抱蛞蝓。歡難今夜足。憂且暫時忘。本擬成翁媪。無端失
比伉。匪邊惟有淚。心上豈無盃。鍼管徐抽綫。闌灰淺凍帆。毫尖渲畫筆。肘後付香囊。訣絕分溝水。纏繇解
佩璜。但思篙櫓折。莫繫驢驄韁。帷帳辭秦淑。音塵感謝莊。豈無同宿鴈。終類失羣鸞。衛躡頻開匣。秦衣忍
用樣。炕蒸鄉夢短。雪卷朔風雱。絕塞緣蟬蛸。叢祠弔好舫。刀環歸未得。軌革兆難彰。客乍來金鳳。書猶報
白狼。百憂成結轡。一病在膏肓。峽裏瑤姬遠。風前少女殃。款冬殊紫蔓。厄閨等黃楊。定苦遭謠詠。憑誰解
迭邊。揆先爲檀斫。李果代桃僵。口似銜碑闕。腸同割劍鋸。返魂無術士。團十少媧皇。剪紙招南國。輸錢葬
北邙。春秋鷓蟀換。來往鸞鳩拾。油壁香車路。紅心宿草岡。崔徽風貌在。蘇小墓門荒。側想營齋奠。無聊檢
箭筐。方花餘莞蕝。文瓦失香姜。扇憾芳姿遣。環悲柰女亡。玉簫迷處所。錦瑟最淒涼。束竹攢心曲。棲塵眯
眼眶。轉添詞悵悵。莫制淚浪浪。幔卷袖空疊。鈴淋雨正缺。情深繁主簿。癡絕顧長康。永逝文悽戾。冥通事
渺茫。感甄遺故物。怕見合歡牀。

上章閣茂

寄懷李因篤

古今詩 六

鴈門北上忽西還。未得相逢一解顏。傳道全家依渭曲。幾時匹馬出潼關。樽前舊事憑誰說。篋裏新詩待爾刪。三載齊東留滯日。愁看李白讀書山。

送謝燦入燕

記昔別君時。太原風雨梁公祠。五年不一見顏色。竭來濟上樽重持。勞人相顧徒草草。白髮青燈且傾倒。歷下亭前柳滿汀。塵沙又走長安道。人生聚散絕可憐。吾將歸種梅溪田。夏蓋山南湖水北。扁舟期我知何年。

同紀處士映鍾杜太史鎮譚舍人兄吉璉集孫侍郎承澤研山齋四首

勝序愁初豁。高齋近許過。圖書留客少。花藥閉門多。興每耽丘壑。衣從挂薜蘿。千秋論述作。出處本同科。啓事東曹後。名山歲月深。論交半縫掖。真樂在抽簪。邊有忘年約。虛陪作者林。寥寥知己語。一一感人心。野趣行無次。林棲坐不辭。書看金薤出。杯喜竹根持。戶牖分今古。朋游隔歲時。齊東回首望。最憶虎頭癡。謂顧子炎武也。

改席塵逾遠。看花徑轉幽。猶存漢金石。不廢晉陽秋。客已呼沉醉。誰當續後游。六街分手緩。歸騎夕陽流。

九日集刺梅園松下送譚七舍人之官延安四十韻

秋氣薄林木。南海程可則。周量蕭條鴻鴈天。他鄉仍令節。尊尊高會敞離筵。客盡東南美。華亭高層雲二。

鮑情因去住懸。黃花分漢苑。長洲申種葳蒹綠酒自吳船。繫馬斜陽裏。嘉興李良年武曾班荆古樹前枝
撐寒雪厚。山陰沈胤范康臣榦走老龍纏。空翠垂垂落。江都汪懋麟季角層陰的的圓。旅懷長戀此。嘉興
譚吉璣舟石幽興豈徒然。歲月風塵換。可則川涂夢寐牽。相逢曾幾日。彝尊回首憶當年。慷慨荆柯筑。歷
雲飛揚祖逖鞭。一官乘絕障。種雙闕動行旃。入雒名元重。良年臨關汝最賢。蒲桃隨馬至。胤范鸚鵡得人
憐。地險榆爲塞。懋麟原荒鹵作田。山來秦上郡。吉璣遠接漢居延。百戰山河舊。可則單車騎吹聞。自應思
魏尙。彝尊那復羨張騫。美政知無敵。層雲雄文孰與傳。龍山爭繾綣。種鳳閣尙留連。勝事歸圖畫。良年長
歌常管絃。江淹魂已黯。胤范顧愷技誰先。銀燭燒林黑。懋麟金盤滃露鮮。霜整充海族。吉璣香橘摘江煙。
麴米封鱗細。可則萸房壓鬢偏。幾忘身是客。彝尊恰笑口流涎。俊味還稠疊。層雲深杯莫棄捐。劇談逾衰
衰。種屢舞各僊僊。聚散時難定。良年交親志肯遷。彈冠新得路。胤范簪筆舊隨肩。作吏今行矣。懋麟專城
敢任焉。瘡痍何術起。吉璣井邑幾家全。不問金如粟。可則寧論酒是泉。徵書黃霸續。彝尊擁傳馬卿旋。但
遣心期在。層雲無愁後會愆。河流千尺練。種月挂九秋弦。坐久頻催漏。良年衣輕更著絳。祇緣詩錄別。胤
范遂使夜忘眠。長短青門柳。懋麟崢嶸華嶽蓮。來朝一揮手。吉璣惆悵隔幽燕。可則

題譚漢畫山水送譚七舍人兄三首

舍人佐郡出京華。馬後圖書載五車。欲上恒山最高頂。自馴白鹿飯松花。

大漠霜流積草枯。鄆筒蘆酒急須沽。雲中西去黃河曲。未必山川似畫圖。
桑乾九月未成橋。想像關榆葉盡凋。曾向鴈門三度宿。人家歷歷在山椒。

壽徐侍讀元文

紫籙雲霄迴。彝尊金門雨露偏。羣公爭獻納。李良年之子信才賢。甲第烏衣盛。彝尊家聲鳳沼沿。堂看遺笏在。良年經憶過庭傳。儒雅矜當代。彝尊飛騰數妙年。九重書第一。良年三策對無前。饌出仙廚美。彝尊袍分獸錦鮮。上陽芸是閣。良年中禁木爲天。苑柳晴相映。彝尊宮鶯歲屢遷。星軺馳漢節。良年驛路入秦川。得士皆殊絕。彝尊難兄乾學。更接聯。遙聞臚唱日。良年正值使車旋。兩到須迴轍。彝尊雙丁足比肩。把文同謝舅。良年謂顧子。炎武。染翰失張顛。賓至交珠履。彝尊朝回並玉鞭。連枝真不易。良年初度乃居先。南斗神仙籙。彝尊西清侍從員。黑頭誰得似。良年青眼獨依然。歷下尋山屐。彝尊江干載酒船。因人慙入洛。良年結客重投燕。不謂迎縫掖。彝尊翻教起晝眠。茱萸猶結佩。良年醞醖此開筵。璣進崑山玉。花明祕省甄。彝尊頤歌應可續。良年比調有新篇。彝尊

酬潘耒

燕京秋九月。雨雪紛漑漑。初晴出戶去。延望西山崖。薄衣先苦寒。炙背返荆柴。晚聞僮僕語。有客叩吾齋。新詩題紈扇。留贈出中懷。臨風百過誦。音響一何佳。泠泠朱絃瑟。調必宮商諧。壯哉四方志。獨擢浮江淮。

傷禽戢羽翼。鳴鹿求其儕。河東衛先生。簡討既齊掃室道南街。希音辨元始。望古窮津涯。同聲一相應。衆說誠可排。爾雅及三倉。豪髮未嘗乖。伊余去鄉國。萬里敝青鞵。媿乏洛生詠。徒觀泰山柴。憂玉聞琳瑯。披雲豁塵靄。譬彼同岑草。所惜在根荄。願貞歲寒期。箴笠行相偕。

贈朱十

吳江潘 未次耕

天台拔羣峯。東壁輝列宿。南州盛衣冠。之子爲領袖。傑然雲霄姿。大廈資結構。匏瓜悲天懸。井渫惻寒。整間爲蘇門。嘯善作伶倫。奏大雅還初元。風騷獨馳驟。峨峨春明門。英賢畢來輶。高齋掃晴雪。玉山驚邂逅。聞游秦岱還。應宿天門岫。日輪湧博桑。幾時割昏晝。僕本同岑人。折麻欣有舊。才非士龍奇。齒是公明幼。偶然弔燕昭。金臺暫停留。方辦五嶽裝。青精煮糴粿。何日相提攜。蓮峯掇三秀。

壽申檢討 涵盼

東山零雨別。不見忽三年。再作京華客。重逢獻壽筵。歲星方朔並。午夜望舒圓。滿把黃花酒。豳歌九月篇。
慈仁寺夜歸同李十九良年對雪兼有結鄰之約

暝色辭沙界。蓬門更掃除。數錢燈下酒。入饌雪前魚。遠作比鄰約。相連水竹居。扁舟當此夜。來往意何如。
孫少宰塾室觀吳季子劍四十韻

窮冬塾室寒。重扃晝飛雪。嘉興李良年武曾役車雖已休。客子遠相挈。鼻尊蕭然主人意。示我太古鐵。吳

江潘未次耕。黯淡四座光。模糊百夫血。上海蔡湘竹。鴻精氣所結聚。入手詎敢褻。良年摩挲讀遺銘。千春字不涅。尊尊始知延陵佩。曾挂徐君碣。未金碧爭毫芒。雨風助嗚咽。湘歲久蠟就頽。中作黍米缺。良年段冶難爲良。青白氣先竭。尊尊首廣信。參分身重裁。七鋒未九丸。初莖長。衍衍漸後設。湘制類銅虎符。質並蒼水玦。良年其文雜蟲魚。其體蔓瓜瓞。尊尊蜿蜒蛟螭纏。錯落星宿列。未當其鑄始成。見者皆骨裂。湘洪鐘無聲拂。墜玉應手切。良年拭用華士良。淬以江水洌。尊尊一充君子服。遂使雌雄別。未神靈相護持。鬼物盡整躡。湘試宜借諸離。相必經歐薛。良年適楚羞淮盧。制越定姑蔑。尊尊神物不虛歸。抗首想前哲。未紛紜春秋季。推刃相篡竊。湘何爲藐千乘。脫屣意不屑。良年遠繼讓王風。近慕子臧節。尊尊投分寄縞帶。達音在樂闋。未寸心義所要。存沒傷中訣。湘留贈物則微。高誼泉壤徹。良年古樹風蕭蕭。下爲狐兔穴。尊何期陵谷變。土花未云歸。未依然出人間。百代共傳閱。湘題字勘孔碑。裝炭談越絕。良年接未驚窮猿。干霄飲雌蜺。尊尊雄思崆峒倚。利想犀兕截。未是物洵希有。寧許膜眼別。湘博物賴張華。造書辨臣頤。良年豈爲馮生彈。聊效莊叟映。尊尊感我壯士懷。慨慷中腸熱。未持之祇不祥。可以當桃菊。湘

雪臆

寒威凌夾臆。夜色不可掄。尊尊初疑弦月駐。載驚鄰燭燄。蔡湘漏鼓凍欲沉。荒雞號已漸。尊尊攬衣訝手鞞。出戶怯風颭。湘朔氣何稜稜。同雲猶淪淪。尊尊飢鷹距未擊。啗雀羽齊斂。湘老樹壓更高。遙岑明復睽。

華尊灑壑遏冰泉。浮空露仄。湘僧閒梵未放。磴滑樵愈險。華尊恍若玉井峯。蓮花冠郊陝。湘中田從射兔。北園宜載獮。華尊銕冷生溼煙。草枯覆叢蕪。湘近須爐火圍。遠愛酒旗閃。華尊就市沽芳馨。傳杯瀉激灑。湘元叔囊垂空。平仲豆猶掩。華尊旅思話歸吳。扁舟懷入剡。湘東薪硯初炙。栗几翰斯染。華尊形兼洛陽臥。跡異昌黎貶。湘撒鹽擬詎工。授簡賦何諂。華尊郢曲有和歌。殊鄉聊自慊。湘

雪中過程五倉部同李十九蔡大賦二首

長安風雪後。歌舞閉門重。客子誰能記。倉曹獨許逢。臆寒留炙硯。日暝坐聞鐘。更約尋香閣。西山對曉峯。令子趨庭早。深杯勸客揮。愛看如意舞。判倒接羅歸。易酒行無算。吳鹽撒漸稀。憑將紅燭淚。試作鳳凰飛。

壽何侍御元英

東閣寒梅放。西山霽色澄。騷人日初度。朋酒歲相仍。頌魯期難老。歌豳信有徵。名先柱下史。官亞殿中丞。禮自猶龍擅。謠聽避馬曾。城南瞻斗極。薊北凜霜棱。敢諫虞箴在。籌時國寶增。文宜蠲瑣細。弊力墮榛莖。水旱謀誠切。徵輸法可承。廟廊需至理。駟驗必深懲。疇昔雙龍闕。逶迤四牡乘。桂林銜羽節。勾漏問丹秤。嶺外收區冊。舟中慕李膺。含香持國計。聚米佐軍興。允矣資喉舌。良哉寄股肱。人倫誰比似。意氣益飛騰。八顧三君並。千金一諾憑。聯詩過沈范。愛客邁春陵。勝日交珠履。高齋冒紫藤。對門深徑轉。開閣小山層。畫得滄洲趣。書傳草聖能。連蜷師衛壘。妙麗奪曹蠅。籤帙縱橫列。爐煙遠近蒸。庭閒看玉樹。道重比朱繩。

謬喜粉榆託相親。色笑恒。一行來獻咒。萬里此籬滕。月尙今年滿。觴同舊里稱。頌椒春序近。懷核舞筵登。
青眼人人識。朱顏歲歲凝。不辭五雲裏。長對九枝燈。

曝書亭集卷第八

古今詩七

重光大淵獻

立春日同李十九飲孫少宰蟄室有懷曹侍郎在里

七度辛盤會。他鄉歲歲殊。未知今夕讌。得與故人俱。舞鶴喧庭榭。飛花灑畫闌。因懷鉏菜叟。萬里隔春無。

西山書所見

斜陽猶未鎖松筠。雪後風清石路塵。莫笑游人今歲早。馬頭山店已燒春。

同作

上海蔡湘竹濤

中官墳墓碧雲齊。樵客東風飲恨啼。故向黃茅遺爨火。亂山燒過夕陽西。

臥佛寺

路入晴雲北。山鼓臥佛前。津梁疲已甚。土木意能傳。夜續林中磬。春流枕外泉。長安車馬客。輸爾只高眠。

題退谷

退翁愛退谷。未老先抽簪。行藥亂峯路。築亭雙樹林。閒中春酒榼。靜裏山泉音。滿目市朝貴。何人期此心。

古今詩七

一三七

來青軒

天書稠疊此山亭。往事猶傳翠輦經。莫倚危欄頻北望。十三陵樹幾曾青。

鮑家寺白松歌

鮑家寺中九白松。扶疎宛似桂之樹。密葉陰連古殿寒。霜皮晝偃盤根互。我來繫馬風泠然。入門四顧喜欲顛。巢鼓迴見鶴鶴坐。幹老不數蛟龍纏。長廊飯僧僧未至。松子松花飄滿地。半嶺平銜夕照曛。雙林遠勝春浮翠。其餘四株皆可娛。矯矯離立空牆隅。枝柯雖殊無異色。知是歲寒霜雪俱。山僧怪我摩挲久。茗盃簾前一招手。此樹今來二百年。問余歲月能知否。

同作

蔡湘

巖下石門苔蘚重。早春已發花茸茸。晚風吹墮一黃鶴。棲在月明何處松。

玉泉山下別瞻公

石橋風泠泠。夕曛斷崖口。回指翠微深。山僧此分手。

贈歌者陳憐二首

樂府新傳夜度娘。吳衫白紵越羅裳。愁看玉面燈前出。笑問銀鈎若箇臧。千鍾已分醉如泥。授色留賓曲轉低。想像天河猶未落。長鳴不聽汝南雞。

贈冒嘉穗二首

我昔齊東住。君來歷下遊。客亭無奈別。樽酒未言愁。暑雨城西寺。高林棗外樓。醉歌今始得。同調日相求。盡說移居好。投詩給事莊。松筠深不見。丘壑興何長。夜燭攤書坐。春醪並馬嘗。追隨吾更數。知愛接輿狂。

何侍御元英 招同高上舍層雲士奇繆處士永謀趙舍人繼鄭舍人宜飲刺梅園松下四首

禁煙高詠遍龍潭。未得同游祇自慚。小榼春風攜最好。又騎驄馬到城南。客來隨意但園基。細草空園席屢移。憶過松陰三度醉。未如此會恰花時。

吾家池上雙槐好。此樹連蜷想像間。最喜諸公盡吳語。一時把酒話鄉關。

離筵九日記曾開。送客西征上郡隈。正向樽前論往事。不知天外一書來。庚戌九日集此送譚七郡丞兄是日適荷榆林來札。

周郡丞令樹遷太原守詩以送之兼懷傅處士山

五馬西歸日。銅符領晉陽。川臨濼涓近。山轉嶠嶠長。童子爭騶篠。邦人尙詠棠。憑君尋傅叟。暇卽過松莊。

將出都門曹舍人貞吉黃舍人仍緒沈舍人胤范喬舍人榮曹舍人禾汪舍人懋麟 招同高上舍

層雲李秀才良年 賦詩贈行口占留別

鳳池才子各翩翩。攜客城南釀酒錢。滿眼鶯花無奈別。河梁愁思復今年。

和程遠龍尾硯歌爲方侍御亭成作卽送其入粵。現有辛卯米芾四字印。舊藏黃公道周家。

龍眠柱史饒癖。篋藏龍尾開深窪。雀臺古瓦詎比數。石末未許青州誇。黝如純漆久欲脫。粹若水玉堅。新剗中央私印尙可識。流傳乃自元章家。騷人生年記辛卯。初度肇錫名何嘉。十椽彙開見八八。兩已相背無侏邪。當其片石始入手。重之豈易黃金車。雲峯模糊潑急雨。雪繭天矯騰修蛇。東都淪後內庫發。重寶散失同紛麻。赤瑚玉英半缺折。物理所貴韜其華。流傳迄今六百載。山骨完好無纖瑕。黃公昔年在漳浦。以此注易緯蒼牙。嗚呼聚散勢所必。精靈呵護靡幽遐。房融有硯諱梵字。遺蹟尙爾矜僧伽。平公巨璞本光滑。少陵野老猶咨嗟。況茲貞質世鮮兩。宜爲有識羣高奢。前歸大滌後龐谷。顛人地下應哈呀。黃海布衣嗜奇最。吟成古調敲淫哇。盤空硬語難驟讀。詩膽直欲凌劉叉。謂余吾歌子當和。蒼云四座且莫譁。我昔南游度大庾。羚羊峽口戈船划。手披煙液入巖穴。礪磳硯碗圍周遮。石紋蘊秀各異狀。就中最美數青花。有時精氣凝作眼。碧者鸚鵡黃者鴉。火輪奔處界微白。宛似蕉葉抽春芽。其餘瑣細盡當辨。黃龍翠羽兼丹砂。爭如此石鐵色古。稜角漸去成礪礪。杜史聞之忽狂叫。便欲五嶺探雲霞。陪隄三月送君去。柳絲藤蔓何甍塗。黯然消魂萬里別。長言不覺肆滂葩。

賦得官柳送人自濟入燕

官路垂楊柳。春風處處青。遙憐煙雨色。何限短長亭。送子燕臺去。還從歷下經。七橋明月夜。繫纜有荷汀。

紅橋

春蕪小雨滿城隈。茅屋疎籬兩岸開。行到紅橋轉深曲。綠楊如薺酒船來。

題何氏書樓

屢醉齊東酒。曾開薊北書。林泉尋舊好。瀟灑勝吾廬。簾額仍通燕。堂坳亦有魚。蘭成擅詞賦。宜作小園居。

旱

水潦江淮久。今年復旱荒。翻風無石燕。蔽野有飛蝗。桎梏懲屠釣。檜巢迫死亡。虛煩乘傳使。曾發海陵倉。

送越孝廉闕入楚兼作廬山之游

蕪城相見惜蹉跎。又送雲帆楚澤過。九疊屏風何處好。三湘芳草至今多。尋山應得逢匡俗。作賦還看壓景瑤。準擬歸來秋月滿。樽前同聽大堤歌。

逢周侍郎堯工二首

恨別西湖曲。重逢又十年。艱難增旅話。傾倒共詩篇。春遠仍題扇。江寒未放船。甘棠留召伯。聽取舊歌絃。

侍耶曾觀
察揚州。

阿戎頻問訊。公子在凌。燕晉兩鄉俱。道已甘三黜。家從泛五湖。登臨山屐在。存沒酒人殊。感王執定胡介諸舊游也。白髮明燈裏。飛揚不可無。

酬彭師度三首

燕郊春雨灑塵輕。我唱驪駒子送行。回憶酒人天外隔。不知舟楫下蕪城。
艾家橋北論交日。回首星霜十九年。祇向天涯相送老。新詩讀罷一凄然。
竹西酒市接平山。燈下妖姬十八鬢。留取霜紈調錦瑟。紅橋一曲送君還。

送柯大崇樓還里兼寄周質

渡淮三月滯江都。送爾歸尋舊酒徒。十幅蒲帆鄉樹杪。夜船聽雨到南湖。

送葉上崇舒崇之睢陽

昔游同鼓山陰櫂。我年方壯君尙少。紅妝隔座送藏鬪。君醉宵眠我狂叫。江湖轉眼遽離羣。東尋百越西
三雲。幾回落拓來燕市。秋草金臺共夕曛。君今三十猶貧賤。吳楚山川遠游遍。天涯聚散二十年。鄉里何
曾一相見。酒人燕市愛君詩。置酒邀君必我期。城東城西夜漏午。呼僮僕被恒相隨。謂當同醉椒花酒。夜
雨新年翦新韭。豈意驪駒忽在門。贈行不待春楊柳。黃塵千里盧溝橋。朔雲慘淡風蕭條。短衣匹馬睢陽
去。正值梁園雨雪飄。平臺滿目皆狐兔。對雪相如可重賦。若見當壚勸酒人也。應憶我長安路。

譚孝廉十一兄瑄歸自楚粵訪予維揚喜成三首兼懷郡丞七兄吉璉在榆林

鄉園十載隔。相對總殊方。髮短愁先鑷。杯深喜益狂。寒梅探庾嶺。秋草下潞陽。未暇歸三徑。明燈話射堂。
柳岸舟同汎。蕪城草乍班。望衡曾九面。夢雨得雙鬢。車騎將休汝。榆林欲度關。雕蟲何足尙。辛苦羨名山。

十月邊城路。會傳上郡鴻。弟兄三歲別。夢寐幾人同。望遠平山隔。懷歸舊業空。回思童穉日。誰料各西東。

雪霽同周儀部襄緒對酒康山二首

一簣城隅出。千家雪後勻。江湖談往事。絲竹老斯人。謂對山也。不厭尋幽晚。惟應對酒頻。寒梅意蕭瑟。想見武功春。

樽前橫蜀嶺。鳥下起吳歌。繫馬從星使。憑軒覽漕河。雪深花尚發。風急雁翻多。有約江春到。行廚次第過。

玄默困敦

題竹坨壁

買斷竹坨將四載。園林新筍未經嘗。今來散帙時初夏。忽見抽梢喜欲狂。背市有人酤濁酒。南鄰許我借匡牀。江村臥穩真堪樂。愁說燕雲射獵場。

雨度仙霞嶺三首

縹緲江郎石。朝來竟不分。客愁偏暑雨。祠古但寒雲。小市兵戈盡。飛泉下上聞。泥塗雖自苦。暫喜遠人羣。
岸缺人猶度。橋迴徑轉偏。古苔緣樹上。密竹聚峯圓。白袷晴還溼。青鞵暮屢穿。笑看茅屋近。編筏渡溪煙。
仙霞高不極。半嶺一雲平。倚杖驚吾老。攀崖羨客行。經心蒼蘚滑。照眼白花明。回首楓林暮。先秋葉自鳴。

題福州林秀才竹亭

道南移宅後。蕭瑟草堂質。尚有孤亭在。堪歌伐木詩。翠兼梧下竹。黃坼圃中葵。最愛涼風滿。無煩羽扇持。

泰安道中曉霧

苦霧滴成雨。平林翳作峯。不知巖際寺。恰送馬頭鐘。汶水已爭渡。泰山猶未逢。忽驚初日躍。遠近碧芙蓉。

重陽前一日沈暎日鮑變生載酒柯氏園亭同諸子分賦兼感舊游成二十韻

水竹通三徑。星霜隔幾年。悲歌同調續。秋色異鄉先。葉落交簷樹。雲寒欲雨天。解鞍嘶騎擁。載酒麴車連。席嚮西南上。杯行少長前。從容寬禮數。傾倒迭詩篇。楚舞何相似。秦風亦有焉。吟看吳會並。交取性情便。二子真同好。相期幸未愆。臨池良不厭。含坐屢教遷。破帽垂垂落。疎簾處處懸。離花平綴錦。沙鴈小如拳。薄暝爭投轄。提壺更數錢。風燈升降影。茅屋去來煙。衰藉囊萸早。宵因說餅延。塵埃驚老大。身世益迢邐。尚憶班荆地。曾開送別筵。舊游惟沈岸。登鄭培遠夢。各山川。榆塞橫汾曲。譚七郡丞兄吉璉潘二未蠶叢桂竹偏。高層李

良年中郎遺爨笛。蔡洲歎逝轉悽然。

柯將軍園亭卽席分韻送柯三維楨還嘉善

匹馬嵩陽返。曾探玉女崖。征衣猶雨雪。歸櫂復江淮。客有悲歌獨。文傳別賦皆。葛疆池上月。後夜不勝懷。

送計孝廉東還吳江

三年歸計總蹉跎。日見輕舟下潞河。君去登高誰對酒。空憐秋色異鄉多。

送陳武之青浦

憶同九日登高讌。益信陳琳最善文。易水自來長送客。詞人且免學從軍。帆飛薛澗連鄉樹。鶴下華亭劃海雲。吾老思歸猶未得。天涯歲月總離羣。

送汪戶部琬還長洲

殊方動惜故人違。聽唱驪歌淚暗揮。白下乍傳星使返。江東忽見步兵歸。若華徑曲藏書屋。蓮葉舟輕上釣磯。不獨文章今日少。誰能未老念荷衣。

送陳叟南歸

軍都關口朔雲凝。羨爾臨行匹馬登。歸向高陽逢舊侶。銜杯試話十三陵。

昭陽赤奮若

人日謁景皇陵

重湖裂帛已流澌。岸柳三眠又一時。尚有寢園開夕照。每逢人日撫殘碑。童童獨樹栖禽少。冉冉長途下馬誰。回首昌平山近遠。裕陵松柏總淒其。

同劉侍郎芳躅入大房山時劉編修芳謁養疴山中八首

羣峯迴合靜飛塵。野杏山桃各自春。不共南陽劉子驥。花源一望已迷津。

丹梯直上與天連。鐵鎖垂垂百尺懸。安得山中十日雨。石門一道迸飛泉。
帝城回望隔峯霞。蘭若松門自歲華。剩有紅羅宮監在。香臺猶禮九蓮花。
上方層閣少經過。猶有樵人樹杪歌。試乞山僧老藤杖。天風扶上摘星陀。
解道劉伶善閉關。田衣竹杖此躋攀。長安車馬紛無數。誰肯高居六聘山。
春風依舊野棠紅。麥飯僧廚餉客同。不用三車頻問法。白頭試話玉熙宮。
定公八十猿孫捷。峻嶺何曾策杖遊。邀我遠登龍虎峪。翠巖天半結飛樓。
羊何此日和歌成。夢草池塘句更清。刻取谿亭雙櫟樹。千春長識謝公名。

過何侍御丹臺書屋二首

一飯長安地。先生許數來。牕虛同畫舫。徑盡出丹臺。風幔宜斜卷。庭花獨早開。但令施枕簟。日日此銜杯。
宛在山茨下。層陰罨小亭。花移大房茜。石帖太湖青。筆斷何妨績。琴歌亦可聽。閒來須賭墅。一爲寫黃庭。

送喬舍人萊還寶應

今秋甲子雨不絕。小池殘暑風淒淒。棧車難行瘦馬滑。終朝兀坐愁雲低。有客上書臨欲去。折簡招我斜
街西。房山香醪貯一石。浮以斛角暹羅犀。定州瓷盃白如雪。津門紫蟹團霜臍。坐中曹舍人汪舍人意氣
古。杜詩韓筆名相躋。草堂圖畫凡幾幅。酒酣並起爭留題。龍竿寺旁射陂曲。中分一水名柘溪。君家嚴君

侍御可聘。此游息。翠煙繚繞。含晴寬。王官谷。深城府隔。武陵花發時人迷。只今八十尙健飯。過橋不用扶青藜。
郵籤此去秋未晚。離邊圓菊黃花齊。連江峭帆檻外落。一雙老鶴階前栖。衡門啓後綵衣入。定使眼膜開。
金篋桓山四鳥雖折翼。時舍人有兄喪循陔庶免心酸嘶。兼珍之膳娛永日。靜觀節物移暄萋。嗟余旅食尙淹滯。
懷鄉未得瞻秦稽。送君沉吟數長路。寸心千里隨輪蹄。維揚稔稻美自昔。邇來厰土仍塗泥。灣頭清水聞。
更決。上流未築歸仁隄。千村廬舍總昏墊。可知鴈戶猶悲啼。漕船萬斛輓不上。荒岡斷岸何繇梯。太倉紅。
粟漸已貴。曷歸長水親鉏犁。期君歲暮白田上。班草城南手重攜。

和韻送徐編修乾學還崑山

潞河臨發動晨颺。惜別重歌折柳辭。前席定來宣室召。蹇驢仍借杜陵騎。秋深準續登高約。月出應懷對。
酒時。賓從玉山知不少。相思定寄草堂詩。

藍秀才見示劉松年風雪運糧圖

潞河十月櫓聲絕。連橋如薺啼飢鳥。厨簷炙背苦岑寂。有客示我運糧圖。遙峰隱隱露積雪。村原高下紛。
盤紆。千年老樹風怒黑。寒葉盡脫無纖枯。人家左右僅茅屋。傍有水碓臨山廚。砮糠既揚力輸稅。安有甌。
石存桑樞。大車檻檻四黃犢。疾馳下坂尋修塗。嗟爾農人歲已暮。婦子不得和歡愉。披圖恍見南渡日。北。
征甲士連戈。當年諸將猶四出。轉粟未乏軍中需。同仇大義動賦畝。輸將豈畏胥吏呼。始知繪事非漫。

與堪與無逸。幽風俱古。來工執藝事。諫斯人畫院良所無。嗚呼。斯人畫院良所無。不見宋之君。臣定和議。笙歌晨夕游西湖。

席上贈陸生三首

江東陸弟。憤風流。負笈今爲萬里游。畫取燕臺山近遠。黃雲白雪一時愁。芳筵鮭菜故鄉同。刻燭藏鉤漏未終。閉戶須爲十日飲。銜杯最愛百分空。風雪寒凝老樹枝。蟹螯深夜且同持。前身定是周邦彥。醉裏能歌片玉詞。

夢祝歌爲汪舍人戀麟作

我怪汪舍人。臥疴嬾朝參。眼前富貴非所好。惟於載籍偏沉酣。無錢可糴太倉米。僮僕入市心懷慚。舍人舒膝方晝寢。如蟲食蓼翻知甘。忽然夢入無人區。廣庭巨室何歡。中羅石硯十有二。一一就視煙雲舍。羅磁苦堅。龍尾滑。洸河水玉徒豎竅。詎若羚羊峽中質。青花白葉波淳涵。良璞得一亦已足。十二盡取毋乃貪。覺來伏枕賦長句。中心惆悵真難堪。爲語舍人且莫貪。高要峽路吾能諳。昔年著屐入巖穴。親斲山骨施斧鑿。黃金盡散要不惜。一百八石巖前擔。自從輕舟發大庾。篷牕一日摩挲三。榜人潛窺竊其九。餘歸見者爭來況。眼看美好盡已去。何況夢寐侈空譚。舍人翻然釋惆悵。留余濁酒開新壘。統如漏鼓猶未起。起時月落天西南。

龔尙書輓詩八首

坤維初震後，元老忽淪亡。

九日地震，越三日公沒。

已定春帆計，翻教夜壑藏。把杯人未散，戀闕意堪傷。盛德今徂謝，

悲看大鳥翔。

西掖存封事，南天返使車。位仍三獨坐，職半六尙書。典禮真無忝，論文盡不如。最憐羣弟子，入揖共欷歔。

九日龍潭讌，招尋自此休。

公每歲九日，謙客賦詩於黑龍潭。

遲歸因酒債，垂死及山游。

九月七日，公扶病遊萬壽寺。

別袂何曾把，時余赴通

州。詩篇總未酬，重來清淚迸。風急總帷秋。

京華留滯久，恒苦出無車。記憶惟公切，過從聽我疎。頓忘何日別，急簡舊時書。剩有雷塘句，臨岐禊飲初。

辛亥上巳，余從京師至揚州，公以詩贈行。

墨自臨池妙，詩先過嶺工。換鷄何太苦，刻燭未教終。匹練題長遍，聯篇思轉雄。要知作者意，肯與古人同。

別有新詞麗，樽前賦物華。歌翻舊桃葉，笛按小梅花。檀板柳三變，金盞溫八叉。江南腸斷句，回首向誰誇。

公最愛余，賦風湖口詞。

含玉遺孤在，招魂上客存。天邊丁令鶴，夢裏謝公墩。茄吹將歸路，田廬何處村。應同鍾太傅，丙舍寄諸孫。

已撥青門餞，空憐白馬留。九京應萬里，百口但孤舟。逝矣名須易，傷哉涕莫收。寄聲縫掖賤，休作帝京游。

送龔孝廉宜生掌教涿洲

圖經雄涿鹿。壁沼亞橋門。錦里仙人水。樓桑帝子村。詩傳頤盡解。官冷道彌尊。不遠房山麓。相期泛竹根。

九言題田員外 雯秋汎圖

田郎與我相識。今十年。新詩日下。萬舌爭流傳。黃塵撲面。三伏火雲熱。每誦子作令。我心爽然。開軒示我。秋汎圖。五丈鴨頭畫。出宛似吳中船。大通橋北。官舍最湫隘。箕筥斗斛。囊橐萃喧闐。他人對此束縛不得去。田郎掉頭一笑。浮輕漣。疎花蒙籠兩岸。渡頭發。塞驢蹶躓。百丈風中牽。五里十里。長亭短亭出。千絲萬絲。楊枝柳枝眠。當其快意。何啻天上坐。酒杯入手。興至吟尤顛。慶豐牖口。自有此渠水。未知經過誰。子曾洄沿。倉曹題柱。名姓不可數。似子飛揚。跌宕真無前。長安酒人。一時賦長句。我亦對客。點筆銀光牋。逢牕寂寞。不妨添畫我。從子日日高詠秋水篇。

寄懸公

竹外繩橋渡口鐘。別來消息五春冬。南湖虛有煮茶約。下若幾曾歸櫂逢。去鴈書成難問訊。愁猿路險怯過從。衰年願得精廬近。須卜橫山第一峰。

曝書亭集卷第九

古今詩八

關逢攝提格

春雪二首

臘去初無雪。春來盡日飄。披離侵柳陌。取次及花朝。入夜飛何急。因風卷未消。攜錢思縱飲。不用酒旗招。客久催蒼鬢。師行冷鐵衣。漸看迴鴈近。只共早梅飛。關塞愁無極。鄉園信轉稀。空憐兒女在。遙計放船歸。

送龔大之淮陽

潞河遲日送征驂。禁雪初晴柳尚含。一路青山到淮浦。照人明月已江南。

汪舍人戀麟以丁娘子布見贈賦寄

丁娘子爾何人。織成細布光如銀。舍人笥中剛一疋。贈我爲衣禦冬日。感君戀戀情莫踰。重之不異貂襜褕。攜歸量幅二尺闊。未數星紈與荃葛。曬卻渾如飛瀑懸。看來只訝神雲活。爲想鳴梭傍碧牕。摻摻女手定無雙。浣時應值湍裙水。漂處除非濯錦江。長安城中盛衣馬。此物沉思六街寡。裁作輕衫春更宜。期君再醉天壇下。天壇三月踏青時。領邊短鬢風吹絲。試尋油壁香車路。追逐紅禪錦髻兒。

古今詩八

一五一

寄高層雲

萬里歸舟興有餘。蜀叢召客鱸魚酒。邊可憶朱齡石。深夜明燈勸羽書。

王尚書崇簡招同錢澄之毛會建陸元輔陳祥明嚴繩孫計東讌集豐臺藥圃四首

上苑尋幽少。東山載酒行。發函初病起。出郭始心清。一老風流獨。集賢少長并。甘從布衣飲。真得古人情。
水淺孤村外。亭開萬柳中。流觴過上巳。卷幔已南風。旅詒江湖別。幽期出處同。接羅拚共倒。舉手對山公。
山田圍輞水。左右出豐臺。是日孤亭坐。繁花四面開。蟻浮傾更滿。蝶舞去翻來。卽事多高詠。天涯不易哉。
麗草攢細蕊。晴風卷絳雲。井華宜近汲。衣桁忽斜曛。與自抽簪發。人因賭墅分。重過知不厭。歸騎且紛紛。

送鄭培南還

長安似爾客最久。自別舊鄉今八年。五里亭邊傾薊酒。一帆風末挂吳船。承顏正好趨庭日。生計須謀負郭田。莫以故人歸未遂。卜居不與竹垞連。

鴛鴦湖權歌一百首有序

甲寅歲暮。旅食潞河。言歸未遂。爰憶土風。成絕句百首。語無詮次。以其多言舟楫之事。題曰鴛鴦湖權歌。聊比竹枝浪淘沙之調。冀同里諸君子。見而和之云爾。

蟹舍漁村兩岸平。菱花十里權歌聲。儂家放鶴洲前水。夜半真如塔火明。
宋朱希真避地嘉禾。放鶴洲其園亭遺址也。余伯貴陽守。治別

業於上真如
塔峙其西

沙頭宿鷺傍船棲。柳外驚鳥隔岸啼。爲愛秋來好明月。湖東不住住湖西。

春城處處起吳歌。夾岸疎籬影翠蛾。一葉舟穿妝閣底。傾脂河畔落花多。傾脂河在楞嚴寺東。人家多跨水爲閣。

寶帶河連錦帶斜。精嚴寺古黯金沙。牆陰一逕游人少。開遍年年梓樹花。寶帶錦帶俱水名。精嚴寺多梓樹。

西埏里接韭谿流。一簣餅山古木秋。慣是爭枝烏未宿。夜深啼上月波樓。西埏里。載千寶搜神記。在嘉興縣治西。韭谿之水經其下。餅山。

宋時酒務。月波。秀州酒名。載張能臣天下名酒記。樓係令狐挺所建。宋人集題詠詩詞甚多。

和韻

嘉興譚吉璉 舟石

蘇小墳前水北流。茗花梧葉滿園秋。月華不與高城隔。飛上星湖第一樓。

構李亭荒蔓草存。金陀坊冷寺鐘昏。湖天夜上高樓望。月出東南白苧村。構李亭址。在金銘寺北。宋岳珂爲勸農使居金陀坊。著金陀粹

編寺南有樓。名湖天海月。

和韻

譚吉璉

胥江不遠小山存。猶有遺祠翠木昏。挂席西風乘興去。白蓮秋水夕陽村。

百尺紅樓四面牕。石梁一道鎖晴江。自從湖有鴛鴦日。水鳥飛來定白雙。

和韻

譚吉璉

水市花船一樣牕。龍淵學繡一條江。憑誰移箇龍淵塔。學繡村邊也作雙。

倅麻偏宜置酒過。亭前花月至今多。不知三影吟成後。可載兜娘此地歌。陸游入蜀日記倅解花月亭有

樂章云得句於此亭也。張子野云往歲吳興守。膝子京席上見小伎兜娘。後十年再見於京口。

女牆官柳遍啼鴉。小閣臨風卷幔斜。笑指孩兒橋下水。雨晴漂出滿城花。孩兒橋在天寧寺東石闌盡。刻作孩兒。載善應能括異志。

檣燕檣烏繞楫師。樹頭樹底挽船絲。村邊處處園桑葉。水上家家養鴨兒。樂府詞子歌注嘉興。人養鴨兒作此歌。

桃花新水湧吳艚。十五漁娃櫓自操。網得錢塘一雙鯉。不知魚腹有瓜刀。錢塘杜子恭就人借瓜刀。其主

行至嘉興有魚躍入船中。破魚腹得瓜刀。見搜神後記。

穆湖蓮葉小於錢。臥柳雖多不礙船。兩岸新苗纔過雨。夕陽溝水響谿田。

和韻

譚古璉

春來河蚬不論錢。竹扇茶爐載滿船。沾得梅花三白酒。輕衫醉臥紫荷田。

金衣楚雀白鷓鴣。不住裴公島上啼。白馬未嘶雲屋外。紅船先度板橋西。裴島即放鶴洲。相傳裴休別業。

隄外湖光隄內池。露荷珠綴夜涼時。阿誰月底修簫譜。更按東堂舊日詞。毛滂在秀州賦月波樓中秋詞云露荷珠綴照見鷺鷥睡月底

修簫譜。樂府調名。東堂滂集名也。

鴨餛飩小渡微鹽。雪後墟頭酒價廉。聽說河鮑新入市。萋蒿荻笱急須拈。方回題竹杖詩跳上岸頭。須記取秀州門外鴨餛飩。

城北城南盡水鄉。紅薇徑外是回塘。千家曉閣紗牕拓。二月東風蕙草香。

和韻

譚吉璣

江村復禮舊名鄉。竹作筵籬石作塘。到處十家三酒店。春波繫纜岸花香。

西水驛前津鼓聲。原田角角野雞鳴。臺心菜甲桃花里。未到天明懼入城。西水驛在城西桃花里。人多種菜爲業。

和韻

譚吉璣

棟子花疎過雨聲。紫山看火樹頭鳴。鄰船兩槳買桑葉。南抵餘城北渚城。

姑惡飛鳴觸曉煙。紅蠶四月已三眠。白花滿把蒸成露。紫萁盈筐不取錢。姑惡鳥名。蠶月最多。野薺蕪開以澤髮。可成香露。可

以澤髮。可成香露。可

村中桑斧響初停。溪上叢麻色漸青。郡閣南風纔幾日。荷花開滿鏡香亭。府城西北有麻溪。鏡香亭在慈恩寺南。今廢。

徐園青李核何纖。未比僧盧味更甜。聽說西施曾一招。至今顆顆爪痕添。徐園李核小如豆。絲懸其中。府廬謂淨相寺。產榴李。每顆有西

施爪痕。

藉袈橋上水松牌。白石登登鴈齒階。曾記小時明月夜。踏歌連臂竹鄰街。竹鄰里。元陳秀民所居。藉袈橋在其東北。

谷水山來出小湖。渚城辟塞總春蕪。戰場吳楚看猶在。折戟沙中定有無。水經注引吳記。谷水出吳小湖。吳水經注又云。浙江又東。逕柴辟南。

舊吳楚戰地。備候於此。故謂之辟塞。

金魚院外即通津。轉粟千艘壓水濱。年少女牆隨意望。縫衣恰對柁樓人。輿地紀勝金魚院在嘉興縣西北。

懷家亭館相家湖。雪艇風闌近已蕪。猶有白蘋香十里。生來黃蜺蛤蜊廬。懷悅居相湖南。柳莊有水亭名雪艇。湖中產蜺甚肥。

學繡女兒行水滸。遙看三塔小如鍼。並頭茵菖雙飛翼。記取挑絲色淺深。城西學繡里俗傳西子入吳刺繡於此。三塔龍淵寺前塔也。

梅花小閣兩重階。屈戌屏風六扇排。不及張銅爐在地。三冬長煖牡丹鞵。里有張鳴岐製銅爲薰爐。聞於時。

鶴湖東去水茫茫。一面風溼接魏塘。看取松江布帆至。鱸魚切玉勸郎嘗。鶴湖在白牛溼。清風溼即白牛溼。

蓮花細步散香塵。金粟山門禮佛頻。一種少年齊日斷。不知誰是比肩人。金粟寺在海鹽西南。林坤誠齋雜記。海鹽陸東美妻有容止。夫

婦相重。寸步不離。時號比肩人。孫權封其果。

織成錦衾碧間紅。繚以吳絲四五通。錦上鴛鴦三十六。雙棲夜夜水紋中。善錦。里出。

和韻

譚吉璫

巷西古塔畫闌紅。閣老廳門一徑通。猶記北樓曠篠地。薔薇一丈曉庭中。

天寧佛閣早春開。鳥語風鈴次第催。怪道回船溼羅襪。嚴將軍墓踏青來。天寧寺在秀水縣治東北。後有嚴助墓。

和韻

秀水陳忱用夏

東林禪宇白蓮開。魚版纒停午復催。坐久雙谿明夕照。布帆一半鷓鴣湖來。

長水風荷葉葉香。斜塘慣宿野鴛鴦。郎舟愛向斜塘去。妾意終憐長水長。長水秦時所鑿。斜塘地名。

跪地垂楊絮未飄。蘭舟上已祓除遙。射襄城北南風起。直到吳江第四橋。城北王江湮有射襄橋俗謠

宣公橋南畫鼓。酒船風幔挂鴉叉。碧山銀盃勸郎醉。權入南湖秋月斜。陸宣公橋在城東朱魯山元時嘉禾銀工宋聞人滋南湖草堂

記橋李澤國也東南皆陂湖而南湖尤大

木樨花落擣成泥。霜後新橙配作醃。猶恐夜深妨酒渴。教添玉乳禦兒黎。禦兒玉乳黎見漢書注

畫眉墨是沈珪丸。水滴蟾蜍硯未乾。休恨圖經山色少。與郎終日遠峰看。沈珪不人善製墨諺云沈珪對膠十年如石載何遜春洛紀聞

鄆城四望無山宋鄭毅夫月波樓詩野色更無山隔斷是也

和韻

譚吉璫

碧瓦珠光火一丸。綠楊絲挂綵幡乾。泥孩縱說鄜延好。不及曹王廟上看。

三姑廟南豆葉黃。馬王塘北稻花香。秋衣薄處宜思妾。春酒熟時須餉郎。三姑事見括異志今長水有廟馬王塘在其北

小婦春風樓下眠。與論家計最堪憐。勸移百福坊南住。多買千金圩上田。石門有春風樓錢塘應才爲嘉興學正婢曰陸小蓮百福坊人

貝瓊元末避地千金圩

小舫中流播燕梢。一螺青水練塘坳。隨郎盡日鹽官去。莫漫將儂半邏拋。燕梢小船名長水東有練浦一螺青浦水名劉長卿詩半邏驚

滿樹今謔爲半路

鎗金硯匣衍波牋。日坐春風小閣前。鏤管簪花書小字。把郎詩學魯豈編。鎗去聲斜塘楊匯髹工鎗金鎗銀法以黑漆爲地鏤刻山水

百花竹翎毛亭壑屋宇人物調雄黃韶粉以金銀箔
傅之見陶宗儀輟耕錄杜詩編年白木人皆習始

雨近黃梅動浹旬舟回顧渚鬪茶新問郎紫符誰家焙莫是前溪讀曲人

秋燈無燄剪刀停冷露濃濃桂樹青怕解羅衣種罌粟月明如水浸中庭禾中產罌粟相傳八月十五夜俾女郎解衣播種則花倍盛

繡綫圖存陸冕遙唐家花鳥棘鍼描只愁玉而無人畫須是傳神盛子昭陸冕禾人有繡綫圖載宣和畫譜唐希雅及孫宿皆善畫花鳥

墨作棘鍼子昭魏塘人嘗畫雀鷺鸞像

去郭西南桂樹林五畝之園一半陰笑插枝頭最深蕊兩鬢如粟辟寒金城西屠氏園有桂二本垂蔭逾畝每歲兩樹迭開金蕊一桂

榆錢陣陣麥纖纖野菜花黃蝶易黏記送郎船溪水曲平蕪一點甌山尖甌山在桐鄉今為錢大理貢寨

比翼鴛鴦舉擢迴雙飛蝴蝶遇風開生憎湖上鷓鴣鳥百遍魚梁曬翅來鷓鴣湖在海鹽縣西南

龍香小柄琵琶響切玉瓊瓏約指環試按花深深一曲海棠開後望郎還南宋太學服膺齋上舍鄭文秀州人妻孫氏寄秦樓月詞一時

傳播酒樓伎筵皆歌之載古杭雜記花深深海棠開後詞中語也琵琶字唐人多作仄音讀

酒市茶寮總看場金風亭子入春涼俊游改作烏篷小蔡十郎橋低不妨晏殊類要嘉興縣有金風亭蔡十郎橋載至元嘉禾志

落花三月葬西施寂寞城隅范蠡祠水底盡傳螺五色湖邊空挂網千絲城西南金銘寺有范蠡祠舊井塑西子像湖中產螺皆五色

蘇小墓前秋草平蘇小墓上秋瓜生同心綰結不知處日暮野塘空水聲唐徐凝嘉興逢寒食詩惟有蘇小

有荒墳今縣南有賢倡卷

和韻

譚吉聰

參旗橫照郡樓平。塔火初沉漁火生。郭外城中十三寺。一時落月盡鐘聲。

風橋水檻盡飛花。一曲春波激灩斜。北斗闌干郎記取。七星橋下是兒家。春波七星橋名。天星湖在嘉興縣治東。湖北有

天星湖口好花枝。便過三春采未遲。蝴蝶雙飛如可逐。教郎乞夢冷仙祠。徐王廟在府城東北。每歲人

江樓人日酒初濃。一一紅妝水面逢。不待上元燈火夜。徐王廟下鼓琴琴。日穀。日舉舟擊鼓。士女往觀。

河頭時有浣衣人。處處春流漾白蘋。橋下輕舟來往疾。南經娛老北蹲賓。娛老橋在城南。蹲賓橋在府治西。

芳草城隅綠映衫。鳳池坊北好抽帆。徐恬舊宅片泥煖。過雨斜陽燕子銜。前徐恬宅。見陸廣徵吳地記。

秋涇極望水平隄。歷歷杉青古閘西。夜半嘔啞柔櫓撥。亭前燈火落帆齊。秋涇橋在城北。杉青閘名。落帆亭名。

和韻

譚吉聰

青鞵白鷺浴湖隄。飛向羅潭廟口西。竹傘櫻鞵塵不到。秋風且看稻花齊。

屋上鳩鳴穀雨開。橫塘游女蕩舟回。桃花落後蠶齊浴。竹筍抽時燕便來。橫塘在城東。俗名箭之。早者曰燕來。

漏澤寺西估客多。樓前官道後官河。正值喧闐日中市。楊花小伎抱箏過。吳船女郎入市。唱曲號唱花。

五月新絲滿市塵。綠車鳴徹斗門邊。沿流直上羔羊堰。雙櫓迎來販客船。羔羊堰在石門縣。斗門在石門北。

魚梁沙淺鷺爭淘。處處村田響桔槔。一夜城西茗水下。酒船直並小樓高。

和韻

譚吉璉

槐葉青時和冷淘。槐葉濃時轉桔槔。槐葉黃時香稻熟。登場禾稼比牆高。

九里橋西落照銜。櫻桃初熟鳥爭鶻。須知美酒烏程到。遙見新塍一片帆。宋曾魯公監秀州新

馬場漁澗幾沙汀。宿雨初消樹更青。最好南園叢桂發。畫橈長泊煮茶亭。彪湖一名馬場湖。宋潘師旦以

門外。建會張亭。南園。余叔宜春令別業。有桂樹四本。高俱五丈。蘇子瞻煮茶亭在水北。

青粉牆低望裏遙。紅泥亭子柳千條。郎船但逐東流水。西麗橋來北麗橋。

伍胥山頭花滿林。石佛寺下水深深。妾似胥山長在眼。郎如石佛本無心。胥山在城東十八

花船新造水中央。曉發常湖泝漢塘。聽盡鐘聲十八里。平林小市入新坊。角里東為漢魏二塘。德藏寺蓮

之。工行至新坊十八里。蓮擊之。山是不能遠聞。載括異志。

蒲山草與薺山齊。激浦潮來乍浦西。白沃廟南看白馬。巫言風雨夜長嘶。蒲山。菜薺山。俱在平

綠煙初洗兔華秋。片片魚雲靜不流。山月池邊看未足。移船買酒弄珠樓。山月池在平湖德藏

鸚鵡湖流碧幾灣。白龍湫水落陳山。游人秦小娘祠過。社鼓聲邊醉酒還。鸚鵡湖。即石湖。樓藏

在平湖縣東南二十里。

阿儂家住秦溪頭。日長愛櫂橫湖舟。霑雲寺東花已放。義婦堰南春可遊。橫湖。霑雲寺。俱在平

湖。許昇妻呂榮家。死黃巾之

難糜府君敏讓葬
之今謫爲品蒙家

巫子峰晴返景開。傳聞秦女葬山隈。閒聽野老沙中語。曾有毛民海上來。樂資九州志。鹽官縣有秦駐山。始皇逕此。美人死葬於山下。山

之東海口有巫子山。水經注。光熙元年有毛民三人集於縣。蓋汎於風也。

橫浦東連白塔雲。下方鐘鼓落潮聞。結成海氣樓相似。袁就吳鹽雪不分。白塔山在海中。鹽官亦有鹽市。

勸郎莫飲黃支犀。勸郎莫聽花冠雞。聞琴橋東海上。烏夜村邊烏未啼。聞琴橋在海鹽城東。烏夜村何準宅舊址。

和韻

譚吉聰

三條玉帶兩條犀。爭訪金雞夢白雞。高冢纍纍羊虎盡。塘南塘北亂烏啼。

鷹窠絕頂海風晴。烏兔秋殘夜並生。鐵鎖石塘三百里。驚濤齧盡寄奴城。鷹窠頂在澗蒲山椒。每月朔日月並出海中。晉安帝隆安五年。係思犯海鹽。劉裕拒之。築城於海鹽。故治。

年係思犯海鹽。劉裕拒之。築城於海鹽。故治。

招寶塘傾水淺深。會骸山古冢銷沉。都緣世上錢神貴。地下劉伶改姓金。招寶塘在海鹽西南。九州要記。山取牛山崩。二人同死穴中。因曰會骸山。

山取牛山崩。二人同死穴中。因曰會骸山。郡有劉伶墓。土人避錢鏐諱。改呼金伶墓。

曲律崑山最後時。海鹽高調教坊知。至今十棒元宵鼓。絕倒梨園弟子師。

春絹秋羅軟勝絲。折枝花小樣爭傳。舟移濮九娘橋宿。夜半鳴梭攪客眼。濮院。元濮樂開所居。濮九娘橋在焉。

郎牽百丈上官塘。客倚篷牕晚飯香。黃口近前休賣眼。船頭已入語兒鄉。

輕船三板過南亭。蠶女提籠兩岸經。曲罷殘陽人不見。陰陰桑柘石門青。崇德古南亭石門春秋時吳壘石以柱越。

和韻

譚吉璉

宅西猶石舊名亭。曾侍先人說五經。夢想故園猶在眼。樓欄一樹假山青。

走馬岡長夕照中。塘連沙渚路西東。不知吳會誰分地。生遍茱萸一色紅。走馬岡在石門水新鄉地有官窯相傳吳越分疆處語兒中漁

一名沙渚塘吳會分地紀書名。見太平御覽。茱萸不郡土產。

移家只合甓川居。釀就新漿雪不如。留客最憐鄉味好。屠墳秋鳥馬嘯魚。閩人卓成太元末僑居甓川馬

也。魚可爲膳。

郎家湖北妾湖南。兩槳緣流路舊諳。卻似釣鼈磯畔鷺。往來涼月影毵毵。釣鼈磯在南湖中。聖太守勉所築。

野王臺廢只空墩。翁子墳荒有墓門。舍宅尙傳裴相國。移家曾住趙王孫。白蓮寺隔水有顧野王讀書臺址。朱買臣墓在角里街北。並如

寺相傳裴休宅。趙王孫。謂孟堅也。居席陳里。

秋晚東林落木疎。白蓮僧寺水中居。昏鐘不隔漁莊火。古殿猶存日本書。白蓮寺即東林施水院。漁莊在

蘄王戰艦已無蹤。婁相高墳啓舊封。曾見朋游南渡日。北山堂外九株松。縣東三十里一家甚高。傳是婁

草堂沈氏宅。其石壘自南宋。

仲圭舊里足淹徊。曲徑橫橋一水隈。小榭春風誰酌酒。佛香長和墓門梅。

吳鎮墓在嘉善縣北梅花巷。

懷蘇亭子草成蹊。六鶴空堂舊蹟迷。惟有清香樓上月。夜深長照子城西。

懷蘇亭在府治六鶴堂。宋知州鄧根建府廨。有清香樓。見異聞

總錄子城載開德橋。異志今日爲子牆脚。

稗花楓葉宋坡湖。路轉潮鳴山翠無。百里鹽田相望白。至今人說小長蘆。

宋坡湖卽貢湖。吳郡記海濱廣斥鹽田相望。橋李舊號小長蘆。

見周必大吳郡諸山錄。

桑邊禾黍水重圍。時有秋蟲上客衣。三過堂東開夕照。滿村黃葉一僧歸。

三過堂蘇子瞻遺跡。黃葉菴釋智嚴所築。

百花莊口水云。法是吾家太傅墳。當暑黃鸝鳴灌木。經冬紅葉映斜曛。

百花莊在城北十五里。先文恪公賜葬在焉。

鴨背小船淺水通。荻花門巷蕭蕭風。荆南豫北鬪新釀。不比吾鄉清若空。

清若空亦秀州酒名。見武林遺事。

秋水尋常沒釣磯。秋林隨意敞柴扉。八月田中黃雀啣。九月盤中黃雀肥。

黃雀味甚腴。產陶莊馬曠。

和韻

譚吉璉

菜花溼下半漁磯。蒼筍林中盡竹扉。寒水看同春水闊。高田比似下田肥。

江市魚同海市鮮。南湖菱勝北湖偏。四更枕上歌聲起。泊遍冬瓜堰外船。

唐張祐韻嘉興冬瓜堰稅。

妾家城南望虎墩。郎家城北白牛村。白牛不見郎騎至。望虎何山過郭門。

陳舜俞秀州營跨白牛往來。白號白牛居上。

百步橋南解纜初。香醪五木隔年儲。不須合路尋魚鮓。但向分湖問蟹胥。

去郡城東北三里。有百步橋。馬永卿嫌眞子。蘇秀道中有地名。

五木出佳酒陸游詩合路寶
鮮者其衆一統志分湖產蟹

石尤風急駐蘇灣逢著鄰船販橘還祇道夜過平望驛不知朝發洞庭山

蘇灣近吳江境上
陳舜俞塞在焉

父老禾興舊館前香秬熟後話豐年樓頭沽酒樓外泊半是江淮販米船

望其門北舊有不興館唐李謙
嘉興屯田政績記嘉禾一續江

淮爲之康嘉禾一
歎江淮爲之儉

茅屋東谿興可乘竹籬隨意挂魚罾三冬雪壓千年樹四月花繁百尺藤

東谿從叔
子蓉別業

舍南舍北遶春流花外初鶯囀未休畢竟林塘輸角里愛攜賓客醉山樓

山樓從叔子葆所居四
方賓客至者必集於此

谿上梅花舍後開市南新酒釀新醅尋山近有艾基宅看雪遙登顧況臺

余近移家長水之梅谿及山在
其西橫山在其南皆可望見顧

況讀書臺
在橫山頂

和韻

譚吉璉

木樨開後菊花開黃雀霜螯載酒醅九日登高東塔寺風沙終勝赫連臺

歸人萬里望丘爲白酒黃壺瓠作卮來往權歌無不可西溪東柳任吾之

丘爲郡人王維送之詩云五湖
三畝宅萬里一歸人里中黃元

吉治錫爲帝極精緻近日鄉人多用飽樽四
溪不府城西三里鮑恂所居東湖在平湖

檻邊花外盡重湖到處杯觴興不孤安得家家尋畫手谿堂遍寫讀書圖

黃子久有由
拳讀書圖

和韻

譚吉璉

權歌欸乃勝西湖。風景尊前調不孤。只少松陵朱處士。屏風八尺寫新圖。

旃蒙單闕

題畫竹二首

疎筠个个倚風輕。忽憶鄉園宿雨晴。三畝它西桐樹北。此時新筍又應生。

雪禽未染唐希雅。怪石須添趙大年。興發欲尋潭柘寺。春流決決響山泉。燕京無竹惟潭柘寺東院一株。

懷上方山二首

不到上方三歲久。茅茨長想結山隈。盡移細石教泉下。亂插繁花把徑開。倦客春深歸未得。故人書寄約重來。水筒雲碓安排易。只欠江南遠屋梅。

百丈霞梯澗戶扃。層崖依舊入天青。花源未有秦人住。屐齒曾同謝客經。殷地昏鐘催夜月。過橋春水續寒汀。精藍近結支纖侶。準擬松根煮茯苓。

送顧乃西還楓涇

客游五載莫淒然。元夕天涯我十年。爲羨王孫歸去路。岸花江草送吳船。

嚴侍郎招同吳明府山濤巖觀察作音陳處士音明高上舍層雲集吳氏園亭時公子曾榮在坐。八驕曉出郭門東。避暑閒園河朔同。山簡賓寮攜沼上。謝家裙屐滿亭中。微涼高柳虛檐日。過雨新苗隔

岸風四坐傳杯那不醉。主人先已百分空。

贈吳明府山濤

詩人吾愛塞翁好。風格西陵別擅場。嗜酒肯淹千里駕。罷官爲起七歌堂。雲山畫出無前輩。暑雨燈殘話故鄉。角里菜畦猶未賣。歸時休只戀餘杭。

潞河遙送湯駟南還四首

惜別無從倒玉壺。儗裝遙發短亭孤。荆高舊侶分攜盡。燕市何人送酒徒。青齊南下卽扁舟。一片雲帆故國樓。此去向平婚娶了。明年五岳試同遊。生計歸時且掩門。還憐舊業已無存。全家欲傍西溪住。最愛梅花第幾村。竹垞三徑也蕭然。歸夢天涯又隔年。儻肯結鄰長水市。開門相對小池蓮。

懷鄉口號八首

醞舫西偏盡竹梧。紫微山石儘教鋪。兒孫鄉里堪娛日。不用千金買佛奴。醞舫余齋名。元漢樂閒。以中統舫一千錠買歌兒汪佛奴。

先人舊宅北門棲。舍後斜陽塔影低。門逕傷心難再問。夢魂猶繞舊沙隄。

碧漪坊裏諱公宅。鴨腳清陰半畝餘。最憶兒時好兄弟。樹根同讀五車書。五經進士諱公宅。在府治東北。山太守次友典籍。及亡兄舍人夏士皆讀書於。是余亦與焉。庭有鴨腳樹三本。

舊日園林半已荒。惟餘曲水繞芳塘。少年最憶春游好。曾向顏家看海棠。

顏家園海棠花盛處今已摧折

墨林遺宅道南存。詞客留題尙在門。天籟圖書今已盡。紫茄白苧種諸孫。

項處士元汴有天籟閣。蓄古書畫。甲天下。其閣下有皇甫子孫。

屠緯真諸公題詩尙存

舊游俞繆日過從。三李銜杯興最濃。明月綠牕期沈約。白鹽赤米問周顛。

憶右青山自斯年也。曾分虎山子青士也。

司農泉石向來耽。徐穉同遊飲必酣。夢想谿山真意好。夏天修竹水亭南。

真意軒徐岳倦圃有谿山地菴詩格最老。

方外能詩數復公。結茅初地虎谿同。詞人寂寞宜過此。一舸月明湖水東。

復公字文可住初地菴詩格最老。

曝書亭集卷第十

古今詩九

柔兆執徐

讀葉司城封嵩游草賦贈

客居通潞春復冬。有如飢鳥仍投籠。平生夢寐在五岳。垂老未覩嵩陽峰。峰頭玉女定笑我。那不控鶴鞭癡龍。瓊漿勿飲良可惜。白髮滿鏡徒愁容。葉君昔年宰登封。莓苔洗字尋石淙。霞梯高高八百丈。筇屨踏遍青芙蓉。廬巖瀑飛一匹布。鐵梁峽偃千年松。仙人十六時相逢。閒吹鵝管向明月。有時髻插三花朶。漸川俞叟與君往來熟。言君愛奇恆未足。開筵爲蒸玉面狸。行藥曾騎雪色鹿。測景還登測景臺。逍遙宛在逍遙谷。偶然長嘯百里聞。每遇殘碑三日讀。不見囊中金石編。何殊集古歐陽錄。崇文門西車轂擊。十里黃塵眯人目。下馬尋君道名姓。一笑情親爲鄉曲。投我嵩陽詠百篇。勝聽哀絲與豪竹。近來海內工詩格。新城王君最雄獨。一見君詩許絕倫。同調由來賞心速。君今司城名籍甚。栗果少年齊足跡。入門廳事半栽花。插架圖書尙連屋。作吏如君良不俗。閒從巷北期王君。更許高齋醉醺醺。金箱圖畫恣臥遊。豈必盧鴻草堂宿。

春暮何少卿招同故鄉諸子集古藤花下送譚十一孝廉兄之舒州

古藤二本高刺檐。麤毫亂挂驪龍髯。主人築堂二十載。客到盡卷堂中簾。肥香徐來翠陰動。晴絲欲墮朱光炎。今年經過物候早。三月已見繁花黏。河豚未罷直沽市。牡丹定綠房山尖。春風不飲最可惜。急收筆架移書籤。相期鄉黨十數子。同時走送譚孝廉。一觴一詠少長集。脫略禮法無纖嫌。懸燈直教猛燭並。有酒但向深杯添。移時留髡盡送客。三人密坐清宵嚴。北城漏鼓聽漸數。下弦殘月光磨鎌。捉臥瓮人選新格。主猶鯨吸賓魚險。人生離多合亦易。有淚肯對花前沾。舒州地勝山水兼。孤城皖口跳波漸。芙蓉之池泛永日。訟庭無事恆虛恬。鱒魚凝脂切黃玉。翠螺如畫圍蒼兼。乃知下第去亦得。絕勝六街衣馬塵容黔。

題元張子正林亭秋曉岡同高層雲賦

一峰畫品最緻密。逾三百載流傳稀。今人摹仿口未曙。但取率略屏紆威。殘山剩水不數點。豈惟神異貌亦非。當時藝事許入室。華亭張中稱庶幾。卽如此圖乃學井西王。生筆林亭曉色開。熹微焜黃老綠下掩。百竿竹。是誰竹下結屋關。荆扉橋無一人行。樹無一鳥飛。斜川折溜凡幾轉。古寺突兀樓松圍。涼雲濛濛不可極。懸泉直下春林霏。人家磧歷更高處。水榭八九相因依。武陵桃花笑卑溼。茲山避地堪茹薇。當知作者意獨得。能使留題數子傳。聲徽客中三伏正。苦熱對此羽扇都停揮。安得天風扶我縹緲度絕磴。與君攜手同振千仞岡頭衣。

贈鄭篋

金陵鄭篋隱作醫。八分入妙堪吾師。竭來賣藥長安市。諸公袞袞多莫知。伊余聞名二十載。今始邂逅嗟何遲。自從鴻都石經後。工者疎密無定姿。任城學官闕里廟。羅列不少漢人碑。篋也幽尋遍摹搨。羲娥星宿撫無遺。邵陽酸棗法尤備。心之所慕手輒追。黃初以來尙行草。此道不絕真如絲。開元君臣雖具體。邊幅漸整趨肥癡。寥寥知解八百禩。盡失古法成今斯。邇來孟津數王鐸。流傳恨少無人披。太原傅山最奇。魚頭鷹峙勢不羈。臨清周之恆。委曲也得宜。勾吳顧苓譽譚漢。暫歛程邃名相持。未若篋也下筆兼經奇。絲如煙雲飛欲去。屹如柱礎立不移。或如鳥驚墮羽翮。或如龍怒撐之而箕。張昂萃各異狀。屏幃大小從所施。平山堂成蜀岡湧。百里照耀連雲棧。工師斲扁一丈六。衆賓歎息相瞪眙。須臾望見篋來至。井水一斗研險糜。山來能事在獨得。筆縱字大隨手爲。觀者但妒不敢訾。五加皮酒浮千鷗。我聞此事足快意。目雖未覩心已怡。安得留之數晨夕。醉時竊拊醒肩隨。盧溝橋北風已厲。子今南去生凌澌。驪駒在路留未得。歲聿其暮云誰思。鍾山草堂定好在。放溜且任吳中兒。華陽瘞鶴字刻露。鄧尉遺樹花參差。無錫城邊見嚴四。示我長歌一和之。

送顧瀛之沂州

官亭把袂惜離居。南指臨沂歲未除。行過蒙陰山葉響。馬頭青壤雪消初。

壽何少卿元英

冷卿宴客已無錢。猶有南牀許醉眠。清鏡看來容四十。練裙書禿管三千。日邊初度春尤近。雪後今宵月最圓。弟子趨車來不少。相留判飲到新年。

壽劉編修芳詒二首

金錢衰衰考堂輸。今日通階昨日殊。誰似編修甘寂寞。七年不向集賢趨。人日梅花一月前。騷人初度棗弧懸。蕭然賦雪攜翠從。絕勝徵歌玳瑁筵。

蒲園大荒落

河豚歌

天津之水連北溟。七十二沽漉迴汀。漁師乘春漾極浦。舸舫葉葉輕於萍。河豚此時舉網得。活東小大同賦形。賣不直錢乘可惜。堆置更比凡魚腥。南人見之莞爾笑。是物足勝通侯鯖。葦蒲束取十百輩。馬馱車載兼手拾。晨興主人食指動。忽覩兩縛陳吾庭。客來疾呼莫莫莫。亟當投畀煩丁寧。食熊者肥食豷瘦。豆令人重榆則瞑。彼猶無傷此獨甚。犯之不異衝鈴釘。主人語客且安坐。吾言物理君試聽。人生一死各有候。韭英棗華木葉零。卽如飲啄亦分定。鼎腹豈必堅關扃。雖云甘脆腐腸藥。不聞茹菴長延齡。茲魚信毒種乃別。臆胸有法食有經。或如燕子尾涎涎。或如束帶腰黃鞵。今之饋者皆不爾。安用荷鍤薶丘冥。挾精

刮膜漉出血。如鼈去醜魚。乙丁磨刀霍霍切。作片并華水沃雙銅餅。薑芽調辛橄欖醃。荻筍抽白蕒蒿青。日長風和竈觚淨。纖塵不到晴牕櫺。重羅之麪生醬和。凝視滓汁仍清冷。吾生年命匪在卯。奚爲舌縮箸獨停。西施乳滑恣教齧。索郎酒釀未願醒。入唇美味縱快意。累累坐久心方寧。起看牆東杏花放。橫參七點昏中星。

送董孝廉愷游五臺

軍都關外朔雲屯。過盡龍堆入鴈門。一路金光瑤草色。青天直上五峰尊。

咒觥歌

觥爲許文穆公錢道太史定字物爲何少卿賦

覆玉盤。屏香螺。徹銀鑿。落金叵羅。黃支之犀塵。盡辟主人持觥客前席。請看觥上銘。爲君陳夙昔。定陵冲年資相臣。元老奪情衆怒噴。朝陽一鳳午門伏。折檻寧辭逆鱗觸。歸時餞者滿都亭。珍重臨岐許文穆。神羊一角詎有雙。流傳既久歸婁江。張公以之遺弟子。敢諫吾公趙公似。更兼愛客無倦容。平原十日恆過從。朝衣典盡且不顧。快意但寫鼻花濃。我浮此觥亦已數。尊前豈惜狂歌重。吾公邇年徙卿寺。西掖南牀誰鶚視。漢殿今無白獸尊。滿飲黃流莫輕寘。

周郎中自閩回賦贈二首

萬里孤臣去。三年別館囚。遙憐天北望。不異海西頭。曲罷紅薔老。園荒紫蓼秋。空堂今夜燭。誰分話離愁。

入夜牴同宿。經秋鴈不飛。歸迎雙眼淚。去陷幾重圍。攬鏡顏都改。趨庭計已非。辛勤完節意。冬月尙絺衣。
同里李符游於溟遇碧雞山道士謂曰子前身廬山行腳僧也後十年當仍歸廬山符乃畫廬山
行腳圖俾子題詩二首

畫裏分明廬岳僧。雲峰有約十年登。江湖到處勾留住。看爾入山能不能。
桃鄉一望水投籃。擬結鄰居共釣潭。休信碧雞狂道士。閒拋老屋在花南。

春浮閣

春浮本佛樹之子愛逃禪。小閣道南市。清流插口泉。攤書官柳近。對酒女牆偏。盡笑張思曼。能牽岸上船。

題董尙書墨蹟

三真六草董尙書。北米東邢總不如。試誦容臺好詩句。一縑肯換百磚磬。

彭城道中詠古二首

舊社粉榆改。寒雲芒碭收。山風吹野火。飛度斬蛇溝。
博浪飛椎後。圮橋進履年。無人知偶語。況有素書傳。

清流關

清流關屋屨。設險古來尙。細路緣秋毫。石角竦殊狀。舍我一兩車。拄此九節杖。初行井臼中。俄出松果上。

回睇衆山卑。連峰走頽浪。入關少礪礫。客意始蕭放。平岡響楓葉。斷壁偃花當。南滁暑未銷。西澗水新漲。眺遠懷昔人。儒衣謁戎帳。君臣既深契。一言判興喪。偏師越死地。於此蹶上將。遺跡雖已湮。過者心所嚮。山高而水清。獨立但招恨。

題顧夫人畫蘭

眉樓人去筆牀空。往事西州說謝公。猶有秦淮芳草色。輕紈勻染夕陽紅。闕名見金漳趙氏譜。

著雍敦牂

興化李先生清壽詩

世事有屈必有伸。吾思遜國忠節臣。詔書張日不肯草。何得復作叩頭人。一時史筆授曲學。壯夫氣短懦夫噴。褒忠之典歲久闕。草野論議徒紛紛。棗園先生家海濤。早成進士官於鄴。掖垣竹埤歷八舍。抗疏豈憚批龍鱗。曾聞過江上封事。神人觀聽交歡忻。方黃鐵練名盡易。榜祠木末金川新。電光石火雖暫照。猶勝霧縠窮塵傳。之百世終不湮。先生用意良苦辛。邇來閉戶三十載。著書更比當年勤。東京舊事孟元老。北盟新編徐夢莘。臧之名山自怡悅。使者徵索推蒲輪。先生穩臥南溪濱。白蕉之衫紫荷巾。三詔六聘催未起。衡門但與沙鷗親。年今八十能抱真。齒兒髮秀日綠筋。立譚古昔猶斷斷。玉堂才子念明發。四日正及懸弧辰。袖懷蟠桃五寸核。目送海鶴千里津。棗園池水風漣淪。闌藥四照花如茵。五加皮酒粥而厚。

鳴蜺繪鯉羅兼珍。烏衣不改王謝里。一門羣從稱觴頻。古來傳經藉遺老。耆儒往往上壽臻。不見張蒼伏
勝暨轅固。博士江翁杜子春。

鄭州題壁

積水漁村渡。新涼酒旆風。河間多姪女。若箇數錢工。

得龔百朋嶺南書卻寄

別鴈橫汾信去留。何時漂轉入端州。天邊消息初踰嶺。戰後江山獨上樓。草檄硯開鸚鵡潤。歸帆雲暝鷓
鴒愁。回憐十載相逢地。晉府街東並馬遊。

爲徐徵士題畫

買斷西濛港。湖田二頃餘。應同尹都尉。暇便著農書。

王尙書招同陸元輔鄧漢儀毛奇齡陳維崧周之道李良年諸徵士讌集怡園周覽亭閣之勝率

賦六首

北斗依城近。南陔選地偏。綵衣逢暇日。珠履託羣賢。山擁牆初亞。林疎徑屢穿。身隨沙際鶴。飲啄到平泉。
石自吳人壘。梯懸漢棧牢。白榆星歷歷。蒼蘚路高高。宛得棲林趣。渾忘步履勞。下山無定所。隨意各分曹。
澗白泉初徙。籬金菊未枯。夕曛含略約。亂石點樗蒲。密坐千人許。迷途八陣俱。不因爨煙細。何處覓行廚。

風磴雙亭外，疎藤蔓十尋。龍蛇寒自蟄，鳥雀暮長吟。待結千花墜，應同萬柳深。隔林催未起，獨坐想濃陰。屢滿西南戶，堂臨上下洄。落成凡幾日，勝引喜先陪。監史新圖格，壺觴舊醖醅。謝公能賭墅，會見捷書來。小閣簷端起，虛牕樹杪憑。忽驚黃屋近，更繞翠微層。九日今年悔，諸公逸興能。尙書期可再，雪後轉須登。

題周恭肅公畫牛二首

白川畫龍兼畫牛，逸村急雨菰蒲秋。百年紙墨黯無色，雲氣溟濛猶未收。牧童橫笛吹不得，背面卻看溪上山。記得濫溪西去路，荻花楓葉淺沙灣。

沈烈女詩

吳趨沈氏女，許嫁黃小同。墨車雖未迎，媒妁言已通。黃童抱羸疾，十九年命終。沈女得凶問，淚落如泉江。布總箭筈鬢，喪服治衣工。上樓不下樓，顛顛縣春冬。含辛桂枝蠹，食苦蓼葉蟲。父母勸之嫁，女悲經樓中。須臾救復活，自誓永不雙。獨居三十年，兵革俄乘墉。全家盡逃匿，女仍守樓牕。結我裳與衣，輟彼殮與饗。一笑歸黃壚，之死何從容。層層虎丘塔，下臨松栢桐。兩家謀合葬，龜筮咸相從。小字書新銘，白石沙磨龕。雙飛化蝴蝶，並蒂生芙蓉。春水鴨頭綠，秋草雞冠紅。花船恣來往，愛泊山西東。吾願游冶女，視此馬鬣封。

題腰鼓圖

細腰急捧鼓參搗，水調兼歌穆護沙。料得翻身誇絕技，只嫌插鬢少葵花。

丘漢陽壽詩二首

自從江漢擢歸舟。雲壑棲遲三十秋。占得釣磯臨海嶼。至今八十轉風流。
圖經七十二福地。其二乃在東楚間。先生林居益池近。長年不改芙蓉顏。

屠維協治

元日同孫枝蔚毛奇齡陳維崧吳雯汪楫諸徵士喬萊舍人湯右曾上舍集曹舍人禾書齋遲李
良年潘耒不至卽席限韻二首

勝引期元日。虛齋束五經。客來衣半白。杯至眼俱青。密坐更番改。清詩次第聆。燭花高不落。嘶騎且迴停。
極樂修簫譜。觴行罷酒盃。同聲歌郢曲。異味轉吳帆。東閣花須放。西山翠可鑷。還期共潘李。並馬試春衫。
古意投高舍人十奇

奕奕九成臺。泠泠五絃琴。威鳳刷其羽。歌舞樂帝心。朝儀靈沼上。夕息高梧陰。覽輝千仞餘。求友及遐深。
爰居本海處。亦復辭煙溼。東門一戾止。游目嘉樹林。和風動閭闔。百鳥啁啾吟。獨無笙簧舌。臆對難爲音。
主人軫物微。飼花若黃金。食之非不甘。愧莫報以琛。寄言鸞鳳侶。釋此歸飛禽。

酬閻若璩

烈火燔帝竹。秦鏡忽以淪。番番濟南叟。後死髦而勤。腹笥傳少女。齒落餘空齦。掌故潁川來。何繇聽其真。

所怪張歐陽。疑義嘿不申。金絲魯宮響。科斗蟠輪困。俄遭巫蠱發。竹簡迹久湮。梅生千載後。一一紛羅陳。其餘航頭字。摺撫亦有因。譬若完衣裳。安用重補紉。文從義艱晦。體殊絕蹤塵。孔書既咸在。謨誥恆鮮新。何不正今譌。去險歸溫純。此義誠難知。疑者頗相循。閻生并州彥。徙宅清淮潯。去年應詔至。旅食春明春。小心對縫掖。餘勇刺古人。示我一編書。其言狂且醇。諸家援王吳。百氏搜墨荀。幽室決窔奧。希音辨韶鈞。雖爲見者駭。猶勝徒咕呻。吾生嬾述作。老矣潛悲辛。君非漢井丹。經義何紛綸。況有紈扇詠。贈我情彌親。客子寓招提。不出動盈旬。春冰玉河裂。草暖波粼粼。紅杏舒繁條。翠嵐壓重闔。相期出郭游。西山恣迴巡。並馬騁劇談。九皇八八民。醒卽坐松石。醉卽臥花茵。

御試省耕詩二十韻

長樂蚪鐘啓。端門羽仗排。良辰元已近。暄景暮春佳。帝念勤民切。羣情望幸皆。蘋風吹近遠。蘭澤洗氛霾。銜尾中流鷁。拳毛內廐駟。農輿霑雨露。俞騎束鞞鞞。沙柳津亭岸。山松驛路牌。西疇一以望。東作此時偕。于耜分原上。提筐饁水涯。杏花般似火。菖葉小於釵。巷靜錫簫市。煙澄土鏗柴。倉庚飛習習。布穀語喈喈。樂事紆乾顧。豐年協睿懷。歌時成夏諺。行處卽堯階。帳殿開黃屋。人家遶翠厓。定知先稼穡。力爲減徭差。吉日宣王禱。空同軒后齋。星躔齊北拱。聲教已南諧。曲渚宜浮洛。芳尊迴勝淮。宸游多悅豫。振旅入天街。

送張大理雲翼省親皋蘭結婚作

纔投縞紵慰臨岐。別酒翻慳雪後持。聽棘暫辭歸覲日。絃桐爲譜述昏詩。咸陽紫鳳秦臺迴。京兆青螺漢殿知。此去心懸清禁月。重逢應及柳如絲。

爲姜宸英題畫

潞水秋風上短檝。日湖南望水雲賒。空教天子知名字。不賦長楊賦白華。

送施鑿范令什邡

早縮銅章去。嚴程莫滯留。連雲仍舊棧。到日恰高秋。訟向泉邊聽。書從鳥外郵。毋嫌山郭小。漢將此封侯。

寄酬張五處士兄彥之

五茸多富室。算緡苦煩挈。兄也雖屢空。家居能晏如。糠粃恆不飽。寄詩饒鴈魚。何哉兔園冊。不鈔貨殖書。

和田郎中斐移居韻

道南道北書一車。田郎與我齊移家。月俸雖分五斗粟。相呼野性同麴糶。濁醪盈杯注涑水。暖湯濯足歌彭衙。風簾無額星炯碎。短牆縱葺仍天斜。牕前喜有兩棗樹。凝想滿眼他時花。誦子山薑詩句爽。有若暝坐翻金鴉。盤空硬語和未穩。月黑漏鼓琴琴搗。布衾不睡我亦爾。牽牛獨處嗤媯媯。

題李檢討澄中所藏明月蘆鴈圖二首

吾家水閣傍江斜。風荻侵簷一丈花。連鴈低飛渾不見。祇聽拍拍響圓沙。

遠岸風微宿雨殘。天邊忽湧爛銀盤。盧河橋畔秋容好。比似南湖一曲看。

淨業寺看荷花同嚴四檢討繩孫作

香刹緣隄轉。官橋信水流。綠雲千萬頃。不見采蓮舟。

李檢討澄中惠鮮鮫魚賦謝

海岱惟青州。水族不可算。有魚其名鮫。託命白石研。孔如螺者九。體具蚌之半。浮沉信潮汐。出沒味昏旦。浚浚逐崩濤。汨汨臨駭岸。漁師三五輩。利刃挾新鍛。迎寒解衣禪。燎薪雜石炭。我而投衝波。若勇士赴難。滑苔裹犢殼。自恃兩堅悍。彼石陷死地。嗟汝豈得竄。殺機伺巧發。一割乃中斷。黨附安可常。徒令見者歎。是物昔所珍。不數鷓鴣胖。彥回三十枚。曾鄙萬錢換。李君家諸城。古臺琅邪畔。封書救官奴。鄉味來歲晏。荒途犯風雪。羸馬走顛汗。以之貽故人。腥涎尙未泮。疑有蠶珠存。無復朽索貫。饌法失嚴龜。食經忘馬琬。庖廚異羹臠。南北互譏噴。於焉出新意。滓汁藉糟灌。雜雜筍筐排。一一桂火煨。雖殊馬甲脆。足勝羊胃爛。觀頤匪自養。比鄰呼酒伴。餓奴了陶盤。不食真鈍漢。

送耿副使之官隴右

雙旌曉發動。征塵猶見黃花驛。路新樹屏莫辭朱。圍遠封侯須與玉關鄰。魚龍積水褰帷近。馬鹿晴山繞幕春。到日西堂留牘少。尺書須寄倦游人。

佛手柑二首

柰女環初脫。金仙露最甘。萬重來水市。一笑啓筠籃。味豈踰淮變。香仍隔歲含。回思珠海住。千樹嶺雲南。宛是祇林得。宜從漢殿傳。浮江螺女外。置驛橘官先。白截鷲肪嫩。黃堆兔瑣圓。尙嫌香氣遠。分傍枕函邊。

上章涪灘

平蜀詩十三章并序

臣伏見皇上卽阼以來。仁聲溥洽。凡在海外。重譯來格。邇者巴蜀負固。叢爾叛寇。神人交憤。六師所向。何堅不摧。皇上先之以德化。未卽成劉。乃凶渠旣殞。餘孽罔悛。天威赫怒。爰命虎臣。五道分軍。突入其阻。日未浹旬。保寧成都。千里底定。正月丁巳。捷書上聞。誕集文武臣工。宣于闕下。僉曰。蜀寇之不靖。於今六稔。皇上休養民力。洪靜不綠。金鏡在握。朗照萬里之遠。山川險易。瞭若掌中。廟算恢宏。指授方略。以師則武。以時則利。以將相則和調。用能不日成功。聖武布昭。遠邁隆古。臣以布衣。被蒙恩澤。拔置史館。粵稽曩昔。劉闢旣擒。韓愈進元和聖德詩。明之平蜀。劉基亦作頌以獻。臣雖蒙滯。躬逢盛際。於以頌揚丕烈。其何敢後。乃拜手稽首而獻詩曰。

皇帝聖哲。靡遠勿瞻。南諧北燮。西被東漸。蠢爾不庭。憑阻滇黔。爰踞巴蜀。以逞戈鋌。皇帝曰咨。元戎是敕。徯宣武功。誕敷文德。寇衆來挑。我堅壘壁。匪久其師。恤民之力。

民力既恤。士氣孔揚。我車我牛。我倉我箱。芻菱菽粟。在蠟在岡。萬夫豫附。萬馬騰驤。魁渠肆殄。梟謀日阻。帝曰可哉。命整雲旅。分鑣以馳。揚旌負羽。或搃其吭。或擊其脅。赫赫奮威。師度七盤。旣下葭萌。入閩中關。桓桓勇略。烏道鈞援。緜井旣收。遂復錦官。如彼東瀛。用注螿蟻。如彼衝風。用卷秋穰。味雉斯經。窮獸乃縛。徹其幟竿。清我堦楹。蜀之黃髮。植杖以遨。蜀之黃口。聯臂而謠。壺則有漿。箠則有醪。或徯于野。或迓于郊。迺疆迺理。橙林棘路。爾宅爾田。輕爾徭賦。巴貢其賤。寶輸其布。棧谷梯山。千里襄泝。捷書夜奏。徹於宸聰。午門斯啓。宣示臣工。小大稽首。蹈舞攸同。庭燎哲哲。光如日中。我出我師。正月初吉。至於益部。曾不旬日。矯矯虎臣。殆罕其匹。帝心是嘉。首用邊秩。人亦有言。師克在和。惟此成功。廟算實多。貳者勿族。降者勿苛。皇仁之溥。四國是毗。井絡旣平。坤垠式奠。蒙詔牂牁。載歸赤縣。皇帝神武。俾脩組練。亦有昆池。於焉習戰。聖有恆訓。儆戒無虞。凡百有位。職思其居。勿謂外寧。官守或渝。小臣作詩。以贊訏謨。

題李檢討椿梅花圖和韻

樂飲高齋勝。都亭不易哉。客從元夕暇。花擬故園開。未雨莓苔潤。衝寒雀豹來。若爲方法便。分乞小臆栽。

刺梅園餞別陸進游汝陽

刺梅園裏青松樹。笑我頻來竟白頭。避暑暫辭梳篻客。停杯又起別離愁。村煙斷續陽人聚。山色東西郊縣樓。餘事機雲時唱和。莫忘日下置輕郵。

題湯上舍自牧潛籟軒

香草芹城外。幽居虎峪隈。緇塵吹不到。白鳥有時來。萬籟入門寂。羣花繞屋開。家僮聞剝啄。知得異書回。

七月晦日賜藕恭紀二首

宸遊西苑念詞曹。踏藕連船出鷺濤。白藕金門教遍及。青泥玉井訝新淘。是歲閏八月欲添素節秋迎閏。看漉花輒日漸高。賜果自來聞曲禮。不圖異數小臣叨。

分載篋輿路未賒。冰條玉筍淨無瑕。蒸來須實牙疊稻。雪後寧論虎掌瓜。故事繙書前代少。歸田對客異時誇。餘根試傍柯亭種。驗取薰風紅白花。

送慕主事權關杭州

江漲橋邊路。星隨使者來。須知持國計。端藉軼倫才。書幌晴湖卷。茶檣夜火開。西谿春信早。誰並詠官梅。

題吳徵君斐詩卷二首

藉甚吳郎大雅材。賦詩不上柏梁臺。翻飛卻似橫汾鴈。幾度秋風上苑來。三晉風騷雜僞真。遺山歿後更無人。把君行卷誰堪並。除是番禺屈大均。

送趙主事吉士權關揚州

珠簾十里江都市。鐵鹿連船估客橋。持節自來星使重。算緡須比水衡強。橋邊揚子仍開驛。柳外平山舊有堂。到及梅花官閣綻。好攜賓從促飛觴。

贈別梅庚三首

宛陵才子數都官。似爾清詩和者難。猶記春游潭柘寺。下方點筆到層欄。東田西曲我曾居。擬向茅山讀道書。此意沉吟三歲久。送君南去轉躊躇。

谿山重疊細泉分。畫手由來最軼羣。輸與田郎團扇好。秋牕看寫敬亭雲。謂學使

奉酬相國馮夫子問病之作

月閨延秋序。樽空病酒徒。黃楊生易厄。烏几凭逾孤。夫子勝龍樹。奉錢資藥爐。清風兼有作。宛使蟄蟲蘇。送十一叔還里即作豫章之遊二首

沙隄棘寺路依然。再到京華四十年。客裏鬢絲驚並老。愁中藥裹迭相憐。觥籌尙記投資轄。薑蔗都無負郭田。此去南湖仍暫住。未容高枕竹林眠。

大江西上總風湍。猶勝驚沙老據鞍。擬共故人登快閣。便浮小艇泝層灘。竹雞格磔雲根語。蘭草葱青鏡裏看。南道逢迎應不少。莫輕留滯等長安。

曝書亭集卷第十一

古今詩十

重光作噩

送陸參議光旭督儲江北兼訊農方伯佳育金司臬鎮田學使燮

春盤細菜散觥籌。暇許招尋醉肯留。遲日最難花下別。輕塵恰向雨餘收。熟知官闕三山近。預想燈船五月遊。矚竹黃童應笑語。石城岳牧總風流。

題李檢討澄中濯足圖

我昔左海遊。曾爲東武客。夕陽一騎人不知。馬耳晴峰照金碧。夢想青蓮五朵開。雲泉百折流澗澗。當時濯足若逢爾。符鞞桐帽忘歸來。攜手日上超然臺。

夏日瀛臺侍直紀事六首

暗水三橋出。明星萬戶開。玉堂鈴索動。宣喚入瀛臺。
宿葦多於薺。涼沙白似冰。臙腫深樹裏。忽露九枝燈。
麗草雲根潤。風花鳥下香。蓬萊今始到。真在水中央。

古今詩十

一八七

太液新蓮的。金盤曲宴初。君恩念蠲渴。先賜馬相如。
螭首濡毫罷。蛾眉散直歸。爐煙香未歇。荷氣復侵衣。
紫籟千花露。金塘萬柳條。牽轡容左史。徐度赤闌橋。

五月丙子侍宴保和殿恭紀二十四韻

柱下隨周史。琴邊聽舜歌。廟謨神策勝。荒服遠人過。葱嶺車書接。條支部落多。郵籤幾重譯。貢使百明駝。
黃帕開封速。花甄視日趨。九賓齊脫劍。一士許鳴珂。乍褰螭頭筆。還衣鳳尾羅。透迤綠幔閣。踉蹌步鑿坡。
天半聞清蹕。塵中隔絳河。班聯小侯近。禮異叔孫苛。粒糝官庖出。葡萄塞馬馱。壺冰淘紫豔。山葉裹瓊禾。
割肉容臣朔。傾心到尉佗。上雲留麗曲。深雍舞蠻靴。喜溢龍顏甚。衰慚鶴髮何。見知真特達。矢報尙蹉跎。
懷核披香案。分酬太液波。自然蠲渴暑。直覺去沉疴。煙淨高城柳。風傳別殿荷。景猶長北至。序正秩南訛。
帝治原無外。皇居信有那。萬方皆屬國。六詔敢橫戈。洱海兵將洗。荳蘭石可磨。宣功宜作頌。聖德邁元和。

題王舍人詞樓西山游記三首

三年索米住長安。咫尺雲峰欲上難。讀罷高文但西笑。開簾試隔女牆看。
盧師說法已千霜。石上松猶四尺強。我亦曾尋二龍子。夕陰點筆在莓牆。
上方絕磴最嶄巖。花藥春叢靜不芟。六聘山中三日住。輸君秉燭入空嵌。

臨淮口號

鮮鯽臨淮美。傳聞尺半強。祇供津吏索。不放老夫嘗。

秋杪同周貧王輩李符戾翔麟邵瓊舍弟華玠從子建子游攝山是夕包銘曹彥樞適至際曉周覽山曲信宿乃還輩圖爲行看子各紀以詩予得四首

一峰立如織。衆峰韜陰霞。有時衆峰露。一一青蓮花。我來秋已深。白露零蒼葭。同調五六人。志在窮幽遐。出郭屏僂從。取徑入哈呀。高墳何王墓。但有麟辟邪。犬吠疎籬根。鳥棲枯樹榭。每因青谿曲。遂使略約斜。山僧遠迎客。拄杖披袈裟。坐我青豆房。汲泉烹紫茶。櫬槭霜葉鳴。皎皎霜月白。豈期深山中。乃有不速客。將無御風行。吹落大小鬪。手持竹如意。並坐萬古石。舉杯斟酌之。酒戶笑連壁。東林鐘魚聲。相答永今夕。

凌晨取微徑。栗杖叩精廬。病葉脫鴨腳。斜門束林筵。秋盡澗泉涸。厝窟徒潛狙。谿橋凡屢渡。徑草多未除。西上天開巖。縱觀石壁書。大江流烏下。日午風舒舒。急槳樺盧舟。有若逆水魚。不知躋絕頂。蒼茫復何如。山游逾信宿。未能極深窈。我僕迎路隅。揭步出叢篠。比丘指雙松。紀年千歲少。何人植此樹。毋乃明僧紹。摩挲捨宅碑。風迹尙未杳。王郎妙山水。能事擅江表。試畫偕游朋。煙液信昏曉。經營殫意匠。改月庶能了。

晚登燕子磯同周布衣貧柯舍人崇樸各賦三韻

舞燕寒不出。危磯淨無塵。夕陽射亭柱。遠渚移釣輪。應從長蘆畔。指點登高人。

魯太守超席上賦

海內詞流幾派分。盡誇皇甫士安文。

太守作今詞選序

正愁綰帶交期晚。蚤有瑤華驛使聞。歸路亭皋飛木葉。放

船薛澗冷湖雲。十年夢寐西堂燭。今日題襟得其君。

贈徐丈

石帆先生海嶽姿。盛年解組棲山茨。耕漁軒竹長千个。上下崦梅開幾枝。有客問年書亥字。閉門轟飲過申時。只今介雅多新句。好續金闌舊日詩。

玄默闍茂

送徐中允秉義假還崑山六首

紫陌春晴匹馬歸。清江南下一帆飛。人生半百且適意。未見朝衫勝芟衣。經義紛綸致異同。誰能閉戶軟塵中。著書終讓名山好。輸與周南太史公。舊侶荆高對酒頻。香螺畫榼五冬春。獨醒客去無堅坐。臥甕憑誰捉醉人。石湖居士范成大。金粟山人顧阿瑛。歸向東吳無箇事。留賓題徧草堂名。

瀾漫廚煙煮野蔬。蔘根秋末韭春初。到家一事差堪惜。不食松江巨口魚。

中允性不食魚。

綠波碧草望中遙。劉井柯亭轉寂寥。他日歸帆下吳苑。先攜竹杖訪平橋。

送張劭之平遙

彼汾沮洳吾舊遊。送爾匹馬逾徐溝。人行芳草碧於水。日出杏花紅滿樓。榼中酒味苦桑落。簾外鳥聲黃栗留。客居適意遠亦得。搖筆賦詩何所求。

送孫編修卓使安南

詞臣銜命自螭坳。親捧天書出漢郊。萬里騶鸞經北戶。百夫騎象迓南交。蕉花紅壓枕榔杖。蘭葉青連翡翠巢。知有清文冰雪並。能令瘴雨洗黃茅。

李檢討澄中紺園雜詠六首

荷陂

風過蓮葉香。日出釣船去。不聞雞犬聲。但有鴝鵒語。

柳浪

斷岸綠楊齊。濃陰覆水低。東風吹太急。扶起過橋西。

綠水軒

軒中獨木几。檻外獨木橋。際夜沙月明。蘆荻風蕭蕭。

會心亭

雜卉秋尙開。淺莎晴可坐。於此獨寤言。浮榮等糠莖。

鏡香樓

吾里鏡香亭。君家鏡香樓。滿池鴛鴦浴。四面芙蓉秋。

松風臺

山月無片雲。夜半松風起。欲寫入瑤琴。風聲吹不已。

上巳萬柳堂讌集同諸君和相國馮夫子韻二首

不到閒園已隔年。綠楊高映女牆連。無妨並馬橫橋渡。更許深杯曲水傳。徑仄易侵癩葉小。日晴況有杏花妍。舞雩幸忝從游列。澹沲春光過禁煙。

小徑升堂步履借。隄沙遙築避塵霾。歌翻驟雨新荷好。地比崇山峻嶺佳。露井有華滋藥甲。春衣無桁挂松欵。永和會後斯游最。禊飲蓬池未許儕。

送陳四處士晉明再入楚二首

燕山雪後送君行。茸帽駝裘馬上輕。一片晴川萬楊柳。春風重入武昌城。官清幕府足棲遲。漢上題襟定有詩。鑿井便爲王粲宅。行歌隨處葛疆池。

沈詹尹。崔少詹。蔚林。招同湯侍讀。斌。施侍講。閔章。潘檢討。未飲限燈字。

九。月。秋。陽。氣。尚。蒸。晚。來。欲。雨。薄。寒。增。黃。花。插。帽。經。三。宿。白。苧。裁。衣。試。幾。層。小。鳥。飛。翻。簷。外。樹。微。風。升。降。酒。邊。燈。相。期。偶。值。趨。朝。暇。起。問。琴。琴。鼓。未。曾。

同作時重陽後三日。

潘耒

西。峰。鎮。日。翠。峻。嶂。傑。直。無。因。得。共。登。九。陌。年。華。銀。箭。水。千。秋。心。事。玉。壺。冰。惟。因。綠。酒。親。元。亮。莫。遣。黃。花。笑。季。鷹。卻。憶。升。平。多。故。事。醉。騎。官。馬。簇。紅。燈。

送查上舍昇之湖口

爾去彭湖口。香爐對客牕。潮痕灌嬰井。果否應潯江。

除日保和殿侍宴

珮結緋魚後。樽開白獸先。呈能勾樂隊。密坐潤爐煙。紫路頻除夕。青燈異往年。誰當頌椒會。猶侍聖人前。

昭陽大淵獻

元日賜宴太和門

垂衣逢盛際。輯玉盡來庭。白醞三光酒。青歸一葉蓂。新年恩較渥。昨日醉初醒。九奏鈞天曲。風飄次第聽。

十三日乾清宮賜宴

古今詩十

一九二

詔許宮門入。人隨陛戟移。江梅低壓帽。火樹密交枝。既醉盈觴酒。無疆萬壽詩。夢游真不到。今夕奉恩私。

是夜賜內紵表二裏一

元老傳天語。殊恩及侍臣。禮優加束紵。價重抵雙銀。笑荅妻孥問。爭尋剪尺頻。光風今歲早。春服最宜人。

十五日保和殿侍食

露草詩歌雅。雲天易象需。不圖大酺樂。獨許小臣俱。注盃茶膏滑。堆盤菜甲殊。歲除曾幾日。四度飫堯廚。

是日再入保和殿侍宴

乍賜晨餐出。仍容午宴陪。一夫馳秉翟。七校下傳杯。妙舞娑盤歇。華鐘取次催。分明衣上月。攜自九霄回。

二十日召入南書房供奉

本作漁樵侶。翻聯侍從臣。迂疎人事減。出入主恩頻。短袂紅塵少。晴牕綠字勻。願爲溫室樹。相映上林春。

恩賜禁中騎馬

魚鑰千門啓。龍樓一道通。趨翔人不易。行步馬偏工。鞭拂宮鴉影。衣香苑柳風。薄遊思賤日。足繭萬山中。

三十日上自南苑回賜所射兔

登發歌文囿。三驅入漢郊。乍肥淺草窟。宜入早春庖。賜向燈前出。歸從馬後捎。食經繙未得。方法試燔魚。

二月初二日賜居禁垣

講直華光殿。居移履道坊。經營倚將作。宛轉繞宮牆。對酒非無月。攤書亦有牀。承恩還自哂。報國祇文章。

駕幸五臺山恭紀三首

圖經曾識五臺名。想見雲從帳殿生。節物乍分春恰半。登臨最好雪初晴。林香紫鴿翻風上。月黑金蓮照地明。定有山靈呼萬歲。不徒龍象下方迎。

花宮高下繞臺懷。鐵鑊層層鴈齒階。代郡雲山連朔郡。北街星斗劃南街。千夫試轉清涼石。二月如燔秦岱柴。望秩百王曾不到。天教宸藻首磨崖。

紫府仙居岳鎮同。削成大古想神功。地傳竺法蘭棲處。山入勾龍爽畫中。曲磴溪流頻度馬。晴雲鳥下數歸鴻。省方豈爲尋沙界。特采天花壽兩宮。

駕自五臺回賜金蓮花

紫府蕃神草。金花近御牀。獻非緣鹿女。恩許載牙箱。一束叨殊數。千金補禁方。丁寧須什襲。或恐夜生光。

銀盤菇

細菌多無算。銀盤大一圍。未殊榆肉脆。更較樹雞肥。御墨題猶溼。嘉蔬物豈微。流傳文館記。盛事景龍稀。

賜紵紀事

上闌初日映簾犀。天語聽傳紫閣西。織自珠宮加熨貼。擎來黃紙驗封題。折枝花訝臨風並。掉尾鯨看戲

水齊端綺入春恩。再浴稱詩彌媿在梁鶴。

賜御衣帽恭紀

鶴紋初啓尙衣封。藤帽朱絲自九重。日角乍辭宮樣穩。冰紈不散御香濃。玉堂掌故傳他日。清鏡衰顏話舊蹤。回憶滄江六年事。筍皮荷葉釣船縫。

醍醐飯

絕品醍醐飯。人間總不知。素餐臣節媿。推食主心慈。九鑿長腰米。兼金六寸匙。青精徒自滑。較此駐顏遲。

賜鮓魚

京口鮓魚尺半肥。黃梅小雨水平磯。無煩越網千絲結。早見燕山一騎飛。翠釜鳴蜩縱敕進。玉河穿柳旋攜歸。鄉園縱與長干近。四月吳船販尙稀。

憎蠅

曉夢晨光裏。羣飛戶尙扃。慣能移白黑。非止慕羶腥。曲几思投筆。輕巾屢拂屏。北牕眠未穩。孤坐憶江亭。

憎鼠

尺二田間鼠。何來廣廈中。鬚看縛筆易。聲比數錢工。未肯腸三易。須知技五窮。銜蟬如可聘。滅燭臥宵終。

送杜少宰臻視海閩粵二首

漢將樓船遠受降。重臣疆理到南邦。山程伐嶺復見嶺。水驛下瀧還上瀧。榕葉清陰交露輞。梅花疎影入吟牕。不知五色羅浮雀。玉節前頭日幾雙。

暫輟山公啓事書。周巡閩海自扶胥。廿年已失魚鹽利。百戰猶存蕩析餘。鴈戶沙邊尋舊宅。蛟人渡口趁新墟。恩言卻似平淮後。相度來宣走傳車。

早秋西華潭

殘暑秋逾熾。涼風午乍催。微波蓮葉卷。新雨豆花開。宛轉通橋影。清冷傍水隈。夕陽山更好。金碧湧樓臺。

夜起

銀浦懸宮月。金風動井榦。魚雲吹不去。蚪箭滴初殘。木落南樓早。山連北口寒。秋來無別夢。夜夜望回鑾。

送宋僉事舉之官通潞四首

十里鶯花露輞前。慶豐牖水得漁船。莫嫌一出春明遠。猶是城東尺五天。中盤曾聽佛樓鐘。按部重登紫蓋峰。料得使君吟興發。塞門百道走紅龍。漁陽松繖寶坻魚。漉酒吳船味不如。更憶昔年移柳在。濃陰輸爾畫簾餘。白馬銀鞍紫絡纓。引弓曾傍屬車行。爲郎未老單車出。射虎重過右北平。

次韻贈沈上舍

沈郎詩格珊瑚鈎。曾題八詠之高樓。著書應過習鑿齒。論事不數賈長頭。橋門鼓篋又三載。社酒治尊須幾秋。愛子齋居花滿眼。疎簾清簟坐銷愁。

題高侍讀江村圖二首

菊磻疎寮舊跡存。畫圖髣髴見江村。雙橋儘許通舟楫。他日柳陰來叩門。杜甫南鄰有朱老。吾將徙宅問東家。水邊沙際閒田闢。添種鴨桃千樹花。

題畫羅漢

梅生小十六羅漢。筆力遠勝盧楞伽。我題此幅更奇絕。人影瘦於枯木查。

題雪中垂釣圖

九十九淀畿南水。五三六點塞北鴻。雪花溟濛濕柳絮。人影瑟縮枯蓮蓬。易酒涑酒村壻白。東家西家爐火紅。此時堅坐不歸去。一笑無乃天隨翁。

爲王祭酒士稷題畫冊二首

澗山灤口水模糊。稗柳天桃何處無。他日雪堂留客逕。不難疏鑿擬西湖。寒江窠石早梅舒。此地仙居也不如。但恐瀑泉侵案濕。小牕催徙讀殘書。

法酒

敕自宮門下香從內庫來。綠瓷雙鬢滿黃紙一封開。燈火將除夜。屠蘇最後杯。沉吟主恩重。入手且先催。

官羊

考牧傳周雅。魚羔憶楚騷。肥應速諸父。瘦敢讓聯曹。家祭占丁巳。毛牀鉸圈牢。賜生臣必畜。詎忍授屠刀。
少牢饋食禮。日用丁巳。齊民要術。養羊法。三月。毛牀動。則鉸之。五月。毛牀將落。鉸取之。八月。又鉸之。

鹿尾

東丹王子畫。移刺楚材詩。鹿尾漿始見楚材集。尻截漿尤美。肴蒸味最奇。須停射工脯。不數果園狸。燒尾聞唐日。今朝宴亦宜。

梭魚

雉兔關東最。梭魚味更良。刺方青鯽少。鱠比玉鱸香。賜出春初早。攜歸尺半長。罟師題字在。魚鱗有字。識獲時係十月。

十日寧分小臣嘗。除日侍宴乾清宮夜歸賦

千門除日已春融。兩度椒盤侍禁中。坐聽鈞天仙樂後。起看珠斗上闌東。歸鞍笑逐三驥馬。守歲歡迎五尺童。不是雲漿浮鑿落。衰顏那傍燭花紅。

曝書亭集卷第十二

古今詩十一

闕逢困敦

元日南書房宴歸上復以肴果二席賜及家人恭紀

纔承曲讌侍仙闌。又撤瓊筵到北扉。歲酒更番移席勸。主恩一念感心微。比鄰漏下驚窺戶。兒女燈前笑攬衣。閒向金坡說遺事。全家賜食古來稀。

自禁垣徙居宣武門外

詔許攜家具。書難定客蹤。誰憐春夢斷。猶聽隔城鐘。

送張先生巡撫山東二首

十二河山大小東。中丞持節鎮繁雄。循良久數張京兆。副相依然漢上公。井稅蠲來青帝壤。屬車迎及素王宮。誰華秋色看逾好。秀澤單椒儼畫中。

秦雲堂上酒曾酣。種竹開亭徑舊諳。山湧高城雙戟外。池分新水七橋南。要知政簡無留牘。可許朋來賦盍簪。準擬春風陪杖履。重游細酌澆泉甘。
澆泉。予客濟南時所鑿。

古今詩 十一

二〇一

同黃虞稷周在浚彭桂飲劉學正中柱齋

國子先生屋數椽。晴牕齊拓衍波牋。詩題史籀岐陽鼓。書載汜光湖水船。百罰深杯初度夜。十年舊雨一燈前。不嫌臥甕人來數。日日牀頭釀酒錢。

副相徐公庭中種蕉結實禹鴻臚爲作圖因題絕句三首

已愛清陰護綠紗。更看秋蕊綻靈芽。豐宜門外園官老。能得幾人逢此花。

日南曾記一叢叢。合薦冰盤荔子紅。誰料塵沙燕市滿。露珠涼綴小亭中。

十年青簡待封題。官燭長分太乙藜。正值閒庭花放日。便應焚稿禁園西。故事國史編成於西苑蕉園焚稿。

題汪贊善畫讀書秋樹根圖

千官仗下列蛾眉。東馬嚴徐獻賦時。安有斯人坐雲壑。披圖真笑虎頭癡。

同陸處士查上舍兄弟寓齋小集分韻得逢字

金水橋南楊柳西。華潭外芙蓉衰年杯興未減。隔歲詞人又逢。爾汝何甥謝舅。飛揚季虎頭龍。夕曛戀客未落。留聽西林暮鐘。

送益都馮先生集萬柳堂次韻二首

十里沙堤萬樹楊。秋容猶未點新霜。小車稷下將歸日。上巳城東舊醉鄉。坐立部歌聽總好。田園樂事話

方長千秋帳。羸疎傳錄別樽前。有和章。

白頭許賜冶源閒。青史難將諫錄刪。此去耕漁尋舊侶。且憑絲竹解離顏。開簾浴鳥階前水。過雨斜陽檻外山。他日從游期莫定。強留嘶騎玉河灣。

送張遠之桂林二首

濯枝新雨玉河隄。送客遙尋五筦西。自是騷鸞逐仙侶。緇塵不上錦障泥。星郵南指伏波巖。路轉衡山九面帆。吟到相思江更好。綠榕樹底紫蕉衫。

題王叔楚墨竹爲家上舍載震賦

畫家畫竹專用墨。李波文同已難得。後來能事吳仲圭。橫斜曲直無端倪。誰爲此圖王叔楚。意象豈必全師古。竹枝大者一尺強。其餘瑣細抽風篁。山泉泠泠走石罅。可惜無人坐銷夏。潛江主人購得之。索我點筆題新詩。吾家長水一茅屋。北垞南垞都是竹。每憶園林燒荀時。不戀樹雞及榆肉。海陵曹岳爲我畫作圖。藥爐茗椀書籤廚。年來松菊成榛蕪。對此臨風一惆悵。歸與歸與范蠡湖。

送馮遵祖宰平陸

著書獨有五亭好。作吏無如三晉閒。醉裏襄陵官甃酒。到來底柱郭門山。耕餘讓畔田千頃。吟對浮查水一灣。白鴈年年度汾曲。相思煙月幾彎環。

送少詹王先生士禎代祀南海兼懷梁孝廉佩蘭屈處士大均陳處士恭尹

今年天子省方岳，詔祀四瀆封五山。屬車先行上日觀，使者分命辭星班。先生儲端乍遷秩，誕持龍節臨百蠻。維南有海祝融宅，沐浴日月神所寰。吾昔踰嶺謁祠下，嘔啞門啓金獸環。木棉陰濃晝壁冷，銅鼓雨瀆苔花斑。模糊穹碑蝕歲月，夾侍祕怪殊鬚鬢。絜帆歛忽颺母惡，珠宮貝闕罕得扳。布還先生到日陳祝册，扶胥渡口黃木灣。雙崖斷若青玉玦，小海大海波瀾還。綾袍織成孔雀翠，綵旗飄颻芙蓉殷。神絃安歌合竽瑟，巫覡屢舞搖花鬢。牲肥酒香百靈悅，旋臚奮權渡無艱。乾坤端倪盡軒豁，鱸魚遠徙除陰姦。五羊仙城六榕寺，劉王花塢恣迴環。況有尉佗臺畔樓，晴闌百尺眺高閒。人家兩岸種紅豆，芳草一叢飛白鷗。荔支洲邊少黃葉，菖蒲澗曲多青菅。江蕉成林乳滴滴，山鳥挾子鳴喧喧。珠孃搖櫓蚕子唱，小舫亦足開襟顏。先生賦才婣翠雅，得句豈獨驚愚孱。古來時巡必望秩，書有帝典頌有般。蚺蛉毛筆鸚鵡硯，輜軒所采誰能刪。郵箋雖越一萬里，計程七月當來還。河冰未合日南至，蘆溝橋水流琤潺。四牡光華送行邁，車前騶唱難牽攀。最愁執手河梁人，歸時穩臥柴荆關。南園舊友儻無恙，尺書報我吳會間。

送周參軍在浚之官太原

曩客晉陽城，逢君館香界。羣公方愛士，列席邀旅話。君時一縫掖，血氣自矜邁。高坐噉麋肩，勇若舞陽噲。百壺恣傾倒，寸心無壘介。此會二十年，平生意所快。川涂屢漂泊，第宅改湫隘。謀生術愈疎，汲古心匪懈。

詩圖審正變樂章別流派。博稽皇象碑。耽讀向平卦。以茲河漢才。金門足遷拜。一官趨幕府。諾仕吁可怪。衣垢馬足塵。氣短洒墟債。所幸山水區。轍跡舊曾屨。琤琮難老泉。分流注蒲稗。中有長生籟。葱青儼圖書。峪藏千佛經。遺蹟久未壞。吾初見之喜。力欲抉幽砦。徙置叔虞祠。琳瑯等金甌。事惟慮始難。謀以蓄疑敗。風峪洞中有北齊天保時刻佛經石柱一百二十六字。客太原謀于王方伯顯祚。曹副使溶。將啓而徙於晉祠築亭貯之。有方使君持不可乃止。好奇君過我。試往破天械。築亭古柏交。移石秋陽曬。廣塌九萬牋。流轉都市賣。卽事良可傳。居卑莫深啣。行春狐突山。翫月鮑昭廨。適意亦山人。慎勿形神瘵。

送田少參 雯之楚分韻得江字

前年白下君送我。臨常解纜拔柳椿。勞勞亭子惜分袂。津吏伐鼓聲逢逢。今年燕市我送君。西山積雪連崆峒。夕陽欲落猶未落。返景倒射紅油牕。人生會難別苦易。君又乘傳熊渠邦。川涂迢遞四千里。計程涉濟河。淮江翻飛蒼鴈且莫致。攬環結珮何時雙。深杯當前宜縱飲。滿貯獸火傾羊羴。坐中曹貞吉謝重輝。鬪奇句。掉險類舞都盧。撞譬諸宮商迭和奏。竽瑟控榻紛瑋攢。君亦錄別留新詩。偏師一出長城降。古來文人志開濟。豈必翰墨驚冥恣。邇者七澤罷兵革。燒芻買犢齊耕耒。芻麥米粟待輸輓。宮籩稔耗爭牽扛。有時清暇集參佐。赤闌湖口浮觴艘。雄風颯然蘋末至。怒濤直指臺根撞。武昌魚泔十千尾。宣城酒醞二百缸。維藩樹屏昔所重。快意不在張牙幢。吾今謫官一無事。思從楚客攀蘭茝。題襟漢上許酬和。他日抽

帆偃畫杠。

送曹郡丞貞吉之官徽州

勝絕新安郡。高秋擁傳行。江流清見底。山色翠當楹。萬壑雲爲海。三都石作城。漆林分井社。松蓋辨陰晴。
墨愛麋丸漬。茶先穀雨烹。山來風士美。見說訟庭清。之子齊東彥。才華郡下并。詞源白石叟。詩法玉谿生。
風沼趨晨久。鸞臺典籍榮。後來新愈積。老去驥長鳴。豈厭承明出。遙思廐吏迎。名山謝康樂。隱吏許宣平。
晚飯桃花米。春廚竹筍苗。麥光題素紙。龍尾滌金坑。暇有懷人作。知同惜別情。十年呼薊酒。雙調譜秦箏。
忽漫登長道。沉吟數去程。跡猶淹旅食。心已定歸耕。七里嚴陵瀨。千秋黜帥營。相尋試酬和。編筏采紅蘅。

贈別孟楷二首

老夫臥穩謝浮名。羅雀開門少送迎。一事近來差快意。篋中詩得孟雲卿。
碧山學士王聖與。鑑曲詩人陸務觀。五百清詞纔過眼。最愁花外送歸鞍。

詠柿

纍纍八稜柿。託根西山陽。一株一畝陰。蟲鳥莫敢藏。烏稗秋進實。赤葉新翻霜。團酥釀甘露。冰齒流寒漿。
回憶三伏時。毒熱難周防。永日無片雲。焦煙起連岡。行人經樹底。豈異冰壑涼。此時儻結子。瓜果安足方。
奈何風淒其。摘來始盈筐。嗟爾生非時。難誇受命強。況值蟹膏肥。配爾慮見殃。憧憧往來人。掉臂不一嘗。

空煩黃口兒。燈火市道傍。南鄰煨芋栗。北舍鳴椒薑。炎涼迭相代。歛退分所常。幸有林居人。愛之終勿忘。

題東浦學耕圖二首

上書空敝黑貂歸。賈賦年來計漸非。爭似爲農東浦畔。醉吟獨速舞蓑衣。

老我青緇嬾束腰。薄田枕水傍灣橋。明年準擬全家返。也買烏犍種楚苗。

題汪檢討樾乘風破浪圖

汪君才地何崢嶸。直與東馬嚴徐并。一朝銜命使絕域。瀕行封事上九閔。乞降御筆示海外。永使荒服輸其誠。僉曰不可。帝曰可。濃墨大字搖光品。天子臨軒賜顏色。容臺諫院那得爭。琅函錦題國門出。車前騶唱揚三旌。麒麟之袍繡織成。青絲絡馬雙繫纓。被以重鬪紅猩猩。南浮江淮達閩越。長風五月沙雨晴。天妃廟前醜酒行。柁樓語笑潮已生。梅花洋東天水黑。但見日月星辰明。一夫危檣赤腳撐。捷如山木騰颺颺。百夫仰望目盡瞠。峭帆風飽弓在檠。又如張翼鷲鳥征。有時吟嘯訝餅筮。千人同舟一心力。不比吳越交相傾。巨魚長似金背鯨。揚鬣前導莫敢撓。滿空霜禽飛且鳴。黃衣蝶翅方鷗庚。昏波忽拔虎蛟穴。靜夜或睽驪龍睛。潮雞報曉羅報更。三日竟指中山城。中山君長搓手迎。道旁張樂聲琤琤。傾城士女堵牆立。笳鼓笠重蕉衫輕。叢筠夾岸煙梢平。佛桑花開白紫楨。日長使館坐無事。圍碁隔院聞楸枰。銀光研紙百幅呈。詩篇或與沙門賡。愛君臨池用筆精。草書不減張伯英。八分遠過梁昇卿。宣尼新宮碑一丈。高文摹

勒榜兩楹。更聞島中田少耕。賓筵日日羅香秔。佳酥之魚翠釜烹。香螺勸酒黏綠餚。模糊深椀山蔭羹。遐
阪風土正不惡。亦有花藥同揚荆。歸艎仍以鍼計程。往還七見蟾蜍盈。君來詣闕因陳情。請假讀禮旋書
棚。卻金復荷主恩賜。投牒翻來遷秩榮。憶昨送君秋氣清。纔逾一暑入帝京。金門咫尺我顛蹶。君乃萬里
來蓬瀛。披圖雪浪看尙驚。眼花眩心忪忪。耳中髣髴波濤聲。粉精墨妙誰經營。恍疑博望星槎橫。我歌
長句揮散卓。青雲敢附千秋名。

題侯開國鳳阿山房圖三首

四先生里讀書莊。髯也經營興不忘。張筆孫詩陸經義。孰居南北孰中央。謂張上舍雲章。孫孝廉致彌。陸徵君元輔。
吾家亦有三畝宅。千个篔簹兩樹桐。輸與勾吳歸客健。滿頭白髮帝城中。
練江風物最牽懷。藥布筠筒市滿街。他日堂成須報我。便拖竹杖覓吳鞵。

沈上舍李友南還詩以送之

有客辭我行。席帽白羅袷。自言不得意。歸當荷松鋤。小園柘湖潏。流水似清雪。離黃舞花梢。靜綠照簾柳。
青蒼風筠竿。紫茜露藥甲。都籃茶具列。月波酒槽壓。飯許二仲尋。寧嫌三徑狹。年豐鰕蜆賤。市遠漁樵洽。
權歌夜尙聞。香稻曉仍舂。暇使操土風。先民有遺劄。上舍輯李詩樂郊續私語。雅製洵不乏。憶昨擔簦來。燕臺
雪飛恰。高詠篋中詩。得句奇且法。燈火擁上元。酒人齊賞狎。陽春詎寡和。轟飲恣深呷。雅材一百五。珠槃

藉爾歌，駢詞妙徐庾。經義析鄒夾，謂當搏扶搖。青雲在俄霎，豈意威鳳姿。先鳴讓鸚鵡，新霜危葉墮。遠渚羈鴻唼，別筵逾九日。寒水響五牖，竹節鞭乍持。莫房鬢猶插，倦游憐歸人。有若劍離匣，改歲誓言旋。比鄰數鵝鴨。

和韻題惠周惕紅豆書莊圖五首

離離紅豆映空亭，裊裊牽牛上短屏。最愛舍南風幔卷，高城不隔遠山青。
粥魚茶板近松門，夕照雙浮塔影存。一入畫圖看便好，城居僻似沈尤村。
全家擬泛酒城東，已分生涯釣叟同。他日招邀葑田北，一帆風飽似張弓。
翠雅之材一百五，說詩匡鼎未應過。老夫也擬刪箋注，點墨研朱奈嬾何。
吳船歸及早梅春，淨洗東華短褐塵。我亦潞沙旋放溜，來尋北郭十詩人。

嘉禾篇頌張先生

康熙二十三年冬，天子將登日觀峰，十行詔下軫三農。薄徭放稅寬租庸，南徐夫子小隊從。天廡賜馬繡纓鬢，先時水旱頻告凶。北達河洑東濰灘，晨炊不舉夜不春。夫子下車憂懣懣，請發倉粟救鞠誼。鄉師爲粥吏佐饗，饑者得食皆歡悅。有如鴈唼魚，噉噉士鼓賽社聲。髮髮服田力穡不敢慵，麩麥既登種陸種。洽風時至甘雨濃，生我嘉穀黑白彤。一莖乃見抽三積，露苗珠綴花惺忪。照以澹月涼溶溶，下有溝水鳴琤琮。

淙耕夫。饁婦齊。動容。樞負稚子行。蟹蛭。百年野老訝未逢。載筐及筥。包以幪。來告節使。獻九重。般般者。獸宛宛。龍連理之木。蟠枝松。玉芝紫脫青芙蓉。木若茲。禾和氣。鍾靈苗。驛驛芒茸茸。八月其穫。崇如墉。輸之天庾。惟正供。我聞樂事。舒心胷。大賢美政。孰比蹤。不貪爲寶。民吏宗。主聖臣良。時乃雍。五風十雨。殊乾封。

簡宋觀察萃

今年燕臺數雨雪。雪晴九陌吹回風。欲鳴不鳴。曷且鳥。得過且過。寒號蟲。茸裘已敝。庫尙典。濁酒苦貴。樽長空。故人念我。儻分贈。薊門白炭盤山松。

題陳履端詞稿

尺書頻寄慰衰遲。袞履風流又一時。珠玉連篇歌乍闋。么絃別譜小山詞。

題洪生對酒圖

酒庫京坊六度開。近無月奉市官醅。荆高舊侶多零落。賴爾南鄰日往來。

再題高學士江村圖二首

荒茅結屋短牆垣。不似金坡學士園。只合年年借儂住。漁竿漁網插溪門。勾吳嚴四畫難得。比似菰村境復殊。想像江鄉宜有此。蛤蜊菰葉賀家湖。

爲畢大生題扇

今年十月尙暄和。雨後流泉響玉河。竹扇未應收畫篋。絮衣猶可著香羅。籬根細菊冬逾媚。砌下吟蟲夜轉多。那得滄洲載新酒。亭前捉臥甕人過。

雨過劉學正兼隱齋觀石鼓文拓本

今秋最多雨。陸嘉淑。昧谷藏烏蟾。華尊枉書丙丁帖。魏坤果符甲子占。劉中柱。夙興愁霞積。朱載震。餘溜消突黔。查慎行。折簡四門至。嘉淑卜晝得所快。華尊各各衝塗泥。坤紛紛汚鞞。中柱入門老莎滑。載震遶屋細菊黏。慎行。焜黃已撼撼。嘉淑。晚翠方婆娑。華尊濕徑乍一取。坤。油雲俄重淹。中柱。側耳聽浙瀝。載震深坐防濡霑。慎行。際此靈雲并。嘉淑。猶未霰雪兼。華尊。臘釀清五加。坤。獸火紅半杓。中柱。安肅菜翦甲。載震。直沽解撐箝。慎行。海物羅瑣碎。嘉淑。山果咀酸甜。華尊。捉臥甕人醉。坤。說不速客添。中柱。中筵樂方畢。載震。主人發經筵。慎行。獵碣自陳倉。嘉淑。甲乙分排籤。華尊。其辭儷雅頌。坤。其法妙鈞錡。中柱。選徒悉左右。載震。體物窮游潛。慎行。秀弓旣云調。嘉淑。麋豕罔不殲。華尊。君子爰迪樂。坤。籩豆充魚燂。中柱。詩疑吉甫作。載震。書命臣籀僉。慎行。車攻與吉日。嘉淑。比擬意交厭。華尊。奈何馬鄭徒。坤。紛綸起詖諛。中柱。年殊成宣狩。載震。譜異姬嬴鉞。慎行。缺畫費吟嘯。嘉淑。密義煩顧瞻。華尊。修藤蔓麤。坤。勁草萌勾尖。中柱。簪花女姚冶。載震。帶甲士凝嚴。慎行。作龍之而鱗。嘉淑。掀攬于思揖。華尊。往在岐陽時。坤。曠野孰窺覘。中柱。受辛相夜柝。載震。敲火磨霜鎌。慎行。宣和忽移致。嘉淑。皇慶乃覆苦。華尊。切磋留太學。坤。愛惜蓋深檐。

中柱鈎金縱剗剔。載震節角仍安恬。慎行詛楚文久泐。嘉淑亡秦碑或燬。葬尊耕茲典刑存。坤一字直一
縑。中柱述書誦古賦。載震改席褰疎簾。慎行車轄投亦得。嘉淑接羅倒奚嫌。葬尊吏暇笑兼隱。坤官冷慵
趨炎。中柱有酒傾玉餅。載震無酒指青帘。慎行六街鼓擊擊。嘉淑兩頭月纖纖。葬尊欲行復被肘。坤燭至
還提槧。中柱謂客毋庸歸。載震險韻尙可拈。慎行

旂蒙赤奮若

秋涇行示吳秀才周瑾

秋涇水上有落帆知亭子。渡頭橫跨百尺橋。蟹舍漁村合成市。吳郎門對涇水流。花南有堂北有樓。吾來
撲被過信宿。三日五日常淹留。泔魚倒臘甕。量酒傾新篘。君詩老蒼賦溫麗。有才如此翻不第。蘆簾紙閣
歷歲年。穉子蓬頭婦椎髻。婦爲吾妹子吾甥。薄田涇上麇可耕。掃除肯作一室計。汗漫寧爲千里行。相憐
童稚情親早。旅食京華吾潦倒。昨者有客來武陽。傳說容顏君不老。人生六十猶未衰。樽前只合開懷抱。
何況騷人屈初度。燈火上元時最好。歌長歌。書草書。知君發函伸紙還。軒渠吾今妻子返里閩。明年歸乘
轂。轍車君還秋涇定何日。相期近結比鄰居。

送王贊善拔視浙江學政二十韻

京國沙隄舊。婁江甲第臨。世家唐宰相。經術漢儒林。早射匡時策。先鳴正始音。才華王轅謝。詩筆沈兼任。

偶出辭溫樹。重來翫薛禽。瑤山開四照。丹地拔千尋。朶殿新簷管。儲端每獻箴。詢謀公望最。眷顧主恩深。
持節巡江介。觀風采會吟。色絲能辨石。爨火定收琴。洞壑包三九。道書洞天福地在浙江共二十有七圖書足古今。湖光仙
權疊。嵐翠戟門侵。紫笈茶教淪。烏巾酒待斟。詞場輸藻鏡。交誼重苔岑。十載逢青眼。相於愜素心。別筵愁
袞袞。嘶騎去駸駸。苑雪花猶積。官橋柳未陰。懷歸貪倚著。投分忘升沉。送送情何極。勞勞思不禁。還期承
蓋處。鄉曲共題襟。

社日二首

幾日社公雨。芹泥香滿汀。生憎飛燕至。不放海東青。海東青畏燕子見歐陽原功詞
藥甲何曾碧。花枝亦未紅。治聲有方法。只恨酒錢空。

柳巷杏花歌同嚴中允繩孫錢編修中諧作

頻年住帝里。一山一水何曾經。有若蝸負殼。又若鳥翦翎。疾風揚沙卷花去。眼看春事如流星。邇來罷官
居。肆意尋郊坰。朝從潞河還。犯卯洒未醒。晨過宋使君學留飲漫堂雙橋東偏柳巷北。小寒食後微雨零。偕行者二子。
各各駐輿丁。杏梢含苞猶未白。柳條踈地今漸青。晴絲冉冉香綉細。卑枝嬾嬾高婷婷。村童灌畦愛看客。
輓轡并架雙銅餅。種花此地已難得。那不更縛香茅亭。江鄉爾時春愈好。西神山下泉泠泠。閨門游人連
臂出。筠車十里填支硎。只如南湖亦不惡。桑鳩穀犬聲可聽。紫荷花草雜坐臥。燕來竹筍生鈴。人生還

家貧亦足。何苦晨夕勞其形。吾儕田廬況不遠。峭帆柔櫓凌迴汀。都籃兼攜茶酒具。悶拓小眼紅牕櫺。吳歛越吟相繼和。五日十日恣留停。念此令人反惆悵。夕陽四顧塵冥冥。

寄胡少參介祉

使君麗句過西崑。賦格詩圖許細輪。轉粟年年先社燕。抽帆處處市河豚。吟看上客題襟滿。書想高齋插架存。辜負連船載滄酒。故人未得下津門。

送陳舍人大章歸黃岡

君姿玉山並。君詩白雪高。豈意采風人。力不及楚騷。策馬去京國。卻佩腰間刀。深雍虎文鞞。短後茶色袍。但愁別須臾。何用心鬱陶。素業在黃岡。潮田滿江皋。烏犍三百尾。種秫持作醪。暇搜耆舊文。筆禿猩猩毛。少年能著書。此事亦足豪。何時涉夏澳。共爾浮金舸。

贈耿都尉二首

承恩驂乘入明光。賜第仍居履道坊。日昃尚趨三殿直。月正恆捧萬年觴。長楸走馬先歸埽。小苑飛花近拂牆。自有囊中餐玉訣。無煩菊水餉南陽。

萸房竹葉勸深杯。月底簫聲次第催。才子不妨如意舞。酒徒拚倒接羅迴。開簾最愛亭前瀑。改席宜登樹杪臺。笑問琴山一青鶴。可能天際忽飛來。謂周郎中

納臘侍衛性德輓詩六首

驟聽黃雞唱。驚隨白馬來。百年嗟輟瑟。五日尙銜杯。泉下知安往。人間信可哀。退朝憐相國。封籛忍重開。
通籍題甄筆。承恩改鷓冠。射鳥天一笑。走馬路千盤。禁直昏鐘入。廊餐午箭殘。傷心倚閭望。東第少歸鞍。
出塞同都護。論功過武師。華堂屬纊日。絕域受降時。悽惻傳天語。艱難定月氏。斂魂猶未散。消息九京知。
屈指論交地。星終十二年。斯人不可作。知己更誰憐。翠漸深門柳。紅仍膩渚蓮。舊游存益少。悽斷小亭前。
主客披圖得。雲煙過眼諳。吟花成絕筆。聽雨罷深潭。書裏韶顏在。樽前綺語耽。憑將腸斷句。流轉到江南。
別悔從前易。途傷此日窮。迴腸歌哭外。搔首寂寥中。迹掃孤生竹。枝摧半死桐。自今觀物化。不詆釋門空。

送姚先生巡撫全蜀二首

漢庭折檻舊知名。節使疇咨副相行。曲讌午辭珠鏡殿。單車春莅錦官城。山川想像王師入。父老扶攜益
部迎。井絡坤維資重鎮。遙將籌策贊昇平。
清時文軌萬方同。將作經營五柞宮。雅雨黎風吟木客。芋田芸鼓輟巴童。亟須元老經綸及。不使遐陬杵
軸空。天眷自來西顧切。昌言早爲達宸聰。

高處士兆方處士中德陳上舍治將歸過集古藤書屋同陸處士嘉淑魏上舍坤分韻賦長歌送
別得要字

我攜家具海波寺。九月未稿青藤苗。夕陽倒景射檉柳。此時孤坐不自聊。故人遠別齊過我。謂言分手當來朝。或還東江陸瑀宅。或渡南浦江淹橋。龍眠一叟幡然回。斧柯無恙山中樵。金臺酒伴難悉數。隨意牽拂和招要。林衣滿地席帽脫。畫不絕筆書能超。吳船恰到麴車響。甕頭乍坼輕塵搖。匏樽屢空鴈壺覆。豈必柴汝官哥窳。南中風物試細論。歸值稻米蒸長腰。披緜黃雀切玉鱠。差勝北地肥羊燒。我今已解腰下組。羸馬且免晨趨朝。夜如何其判促膝。秋牕須盡燭一條。人生合并苦不易。後會久速誰能料。明年吾亦掉頭去。石田茅屋恣逍遙。儻能訪我長水曲。相留浮白還炊彫。

重九後一日雨中集長椿寺

九日條已過。萋萋英濕雲漫四郊。森森長雨垂。舞舞颯颯虛檐捎。病葉戀冷枝。梁佩蘭驚鳥盤空巢。晨興殘夙約。陸嘉淑攬袂皆貧交。勝引雙樹林。魏坤宛若深山坳。藤綰三秋蛇。張雲章槐舞千歲蛟。赭柿迸露實。朱載震金英。坼霜苞。紅的的吳萸。陳曾綏碧叢叢秦芄。瓦溝竄鼯。湯右曾戶網除蠹蝨。蘇深最夙伏。查慎行篆古蒲牢哮。粥魚晝浩浩。俞兆曾牆雞午嚶嚶。光景歛明晦。宸英眺覽窮檜樞。新耐綠滿罍。舞尊晚菘黃充庖。豈意青豆房。佩蘭俄頃羅嘉肴。鳴薑膳紫蟹。嘉淑題餽餘彩貓。子鵝新韭配。坤鮮鯽枯荷包。已見雉膏登。靈章況有兔首包。分曹玉鈎射。載震角力骰盤拋。急觴易沉頓。曾綏緩帶使爬抓。一飲動一石。右曾載號或載嘍。同聲倡者和慎行。含意漆在膠。五言乍妥帖。兆曾十手爭傳鈔。雖乏韶濩音。宸英肯

使下里殺。合并洵匪易。韓尊顧我中心恚。歸帆艤舫。佩蘭別騎籠鞅鞞。邈迤陟荒岡。嘉淑邪許。拳長箋。免泣卞和璞。坤且誅宋玉芽。草縛不借履。雲章泉酌。嗚然匏。檳榔蕉椰荔。載震都蔗菱。孤菱雞頭。祖竹萌。曾蕤翠羽官梅梢。熟知江鄉樂。右曾莫厭湖田磽。招隱丘中琴。慎行勵志。賁上交。豈必馬足塵。兆曾逐逐營斗筭。宸英

送梁孝廉佩蘭還南海

合昏花開暑雨微。故人留君解驂騑。謂納臘侍衛性德也合昏花謝故人死。燕市酒徒看漸稀。秋林卷擗百卉腓。離根細菊圓如玳。北風蕭蕭南鴈飛。蟄蟲窮鳥相因依。此時欲別不忍別。馬行蹇跼循郊圻。把杯勸君君莫揮。執手語君君莫遠。男兒貧賤亦常事。故鄉得歸姑且歸。吾今捐珮也常去。免使同學翻攢譏。遠遊汗漫計亦得。他年訪爾白板扉。舊交陳恭尹。屈大均。況無恙。相與散策探林霏。盡脫奇禮消塵機。龍瀧下上濯我足。石樓小大振我衣。乳蕉子黃荔子緋。馬甲柱脆紅螺肥。榕陰一畝竹十圍。南園可以恣酬和。詩卷無人論是非。

古藤書屋再餞梁孝廉

露擗倦未飄。雲鴻遠相引。華尊星埃感蓬勃。物候變淒緊。湯右曾。怪怪八達衢。有客駕修軫。查慎行。僕夫在郊垆。稌黍被隰畛。梁佩蘭。柅車浮淪瀾。舍權度蟻嶙。華尊雷般風息颺。海大魚見繁。右曾峽猿有時歸。

南雪終不實。慎行九十月之交。六千里而近。佩蘭懷居與雖洽。判袂情詎忍。彝尊置酒青藤陰。入門走蛇
虬。右曾颺颺涼颺動。灑灑纖月隱。慎行山杯深窪匏。野蕨脆嚼菌。佩蘭迎寒筋卷葉。戒夜鼓鳴篋。彝尊譚
鋒摧趨雄。詩械破詰窘。右曾毫毛秋兔脫。墨光古香吮。慎行臨常黯然別。且復莞爾哂。佩蘭炎瘴舊所便。
眠食曷惟謹。彝尊行逢早梅墊。到及蟄蟲蠢。右曾前期久莫忘。鄉夢今始準。慎行穆如清風簫。袖以示均
尹。佩蘭謂屈大均陳恭尹也。

寄周參軍在渡

初聞歇馬臺駘廟。近說看花狐突山。愛客易傾冬醞美。著書難得畫簾閒。加餐道遠彌相憶。倦旅秋深尙
未還。風峪石經無恙否。何時徙置剔苔斑。

喜周賀至

耆舊西吳大雅材。白頭纔一到金臺。最愁馬上乘船似。不道天邊犯雪來。酒盞四年方得共。燭花昨夜記
曾開。郊扉晚計何時遂。十里艾山日往迴。

曹先生溶輓詩六十四韻

狗祿經時別。加餐萬里教。報書人未返。凶問客來譟。竟輟椅桐瑟。虛藏稷黍苞。腸迴真似結。語咽不禁僛。
投分懷衿契。忘年比漆膠。縱橫才不世。經緯學能包。壯日膺乾顧。亨衢協泰交。皇華在原隰。驄馬避鞭鞘。

卿月青霄上。台星紫極梢。主恩中外重。物議愛憎叢。嶺外資分轄。雲中藉建鐃。軍興還轉餉。戰勝屢登輶。
未覩勳書策。翻令祝代庖。清時臥安石。奇計老居鄴。種樹鄰初地。爲園傍樂郊。金陀坊最曲。錦帶水難沿。
曲解偷聲譜。扉從問字敲。說詩窮五際。布易得三爻。東馬文無敵。南狐史共鈔。近游師束皙。高論折尸佼。
昔歲投荒徼。芳筵恣叫呶。晴牕蟲蠟翦。晚飯鷓鴣烹。欲罷題連軸。譚深坐轉胞。硯憐鸚鵡潤。筆肯蚶蛤拋。
小市船撐蟹。輕衣杼織鮫。荔支團火繖。蘭苗挂風髻。蝶翅仙裘曳。柑香佛手抓。潮來雞喔喔。日出鳥咬咬。
震瓦長鳴颺。奔雷易激颺。離愁珠海闊。歸計石田饒。魚最憐鶯脰。泉常激虎跑。避兵居其井。穫稻澤分樵。
舫爲葦絲泊。廚看芡實飽。閒尋百法寺。悶解五湖箋。楓岸拈紅葉。茶槍試綠筩。探梅熨斗柄。射鴨竹弓梢。
纜繫蘇堤遠。壚逢卓女姣。過頭齊杖栗。婪尾數浮飀。山後津仍逮。樽前意更慆。池清移寒柳。花翠繞秦堯。
擁被陶爲穴。炊梁釜櫟箝。白榆貪食耳。黃鼠厭充肴。糖躁三沾蟹。餠黏九日貓。渾河流苦急。磧石面多顛。
獵騎掀茸帽。箏人疊舞袖。停軒聽賽鼓。並轡指飛鶻。畫壁重重拭。苔碑處處鑿。迎寒吹簪策。欲雪卷旂旛。
我去重游薊。公歸亦渡淩。往來頻聚散。契闊少譁謔。小草無端出。冥鴻忽見翼。盡嫌中散癖。難免北山嘲。
反教猿升木。那容鵲定巢。身猶依鳳闕。官久罷螭坳。閑寂門羅雀。淹留迹繫匏。正思耕作耦。何意影同泡。
磨滅頻年札。淒涼一束茭。賦成栖舍鵬。夢斷入懷蛟。遺草知盈篋。懸車定覆苞。空牀吟蟋蟀。暗牖網蟪蛄。
籤帙無由借。人琴自此捨。茫茫千古恨。愴愴寸心恹。愧後兼金賻。惟將瀆酒酸。平生知己淚。亟欲反衡茅。

送曾燦之南海

白髮遊燕舊酒人。樓鞞重踏六街塵。來辜鄧尉尋山約。到及長安臥雪旬。鴈底雲帆鄉樹繞。馬頭星驛嶺梅春。南園詞客多無恙。暇日爭扶大雅輪。

徐公元文小像二首

緇塵十丈罽東華。快馬明駝殼棘車。誰似先生銷夏處。水亭風幔俯雲沙。
一編青竹萬蟬魚。東馬南狐總不如。官燭兩條人半臂。笑他紅杏未尙書。

曝書亭集卷第十三

古今詩十二

柔兆攝提格

驄馬行送任御史瑀視鹺長蘆

春明門東驄馬嘶。奚官新繫碧玉蹄。紫茸鞞鞞錦障泥。使者衣繡行長隄。寒花露草煙萋萋。千樹萬樹楊柳低。津門此去三百里。來朝定指西沽西。長蘆鹽筴通青齊。君今乘驄按左海。章綬不殊還會稽。我歌驄馬行。君騎驄馬去。明年策馬來春明。應記今朝送行處。

送顧進士永年南歸

曲江游讌罷。轉眼一年春。此日書驢券。仍同下第人。

贈魏世微

每憶金精天外峯。易堂書卷闔春冬。竹林舊侶嗟零落。喜見青雲阮仲容。

送周二之海陽

簷花對酒五蟾蜍。此去郵籤萬里餘。湖水東西仙令宅。帆檣來往海人墟。炎洲雨過香蕉子。夜枕潮迴徙

鱷魚後會竹林期莫定。相思天末意何如。

送劉郎中守思南

劉郎別我玉河灣。笑綰銅符領百蠻。千騎上頭殊不惡。峒花狔鳥滿溪山。

紫藤花下作

首夏花信終。月閨又開朔。紫尊溼雲來遠岑。密雨溜斜桷。周貧雖遠登覽興。且喜氛垢濯。紫尊軸簾納餘清。叩戶尠重較。貧甌香碾新團。滴古湑散卓。紫尊虛齋憺無事。晚霽意蕭逸。貧高羅何年植。老榦惜崩剝。紫尊杪春發新條。青翠纒一搦。貧有如荔含苞。又若鳥破殼。紫尊籠陰忽蓋瓦。落格漸成幄。貧五髻環路垂。羣玉玲瓏琢。紫尊榮悴迭後先。土膏異豐确。貧幽賞人未齊。暖游蜂已覺。紫尊將尋條鈴護。毋使雀豹啄。貧寫生畫史爲。配饌食經學。紫尊故鄉南湖南。風景別燕涿。貧濃陰壓兩岸。虺蔓埽船角。紫尊鷗鳧雜坐臥。鰕蜨恣撈捉。貧何爲久滯淫。來往味鳩鷯。紫尊酒罷花亦殘。擁衾歸夢數。貧

送張岫宰淄川

般陽城下記曾過。負郭分流左阜河。相送履舄仙令去。恣聽矚篠短童歌。簾衣書靜花應滿。書帶春來草最多。暇坐西堂官燭夜。吟情可憶舊羊何。

往事沉吟十九年。潞沙津鼓解連船。河豚荻筍丁沽市。海燕芹泥趵突泉。岐路東西頻遠隔。故人意氣劇

相憐青藤絡格繁。花紫涼月紛紛話別筵。

遲湯上舍右曾不至

檀葉綠如繖。藤花紫滿簷。望君君不至。惆悵下廳簾。

題王給事又旦過嶺詩集

邵陽王郎嬋羣雅。掖垣退食吟最工。關西作者僕指數。比於二李檢討因篤誰趨雄。去年使車踰嶺表。笙

歌鹿鳴聽乍終。滿城象犀總不顧。迎潮直渡東官東。循州洞天福地兩羅浮。近與泉源通。晴峯四百三十

二。一一捧出青蓮蓬。砂牀泥融坐啞虎。竹葉篆古書秋蟲。千年鹿跑草淺淺。五色雀舞花濛濛。盤游飯罷

石樓去。羣仙或請銘新宮。偕行況有屈道士。大均留題肯使莓牆空。此鄉寶玉人所羨。珠圓貝紫珊瑚紅。

王郎歸裝乏長物。僅束詩卷藏髯筒。解船下瀧指湖口。餘興復入匡山中。僧房五百恣登歷。短筇輕履隨

樵童。三條石梁貫員闕。一匹瀑布拖長虹。王郎得句轉清越。墨花漬壁磨鉛銅。攜來都亭曾幾日。傳抄奚

管十數公。要知能事久服習。矢人之矢弓人弓。邇來詩格乖正始。學宋體製唾唐風。江西宗派各流別。吾

先無取黃涪翁。比聞王郎意亦爾。助我張目振凡聾。覽茲過嶺集百過。豈有癡垢堪芟翦。往時屈道士游

越。山行水汎酬和同。自從判袂廣武北。十載夢寐懸江楓。沖虛觀前斗壇在。可有鄧嶽留葛洪。投詩王郎

并寄屈。惜無萬里南飛鴻。

題賈院判鉅書荷二首

亭亭紅豔立清波。殺粉調鉛不在多。卻笑崔徐思憔悴。鷺鷥汀畔寫枯荷。
黃塵六月倦鳴鞭。苦憶中吳鴨芡船。夢入篷牕聽夜雨。半江風葉枕函邊。

竹爐聯句并序

錫山聽松菴僧人性海製竹火爐。王舍人過而愛之。爲作山水橫幅。并題以詩。歲久爐壞。盛太常因而更製。流傳都下。羣公多爲吟詠。圖既失。詩猶散見於西涯篋墩諸老集中。梁汾典籍仿其遺式製爐。恆歎息舊圖不可復得。及來京師。忽見之。容若侍衛所容若遂以贈焉。未幾容若逝矣。丙寅之秋。梁汾攜爐及卷過予海波寺寓。適西溟青士愷似三子亦至。坐青藤下。燒爐試武巨茶。相與聯句。成四十韻。明年梁汾將歸。用書於冊。以示好事之君子。

西神峯連延。龍角汎泉歎。孫致彌桑。芋次水經。第較中冷遜。姜宸英山僧募營役。谷飲遂夙願。朱彝尊脚踏長松根。風來耳垂鬚。周賀都監選茶具。一一細沙頓。張祐慧山詩。願貞觀舍彼陶冶工。截竹等斲蠶。致彌附以紅泥團。其修僅扶寸。宸英坎上離于中。下乃利用巽。彝尊微飄颺。颺入活火燄燄燒。質初聆檜雨喧。漸見魚眼隴。貞觀紫筍舒萌尖。乍點湯色嫩。致彌王郎穿竹過。愛接支許論。宸英解帶磐石間。素瓷迭相勸。彝尊欣然愜所遇。伸紙隨染渲。質濃濃巖亭瀑。歷歷水田畝。貞觀短短茅覆屋。茸茸荻抽蘆。致彌橋

鼓乃有路。門闢或無楗。宸英林壑雖未深。埃壙頗已遠。尊尊流傳盛新詠。羣雅足彞憲。負或爲篆籀隸。若
盃兩敦虜。貞觀或爲眞行草。若繇靖義獻。致彌穆如清風作。舉一可常萬。宸英嗚呼百年來。精廬窟龜貓。
尊尊曩時所珍物。零落委荆蔓。負吾家纒塘側。想茲恆繾綣。貞觀形模授巧匠。高下仿遺援。致彌所惜七
尺圖。慮爲塵土盆。宸英開篋逢故人。輟贈得右谷。尊尊羊脂鏤玉獸。錦束腰綮。負譬諸延平津。劍合始
無恨。貞觀俄驚鄰笛悲。永歎擊舟遁。致彌蕭條黃公墟。歌哭與俗溷。宸英是物視者希。五都絕市販。尊尊
今年吳船來。載自潞沙堰。負徒置青藤陰。旅話破幽悶。貞觀實比蓮芍輕。形嗤石鼎鈍。致彌小勺分宮時。
頭綱試甌建。宸英忽憶秋水生。乘此風力健。尊尊逝將挂席歸。耦耕師下澗。負毋令石牀空。兼使夜鶴怨。
貞觀

送吳獲入太原三首

娘子關西木葉殘。煙霜回首井陘寒。馬頭不改團團月。絕壁韓詩拂蘚看。
并州山繞蝸螭蒼。桐葉祠前柏幾行。蘋號長生水難老。憑君抄入篋中方。
周郎在浚。近在蓮花幕。點筆題詩興不孤。暇日經過煩問訊。硬黃曾搨石經無。

送毛檢討奇齡還越

一舸全家去。層園別袂分。孤生倚知己。衰老感離羣。曉雨千門散。新泉五插聞。花光晴澹沲。峰翠遠氤氳。

祖席愁帆影。回塘蹙水紋。語多兼往事。觴罷判斜曛。少日借簷笠。遺書索典墳。扇邀王內史。舞起謝將軍。夢筆橋頭月。捫蘿磴口雲。徵歌依趙瑟。漬墨灑羊裙。午爨柯亭竹。秋眠蕙帳蚊。俄驚鄰笛弄。頓使酒船焚。失路栖淮浦。逃名適汝濱。易穿東郭履。慚勒北山文。燒尾同華讌。傳甘並紫紘。四聲研沈陸。六義續河汾。闌藥園官送。朝衫小婦熏。香奩詞悵悵。錦瑟淚紛紛。爲折章臺柳。翻辭祕省芸。空林憶猿鶴。舊社返榆枌。到及湘蕪美。閒看越鳥耘。朋箋存笥滿。麴米注牀醺。宰相陶弘景。神仙鄭巨君。行藏應自料。不用問靈氛。

題喬侍讀侍直圖

朶殿籜毫入。千門露未晞。臣心勤夙夜。天意慎幾微。慎幾微。本房御書扁也。細細香生幄。瞳瞳日滿衣。非君諳掌故。奏事直前稀。

題項秀才李水墨小山叢桂

少年席研項生同。每到秋行桂樹叢。今日天涯展圖畫。忽驚身是白頭翁。

程侍郎江山臥遊圖

啓禎之際南北派。書有董米畫崔陳。青溪先生起尊席。二者並妙稱絕倫。一水一石弗漫與。尺幅價值雙。烏銀今觀此圖著色老。筆與黃鶴山樵親。蒼茫又類井西作。林霏曛靄泉洄淪。近來仿古求貌似。疊石細碎添苔勻。先生畫意不畫象。驅使二子窮其神。雲霞石淙開四面。一一鼠尾丁頭皴。山根木閣看最好。安

得買斷居河澗。四門博士重手澤。請我跋尾歲在寅。其冬偷兒鑿我壁。室無泉布牀無茵。惟存文史五千卷。手摩插架撇撇頻。此圖幾失幸不失。留置愛玩緜冬春。朝來灑墨賦長句。書報博士遲無噴。

送陳上舍曾藪還杭州三首

門外驪駒莫便催。紅闌亭子上行杯。誰能北地三年住。不憶西湖一舸迴。
貓頭新筍長林扉。雉尾香蕓礙釣磯。船到水仙祠下泊。更無塵浣藕苗衣。
官閣垂楊水寺燈。城隅處處結魚罾。舊游白髮幾人在。應笑歸遲張季鷹。

顧編修藻以橄欖見遺賦謝二首

疊果青於棗。嵇含狀最工。紅鹽齊落子。翠竹遠開筒。愛惜教頻數。歡娛忘屢空。要知君子意。獨許歲寒同。
絕勝餘甘樹。來從荔子村。玉盤盛最好。青箸裹猶溫。酒後酸漿別。茶中俊味存。清香留改歲。貳配煮河豚。
飲遂安毛檢討寓齋

題蔡修撰早朝圖

城隅燒尾宴會同。六載重來就菊叢。珍重故人今夕會。招尋猶念一漁翁。
遮莫鞦韆畫鼓頻。披帷風定燭如銀。繡墩只許狸奴臥。辛苦妝臺攏髻人。

周上舍篁夜過

漚酒凍春碧。菜雞蒸栗黃。醉眠無不可。西舍有繩牀。

鱸魚同魏坤作四首

水面罾排亦馬船。纖鱗巨口笑爭牽。吳孃不怕香裙溼。切作銀花鱸可憐。
微霜一夜泖湖東。楊柳絲黃兩岸風。不信輕舟往來疾。筠籃驗取四鰓紅。
已脫朝衫分卜耕。劇憐鄉味算歸程。秋風彈指今年誤。輸與江東老步兵。
翠網千絲白玉跳。蜀薑鏤切韭新苗。背篷圓笠平生慣。準擬抽帆第四橋。

強園單闕

寶晉齋研山

有石產京峴。近在龍目灣。周頁外史火正後。愛好怡情顏。尊尊稜分巖穴岫。垢洗黃朱斑。頁俄看千仞峰。
勢拔方寸間。尊尊亭亭華蓋倚。隱隱卻月彎。頁固巒各殊狀。一一相迴環。尊尊其下陷深窪。髣髴龍所寢。
頁有時風雨至。大小青來還。尊尊玩物不在多。對此形神嫻。頁以之易園廬。勝絕臨江關。尊尊觀其賦。詩
意猶自心偏慳。頁年深異顯晦。幸未委榛菅。尊尊君家藏四葉。冷光古益豔。頁且以娛寂寞。豈復論銖銖。
尊尊舉世重黃白。孰營几上山。頁好語玉蟾蜍。勿用清淚澗。尊尊

附米海嶽研山歌爲朱竹垞翰林賦

濟南王士禛

海嶽研山不可見。人間空說研山圖。研山之圖亦遭燬。雲煙過眼徒嗟吁。宣和良嶽已塵劫。矧乃片石輕錙銖。永嘉流落幾百載。昭陵玉匣今亦無。詎知神物有呵護。星芒夜隕三天都。太平宰相盛文物。寶此何啻千璠璣。石初藏許文穆家。後歸朱文恪。古藤書屋花未放。主人愛客招吾徒。眼中突兀忽見此。乍疑几席羅衡巫。壺中九華那足擬。仇池枉用誇響蘇。三茅地肺互鈎帶。二華雲氣相縈紆。蚊龍屈蟠待雷雨。仙靈髣髴迴駟車。華蓋一峰獨秀拔。宛插玉笏翹犀株。翠巒玉笏左右列。睢尻股脚相敲扶。上洞下洞闕曲折。潛通小有涵空虛。龍池幽窈驗雨候。頗疑中有曬龍珠。峰獨者蜀廚者嶧。上泉有埒下有澗。座客摩挲三歎息。蒼然古色生眉須。海嶽之菴書畫舫。幾作此老浮江湖。巧偷豪奪歷千劫。閱盡春秋如螻蛄。翰林好事過顛米。日餐蛾綠忘飢餓。滄江夜夜虹貫月。莫令光怪驚菰蘆。

懷汪進士燧

人日梅花落。懷君過嶺時。安牀紅豆底。日日坐相思。

喬侍讀來一峰草堂看花歌同陸嘉淑周質姜宸英錢金甫孫致彌查慎行湯右曾陳曾壽賦

疾風經旬不出戶。獨客嬾過三眠蠶。今朝風定塵塋滅。女牆翠湧西山嵐。修門池館綴金碧。鏤欄未許停羸驂。主人新拓百弓地。中園卉木吾舊諳。天桃濃杏雖已落。海棠乍坼丁香含。初疑徑闢過者少。早有勝侶齊幽探。新松四尺挂席帽。炙具一束攜荆籃。絲頭毯展午陰直。婪尾杯泛冬醪甘。今年春較去年晚。花

信十猶餘二三。長紅小白枝尙亞。雄蜂雌蝶飛相參。酒闌回憶壯年事。於此晨夕朋盍簪。燒瓷饔頭臥畢卓。蠟板曲子歌何戡。滿墀明月露濯濯。繞屋垂柳絲毵毵。十餘年來五易主。魚牀潦盡成枯潭。茅亭崩剝泥暗裂。有若燕子留空龕。仙源重過豈易得。惜花老去心逾貪。韶光三月忽已盡。牡丹將吐房山南。綠囊紅襖水精域。鹿女微笑狸奴酣。相期雙屐著謝客。更借一鶴騎盧耽。諸君偕游恐不遂。試與二老評花擔。
謂周陸
二子

同作

嘉興周賞書士

九十日春不可駐。玉河柳青漸濃。官溝滌穢難墊足。何處得看林壑重。客言侍讀新築好。紫丁香結千枝穠。辛齋竹垞吾老友。不嫌策騎參支筇。查生慎行叩扉湯生右。曾起顧我一笑借過從。是日天朗惠風細。晴絲冉冉煙茸茸。莎亭擁腫鼓四柱。花氣遠接檐前峰。縛樹老藤更天矯。如割左耳奔乖龍。標囊欲坼尙未坼。已見小尾游黃峰。主人朝回跋草履。揖我得覲冰雪容。食單藉地任箕踞。脫略禮法使疎慵。騰觚凍醪贖百末。釘盤雜果儲三冬。吾家長水塘一曲。白鵝繡鴨紛游溶。油菜花香蠶豆熟。貓頭筍迸芹泥鬆。艾基山東審山北。麴塵波暖浮方腳。撫琴久已謝宗炳。鑿穴今復輸豪侈。自從騎驢入燕市。魴鯉去沼鷓鴣籠。待閒曠論廁坐末。一洗膠固從來胸。銀絲切鱸韭登俎。更留午飯餐冬春。何當清暑復來集。醉看夜合花惺忪。

棗花聯句

棗花香細細。亂結春風闌。孫致彌。既免織手摘。寧邀上客看。周貧。燕郊得千樹。吾將老園官。致彌

王暉畫三首

王郎手摹一峰畫。宛似張顛作草書。鼠尾披山鴉點樹。只今能事有誰如。
帝城日日足風霾。眯眼黃塵漲六街。對此溪山最清絕。使思衝雨踏櫻鞵。
王暉老去畫尤工。橫幅吳裝仿惠崇。曾記北高峰上望。村村風景似圖中。

檀聯句

有木生庭隅。入夏翠陰發。周貧。卑枝易妨帽。密蔭恰承轆。孫致彌。重露一以晞。微風久不歇。致彌皮乾敲
般赭。花瑣補禿缺。貧色籠澹泞。天影漏惺忪。月致彌。遮門肯水松。驗雨促耕袋。致彌落小舞蝶翻。脂香行
蟻窟。貧其身異樅柏。其產徧揚越。致彌。豈惟敵雪霜。兼可獨宛喝。致彌疾。瘵子除。榘槃匠人剛。貧是物
錫嘉名。肇詩皇矣曰。致彌。爾雅配蟲魚。圖經繪苗髮。致彌過從每淹留。愛護勿剪伐。貧森森埽庭蔕。淺淺
露鬕骨。致彌。清談自亭午。離坐到日沒。致彌雖非郊野居。且免土蓬勃。貧況有易釀。沾把瓊恣百割。致彌
箕踞獨樹根。狂哉酒榼机。致彌

萬柳堂同沈秀才蕙繩對酒作

亭徹沙逾擁。橋敲路轉迴。自從疎傳去。懶逐葛疆來。穉柳春重徙。新荷暑未開。故人留旅話。仍勸竹根杯。

畢上舍大生止酒經年冬夜枉過勸之復飲賦三十韻

畢生本酒徒。系沿銅陽卓。長筵慣分曹。專與大戶較。傾壺滿觥船。鬪力出捲握。選格拋牙骰。射覆探雀鷄。勇哉氣如虎。可奪力士稍。初愁鼓鑿鑿。俄至雞喔喔。一朝忽不飲。客勸輒驚遑。人或強之坐。竦身等山嶽。甘令浣衫袖。不復顧謠諑。自從斷酒來。月改十晦朔。問之何以然。其志在困學。僧寮止容膝。居若蝸負殼。一盃黃蠶酸。一燈青豆爆。當其夜分倦。欲睡乃翻覺。漆髻添初星。丹顏損舊渥。入秋試不利。泣抱楚和璞。羣飲徒擲揄。背而肆評駁。獨醒亦何苦。羌不如醉濁。北地釀法多。滄易通薊涿。茲非禁酒國。況弛官務權。胡然守枯槁。血脈久淫濯。生來恆鬱鬱。我見尤懔懔。是夕風最寒。冰簪挂斜桷。西市買山麋。東市買海鯁。此時浮一瓊。亦足忘蹇剝。生也聞我言。相視忽而曝。有如魚含鈎。又如鶴受銳。紅文螺曲房。黃支犀觥角。沛然決江河。豈能塞一璞。詰朝客來尋。仍向簪邊捉。

畢子飲二十杯而腹痛復飲止酒再以詩示之

我歌勸生飲。生醉我亦眠。繩牀一牖隔。聞若呻吟然。殘燈撥餘燄。夜半衣重寒。問之臥鼓側。欲語哽在咽。手摩腹與肚。抱痛青兩顙。歷鹿車轂轉。往來梭腸穿。良久始起坐。絮被遮寒肩。答云我祿薄。福過災則延。緘之苦不易。一夕敗終年。飲啄各分定。造物信有權。譬諸再嫁婦。羞澀塗脂鉛。譬諸黃面僧。破齋烹肥鮮。

旁人笑且侮。瑟縮難自前。麴蘖伐性斧。自此仍棄捐。主人忽大噓。物理生未研。八尺士皮肉。以腰分地天。藏府應音律。經絡貫源泉。江河漳潔流。夫豈可涸焉。古聖作醪醴。服之斯萬全。後來止酒徒。託辭匪真詮。奈何屏杯杓。委腹爲枯田。數升下喉嚨。反若湯沸煎。陷河湧越嶺。谷水淪由拳。此如囊裏漿。暴下乃得痊。及其潤既燥。百骸自安便。金平水靜順。豈復重崩巖。來朝生且住。剩有叉頭錢。再爲生解醒。清聖濁亦賢。不聞朔風號。雪虐層冰堅。地爐擁終日。與我常周旋。

送葉參議映榴督儲禁中

國家歲漕粟千里。連軸艫上給宮府用。下充軍國需。以之實天庾。寧曰此緩圖。先生富才術。文與東馬俱。道山臺筆入粉署。含香趨單東。采秦風。奉席盛羣儒。天子眷南顧。特借司轉輸。荆襄漢沔間。土沃田膏腴。歲或不登。天下皆饑吁。吾賢開濟策。足使民困蘇。暇日登南樓。俯瞰赤欄湖。武昌柳百萬。翠色兼蘅蕪。臨風興不淺。高詠無時無。歲晏一相送。欲別愁須臾。南魚北有鴈。冀慰心煩紆。

表弟查二嗣璞至都過古藤書屋留宿作詩二首依韻奉酬

鹽官人到逼殘年。贈我吳興十兩緜。肌粟頓消生暖後。鬢絲相視入愁邊。醉拚把盞循環飲。倦便安牀曲尺眠。玉桂國中來底事。開春同縛送窮船。

別時花藥發春壇。五載離居感百端。一泝武溪行棧道。兩浮炎海狎珠官。蠻中土俗諳王範。篋裏雲山奪

范寬。此夜劇談高燭換。北風頻送漏聲寒。

冬日陪徐副相元文姜著作作宸英游大房山出郊雨雪馬上作

蓬勃東華塵。窈窕西山容。二者各有宜。強之心不從。徐公脫朝簿。姜子淹旅蹤。期我大房游。捫葛攀長松。茲山我舊歷。不憚寒飈衝。車中三升榼。馬後九節筇。誰能先花時。蠟屐乘清冬。雨霰雖載塗。相顧多歡悰。雪色妙渲染。一峰殊一峰。明當踏霽日。遍覽金芙蓉。

止孤山普濟寺

曉辭盧溝河。暮踰韓姑砦。荒榛取綫路。亂塔湧香界。峰迴削峘岌。水澗失潞派。啞啞飢鳥集。簌簌病葉敗。返景寒易收。陰厓暝逾怪。俄而樵歌歇。近寺響僧喟。言投水晶域。棲止得所屆。山餅溫凍釀。冬窖出秋菜。坐久霜月高。起行猶未憊。逍遙青松陰。於心豈不快。

入上方山

山心夜不寐。凍雀喧前牕。香廚卯飯熟。傑閣晨鐘撞。柅車束櫪馬。各履輿丁雙。彎環柳捲椅。夾以棗木杠。舍村入坡陀。百折循峭峴。萬古此積石。山農絕耕耰。短松走長根。老樹撐空腔。徑盡緣仄磴。險過梯雲杠。置身縹緲間。若掉都盧幢。層軒坐僧榻。喘定心猶雙。

一斗泉

昔尋一斗泉。俯睨千花塔。壯歲不知疲。三日行兩市。重來筋力倦。十五換僧臘。已擠百骸困。猶幸半踵納。崖傾旋曲蝸。石扁鏤文蛤。雨暘迭晦明。龍虎互乖合。忽焉松門在。茅屋向斜搭。短綆汲澄泓。微風吹颯沓。精廬憺忘歸。惜未攜酒榼。向下招游朋。仰視笑不答。

兜率院

幽燕古奧室。兜率居中巖。花宮七十二。下上東西嵌。六時響魚鼓。四面圍筠杉。沙泉細流續。石壁遺經劄。欲探乳穴勝。改著短後衫。其中路竊糾。其外雲封緘。百千羊須珠。往往乖龍銜。所嗟腳力弱。畏此高嶺巖。山僧飯我腹。朴野言多僂。嗣歲期重過。同把黃獨錢。

望摘星陀

梯頭歷上方。崖內平佺佺。其西叢木杪。樵路乃荒迴。蜿蜒衆山伏。巔劣一峰挺。誰燒陰陽炭。鑄出火風鼎。旣絕鶴鶴樓。兼少麋鹿蹤。何年連鬼工。於此置屋並。遙想屨雲巔。六月亦清冷。況當密雪零。夙宵斷杯酪。天逼寒棧棧。星壓光炯炯。自非鐵頭陀。安敢居絕頂。鐵頭陀。金時高僧。居此山。

中院

天開寺中院。舊在沙河南。應公昔來棲。曾立水磴三。河流今已徙。亂石堆枯潭。孤碣當麥壠。頽基迷蘿龕。同游各下馬。考古性所耽。剽苔讀遺文。其體國俗參。紀年稱虎兒。草昧典未諳。采之入舊聞。亦足資客談。

攢筆抄午終。日隱西峰嵐。添我蒙茸裘。寒色齊回瞻。

東峪寺

孤山指憩題。馬力苦顛跋。藁夫云一舍。五十里始達。不知深山中。地志誰所括。亭午入東峪。僕飢主亦渴。寺門依白楊。風葉滿頭脫。牆西五墩古。階下一水活。竹爐拾墜巢。茗盃收棄盞。蕭然此時意。百累皆可割。修塗驗知景。揮手謝禪闍。回聽星星鐘。流響在林末。

西峪寺

層層金仙塔。宛宛白帶山。西峪在其下。梵刻扁重關。經始齊隋代。斷手金元間。千春閣不發。爲計誠陰姦。九經勒咸陽。響揚流人寰。乃知慈氏隘。未若儒者嫺。土花填石闕。鉛汁灌戶櫺。有時野火燎。豈得恃堅頑。我瞻雲居寺。磴險不可攀。翠微未及上。已足舒心顏。

甘池

涿水魚重脣。甘池魚一口。涓涓六七竇。羅注滿陂谷。淺漾苔衣斑。深含苻帶綠。清冷下浴鳥。遠近來飲犢。河北將軍祠。臙臙走巫祝。不知何名姓。遺像猶在屋。秋晴秔稻香。日至甞麥熟。匪因水泉利。何以具饘粥。東度白石橋。沙行背山麓。村醪解留人。風幔青半幅。

六聘山中弔晉處士霍原

昔有霍處士。居涿西山陽。弟子半千人。大小開鬻堂。六聘節愈堅。義不干侯王。無端豆田謠。乃受彭祖殃。紛紜永嘉末。鐵騎樓武鄉。伏尸出藏戶。繫之如驅羊。殺機本倚伏。善人安可戕。我來後千載。覽古心盡傷。祠墓久摧沒。末由酌椒漿。縹馬白楊樹。旋馬黃茅岡。

瓦井

瓦井社北東。中田卯塔七。叢叢蒺藜中。高下如卓筆。傍有石鐘幢。各志歲月日。比丘守司徒。榮祿大夫秩。當時崇國師。此輩盡驕佚。非惟混釋儒。兼亦亂名實。奈何茶毗後。公然肆刊述。粵漢兩燕王。改葬蹟遂失。樂毅及霍原。遺冢莫可悉。彼亡茲乃存。物理信難必。

欲尋孔水洞不果

晚投故砦宿。晨別羽士家。欲尋孔水洞。村路迷三叉。傳聞蹟最勝。自昔圖經誇。怒衝磬確石。晴響霹靂車。層層落暗穴。泚泚滄深窪。每當三春時。流出天桃花。仙鼠舞白日。文鱗漾銀沙。我思窮其源。惜哉無古槎。僕痛促歸數。未得探幽遐。立馬長店岡。心仍戀峰霞。

詠古二首

漢皇將將屈羣雄。心許淮陰國士風。不分後來輸絳灌。名高一十八元功。海內詞章有定稱。南來庾信北徐陵。誰知著作修文殿。物論翻歸祖孝徵。

寒夜集古藤書屋分賦得火箸

我昔誦茶經。其具得火筴。圓而無葱臺。修長過銅鉢。是物最未微。尋常付窳妾。偶爲桑苧詮。詎錄香山帖。自來京城居。七度脫林葉。窮陰朔風號。聚沙昧樓堞。南人氣柔脆。土炕意不愜。墮戶類蟄蟲。曲身苦踣摺。握火置甌爐。聊以慰胸脅。燕俗饒粟薪。市者病遠涉。虛傳紅螺產。罕致白炭窳。爆急燎竄須。煙騰淚棲睫。箸也誠要需。取用便指捻。制以偶勝奇。力惟同乃協。出入炎箴中。身手洵趨捷。有若赴敵場。擒馘恣所挾。峙立必雙筴。倒臥亦並接。須臾不相離。無以異鷓鴣。留之載都籃。配以紙黏筆。持喻同心人。歲寒入吟箴。

題喬侍讀小像

宛轉溪橋浴野鳧。城隅瀟灑得垂湖。少年背面休相笑。憔悴何曾似左徒。

食采玉山藥

窮冬旨蓄盡。客至我心麻。藥草打門門者磨。擔僕走汗背。查慎行周遭解村綯。磊落倒僮僂。越喬士諸。二尺強。愛惜煩點對。吳卜雄。冰須截柔膩。井灑洗鹿穢。朱昆田。未許餅盆臧。亟勒釜竊漑。查嗣璫。酸鹹百。無功水火兩不悖。藥草炎力通透。勃勃氣流潰。慎行中筵出佐酒。扶寸陶盤內。越喬紋皴蛇跗斷。語滑。兔褐退。卜雄軟嚼便牛飼。饑奴鬪鳥喙。昆田是物種實繁。厥產徧陽昧。嗣璫其葉不足憐。其花不可佩。尊孔林股而瘦。禹穴白而儂。慎行或如佛手擘。或如龍卵碎。越喬方經炎帝收。藥錄桐君載。卜雄詎若采。

玉本品格壓儔輩。昆田水芋山慈姑。味劣遠難配。嗣陳

宋僉事翠園亭雜詠六首

淥波村

照碧堂前水分流。穉榿村築場移碌碡。繫艇到籬門。

芟梁

背郭十畝園。滿陂種水栗。浴鳥游清冷。人語忽飛出。

釣家

芙蓉以爲裳。女蘿以爲帶。釣魚師得魚。沽酒夕陽外。

和松菴

微風起中林。調我松下琴。黯黯太古色。泠泠太古音。

放鴨亭

渚荇抽新碧。園桃吐小紅。莎亭長日坐。不引竹枝弓。

緯蕭草堂

草堂何所營。志蟹譜漁具。夜分汀火紅。點點出深樹。

曝書亭集卷第十四

古今詩十三

著雍執徐

次查上舍韻送楊侍郎雍建還里四首

吾愛吾鄉少司馬。乞歸躬養太夫人。聖朝孝治容將母。元老功成合引身。篋裏詩篇行處有。道傍歎息見來親。計程一舸鹽官水。到及陔蘭滿眼春。

夜舫朋筵書賭碁。昔游嶺表共栖遲。頻過韋幔傳經地。尙記潘輿置酒期。南北幾回分手路。升沉相對滿頭絲。今朝遇我歡心劇。不異蠻天捧檄時。

橫浦先生舊里居。爲園郭外儘堪娛。人家戶戶通舟楫。藥草村村盡畫圖。坐久春禽啼滿樹。朋來臘釀勸傾壺。更饒入饌江魚美。添買臨平半頃湖。

僂指東華九載過。罷官歸計尙蹉跎。最憐老友忽忽別。不惜衰顏夜夜醅。酒倒三鉸猶恨少。夢隨千里自今多。早春也擬輕帆下。更嬾金臺獨放歌。

任孝廉坤以家釀苦酒見貽賦詩志謝效孟東野體卽送其還高密三首

古今詩 十三

二四一

步兵游竹林。左徒吟江潭。思古憔悴人。舍酒何所耽。東海任公子。遺家醞一瓶。味苦炎上作。色黝封中涵。一酌我顏赭。再酌我身酣。三爵矧多又。醉枕南牕南。自晒同蓼蟲。食苦翻知甘。竹苦四味齊。蓮苦寸心撥。瓜苦斯有敦。草苦亦可捋。周原美董茶。越女采叢葛。以蒿漬冬醅。香味勝百末。自來頌酒人。豈爲甘旨奪。

於越百花露。味重杯慵銜。維揚五加皮。飲之漸作鹹。詎若膠西釀。可以解清饑。君今馬首東。讀書歸舊巖。暇看糟狀注。飲略手自芟。儻遺一尺書。方法試我緘。

送吏部侍郎張先生假旋京口六首

袞袞諸公歲九遷。先生何事賦歸田。不愁關吏饑如虎。一葉官河放溜船。便門東去柳依依。一路垂絲埽石磯。青眼年年長送客。幾人生擁八驕歸。汶濟分流照畫舫。中丞問俗向來經。山東父老應傳語。雙鬢依然舊日青。清淮泛濫濁河淤。鴈戶飄搖少定居。厝火積薪曾上策。至今太息雒陽書。真州柁轉卽金山。曉挂蒲帆十幅還。總是當年釣游地。詩牌細拂蘚衣斑。墓田丙舍鍾繇帖。京口谿山米芾居。十丈紅塵吹不到。江樓日日倚南徐。

偶成

三月東風何太狂。塵沙黯黯天茫茫。主人十日不出戶。空園花落無丁香。老年逢春須愛惜。悔不走馬看花忙。無事獨坐宣武坊。吾家茅屋長水旁。舍南有池舍北塘。荷花草紫油菜黃。鱸魚上鉤四寸強。矮貓筍肥錦襖脫。新蠶豆熟青莢長。客何爲不歸故鄉。好約比鄰沈十二。進蒿薇架底醉壺觴。

杭州水利不治者累百年矣。巡撫趙公考城河故道。悉濬治之。鄉人來述喜而作詩。凡二十四韻。武林古澤國。十八澗九溪。常年宋宮闕。溝水流東西。陳迹漸已湮。深谷皆成蹊。民居日湫隘。編竹兼芘蒺。猛火一燎原。悲燄百室迷。塗徹大小屋。繡井愁難躋。女丁配夫壬。相顧但愴悽。吏治狗目前。孰能防禍梯。中丞溢世才。利器刺水犀。下車命丞倅。故道資考稽。率錢具畚鍤。曾不煩鉏犁。經始底告成。歲序尙未睽。坐令闌閭間。無異蘇白隄。紅闌鴈齒列。赤石羊肝封。嘔啞小航船。蹀躞快馬蹄。停鞭市蓮藕。倚檻夾鳧鷖。柳陰穀犬鳴。露腳莎雞啼。祝融廻其馭。婦子方安栖。乃知濟時策。不在拯顛隄。公之治水術。豈獨過白圭。泉清原隰平。名與召伯齊。我家山峯城。閭巷多蒿藜。願公祛墨吏。如決濁水泥。上以答天子。下以寧羣黎。

送柯孝廉維楨之蕪湖

劉蕢下第原風漢。王粲依人復遠游。舊屐尙存尋赤鑄。殘書又抱去盧溝。春槽酒熟沙門店。夜柵檣平估客舟。儻得黃金休易散。歸時須築小丹丘。

紫藤花下醉歌同查上舍弟嗣琛賦

客舍紫藤長數尋。馱蔓年多半枯槁。往歲丰茸莖太密。花事去春翻草草。今年二月呼園丁。三百銅錢費除掃。雖然芟後花較遲。漸見含苞同蕨腦。檐牙朽株換棚格。井牀新汲傳耄耄。窸窣低垂香細細。游絲不動日杲杲。鈎籠忽驚暍雀去。仰面生憎土蠶抱。越州老酒吳船來。小榼偏提恣傾倒。頭銜久矣脫朝簿。那間鞞鼓昏昏早。惜哉筋力日已疲。惟有花前不知老。停杯還憶故鄉路。亂水穿沙入裴島。千章古木藤纏身。飄落緜英滿衫襖。明年期爾橫漲橋。上舍所居柔櫓嘔啞撥萍藻。綠陰共聽黃栗留。醉臥檣頭船更好。

爲錢給事晉錫題王給事原祁富春大嶺圖二首

記得山城水閣添。畫眉聲裏畫垂簾。還憑同省王郎筆。暖翠浮嵐五尺縑。富春江上雨溟溟。兩岸花開躑躅紅。髣髴舊游如畫裏。一帆曾轉釣壇東。

吳徵士還蒲東魏上舍還嘉善集古藤書屋話別聯句

握手古藤下。秋深旅愁積。歸來西溪傍。猶及種春麥。吳曼我亦袖輕鞭。明發辭紫陌。倦鳥不同飛。各自張旅翮。魏坤二子澹雅才。肯爲時俗役。英辭迭相應。如以桐叩石。陸嘉淑柳塘水濺濺。蒲坂山驛驛。改歲君到時。古藤花滿格。查慎行。大防一斗泉。釀酒冰雪白。酒熟君不來。落花良可惜。蘇尊

送楊侍御燾還東湖

一謫金門住五年。羨君容易早歸田。他時願結香山社。八口先浮潞水船。秋鳥豸來鄉味好。月波釀就禁

方傳桃枝況有仙人母。同注眞靈位業篇。

秋日萬柳堂同譚十一給事瑄沈秀才蕙纒龔主事翊麟同賦三首

亂水秋無路。篋輿入壞垣。粉銷剝壁字。落浸插籬門。蟲網捎衣桁。魚牀齧樹根。頻來曾不厭。觴詠舊游存。
撲棗過頭杖。裝緜短後衫。沙平攜小榼。徑遠罷長錢。古塔疎林出。遙峰夕照銜。蕩舟無不可。只少布爲帆。
積潦沉官柳。迴流限女牆。白鷗來款款。黃蝶舞佹佹。鄉曲情無改。行歌醉不妨。城南吹尺地。想見雲野堂。

馮檢討招諸同年集六枳園對菊卽席分賦得顏字

可怪南鄰馮檢討。酒錢肯爲謫官慳。盡除簾額虛牕白。亂插籬根細菊斑。新雨不來那在眼。故人相對且開顏。近年同脫趨朝籍。漏鼓頻催獨後還。

贈許容

今之官印古璽節。漢制斗檢封略同。周秦以來鑄私印。往往撥蠟銷金銅。會稽王冕易以石。細切花乳桃皮紅。青田山根凍玉斲。稷下里石舊穴空。羊求休嫩大松老。其餘麁惡不可礪。往時長洲文博士。刻石頗有松雪風。墨林天籟閣書畫。以別眞僞鈴始終。吾生好奇頗嗜此。俸礪犀象羅笥中。徐貞木亡鄭植天。尙有程邃留汪東。故人衰病遠莫致。縱饒玉石何人攻。如皋許容近過我。手出圖譜重錦蒙。古文離離雜鍾鼎。爾雅一一詮魚蟲。乃知六書得其故。大小繆篆能兼通。相斯史籀各具體。左蟠右屈何妍工。合肥尙書

蹶公最賞擊紛紛朝士傾詩筒。吁嗟萬里十年別。一官不達翻途窮。低眉強隨抱關吏。失足幾陷蛟人宮。
重來歎息舊游盡。酒錢燕市何由充。容今髮白我耳聾。瓜牛舍近地百弓。日長莫學打睡翁。相邀硬筆寫
微禍。夫豈不如薛尚功。

題畫送徐檢討軌還吳江二首

三高祠下水溟濛。紅蓼花香一笛風。驚起沙鷗定相笑。黑頭未稱作漁翁。
不貪臺閣送行詩。索我尊前折柳詞。合喚菱舟付菱女。更吹漁笛教漁兒。

屠維大荒落

二月自古藤書屋杉窩槐市斜街賦詩四首

穀觶車輕簸兩輪。殘書秃管雜勞薪。移居絕似村夫子。寫入圖中儘笑人。
莎衫桐帽海樓鞵。隨分琴書占小齋。老去逢春心倍惜。爲貪花市住斜街。
阿鏐秋去又春殘。遠信封題萬里難。不道衰翁無倚著。藤花又讓別人看。
屠門菜市費贏驂。地僻長稀過客譚。一事新來差勝舊。昊天寺近井泉甘。

上已集南城祝氏園聯句

六年人海中。禊飲恆不果。尚書忽相期。折簡起踈惰。尊並轡城南隅。地僻少塵堞。入門愛團瓢。登閣見

駭。望。崑。山。徐。乾。學。原。一。山。橫。雉。堞。上。水。洩。龍。湫。左。隄。柳。金。乍。含。闌。藥。紅。未。妥。崑。山。徐。元。文。公。黼。雖。乏。三。徑。
幽。恣。攜。十。榼。可。北。酒。雜。薊。滄。南。烹。屏。蒜。蔬。犖。犖。日。遲。宜。賭。弈。場。闌。縱。飛。箚。吟。或。叉。手。吟。坐。便。錯。脚。坐。乾。學。
初。筵。已。脫。略。帶。緩。頭。不。裹。既。醉。席。屢。移。三。影。照。碧。沱。元。文。夕。睡。苦。催。人。馬。鳴。車。炙。輶。莫。愁。風。揚。沙。定。有。雨。
潑。火。犖。犖。

奉題徐副相祝園修禊卷三首

右軍但草蘭亭序。不及羣賢被禊詩。輸與先生鼠須筆。春風一一寫烏絲。
一時裙屐最風流。擘紙花前點筆收。我若當年參末坐。便應罰酒似羊劉。
滴珠方勝杵頭新。瘦本看來妙入神。真跡祇愁容易賺。莫將缸面酒留人。

社日登黑窰廠聯句

隗臺久蕪沒。薊丘不可梯。濟南王士禛。賒上雖有千里目。將何共攀躋。徐乾學。原一佳辰趁新社。膏雨融。
凍畦。犖犖早抽紅藥苗。漸見碧草萋。宸英層坡簇五騎。兩壺提一筓。澤州陳廷敬。子端陟彼積土岡。同。
駐削玉蹄。士禛安房隱曲几。藉地分疎莢。乾學泉樽酌用匏。飯黍先以雞。犖犖既漚甘蔗漿。復堆苦蕒齏。
宸英微酣恣坦步。遐覽窮端倪。延敬南有松柏林。其北桃李蹊。士禛亭午風華香。疑是麝脫臍。乾學居人。
半陶旂。門竇皆衡圭。犖犖濃薰樹杪煙。濁漉水中泥。宸英童娃亦娟勞。而目成黠鰲。延敬何時得額濯。勝。

眼刮神篋。士祿不見九陌塵。奔車日冥迷。乾學吾儕處其中。形殊境則齊。彝尊相期泛裂帛。瑩拂湖上隄。
宸英子爲逸少序。我續興公題。廷敬

題畫二首

宣和舊譜識徐熙。猶記都官畫裏詩。三月江南看不足。宛陵句也湖塘花鴨影參差。
數株枯柳倚苔磯。話別沙頭客未歸。多事錢唐戴文進。釣師渲染著紅衣。

朴公書來招游盤山却寄

三盤勝地稱絕。衆嶺何峰最尊。別後時勞夢寐。書來輿轉飛翻。青松十里巖磴。紅杏千株寺門。好雇犢車。
一兩軟塵碾到山根。

題興主事翔麟西湖雨汎圖二首

茶檣酒幔靜無鄰。鏡面平波碾溼銀。回憶少年歌舞誤。烏篷不作獨吟人。
蓴絲菱葉浸魚天。十里湖山思悄然。疎雨夜眠聽亦好。莫因月黑使回船。

徐尙書載酒虎坊南園聯句

夜市燈燐熒。晨衙鼓紉紉。試瞻十二衢。何人事游覽。姜宸英。吾黨脫朝簿。甘與世味淡。初疑諫果食。漸似。
都蔗噉。彝尊。駕言適丘園。塵虛益澹激。取徑衣乍寒。入門首先鎖。陳廷敬。循廊無坦步。引緼得危攬。高下。

屋四隅。其中乃習坎。徐乾學穿池注嶽嵌。構草常蘊莖。非無鶴在沙。亦有魚聚糝。宸英移情欣鳥音。側足避花苔。層樓牕面面。遠目水黥黥。華尊際此日載揚。可以釋愁豔。矧饒凍春醪。因之灑詩膽。廷敬滿酌金屈卮。並坐綠頭毳。行廚少新烹。糲飯有遺糝。乾學司寇珍庖盈。尙慮客顧頷。說禮何鏗鏗。升車必抱槧。宸英上司冢宰論春秋。凡例屏趙啖。觀其豎一義。堅銳不可撼。華尊上冢宰太史述舊聞。意欲闡幽闇。羣書擁戶棟。散紙滿箱篋。廷敬答太史姜生老不遇。其氣頗虓闕。譬之珠在淵。光彩詎能掄。乾學答著趨陪固所願。賞譽夫豈敢。將毋饜燔魚。嚼及菖蒲歎。宸英論議或異同。片言恥阿媮。共此千秋心。方寸默相感。華尊坐久歸反慵。臨分祛再擊。起視天壇煙。如雲出封礎。廷敬堂坳雖一杯。五月有菡萏。相期避暑游。復此安窻窻。乾學

題倪高士畫

房山潑墨太模糊。那似倪迂意匠殊。一片湖光幾株樹。分明秋色小長蘆。

苦熱聯句

苦熱今年甚。幽州亦蘊蒸。朱茂嗚久無甘雨降。惟見火雲升。姜宸英際夜焦煙合。經天杲日恆。張遠高林枯白帶。淺泚露丹稜。王原最怕衝灰洞。何須堰戾陵。徐善河流金口膩。山翠畫眉層。華尊黑蜨潛難見。商羊舞莫憑。萬斯同新畬荒稷黍。遺種慮螽蟘。朱儼雲隊分行綴。祠官典故徵。譚瑄力難驅旱魃。咒乃試番

貧。慎行童女雙丫髻。旂竿五色綰。李澄中新妝朱箔卷。雜戲綠衣能。魏坤虹霓羣情望。塵埃萬目瞪。黃
虞稷疾雷無影響。長轂但輜輳。釋淨靈銷夏愁無策。聯吟喜得朋。雙翔麟盡諳微徑入。不待小僮嚶。湯右
曾席帽人人脫。亭欄處處凭。鄭觀衰劇談多野趣。奇禮必深懲。錢光燮旅跡頻年共。鄉心觸緒增。宸英小
舵思劃漿。精舍憶擔簦。茂凋白剝烏頭尖。青牽紫角菱。原夕風嘶麥。蟄橫港沒魚鷹。右曾竹樹濃於畫。芭
籬密似罨。千家花滿屋。六月稻交騰。華尊自失江村樂。翻憐毒暑仍。善黃沙隨扇集。白汗比漿凝。適易漬
牀牀。篔簹空支院院棚。擔稀珠市果。價倍玉河冰。慎行槁落含香蕊。擘拳梟格藤。斯同暗窺蛛網縮。乾坼燕
泥崩。翔麟戶撒垂簾額。餅添汲井繩。嚴備尋溫水浴。只想冷硯登。瑄三葛衣猶重。雙絲履不勝。撥書嫌走
蠹。懸拂倦驅蠅。坤祗覺娑拖使。誰甘樵穢稱。觀衰到門防客刺。無地曲吾肱。華尊頭買泉澆圃。同貪草藉
芳。宸英酒擠何朔飲。茶愛武夷秤。澄中返照斜初斂。微涼暮可乘。原分曹爭射覆。四座百觚騰。慎行

曹贊善鑑倫移居二首

家具先生有幾車。朝來移傍古城窪。澄泥小硯題詩處。開遍莪葵一丈花。
後園虛閣壓城濠。濺瀑跳波插口牢。正欲凭闌看洗象。玉河新水一時高。

櫻鞦聯句

五兩來江市。千毛結海櫻。華尊澤蒲材較賤。楚筍製徒工。魏坤健許踏層碧。疎難入軟紅。坤老夫還稱此。

桐帽伴山中，繫尊

藤杭

翦就蠻藤細，方花織淺深。坤香兼沉水木，涼勝辟寒金。繫尊只合青奴配，何曾白汗侵。坤一函容茉莉，短髮不須簪。繫尊

竹簟

六尺蘄春簟，繩牀臥最便。繫尊紋同麴塵水，滑比研光箋。坤攤飯宜三伏，看棋判一年。繫尊物微休棄置，歸載潞沙船。坤

風燈

暑愛當風坐，移燈趁晚涼。坤紗綳扶寸闊，燭滅一分長。繫尊紫鳳垂垂結，飛蛾面面障。坤更宜單舸去，留照露荷香。繫尊

響竹

巧劃千絲竹，仍留一尺筒。繫尊勁梢櫻拂畔，密罟笳廚中。坤搖翅潛形速，先聲逐隊空。繫尊莫因餘點墨，觸損畫屏風。坤

冷布

古今詩 十三

二五一

秋月瀉池罷。炎風入市初。坤暗牕塵繭換。方格畫屏餘。彝尊賤豈妍娥織。涼宜倦客居。坤應逢麻紙笑。三
葛更鹿疎。彝尊

油紙扇

本自錢唐製。猶存蜀府名。彝尊雖殊白羽潔。却比素紈輕。坤蓬勃塵難污。清涼風易生。彝尊翻嗤王內史。
題字費真行。坤

瓦歎壺

舊製惟煎錫。新來器上陶。坤最愁芳草歇。頻課短僮操。彝尊病葉分疎雨。珍珠迸小槽。坤連筒雖自苦。不
比漢陰勞。彝尊

涼篷

平鋪一面席。高出四邊牆。查慎行雨似撐船聽。風疑露頂涼。坤片陰停卓午。仄景入斜陽。彝尊忽憶臨溪
宅。松毛透屋香。慎行

竹簾

吳船初解縛。燕市喜重緝。彝尊一綫條條直。雙釘戶戶懸。慎行鈎時教燕去。疎處恐蠅穿。坤布幔旋催換。
秋風又一年。彝尊

送蘇郡伯守杭州

新涼纔報上林秋。五馬雙旌發薊丘。方鎮表存唐國史。郡伯尊人鎮撫闕中。左符秩等漢諸侯。江湖水氣城陰合。吳越山光戟外收。自是前身蘇玉局。黃州領郡又杭州。

送張世濟之官楚中

酌春堂上勸觥船。僂指分攜又八年。偶寄一官江漢去。風流少府勝藍田。

宋中丞攀鎮撫江西詩以寄之

誰華秋色濟陽行。送別燕郊空復情。十月乍遷吳子苑。六幢今指豫章城。樽移南浦仙舟近。幔卷西堂幕府清。宰相史家書世系。代興誰得似先生。

再簡朴公

謝家木屐無完齒。陶令籃輿怕朔風。黃葉滿山來未得。幽尋也待杏花紅。

送胡參議分守河東四首

周北張南夾巷居。傳鈔互借一瓶書。使君好事誰能及。馬後巾箱載滿車。朔風千里動幽燕。欲醉壚頭費酒錢。君到襄陵官醞熟。可能遣我蒲萄煎。天際河流戟外黃。桃花春水漲魚梁。銜杯不改陵州樂。鱸取銀鱗尺半長。

歷井捫參儼畫圖。到來官閣一塵無。十年漢上題襟客。不數詩人鄭鷓鴣。時鄭上舍培偕行。

和韻送金檢討德嘉還黃州

謫居人海我未還。君亦捐佩蛾眉班。忽攜紅藤杖七尺。歸臥黃篾樓三間。鰻肥筍香酒戶大。月明風熟漁舟閒。有時橫江逐孤鶴。一聲長笛開心顏。

同諸君聖安寺餞曹檢討宜溥

載酒入古寺。柳林東湖頭。將以送遠人。豈惟恣讌遊。精廬金源舊。香乳塗白牛。二帝一宸妃。遺像堂中留。更聞王萬石。辭榮返故丘。傾城出祖餞。於此聚行輜。古來離別地。草木常先秋。火雷焚怪柏。霜葉鳴老楸。雖乏斷碣存。陳迹尙可求。曹子酒大戶。十榼飲不休。一朝忽言去。無以申綢繆。列席庭槐陰。日午風修修。窪匏截竹節。主客互勸酬。未知臨岐語。遠合古人不。坐久林鷄集。斜照忽已流。並馬歸道南。明發期登舟。一帆挂楚澤。百尺臥竹樓。川涂日以邈。何以寫我愁。夢爲黃衣蝶。飛繞崢嶸洲。

晚過崇效寺同李檢討澄中李中允鑑龐舍人璽曹檢討宜溥賦

繚垣途轉曲。入寺淖初乾。尙有殘僧在。同尋斷碣看。白花秋細細。紅棗晚攢攢。更上荒臺望。遙山五髻盤。

白馬寺

仁壽千年寺。今存半畝宮。苔鐘橫道北。瓦塔限牆東。客至愁嗥犬。僧寒似蟄蟲。夕陽留未去。雙樹鳥呼風。

輓錢進士廷銓

曲江讌後放歸艫。豈謂才人祿命妨。差勝孤魂追及第。最憐無子奉高堂。門前載麴車難得。夢裏生池草未荒。不待山陽聞笛罷。西風老淚寄千行。

寓君天寧僧舍同魏坤作四首

青豆房容借經句。且閉關。日邊連右輔。樹杪豁西山。六井泉相似。千花塔易攀。不應朝市客。翻羨旅人閑。
萬古光林寺。相傳拓跋宮。著書非柱下。留客卽淹中。味坵園蔬甲。香攜市酒筒。波濤人海闊。安坐作漁翁。
到此栖遲慣。都無應接勞。借書僮入市。莖薦馬騰槽。塔射層層火。松鳴夜夜濤。惟嫌重九會。風雨罷登高。
故人分月米。言自玉山來。黃雀兼鄉味。金瀾勸客杯。徐尙書所遺也。醉便尋茗盃。行卽透香臺。要踏西峰雪。狂歌未擬回。

爲魏上舍坤題水村圖二首

鷗波亭子趙王孫。曾爲錢郎畫水村。過眼雲煙難再覩。披圖髣髴筆蹤存。
斜插魚標颺酒旗。柳陰小犬吠籬籬。歸田最是分湖好。我亦相期作釣師。

九月八日天寧寺觀塔燈聯句

秋風鳴枯槐。斜日薄西崦。徐善並馬入寺門。客衣罨稀蘇。朱茂囑于焉展嘉觀。一笑輟鉛槧。高佑紀巡廊。

禮紺塔。卓立大且儼。彝尊陳丹和暗粉。古色剝渲染。魏坤蹟仍開皇舊。兩并舍利埵。查慎行一十三重檐。檐櫺風鏗颯。善蟠楹蛟躩。踞負礎鬼瘠。貶茂囀飛梯截階級。白石奪琬琰。佑鉅鎔金范爲燈。設砌架成。彝尊壘壘仄蜂房。歷歷覆蟹曆。坤怖鴿棲未安。一夫突走險。慎行綆缶牽膏油。豆火發星燄。善初如螢尾。炫忽若獸目。睽茂囀或如爐炊炭。或如竈炊栝。佑鉅須臾環扶闌。散作四百點。彝尊虛堂鑿纖毫。老樹失掩冉。坤氛煙看直上。樓閣時一閃。慎行置身圓鏡中。交光不可掩。善鼓鐘聲遠聞。來者紛襍。茂囀提攜及童嬰。羅拜雜寺闍。佑鉅營營各有挾。邀福毋乃諂。彝尊禮義苟不愆。寸心又何慊。坤玩物隨所遭。誰能束崖檢。慎行宵分梵放歇。漏轉人散漸。善茗怨坐屢遷。松關啓還居。茂囀衰年疲倚徙。禪榻擁衾篔。佑鉅弦月隨側輪。溼雲俄淪淪。彝尊驟驚山雨來。昏夢豁嚙。坤晨興囑林端。餘爍尙未斂。慎行

九日雨阻天寧寺聯句

仁王塔。祇樹林。客九日期登臨。彝尊風蕭蕭。雨淫淫。泥滑滑。愁人心。慎行馬毛縮。魚漉深。行踟躕。坐沉吟。坤日月逝。衰遲侵。去者昔。來者今。善別苦易。思難任。尊有酒。且酌斟。佑鉅脫我帽。披我襟。折黃花。試共簪。茂囀

同錢光夔王原嚴虞惇魏坤查慎行吳卜雄過白雲觀分韻二首

愛見晴山出。郊西萬木疎。偶尋樵子徑。因訪羽人居。活脫存遺像。蒼涼感廢墟。惟餘綵旛字。髣髴鶴頭書。

世祖興元日。真人獨召丘。片言能止殺。萬里不虛游。羽蛻長春觀。池枯太液流。誰裁釋老傳。乃與帝師儔。
送高佑鉅之安邑和魏坤韻

驪駒九日郭門催。問子西征幾月來。最好河東苦桑落。懷人一倍引深杯。

夜宿天寧寺大風和徐四處士善韻

檻外開皇塔。三千六百鈴。天風吹不定。一夜枕函聽。砌咽寒蟲語。牕搖獨樹形。故人眠未穩。吟傍佛燈青。
曉起風未止復賦

已湧高城日。猶號昨夜風。六年凋佛樹。乙字數邊鴻。催粥桐魚響。薰衣桂火籠。薄寒須摒擋。仍作鹿皮翁。
送樊明府咸修之嘉興

仙島南發指江關。到及梅花點地斑。倚郭千家齊傍水。登樓百里更無山。郊垌近日園亭少。旱潦頻年稼穡艱。憑仗賢侯妙爲政。不難風景舊時還。

蘆塘放鴨圖爲查大弟慎行題二首

橫漲橋東宿雨殘。盡驅鴨鴨出紅闌。蘆花兩岸冷如雪。十里秋容倚槳看。
鴨頭老綠鴨腳黃。十五五沿斜塘。不勞蜀郡滕昌祐。勾染一枝紅拒霜。

冬夜同諸子集杜尙書齋中分韻得波字

司空愛客埽東第。十里杜曲齊來過。揚眉且作吳下語。楚尾笑卷樽中波。吾老謫官久當去。人生良會安能多。街頭瑟瑟漏鼓急。不醉奈此明燈何。

給事弟雲宅席上觀倒刺四首

雪後風燈燄燄寒。雲韶舊部走伶官。一雙手技從容入。勝舞銀貂小契丹。
洞庭橘酒注雙餅。老去繁絃不厭聽。爲語參軍休打鶴。衝筵喚出李青青。
杯槃暢舞踏紅綃。高下冰盞燭一條。不是羊家張靜婉。如何貼地轉纖腰。
琵琶鐵撥自西涼。十四箏絃三足牀。街鼓瑟瑟催不去。更翻一曲玉娥郎。

曝書亭集卷第十五

古今詩十四

上章敦牂

同郭三微滿井訪崙公卽事二首

郊行方澤外。路轉古城窪。小雨乍潑火。輕風無聚沙。青蓮過橋寺。紅杏隔牆花。一笑遠公在。催停敝艤車。
故人方外侶。謂周處士質也。往往說支纖。帝里衝風雪。僧廚共米鹽。招魂迷去路。挂壁有殘縑。不待山陽笛。同游淚各霑。

送史館姜君宸英赴包山書局二首

白蠟明經亦可憐。強吟詩卷放歸船。告身許領郎官軸。不藉題名鴈塔前。
莫蝨峰下著書臺。十道圖經一室開。破臘梅花遮清夢。勝騎官馬踏霜埃。

送徐處士善南還

玉河新柳已堪攀。二月交亭送客還。十度洞庭游未足。今番真住石公山。

送禹鴻臚之洞庭

古今詩 十四

二五九

謫官擬就洞庭居。此意沉吟六載餘。君去西峰先相宅。小樓容架滿船書。

送劉進士凡知孟縣

百里雷封古孟州。銅章出宰最風流。一灣清濟通王屋。千樹穠花繞縣樓。別後酒鎗攜伴去。到來詩卷許吾酬。三年報最尋常事。腰折眉摧不用愁。

送人宰順德

銅章再綰出都亭。天末郎官映一星。南海潮連沙嶼白。西樵山壓縣樓青。題詩定遍簔笻竹。判牘憑移孔翠屏。此地不難先奏最。因風爲報遠人聽。

贈張叟弘

笏籜爲冠大布裙。愛從金石拓遺文。吾生癖似劉原父。當代楊南仲是君。

裂帛湖

裂帛湖流兩岸平。柳陰風煖燕飛輕。年光冷笑長安客。開遍山桃不出城。

查上舍慎行弟將南還過寓舍話別同魏二坤小飲賦六言

江郎南浦欲別。小謝西陵未來。謂嗣稟弟也。細草巴溝乍綠。堅冰潞水寧開。骰翻李邵新格。酒瀉烏巾舊醅。款語且留十日。看花同上豐臺。

積雨寄賀秀才

堂坳階而蔭青莎。鳩婦呼來又出窠。說與江南賀梅子。今年暑雨者邊多。

倪博士我端讀書城西雨中寄之二首

黑龍潭口水雲腥。黃紙無勞畫丙丁。料得林扉昏掩處。高荷大芋枕邊聽。
雨氣西山黯未開。更聞小暑一聲雷。不煩走馬衝泥苦。便可乘船入市回。

牽牛花十二韻

小草無心蔓。疎籬到處延。涼分銀漢水。曉映碧羅天。絆地三秋早。含苞七夕先。風吹長裊裊。露洗更娟娟。
冷翠蕉林外。新黃豆葉邊。日高翻自斂。夜久愈生妍。月影銷衣後。蟲聲攪夢前。捐溝香驛路。墮雨滴簷船。
螢火黏常濕。蛛絲密易緣。子多拋藥臼。根不費花錢。舊入桐君錄。宜參織女鈿。憑誰描竹尾。幽思轉翛然。

同李中允澄中錢中允金甫李諭德鑑重過萬柳堂有懷相國馮公二首

岸柳經秋臥。簷花過雨摧。應門人已換。並馬客重來。板屋分熊檻。莎亭擾雉媒。昔年觴詠日。不記暮笳催。
樹改平泉譜。堂仍右相名。路迴逢石坐。心怯過橋行。稚子喧碁局。園官却酒鎗。惟餘沙面水。猶似冶源清。

題汪祭酒霽詩卷三首

金馬紛紛著作家。縑塵日日走簾車。誰如國子先生暇。吟到棠梨日影斜。

西陵十子流派別。南宋諸公體製殊。絕似章郎浣花集。奇章麗則近來無。

庭闈眷戀賦歸難。酒伴相逢強自寬。只合宅西添小閣。秋山且當故園看。

祭酒詩卷中有記得年時重九日全家登閣看秋山之句。

秋日集馮檢討齋分韻得南字

畢卓能轟飲。康駢愛劇譚。長筵遮硯北。小徑闢花南。榼釀三升酒。齋香二寸柑。餘酣留未去。采菊入茶籃。

題周編修金然雲松雪瀑圖

編修與予有結鄰洞庭山之約。

越縑八尺誰所畫。雪瀑亂灑長松梢。中有科頭人。獨坐盤石坳。注目一疋練。百泉一勺虬。斯人豈宜在巖壑。或者避俗憎喧譁。我生山水性夙嗜。十年誤把田園拋。移家欲果洞庭約。擬先縛屋三重茅。毛公壇高踏月上。靈威洞古探書鈔。楊梅滿村鶴頂賤。橘柚落樹筠籠包。茲山從無蛇虎雉。但有魚蟹鰕登庖。雨前茶牙舌比雀。籬下竹筍頭如貓。閒房恣意任選擇。樂土不用分肥磽。先生方充記言史。朵殿直入穿雲旂。日歸正恐歸未得。磨錢枉費占羲爻。耕田定須沮溺耦。開徑可少求羊交。終當乞取鑑湖曲。庶免怨鶴驚猿嘲。

皇仁綏遠詩八首并序

臣聞柔遠人則四方歸。有常德而六師整。舞兩階之干羽。至誠感神。受百祿於其球。敷奏其勇。周官分職。合方訓方懷方。王會開圖。比服要服。荒服。唐著歸忠之傳。漢歌樂德之詩。矧夫百王之所未臣。重譯於焉。

來附于疆于理無貳無虞宜有頌聲用揚盛美欽惟我皇上軼堯包舜揚武觀文陟禹迹而方行合軒符而在握泰階協正被四表以光華上治咸和躋八紘於仁壽建中立極無外恢圖天地之大德曰生靡一物不懷帝德神人之所助者順允率土莫非王臣畫謀造化之先制勝霄旻之上乃喀爾喀雖修職貢反側靡常與厄魯特妄構兵端阨窮已甚皇上洪恩溥博克全仁濡義育之中睿慮周詳不遺曲成範圍之內謂外藩之豫附必親定其機宜總七萃於黃岡勒五營於紫微礪水湖河以北照耀戈鋌空同祝栗之間扶攜老幼百重陞戟瞻帳殿而傾心千列周廡覲天顏而稽首宸衷用豫聖度誠弘載揚正正之旗徐布堂堂之陣有爵有階有秩推亡固存賜衣賜讌賜金式歌且舞申以河山之誓親同禁衛之軍而又躬莅營門特宣誥誡用賞用罰是訓是行永爲不侵不叛之臣無異實畝實籍之地於是揚葭啓路總駟回鑾百千萬人皆感恩而泣下四十九部益慕義而歡騰蒼龍搖旆旆之旂朱鷺疊淵淵之鼓歲旱而雨師灑道日長而風伯清塵曜乾文闡坤珍調玉燭輝金鏡既膺寶籙宜薦鴻稱惟至德之彌謙而覃厚者多益萬年有道千古未聞臣幸際昌辰式觀釀化自慚尠陋仰沐崇深恭賦短章奉揚駿烈

紫禁開魚鑰青郊建羽旄受降資廟略載筆忝詞曹塞拓漁陽遠山盤虎北高羣臣歸燕息轉念聖躬勞
鴈路緣沙磧魚雲接幔城鳴鑿七校從吹笛六軍行俗本通鞮譯人今息戰爭紛紛攜老穉遙望屬車迎
納款陳千帳班朝式九圍不圖瞻日角轉自懾天威重馬馱金囊茸裘換錦衣早知恩沓渥慕義久先歸

錫宴原殊禮。官庖出尙方。自來鹽穀少。初得旨甘嘗。位近周青馬。詩呈漢白狼。遠人何以報。齊奉萬年觴。羽衛三千士。龍媒十二閑。載旌平似水。布陣屹如山。膽已寒蕃部。權仍啓聖顏。始知師以律。悔恃七旗孱。繼絕弘新典。疏榮表外藩。河山申信誓。謨訓有恩言。入視金吾仗。來隨白虎旛。自今同尉候。不敢更懷諉。鳳蓋將旋日。重攜所部來。感深翻泣涕。送遠愈徘徊。星野瞻箕足。雲旂戴斗魁。神功一萬禩。駐蹕起層臺。左闕千門曉。南風五月薰。崇牙鏡吹曲。仙仗羽林軍。行健同天德。鳴謙集帝勳。小臣逢盛際。獻頌愧無文。

爲魏上舍題水村第二圖二首

江鄉最好是分湖。紫蟹紅蝦雪色鱸。眯眼塵沙歸未得。倩人重寫水村圖。綠蘋不礙板橋樁。紅葉空堆老樹腔。異日相過任風雨。抽帆直到讀書牕。

燕京郊西雜詠同諸君分賦

十八盤

香山十八盤。盤盤種松柏。惟見獨行僧。稀逢采樵客。

高粱河

高粱寒食時。昔年盛游冶。隔水百重花。長堤兩走馬。

釣臺

鯨魚千百頭。湖水二三尺。有時溪雲生。不見釣臺石。

君子城

吾笑石季龍。爾何知好士。羅致山城中。哀哉數君子。

芙蓉殿

雕宮委礪礫。暗粉剝莓苔。想見明昌日。芙蓉殿脚開。

黃牛岡

亂石侵花常。奔沙擁樹根。黃牛岡上月。橫笛過前村。

香水院

壞磴接雲根。流泉來樹底。宛轉入僧廚。淙淙鳴不已。

夾山寺

禪枝啼谷鳥。忍草護松關。偶入樵人徑。桃花又一山。

壺山

石壺久已徙。青山仍舊名。去都無一舍。已覺旅塵清。

重光協洽

送吳御史震方還里二首

去年兮上書。拜手兮青蒲。今春兮未暮。乘白駒兮下通路。酌酒兮臨風。攬子祛兮城東。申之兮款曲。客無爲兮忽忽。泛插河兮千里。不如子之車兮。莫或敢柅。望江關兮兩旗。不如子之馬兮。莫或敢維。囊無一物兮。旋故土。將津吏兮無怒。

瞻衡宇兮欣欣。數鄉樹兮歷歷。慰慈母兮倚閭。御輕軒兮布席。妾婦蠶兮臂筐。童呼牛兮腰笛。麥秋兮梅暑。煙舟兮雨屐。罷遠遊兮屈平。師近遊兮東皙。逝將歸兮由拳。樂與子兮晨夕。

雨中酬王先生士禎早春見過韻

架插圖書卽是家。忍令丘壑廢京華。故人積雨能來否。堂下羅生十樣花。

附正月上旬過朱竹垞太史齋中諸花盛開賦絕句

濟南王士禎

馬塍曾說野人家。每先去聲東皇管物華。今歲長安霜雪少。試燈風裏見唐花。

團谿歌寄題黃贊善與堅書屋

團谿水繞舍北流。團谿花發牆東稠。先生歸去著書便。日坐團谿溪上樓。

九日萬柳堂同譚十一表兄瓊作三首

百尺金臺近可攀。城西積翠冷孱顏。自緣筋力新來倦。九日聊尋一簣山。

鷓鴣撲鹿起晴沙。路轉平岡日已斜。較是今年籬菊晚。秋深猶膩水蒨花。
改席疏林脫帽多。半酣猶望麴車過。休嘲酒戶年來減。勸客還能卷白波。

秋水十韻

郭外湖新漲。天邊暑乍歸。牽簷移荻岸。繫纜到柴扉。橋影中流小。人煙極浦稀。家家采菱角。處處落蓮衣。
渡口迷村店。潮痕驗釣磯。魚標林際短。蟹火夜深微。柳近浮萍埽。楓兼斷葦飛。避憎鴻鴈下。侵壟稻粱肥。
夢穩扁舟在。鄉遙舊雨非。殷勤報鷗鳥。伴我共忘機。

送蔡中允假還省親

記聽句臚已十年。詞頭草罷壁宮箋。不知才子循陔後。鎖院何人下水船。

寄題張學士英前輩賜金園二首

金海橋西小苑灣。偶辭賜第放船還。仙居絕勝閭丘遠。割取龍眠一半山。
越溪漁客東歸後。千載無人乞鑑湖。輸與先生賜金換。君恩歲歲答魚租。

毛封公壽詩集唐人句十韻

自知清淨好。名利本來疎。嗜酒晉山簡。通經漢仲舒。高齋徵學問。教子但詩書。庭養沖天鶴。香消蠹字魚。
寧知武陵趣。還傍釣臺居。散帙至棲鳥。鳴榔聞夜漁。古苔生迳地。時菊覆清渠。洞有仙人籙。門停長者車。

桐江秋信早。勾漏藥成初。自有延年術。何人更得如。

寄題新城王上舍啓深園居十二首

綠蘿書屋

女蘿青裊裊。壓君一丈牆。有時風卷幔。瑣碎涼月光。留照牀上書。籤帙生微黃。

嘯臺

山月出漸高。山泉鳴不已。登臺一舒嘯。四面林風起。公子鸞鶴羣。形神兩無累。

春草池

春水既已綠。春柳亦已青。此時池上草。日暖飛蜻蜓。游絲墮復起。牆外花冥冥。

石丈

種橘號作奴。種花呼作后。山礬以爲兄。海棠以爲友。羅置石丈前。丈應開笑口。

大椿軒

大椿本無樹。取以名其軒。不隨殘草彫。長愛藻景暄。因思漆園叟。十九皆寓言。

小華子岡

小水波淪漣。小山石偃仄。月明攜客上。竹樹風不息。比似輞川圖。但著淺絳色。

石帆亭

我昔鏡湖曲。曾對石帆山。婀娜層雲外。迢迢不可攀。何如一片影。移置戶庭間。

三峯

一峯竦中央。兩峯旁夾侍。共此一簣山。各具千仞勢。要知主人心。方蓬有遐寄。

雙松書塢

我願身爲鶴。巢君庭際松。清風吹我衣。明月照我容。與君歲寒約。寤語蘇春冬。

樵唱軒

樵風遠更聞。樵唱行無次。郭東郭西樵。審音非一致。寫入丘中琴。泠泠有餘思。

小善卷

洞戶雖言小。翻勝陽羨里。初無鹽米堆。惟有木石几。不知經幾年。石髓滴爲水。

半偈閣

小梯上橫閣。勝境同精廬。宴坐維摩椅。織塵都埽除。觀心默無語。想見天地初。

題沈上舍洞庭移居圖六首

沈郎歸興及秋風。擬學煙波笠澤翁。不戀湖莊收紫茜。愛他千樹洞庭紅。

銷夏灣頭五月涼。堂成面面納湖光。楊梅綫紫枇杷白。買斷閒園自在嘗。
才微歲晚畏譏彈。井社年來欲住難。只合全家太湖去。免教小吏侮鄉官。
洞府曾傳第九天。況聞菴裏足良田。煩君竢我鮎魚口。並載吳江赤馬船。
濕銀三萬六千頃。兩點青螺髻子濃。生怕東山鷺鳴鬧。輕帆徑度莫釐峰。
橘田薑棧散租符。西舍東鄰與不孤。他日相逢王潑墨。也攀生絹索橫圖。

曝書亭集卷第十六

古今詩十五

玄默涪灘

出都王山人畫山水送別

王郎五載一相逢。寫出雲巒別思重。髣髴攝山風月夜。秋牕同聽六朝松。

白草屯

白草屯空似戰場。昏鴉點點入斜陽。舟依茅屋三間泊。風動棗花四月香。去國不禁頻徙倚。得歸寧復倦津梁。叢祠何處喧村社。有底紛紛士女忙。

入汴過胡司臬介祉

吳船千里載冬醕。避暑長筵日日開。却喜訟庭留牘少。時看官馬借書來。

瓜步留贈張同知

柴車一出白頭還。過懶偏宜應接閒。猶有故人能好事。隔江留看六朝山。

寄陸侍御隴其

古今詩 十五

主恩先後逐臣還。羨爾幽棲柳一灣。想得著書風幔底。桂花如霰落秋山。

洞霄宮題壁

天柱峯高倚晚晴。琳宮消歇斷碑橫。砂牀竹下搜難得。臥聽山禽擣藥聲。

江行三首

潮落江平宿富陽。船頭新月下微霜。曉看烏臼紅千樹。樹杪半山鴨腳黃。
絕壁苔紋鼠尾皴。灘光書靜白鎔銀。分明江上孤篷客。黃鶴山樵畫裏人。
環溪亭下水流東。野碓飛輪到面風。返景松巖紅未斂。隔江人語漆林中。

冬日同鹿明府祐錢廣文瑞徵游爛柯山二十韻

道書詮洞天。青霞居第八。流傳負薪翁。披榛入垓北。中有兩青童。棊聲暗相嘎。俄驚斧柯爛。逝節等奔鶻。
此事知有無。特書在琳札。我來太末墟。十月方納秬。曉出通仙門。緣溪碎石滑。拂林風騷騷。鳴碓水汎汎。
明府政不煩。廣文俗能拔。於焉齊喚渡。次第柅車轄。飛梁忽在望。相視笑且咀。靈境茲最奇。造物亦太黠。
疑經百蟲焚。或受五丁掘。連蜷虹霓偃。垢膩神鬼刮。傾崖穿一綫。斷塔盤禿髻。丹楓露已彫。瑤草霜未殺。
剝苔讀遺碑。汲井恣拭刷。昔賢鬪茶地。昧者莫之察。日斜洗行廚。得食烏嘎嘎。徘徊雙松陰。惆悵別香剎。

鹿鳴山晚眺二首

一簣山平遠。雙林逕暗通。不愁筋力倦。且喜笑言同。藉草荒岡上。疏泉碎石中。新晴尤可戀。移席憤王宮。
近郭茲山好。禪扉鎮日扃。江光寒轉白。峯色遠逾青。亟種千松樹。宜添一草亭。他時放歸櫂。歌鳥試重聽。

玉山

三衢山歷盡。橋影跨通波。十室居城少。千家負郭多。啓顏津市酒。隨意榜人歌。且免書驢券。郵籤次第過。

廣信

信州風物好。倦旅亦開顏。灘響層層石。林疎面面山。狎鷗飛不去。放犢飲初還。夜火浮橋外。連船當戶櫺。

鉛山

不遠江城路。舟師指點遲。穴山巢鶴鷄。編竹坐鷗鷺。晚飯惟三板。朝醒藉一甌。鵝湖酬和地。百世起人思。

弋陽

城小斜依壁。門開近面江。陂仍仙令跡。歌換楚人腔。辣關山無樹。嶢嶸石滿瀆。多情甌塔影。十里逐蓬牕。

貴溪

亭榭均千越。封圻析上饒。連山齊覆釜。獨石忽成橋。想見黃梅發。何曾碧樹彫。降丘誰宅此。雞犬已寥寥。

安仁

畫角衝寒動。明星際曉行。水迴沙市曲。山到郭門平。野碓啞啞轉。漁榔杳杳鳴。誰與分百里。洵美得嘉名。

瑞洪

餘干江路永。回首失嶺岳。市酒難爲醉。罾魚乍解饑。自玉山至安仁。捕魚多用烏鬼。魚皆無味。至此始用罾。湖寬舟愈小。峯遠日初銜。漸識宮亭近。分風及布帆。

自贛州至南安灘行口號二首

鬱孤臺下水嘈嘈。南去輕舟未易操。灘響逆流三百六。篙師那得萬張篙。且挂風帆湖急流。船人勸客莫深愁。只應預想歸程樂。柔櫓嘔啞下吉州。

昭陽作韻

夜泊珠江

潮湧牛欄城門名外。舟停蜚戶旁。月高人寐。隔浦是歌堂。

同屈五大均過五羊觀

仙人騎五羊。墮地化爲石。石今在琳觀。仙人去無跡。屈生嗜奇古。偶坐蔭松柏。摩挲汴京碑。不覺日西夕。觀有建中靖國碑。

光孝寺觀貫休畫羅漢同陳恭尹賦

貫休手寫一十六羅漢。其二乃在南海訶子林。昔游真蹟未得見。念之三十五載縈人心。白頭重作嶺南

客故人期我虞翻宅。僧廊亂後花木猶瓏璵。薤菜春生滿池碧。循廊轉入精廬深。一幅居然挂東壁。古綃尙白石轉青。恰於石罅安疎櫺。一僧俛首力寫經。自準以下祗半形。芬陀利花貝多葉。機欄筆管毛猩猩。不知金天之西何處得石硯。毋乃昆吾玉切新出礪。一僧却立侍巾餅。靜如沙鷺翹涼汀。牕燈不翦信明滅。紗櫺樹底風泠泠。牕前千歲老猿拱。雙臂平攖兩肩聳。笏鞵桐帽木葉衣。想見雷濃塞到踵。精誠能令感金石。何況羣生知怖恐。禪月師流傳三絕畫書詩。詩編巨岳集書有姜體。遠本周之史籀秦相斯。未若畫品更崛奇。卽如此幅遠出意匠表。或疑入定真容髣髴親見之。不然調鉛殺粉能爾爲。訶林僧神物藉汝能世守。不見宣和舊譜遺蹟久云亡。豫章西山雲堂院中亦何有。我欲賺汝去。莫飲我缸面酒。我欲奪汝歸。玉鴉叉不在手。世間豈少珊瑚鐵網珍珠船。自今貯之伏梁閣檻庶可全。

嶺海將歸梁吉士佩蘭載酒邀同屈大均陳恭尹吳章王準陳元基梁無技季煌燕集五層樓席上分賦得會字

飛樓壓高城。人天納萬籟。登臨信可娛。矧與羣彥會。吉士濟蕩人。偕行屏軒蓋。論交半箴笠。雜坐緩巾帶。樽中酒如泉。海大魚作鱠。款款話別悰。迢迢念歸旆。於焉感昔游。茲樓在旃靄。凝思躡丹梯。興發不可奈。惟時建雄藩。自比夜郎大。邸中鑿園池。巧匠恣雕繪。水亭擬舟梁。山木徒樅檜。長姣羅美人。管庫斂文具。因之設厲禁。游者必鉗鈇。一閉金獸鑰。廿年委榛蒼。修蛇穴其中。妖鳥叫其外。雖免劫火焚。終遭颶風害。

人事戒滿盈。天意惡侈怙。六師一以移。漢將齊下瀨。劉王舊花塢。金粉盡淘汰。今來縱游觀。足以動深慨。觴罷復凭闌。遠目豁矚睇。祝融方司南。尉陀臺占兌。萬井鬱參差。百谷互陽昧。人影數沙蟲。林梢亞蓬艾。我非雲中君。何緣出塵躔。少陵有遺詩。將老斯游最。

嶺外歸舟雜詩十六首

黃木灣西廟鼓搗。春潮漾漾沒蒲芽。翻嫌二月歸程早。一路攀枝未作花。
蠻江豆蔻一叢叢。牡蠣牆圍半畝宮。貪看河頭采珠女。輕帆不趁酒旗風。
枕外潮雞報二更。朧朧月底暗潮生。客心最喜舟師健。貪趁朝霞半日晴。
船頭醜酒佛山過。七尺烏篷疾似梭。行到西南舊時驛。驚心榕樹已無多。
三水城樓照落霞。漁村處處見撈鰕。夜來欸乃聽新曲。不是漁家是笛家。
飛來寺脚東江濤。徑入雙林磴轉高。怪道褰簾蝴蝶至。軍持新插紫山桃。
權郎鄉里面都黔。撐盡篙篙秃指尖。水飯乾魚烏攪鼓。生來不食廣州鹽。
紫楝花香映水腮。舟從大廟出奔瀧。晚來欲雨猶未雨。峽裏鷓鴣啼一雙。
新開花縣壓層巒。羣盜停探赤白丸。不是邵陽王給事。又且滇陽行旅至今難。
山坳一水忽分流。兩岸多停楚客舟。夜半東風齊笑語。月明打鼓上連州。

彈子磯高高插天。篷牕未許客安眠。尋常一色四更月。獨有此山啼杜鵑。
曲江門外趁新墟。采石英州畫不如。買得六峰懷袖裏。攜歸好伴玉蟾蜍。

修仁渡接始興江。半挂魔幢半佛幢。記得三楓舊曾泊。更無風雨打船牕。

澹公山水入奇懷。陸守頻營繡佛齋。白社風流今已盡。更誰說法上丹崖。

丹崖精舍表兄陸侯世楷守南雄日爲澹歸禪師建師姓金氏

諱堡中崇禎庚辰進士牧臨清州亂後隱於浮屠後卒於平湖

青筍竹尾鳳毛織。銀箸灘頭石角尖。五里一瀧成十里。虛勞估客記郵籤。

雄州郭外萬人家。小店臨流大道斜。纔是野蒿微落後。白花開遍苦丁茶。

梁吉士以羅浮蝴蝶繭二枚贈行曲江道中一蝶先出篷底聯句成三十韻

故人贈我行。方物當所選。尊尊發詫駢羅。中有蝴蝶繭。沈名蓀。兩兩折枝挂。一一槁葉卷。昆田動搖槌。
懸風妥貼纒綴冕。尊尊厥包同米囊。其文比竹篆。名蓀末如蟬翼輕。齊女髻垂髻。昆田詩朋爭愛惜。寘之
黃篋箕。尊尊薄寒巾密覆。遲日牕始展。名蓀隔籠頻摩抄。並棹迭窺覷。昆田形隨秋燕墊。候早春蛹螻。尊
尊我夢爲莊周。栩栩與匪淺。名蓀俄然一繭破。有若子初婉。昆田停橈疾招呼。急走忘足跌。尊尊漏爛五
采錯的。爍九光熨。名蓀層層金泥塗。屑屑雲母碾。昆田絲絲春江濯。幅幅朝霞翦。尊尊孔鸞一毛截。璫玕
片甲輒。名蓀眉過粉蛾長。翅類仙鼠扁。昆田縵縵變周官。繪繡備虞典。尊尊曾聞朱明洞。大者如輪轉。名

葆悠揚千花叢。下上百丈巘。昆田或云麻姑裙裂之在蒼蘚。犖尊或云葛翁衣貯之在丹甌。名葆紛綸辭各異。無乃傳者舛。昆田夢想四百峰。有約未由踐。犖尊未逢采雀靈。徒說啞虎善。名葆名山應見笑。疎誦豈能免。昆田觀茲鳳凰子。髣髴列仙造。犖尊入山夫何難。歸與而有視。名葆明當放汝還。華首恣游衍。昆田

沈霖據石圖

差山高士隱。織簾千金一。致醫方兼。餐花黑蛺蝶。衣潤丸藥碧。梧桐子黏。無絃之琴石上臥。有洌者水沙中潛。張生遺傳寫陸生嘉淑讚。題罷玉蟾蜍淚霑。

秦吉了聯句

珍禽產邕管。自呼秦吉了。武進邵長蘅。子湘脩脩羽儀澤。炯炯眸子瞭。犖尊丹味漫多智。黃距一何蹻。長蘅尾輸山鷓長。形陋玄鳳小。商丘宋犖牧仲批。肉花冠鼓垂。某蠟光皎。犖尊好語鎮間關。餘音或繚繞。犖雖殊鳩舌。疊偶類雉鳴。鶯犖尊宣和譜乃遺。爾雅釋未表。屢奮躍不停。猶立聲忽悄。犖羈栖恣飲啄。簾幕信昏曉。寄身在籠中。結思仍木杪。長蘅稟質洵云微。卽物慨詎少。所以韓退之作賦。感二鳥。犖尊

闕逢閣茂

曉行圖

樹杪星星塔火收。月殘衣上冷霜浮。郎當風鐸穿林去。莫是曉行人姓劉。宋劉一止賦曉行詞得名人號爲劉曉行。

白陽山人陳括折枝花

餅桃花仿吳公器。風牡丹摹崔子西。雨點露團猶在眼。惜無好鳥盡情啼。

崑山謁宋劉處士過墓

荒榛斷碣小山陲。詞客當年亦可悲。蘆葉汀洲繫船夜。蕤肩風雨渡江時。囊中青兕千金散。馬後焦桐一轡隨。辛苦東吳顧文學。湘邀人歲歲此題詩。

積雨八首

自從甲子春來雨。四月從無三日晴。薄暮東風吹轉急。泊舟小水看潮生。
水木陰陰夏尙寒。桑枝風戾幾曾乾。莫愁著屐衝泥遠。小舫撐過繡鴨灘。
沒盡荷花紫草田。菱池新水芋陂連。畏寒不獨衰翁甚。年少冬衣未拆繇。
貓頭筍夾白版扉。麕眼籬綻黃蒿薇。綠陰門巷午風起。吹遍楊花總不飛。
鳥篷夜拄釣船坊。曉起水添三尺強。欲覓園花查上舍。詞隳但愁橫漲板橋妨。
荷葉新抽一丈莖。柴門起漲到磯平。黃鸝粉蝶不相見。唯聽鶉鴉逐婦聲。
芍藥醲醑不到餅。園荒六枳戶常扃。吳蠶已是三眠候。桑葉依然陌上青。

棟花信後猶凝紫。梅子枝頭尚未黃。枉費祈晴丙丁帖。殺風雨至轉顛狂。

池上編籬偶成二首

槐泚菱池水一窪。好編六枳作籬笆。客來與乞平安竹。老去思栽頃刻花。農丈人唯知避俗。村夫子更嬾移家。試添隔岸香茅屋。眼見南垞勝北垞。

清時特地許閒身。底用淋漓傍市塵。著錄九經堪送老。擁書萬卷不言貧。爲農也解量晴雨。置酒渾忘是主賓。寄語巖栖譚給事。瑄何妨近作耦耕人。

題畫

第四橋頭楓葉丹。詩翁露頂不知寒。停車鎮日樹根坐。閒看鷺鷥飛過灘。

爲高上舍題其尊人太常層雲山水軸

太常三絕畫書詩。尺幅溪山付虎兒。斷楮零綃何處覓。秋牕惆悵卷還時。

李秀才琪枝墨竹

小閣爐香洗硯初。數竿墨竹最清疎。前身定是梅花衲。仍占春波橋外居。

送鄭公培入粵

入閩閩有灘。度嶺嶺有關。勸君舍仙霞。勸君踰常山。一帆餘干漾。三板茶磨盤。曲江水云云。大廟峽攢攢。

秋深高涼郡。郡守梁當之官。英英玉堂彥。戟舍有餘閒。好賢若緇衣。爲子具館餐。況有大王令。原儒雅足盤桓。蕉椰實堪飽。橄欖漿不酸。一丈孔雀尾。雙丫公孫蘭。青青篔簹竹。恒覆屋數間。此鄉洵可樂。何時方來還。暇過五羊城。越臺尤壯觀。番番三老友。謂梁陳屈三子爲我報平安。

招陳秀才枕山游之作

洗藥艾基井。讀書顧況臺。溪行十里近。風便一帆開。野飯香新粟。山園露早梅。相邀好兄弟。及此共深杯。

旃蒙大淵獻

二十月二日

灣頭新柳碧遙遙。猶記停舟舊板橋。一自花時葬西子。年年風雨是今朝。

論畫和宋中丞十二首

阿儂舊住韭溪北。天籟閣中曾數過。記得千金紈扇冊。童時一日幾摩挲。項氏家藏千金帖有三。一爲唐雙鈎萬歲通天帖。一爲淳化閣

帖初拓本。一爲唐宋人畫紈扇居多。

界畫樓臺膽未豚。棘鍼花鳥亦難嫻。昔賢往往妙游戲。不了樹枝沒骨山。狡儉紛紛僞亂真。巧勻楮墨傅灰塵。誰知神物歸藏弄。千載依然色斬新。談藝何人公道存。每因憎愛昧昭昏。不應唐沈同時在。吳偉翻呼畫狀元。

隱君趙左僧珂雪。每替容臺應接忙。涇渭淄澠終有別。漫因題字槩收藏。董文敏疲于應酬。每倩趙文度及雪公代筆。親為書款。

胥山樵叟畫亦殊。得錢多寡分精麁。少年身後休嗤點。不見長江萬里圖。項聖謨子京之孫。自號胥山樵。曹侍郎溶領藩東粵。叟作長

江萬里圖送行。深得古人筆法。

崔子忠陳洪綬。人物最瓌奇。仕女天然窈窕姿。弟子描摹失師法。盡調鉛粉畫東施。

王五崇節谿山擅平遠。周郎之恆窠石亦清真。兩君人物兼臻妙。未許南人笑北人。王宛平人。周臨清人。

巨幅鸞鳳細草蟲。長留風露溼花叢。時人罕觀稱漁筆。止說王郎武憚老壽平。王長洲人。武進人。

先子韶年寫雲壑。當時心折董尚書。後來舍弟亦能畫。可惜都無片紙儲。先母唐孺人。董文敏之甥也。文敏見先人畫。謂人曰。不出十年

可以亂吾真矣。舍弟彝璽能詩畫。早卒。

白下錢唐畫作林。殘山剩水樹無陰。若令此輩流傳遠。不合良工苦用心。

退翁孫侍耶承澤。倦叟曹侍耶溶。嗟淪沒。吳客雌黃詎可憑。妙鑿誰能別苗髮。一時難得兩中丞。謂宋公暨閩撫卞公也。

答徐舍人永寧上舍永宣五十韻

罷官臥荒村。戶外可羅雀。秋風攪庭梧。意況劇蕭索。凌晨屋山頭。爭噪兩乾鵲。須臾名刺來。有客款門闥。披衣出迎客。矯若雲中鶴。南州名父子。文采何照灼。往借副都公。同聽清禁鑰。神羊冠獨峨。虎僕亭載橐。正色立朝端。吐論審而謬。但為鳳回翔。不事鷓擊搏。循陔請終養。忠孝兩無怍。俄焉梁木壞。吾黨失矩矱。

僉云令嗣賢翰墨麗金牘茲焉接丰采心路快一淪索文表慕道於義無可卻昔人重碑版論文不論爵
後來世俗愚但取官顯燦縱然頭銜長往往詞冗弱鉅公卽能之亦復多僞託誰歟辨真贋止解速鐫鑿
遂令賢達人罕載金石略稽古墓銘工呂黎最凌遠柳李揚餘波屹立鼎鎗脚穆修衍流派十子表東洛
文公成公後軌範漸刊落姑蘇王止仲作墓銘舉例於唐取三家韓柳暨李習之於汴宋取十家歐陽永叔尹師魯曾子固蘇子瞻王介甫陳無已黃魯直晁无咎陳了翁於南波取二家朱仲晦呂伯恭也黃鐘屏弗考細響賞牛鐸凡雙互標榜羊豹聯一鞞舉世遂聲聞孰肯叩寂寞君家好兄弟蓄
意勤且恪別來再致書邀我踐宿諾各賦詩一章體製極雄博纏緜思無盡釋釋絲在篋參差瓊樹枝爛
漫棠棣夢神鷹乍脫鞵天馬初卸絡書蹤逼褚薛句法壓盧駱珍物貽頃仍一一刮眼膜香杭包綠蒲芥
片裹青箬駝駝軟勝綿翠織暖逾貉異錦掉鯨魚明燈綴珠箔愧乏英瓊瑤何以報金錯緬惟副都公九
京不可作吾衰筆力短兼苦文思涸盛美豈勝書經月橐乃削雖非黃絹辭陳言務埽掠以之勒豐碑觀
者或摹拓采摭入琬琰異日上史閣庶幾身後名藉以慰冥漠春山采茶候風煙想一壑當浮太湖船直
抵洮滬泊一登君子堂歡言共絃酌

喬孝廉崇烈居父喪每泣則庭烏盡下禹鴻臚爲畫餉烏圖率題三首

烏烏啞啞東西樹子得食兮哺其父于思于思淚如注惜烏尙有反哺時塊獨煢煢守丘墓
烏烏啞啞樹東西迴翔下上不得棲飢來肯啄庭中泥日食孝子一溢米辜廬共爾長悲啼

烏烏啞啞尾畢逋。誰其傳寫禹鴻臚。張徐王趙世所無。天哀孝子降黃玉。留此作配雌雄圖。

雨舟聯句

山行未淹旬。曰歸歲已晏。徐江徐鉉電發晨發。崦東西疾風吹四面。華尊俄頃雲冥濛。急雨雜飛霰。鉉寒木聲怒號。衝波勢撇旋。華尊舟師劃柔櫓。迸力與水戰。鉉有如士先登。賈勇色不變。華尊重湖乍超越。小舫乃利便。鉉回看澗山橋。亭亭樹葱蒨。華尊沿流泝木瀆。峰頂豁僧院。鉉鈴傳越來溪。屢響吳別殿。華尊陳跡日莫悲。執友情所眷。鉉將尋二棄堂。葉寶應樊營別業橫塘二棄其齋名也庶幾共游衍。華尊詎期冬潦收。水淺石盡見。鉉舟膠不能前。我蹠子煩惱。華尊聯吟倚篷牕。翦燭炙冰硯。鉉安得胥口潮。盤椒及家宴。華尊

曝書亭集卷第十七

古今詩十六

柔兆困敦

耳疾示王周二上舍

我齒未七十。恆苦兩耳充。患此已三年。入秋輒內訐。始焉輪濕濕。既乃氣熾熾。牀下駭鬪牛。門前失吠狨。有如兩豆塞。難使五藥攻。因之日靜坐。物理究初終。是非始聽聞。褒貶將安窮。厨垣第自苦。察察爾何功。讒柄變白黑。治道淆污隆。君子天地閉。小人地天通。世事付一職。葆我以太沖。免懼喪匕雷。免驚癩鶴風。人勞我則逸。美疾丁我躬。相法十七家。不容麥者豐。況若封丸泥。寧非富家翁。比鄰有二子。相憐病適同。褻如顧我笑。子論詎發蒙。耳者心之候。其穴名聽宮。其神字幽田。其用在司空。子今勤著書。不異五經筒。有時議紛綸。講席相磨礱。說詩匡丞相。解經戴侍中。無人爲畫字。子將焉折衷。主人作而歎。何術返我聰。客云古方法。社酒能治聾。來朝海燕歸。陌上賽社公。伐鼓聲淵淵。割肉飽蓬蓬。吾儕試往祈。泥飲等喝虹。按節舞麗娟。安歌走明童。三人共顧曲。其樂也融融。

初夏重經龍洲道人墓三十二韻

古今詩 十六

二八五

亭亭馬鞍山。產石光瑩瑩。其東勢磬礮。竹柏翠相映。劉生昔栖遲。於焉日吟詠。生耽巖壑幽。死愛水木淨。要知賢達心。義不陷俗窳。一棺抱山阿。勝夾兩婢媵。傾崖屏荆榛。老樹絕鴟鵂。既鮮蕘豎侵。亦免菜畦蝗。乃知斯丘樂。匪藉青鳥訂。我思南渡後。思陵失其政。謀夫多去國。魏公執兵柄。幕府盛賓僚。子弟談性命。棄師累十萬。三敗無一勝。肆將功罪淆。第許心術正。猛將反先誅。豈惟一檜橫。哀哉小朝廷。自此和議定。金縢括脂膏。臣妾費辭令。忍忘君父讎。寧計蒼生病。過也大布衣。慨慷本天性。好游或渡江。嗜酒數中聖。議論辛陳間。恥與餘子並。歌詩存十卷。卷卷氣雄勁。靜夜思中原。往往血淚迸。厥後詣闕書。何減諍臣諍。庶幾國士風。合古之儒行。我來百世下。適慕必生敬。三年兩經過。涼燠感時興。番番玉山叟。順文史廣援證。思復東齋祠。暇日便眺聽。奠以椒桂漿。闢此颺颺徑。誰與能好事。率錢表名姓。遺文并雕鏤。足以播遙

曝書亭偶然作九首

拓得園基一百弓。閒來樹底逐雞蟲。埽除蝗菜下鴛粟。亟命畦丁修水筒。坵南宜得翠筠看。上番移來近百竿。昨夜疾風吹拔木。老夫差喜竹平安。蜻蜒翅丹蝴蝶黃。白露滿園秋草長。靜聽桑斧斫叢棘。忽露一株巖桂香。蒲萄煎濃注酒餅。酒闌荷葉香滿汀。新涼枕簟不妨設。時有北風吹我亭。

槿花本與佛桑同。也向籬邊吐白紅。試待來年根盡活。編成著色短屏風。
雨裏芭蕉風外楊。水中菡萏岸篔簹。衰翁愛植易生物。不願七年栽豫章。
移橙種橘計蹉跎。一箇茅亭草蔓多。輸與城隅譚給事。花時處處有行窩。
縮版誅茅事偶然。修門此說此亭偏。須知庾信園雖小。詩賦江關獨易傳。
平泉花木遠爭移。金谷繁華盛詠詩。淪落栖遲杜陵叟。何人尙寄草堂貲。

斑魚三十韻

吾衰薄滋味。意不在梁肉。第苦藜藿羹。精力易消縮。以茲盤中饌。往往供水族。持螯疑螳螂。握鱸近蠅虻。
可怪黿脂垂。生憎蟹尾蟲。所欲庶其魚。又無取乾鱸。河豚昔最嗜。恆用井華漉。塵遠烹於庭。血去挾其目。
刈楚然豆其。務候湯火熟。瓊乳捋西施。但恨不盈劑。誰能罷饑奴。對此食指搖。自從十年來。不敢恣口腹。
耽毒安可懷。災生慮薄祿。斑魚乃具體。秋深出洞洑。小大雖云殊。一氣同化育。其形亦彭亨。其性齊忿懣。
此時釣魚師。香餌素所畜。籠籠三竹竿。編篔坐踈伏。垂綸瓢且弱。沉鉤曲而復。有時十數輩。戢戢歸罟麗。
安砧剖瓜刀。汲水浮柿木。於焉敕中廚。慎勿覆我鉢。排泥剔其羽。起肝淘以麴。法使甘不嚼。瑩白類新沐。
和之以蟹胥。其汁轉濃郁。既異齒鏝鄒。兼免愁慘黷。因思膳夫經。珍未窮水陸。設鱸姜侯會。思鱸張翰獨。
俊味恥自饜。有客至不速。亟須問前村。侑以酒一斛。

題汪上舍讀書圖

朝看牧豕助邊儲。暮見爲郎擁傳車。勸爾須拋兔園冊。世間風漢乃耽書。

山陰客舍題高布衣蓴鄉釣師圖二首

蛤蜊菰葉橫塘曲。細雨斜風西塞山。爭似蓴鄉好秋色。輕舟容與水雲間。
愛餐花港雞頭芡。更采湘湖雉尾蓴。踏浪綠流無不可。只休驚起浣紗人。

顧明府培元載酒邀觀三江閘

一舍三江閘。輕舟度幾灣。蕭疎何限樹。平遠不多山。小管聲聲急。深杯戶戶殽。賢侯有高興。未許夕陽還。

壽孟叟

最愛鑑湖好。秋山百里青。君家秋山下。遶屋泉泠泠。黃菊樹百本。翠濤開幾餅。玉顏長可駐。不藉蕊珠經。

贈牧上人

我客柘湖曲。上人來叩關。欲浮清淮浦。直渡黃河灣。霽雪亂塔寺。夕陽平坡山。五茸春草綠。一舸望南還。

強圉赤奮若

萬年藤杖歌贈尤檢討侗

我有天台萬年藤。持贈吳下遂初翁。想當李明柏碩迹未到。此藤久已生山中。偶然拾自金庭宮。攜歸曉

夜但拂拭。重之不異長生桐。翁昔史館文最雄。南狐東馬卓有前賢風。卽如詩篇也。壓蕭范陸。長城笑把。偏師攻。歐陽黃九柳秦七。新詞往往傳歌童。翁今歸來雙耳聰。曆頭六十更二十。顏貌却如四十同。況有才子籍早通。兼珍之膳潔且豐。人生快意亦已足。豈必入海求方蓬。西堂日煖花滿櫳。楊梅漸繁櫻桃紅。翁來期我花下酌。清晨扶杖葑門東。繭紙戢戢抽詩筒。看翁游覽興未窮。水循練瀆山穹窿。長松樹底芝草叢。四方上下與翁逐。杖兮杖兮藉汝功。

寄蘭溪葛廣文

飛菱挽粟各喧闐。散吏何如葛稚川。百斛金華新酒熟。醉尋桐柏觀中眠。

趙贊善以新詩題扇見懷賦答

儲端鎖院各收身。同是承明放逐臣。遠憶音塵千里月。來尋鰕菜五湖春。閒教花底安碁局。笑比紅兒狎酒人。縱說卜居猶未定。幾曾憔悴等靈均。

附原作

益都趙執信

江村水樹澹秋煙。不見幽人思悄然。往接簪裾三殿側。近聯蹤跡五湖前。老爲鶯脰漁翁長。閒上鴟巨估客船。各有彈文留日下。他時誰作舊聞傳。竹垞在長安著日下舊聞。

雨過馮檢討葑水園四首

蘭成小園在。束皙近游頻。夾巷千花續。編籬六枳勻。葉低斜曳杖。石礙曲勾身。正值黃梅雨。蹒跚著屐人。又見衡門改。新看小閣添。海榴橫濕戶。楚雀近窺簾。曲直分沙溜。參差露塔尖。重過轉瀟灑。村郭意能兼。高柳微風末。新荷驟雨中。竹扉經歲別。茶月一會同。盡得齊民術。何殊避俗翁。菱田知可拓。小舫後時通。我亦歸田久。開門近水灣。縱移花百本。并少屋三間。對此增惆悵。何緣數往還。煩君暇相過。看積一房山。

仙游茅筆歌酬徐檢討

君不用鐵梳梳秋兔毫。亦不用束青羊毛。別搜凡材逞妙技。鼠鬚虎僕非爾曹。吾聞仙游郭外山最高。仙人九籬雲中遨。紫鱗三百二十四。白蝦蟆吹黃雞號。有時懸厓忽題科斗字。是豈不律人間操。茅田深深野火燒未盡。樵夫蕘豎赤脚騰。斲密拔茅連茹縛。作將指節六寸之體兼。頭尻桃枝竹能火熨帖。鹿角菜免膏煎熬。誰與智者剋此物。將毋九何一范授。以刻髓之蘆刀。垂虹亭長嗜奇癖。一牀載得還吳臚。分我一管已足豪。當其運腕大稱意。筆頭公喜長堅牢。人生知己隨所遭。良工對之但駭還。足使李展汗走屠希逃。

醜舫卽事二首

破牕風雨濕書籤。睡起明星忽在簷。最喜蛛絲捎竹尾。牽牛花翠曉來添。秋老梧桐葉葉黃。夜來風雨太顛狂。分明了鳥牕深閉。一片何緣墮筆牀。

九月八日滄浪亭懷古二十四韻

滄浪有遺亭。勝蹟今始到。疎籬六枳。小徑一僧導。古牆聳寺樓。暗水接官漕。怪石長差肩。平林或妨帽。因而詣北碣。歷歷見房奧。石枰雖無存。宋毛珣滄浪亭詩。濯纓人去。水空寒。事屬明時。欲問難。日暮客歸園館閉。鷺鷥飛上石棋盤。白注。子美故物。惟石枰存。

草菴猶可造。中丞我老友。山水敦夙好。於焉翦榛莽。復此濬潭隄。暇日攜賓僚。曾不擁牌纛。春留露輶駐。暑便接羅倒。畚田課耕稼。浦禽恣啄菹。游觀民胥悅。豈弟神所勞。湖州謫司馬。賦才本雄鷲。詩逼梅歐陽。文亦師訓誥。賢相所館甥。孔壬生嫉媚。舉事偶不慎。衆口逞狂譟。故紙錢區區。乃誣名士盜。茲事近千年。識者尙憤懣。哲人貴自勝。林泉遂遐蹈。南陽招不去。止用尺書報。雜花修竹間。風月任嘲傲。斯人洵可懷。曠世我心悼。嗚來謁祠屋。思以渚蘋芼。落景溪橋還。商飈遠吹滂。

九日宋中丞招集滄浪亭觀韓滉五牛圖復成二十四韻

中丞掃亭館。邀我百花洲。遂度宛轉橋。能遶屈曲流。緣溪尋石磴。九日升崇丘。層層樓堞敞。面面禾黍稠。編籬釘圓菊。密坐軒窗幽。同調二三子。清言啓綢繆。樂飲貴適意。豈必量觥籌。邦人許看客。風帽盈牆頭。移時官馬至。書卷載其尤。示客五牛圖。真氣豁我眸。晉公諳變理。體物固能優。郭椒丁櫟輩。飲降各自由。宣和購遺蹟。已詫不可求。何期白石爛。此圖翻得留。鷓鴣波趙王孫。重之若琳球。再三跋卷尾。小字工銀鈎。畫已經千春。尙足藏千秋。吾聞五穀言。養民如養牛。善牧臥其背。穩駕百斛舟。驅使但排促。安用施鞅鞣。

味者費三策。剔黷恆不休。吾公務廉靜。化理臻六州。里仁知斯宅。不處古所羞。逝將歌碩鼠。樂郊可遨遊。

得張舍人宦皖口書却寄

六年不見張右史。忽誦秦游一卷詩。韓孟元劉無定格。尤蕭范陸有餘師。歸逢灤鯽堆盤日。到及江花夾岸時。試計合并何地好。須憑來雁慰相思。

寄賈黃州鉉

近聞南紀賈黃州。到日題詩滿竹樓。畫永清香凝列戟。月明赤壁愛停舟。棘針花鳥真無敵。水墨雲山不易求。別後相思意何限。可能尺幅寄輕郵。

題禹鴻臚號國夫人下馬圖

貌出風姿勝太真。無勞粉翠費千緡。如何南內淋鈴雨。不憶當街下馬人。

又題

常風帶緩舞衣寬。無復宮門驟曉鞍。一事差羸杜陵叟。畫圖恣得近前看。

乍浦

乍浦逼瀛壖。孤城小於甕。居民八九家。僅足道飢凍。邇來弛海禁。伐木運堂棟。排空駕檣巢。近水壓菱葑。陶器本窟橘。柚包匪貢。偶然資貿遷。是豈足民用。因而估舶多。僻地乃喧聞。增竈遂成郭。葺牆巧霧空。

困隨郎罷載行歌。維囉噴。我行湯山椒。比丘治蔬供。爲言弘正間。紺塔翔鐵鳳。苦海迷津人。遠望得無恐。願乞長者文。勝蹟復營綜。我口默不言。我心有餘痛。昔者嘉靖中。狡倭肆狂縱。實瞻寶相輪。一針亂帆送。幾曾弓仗放。但操兵刃弄。雜亂凡幾年。室家始同夢。坐起謝上人。吾文未足重。於時權舟還。特爲令長諷。謂知縣事王君璋也。此是不果行。吾機偶先洞。

題吳上舍榮根香圖

齊東老圃吾不如。走馬却返長山居。誓辭肥肉大酒社。手握鶴頭鴉髻鉏。園官日日送菜把。野客時時誇菊蕓。閒來插架散籤帙。惟有秦餘種樹書。

贈繆篆顧生

秦碑換聚木。傳刻或失真。詎若漢摹印。小大皆可珍。鑄金用撥蠟。琢玉同運斤。其文雖參差。離合各有倫。後人味遺製。惟取字畫勻。鐘鼎雜款識。古法漸以湮。顧生習繆篆。頗見精力勤。博采諸家體。覽者多所欣。一藝期至工。必也醇乎醇。請君薄流俗。專一師古人。

題崔愨畫鳩

我愛臨濠崔子中。輕綃畫出鷺鳩工。枝頭淡染春晴色。不著山花一點紅。

漕船

國家歲轉漕。每船六百石。官艚計所儲。爲樹千二百。其初由海運。險越虎蛟脊。波濤恆簸蕩。日月互跳擲。所以造舟時。不復算尋尺。入明改從河。水次盡置驛。不見真州估。浮江販豆麥。縮之僅得半。滿載未爲窄。安用萬斛寬。邪許百夫役。過牐逆上魚。迎風退飛鷁。臘開徂暑到。久而蟲鼠咋。惟以便輓丁。夫婦得汎宅。南去挾絛絲。北來收果核。誰爲迂緩圖。因循匪朝夕。吾聞琴瑟敝。絃者必更易。國計在鼎司。何時建良策。

御風圖爲魏坤題扇

渡海天王太崛奇。出關老子苦驅馳。未如拔地乘風好。萬里雲山恣所之。

題蔡徵君方炳著書圖

先生忠孝門。早歲力埋照。逃名名愈隨。祇緣筆舌妙。中年巾柴車。起應鶴書召。人多留羈縻。君乃返蓬篚。立意在千秋。肯貽北隴笑。淵源訂伊雒。圖書衍周邵。其言明且清。削繁領其要。今已七十餘。行不藉藜藿。請觀息關圖。鉤膝但坐嘯。淙淙石罅泉。丸丸松頂嶠。山宜題六聘。洞可亞三詔。著書早晚成。先以語同調。

題李秀才琪枝畫梅

平生冷笑林君復。活剝江爲兩句詩。畫到影疎香暗處。始知一字可稱師。

贈王叟嘸二首

近來山水尙元人。南渡諸公法漸淪。惟有王郎嗜奇古。將無馬遠是前身。

畫家平遠最難工。三板輕船片席風。不數當年宋員外。瀟湘煙雨滿圖中。

張處士釣風圖

漁師蟹舍近西冷。露葦風楊岸岸青。我亦年來撐釣艇。秋花却少斫頭餅。

青浦道中

不識三高士。松門第幾峰。潮回黃歇浦。草滿陸機茸。細雨春歸鴈。深山日暮鐘。坐看城郭近。猶是水雲濃。

五雜組九首

五雜組。刺繡文。往復還。金車輪。不得已。見貴人。
五雜組。染布帛。往復還。度阡陌。不得已。逢熱客。
五雜組。神鬼面。往復還。翻飛燕。不得已。交情變。
五雜組。霜林葉。往復還。圍碁劫。不得已。零丁帖。
五雜組。鳳尾羅。往復還。機中梭。不得已。勞者歌。
五雜組。裳衣袴。往復還。錢刀布。不得已。付質庫。
五雜組。車中果。往復還。江上舸。不得已。杭城火。
五雜組。徐州士。往復還。真州估。不得已。宿淮浦。

五雜組。裝潢手。往復還。媒灼口。不得已。飲甘酒。

曝書亭集卷第十八

古今詩十七

著雍攝提格

偕查孝廉入閩初發江干

清江自西來。海水逆流合。我帆挂東風。遙指富春塔。

一自漁浦挂席至富陽二首

扁郎唱櫓雨初消。查慎行突起東風送客船。百里晴山低似屋。兼尊一江新水健於潮。舟人謂江暴漲得

攜老伴無拘束。慎行縱是貧游未寂寥。況有月波春響在。兼尊隔船不乏酒人招。慎行

江山小船急浪衝。兼尊疾若鷺鳥凌霜冬。慎行灣環忽轉赤亭岸。兼尊俄頃不見南高峰。慎行鱖魚出網

白尾尾。兼尊鳥柏夾路青茸茸。慎行井西道人書不得。兼尊暖翠浮嵐如此濃。慎行

桐廬雨泊

桐江生薄寒。急雨晚淋漉。炊煙起山家。化作雲覆屋。居人寂無喧。一氣沉嶺腹。白鷺忽飛翻。讓我沙際宿。

七里瀨

古今詩 十七

二九七

七里瀨急鳴哀湍。嚴陵於此留釣壇。兩岸怪石青攢攢。雨來欲上不得上。竹篙撐過鷓鴣灘。

瀧中吟

瀧中行。不知遠。雨初消。雲乍卷。藥苗長。蒲葉短。一夫牽船九折坂。纜逾急。舟逾緩。前峰合。後峰開。一曲轉。一曲迴。密樹重重暗。飛泉處處來。人家三五居瀧裏。半是樵夫半漁子。叉白魚。捕烏鬼。釣車釣輪滿沙嘴。黃白花開照瀧水。未必他鄉能有此。瀧中吟。子歌不足我嗣音。

晚次汝步乘月抵蘭溪城下

松科萬樹落花天。壁岸江風晚颯然。直到蘭溪看明月。浮橋不鎖待吟船。

雨發東峰亭和查孝廉

巖巖東峰亭。其下百尺潭。我來凡五泊。未果游精藍。茲晨復前路。解纜亭西南。溪雲散成雨。水木紛參覃。平生嬾馳騖。進拙退所甘。惟有利涉心。翻較估客貪。一帆飽風力。並坐篷底譚。夫君有高唱。令我歎息三。

水碓四十韻

百灘趨漸江。昏且鳴不息。犖尊大波恣奔放。小波迴汨御。查慎行居人擅水利。審曲引使直。犖尊其長走蛟蛇。其廣納溝洫。慎行遏防激之怒。徑隘流轉急。犖尊夫豈水性然。適來遭勢逼。慎行于焉扼其吭。壘石添檝杙。犖尊椽茅架小屋。度地隨偃仄。慎行斲木爲巨輪。當衝立樞極。犖尊旁安三十幅。幅輻斲斤墨。慎

行龜文交兩兆。鼈甲支九肋。犖尊括張等虞機。璇運就圓則。慎行江心鏡。欲躍海底月。半蝕犖尊滅頂泗。人騰升陞壯士踣。慎行尻高首或下。後湧前乃匿。犖尊團團牛旋磨。匝匝鴉翻翼。慎行棗軸貫中央。有如蒼在劫。犖尊循環觸牙動。揚者必先抑。慎行石臼質本頑。甘爲杵所賊。犖尊昂然馬騰槽。俛若鶴啄食。慎行碌碌應關捩。次第符漏刻。犖尊擣紙十萬箋。取禾三百億。慎行糠粃除未盡。藤竹需孔急。犖尊一爲機事牽。馬得休汝力。慎行先王昔制器。取象配卦德。犖尊舟楫涉大川。未耜徂畛域。慎行養生務佃漁。分壤別動植。犖尊鄰歌答春相。作苦爰稼穡。慎行俾習四體勤。羣黎無懈忒。犖尊後世技巧繁。淫奇難忖惻。慎行枯棹輓轡作。便利成典式。犖尊紛紛鑿渾沌。一一逞胸臆。慎行能令蠢者靈。通者忽以塞。犖尊卽此水確論。用意略可識。慎行居然役造化。安坐無作色。犖尊乃知天生民。若苗之有騰。慎行夜來山雨驟。赴漲漫澤國。犖尊沙崩岸漂沉。有械施不得。慎行物成久則毀。茲理復何惑。犖尊逸豫安可貪。民勞宜率職。慎行

篁步 去衢州二十里地產柑橋

常山山行

江臯有篁步。地似果園坊。漸遠魚鰕市。真成橘柚鄉。株株常暑綠。顆顆入秋黃。輸與村夫子。經冬自在嘗。常山玉山相。去百里許。山行十人九商賈。肩輿步擔走不休。四月溫風汗如雨。勸客何不安坐湖口船。船

容萬斛穩書眠。答云此間苦亦樂。且免關吏橫索錢。

入舟

水窮甫登山。山盡復入舟。漸老惜筋力。得安且同偷。查慎行舸子名船五尺狹。三槳劃兩頭。來朝放溜去。勝坐青竹兜。彝尊

沙谿鋪紀所見

十丈梭繩夜截流。朝來漁子掌中收。不知方法何從得。三寸白魚齊上鈎。玉山村人施數十鈎於梭繩之上。曉起收之。鈎必有魚。

自焦石塘抵鉛山河口兩岸石山獐劣上無寸土。尺木查孝廉作詩嘲之。賦以解嘲。

鉛山山肩排。一一赴湖口。鶴圖象覆釜。巨石堅不剖。躋攀斷僧蹊。左右絕林藪。豈惟質鈍悶。兼亦狀鹿醜。畫師皴法窮。相對俱束手。道書紀名山。藏之大小西。每因洞壑深。必使列仙守。茲爲百靈棄。動植無一有。乃知造化心。下視等芻狗。宜取見者憎。獻嘲自我友。吾試爲解嘲。賦形良亦偶。美石多自殘。斧斤或先受。高者龔作碑。下者窪作臼。汝以頑得全。庸庸福反厚。喻物材不材。此理本莊叟。

鉛山城中有古樟。三每歲四月白鷺來巢。其間伏雛。乃去亦一異也。

縣樓高樹半空腔。宿鷺飛來什佰雙。說與畫師翻舊譜。不須橫幅寫秋江。

發鉛山

昨僧山石鈍。今愛山石靈。譬若漢宮女。去尹來者邢。譬若秦地水。汲涓汰者涇。何期百里內。巒壑殊委形。古樟百圍綠。幽桂十丈青。東西喚野渡。長短羅溪亭。云云寫下水。浴鳥梳其翎。人語山響答。忽焉頰清冷。巖花名莫辨。一一抽釵葶。我欲躡飛梁。深入紫翠屏。僕夫不解事。舍車邑外坳。前途定勝絕。明發宜侵星。

紫溪道中二首

筍皮蓋屋類團焦。留客依然酒旆招。只恐夜來風雨至。杖藜扶過紫溪橋。新添十畝種荷田。也向山根吐細泉。料得村娃無懼曲。秋來不用采香船。

度紫溪嶺

征夫就炊煙。我亦治草具。一飯免飢劬。亭午復前路。隔溪辨微徑。千年樹根渡。不知身漸高。下視千年樹。我行方竊心。我僕已窘步。登頓力苦疲。巖椒且小駐。開襟納涼風。植杖一反顧。却指來處村。茫茫墮雲霧。

車盤驛題逆旅主人壁

曲澗層層響。叢篁个个齊。前山行更好。不信鷓鴣啼。

觀造竹紙五十韻

信州入建州。篔竹冗於篠。犖尊居人取作紙。用程不用老。查慎行。追惜簫笛材。緣坡一例倒。犖尊束縛沉。清淵殺青特存稿。慎行五行遞相賊。伐性力揉矯。犖尊出諸鼎鑊中。復受杵臼擣。慎行不辭身糜爛。素質

終自保彝尊汲井加汰淘。盈箱費旋攪。慎行層層細簾揭。燄燄活火焙。彝尊舍鹿乃得精。去濕忽就燥。慎行壁來風舒舒。暴之日杲杲。彝尊箬籠走南北。適用各言好。慎行緬維遼古初。書契始蒼皞。彝尊自從史記煩。方策布豐鎬。慎行中經祖龍燔。孰敢撲原燎。彝尊漆簡及韋編。殘灰跡同埽。慎行當時禍得脫。賴爾生不早。彝尊漢代崇師儒。家各一經抱。慎行截緝蒲柳姿。刀削詎云巧。彝尊如何規物智。乃出寺人造。慎行麻頭魚網布。棄物收豈少。彝尊後來逾爭奇。新製越意表。慎行山苗割藤芟。水滌采苔藻。彝尊桑根斧以斯。蠶繭機不絞。慎行澄心光綴綴。鏡面波晶晶。彝尊研宜金粉膏。繪作龍鸞爪。慎行桃花注輕紅。松花染深標。彝尊鴉青密香色。一一隨浣澡。慎行十樣益部箋。萬番傳癩橐。彝尊紛然輸館閣。逃矣來海島。慎行要爲日用需。若黍稷梁稻。彝尊惜哉俗暴殄。塗抹太草草。慎行俗詩畫蝸鳴。俗書蛇蚓繞。彝尊俗學調必俳。俗文說多勦。慎行流傳人有集。刷印方未了。彝尊積穢堆土苴。餘殃毒梨棗。慎行或汗瓜牛涎。或供蠶魚飽。彝尊或爲肉馬踏。或被飢鼠齧。慎行黏窗信兒童。覆甌付翁媪。彝尊遭逢幸不幸。所繫豈纖杪。慎行平生嗜奇古。卷帙事研討。彝尊祕笈藉爾鈔。藏金匪我寶。慎行響榻湖隄斯。斷碑拓洪趙。彝尊提攜白刺史。著錄庶可考。慎行山拳法失傳。將樂槽苦小。彝尊楚產肌理疎。晉產膚澤槁。慎行物情相倍蓰。美惡心洞曉。彝尊非無雲霞膩。愛此霜雪皎。慎行小疊熨帖平。捆載赴遠道。彝尊預恐壓歸裝。又滋征榷擾。慎行

烏石村

烏石村深一水灣。家家吠蛤閉柴關。此時惜少洋州筆。恣寫風篁十里山。

分水關

關門一道石參差。三戶人家兩戍旗。此去都監休便棄。頭綱正及貢茶時。

崇安孔明府招飲縣齋池上賦贈二首

宛轉橋當戶。玲瓏竹引泉。官齋如此少。地主況能賢。白鳥巢琴閣。紅鱗動酒船。盡驅胥吏往。清話得纏緜。一縣皆山水。尤奇是幔亭。從君乞小艇。導我入迴汀。羽蛻黃心木。苔皴白石銘。遺文當不少。歸日補圖經。

武夷沖祐宮

武夷君異哉。世所傳。或云錢鏐之二子。或云是魏王子騫。當時結侶高宴幔亭前。此挹衣袖彼拍肩。坎鈴鼓。急管絃。寶雲妙曲左右仙。一從彩雲散。虹橋斷絕上無緣。琳宮建何時。傳是天寶年。後王因之禱。水旱金龍玉簡投深淵。我來謁祠下。取徑芝朮田。入門高樹雄且妍。藤蔓曲似蛟龍纏。殿古石罅仙鼠穿。陳丹暗粉蝸吐涎。十二粟主配君像。中間名字或已湮。乾魚祭後祀典歇。但有村翁臙臘率社錢。縛草爲輪。翦紙爲船。不知仙人倏而來。兮忽而逝。雲車風馬電作鞭。胡用是物東西懸。長廊曲曲通迴旋。旁有道士扉。房房戶戶相錯連。甘蔗綠搖漾。修竹青便娟。竹雞聲中摘茶葉。石榴樹底交茶煙。吾思此地洵勝絕。道書

名之曰洞天。阿誰屈置一十六。何山可以居其先。昔年禹平水土名山川。至今岳瀆垂虞編。不聞議者糾其偏。若茲次第逞胸臆。毋乃僞託非真詮。試質武夷君。吾言然不然。

宿虞道士山房

老樹藏雲壑。閒房割洞天。茶烘丹竈火。鹿飲鑑池泉。藥酒供人醉。繩牀借客眠。山深風候早。四月已聞蟬。

幔亭

白石留遺板。紅雲失舊棚。要知幔亭會。亦是避秦人。

坐竹簾入九曲

連峰六六收蒼籟。查慎行。雨餘滑澗碎石街。彝尊。挈我栗杖撥毛鞵。慎行。蘭湯渡口上竹簾。彝尊。篙工指點一曲涯。慎行。題名幾處爭磨崖。彝尊。娉婷玉女峰最佳。慎行。野花簇鬢松搖釵。彝尊。當年武夷集神媧。慎行。歌絃鼓板金管絃。彝尊。高張雅奏無淫哇。慎行。子禽小娥定爾儕。彝尊。羣仙一散後會乖。慎行。黃心老木委蛻葬。彝尊。爾獨對鏡留形骸。慎行。千尋鐵障鎔頑錯。彝尊。大藏小藏肩背挨。慎行。山魈一腳帝所差。彝尊。洞門石扇呀然闔。慎行。壑舟力負何劬勩。彝尊。其中瑰木如積稽。慎行。又類羽鏃抽鞞。彝尊。水光汎汎聲泔泔。慎行。冥冥微徑不可階。彝尊。欲往金井迷鬼茭。慎行。深潭龍臥波濞瀼。彝尊。誰歟釣者貪。鱖魚。慎行。茶園新芽苗舊芽。彝尊。僧籃道笈采摘皆。慎行。可惜不逢紅粉娃。彝尊。題詩古巖平不欬。慎行。

精廬小於負殼蝸。尊尊豈若大隱屏之厓。慎行祠宇百世人模楷。尊尊大書照耀銀泥牌。慎行學達性天聖德諧。尊尊屹然天柱高巖裏。慎行勢如拱揖趨庭塔。尊尊須臾路迴仙掌排。慎行神臯下上車駢駘。尊尊竹窠桃磻雜樹槐。慎行龜浮獺控形膠催。尊尊白雲葦前雙眼揩。慎行俯視九曲濼青縞。尊尊星村村落尤可懷。慎行新苗活水通荆柴。尊尊穀犬跳聒雞膠啗。慎行況無蛇虎猿豺豺。尊尊何時買地營茅齋。慎行耕耰漁戈與子偕。尊尊

虹橋板歌

板爲崇安潘秀才
在東所贈

虹橋板可望不可卽。絕壁深藏太古色。日炙不黃。雨淋不黑。洪流不漂。土不蝕。百蟲將軍焚不得。吾欲梯長林梢。恐墮鸛鶴巢。吾欲駕澄潭坳。恐拔千歲蛟。鼈鼉倒懸蝙蝠墜。惟有怪鳥獨立時。爬抓潘郎嗜奇每置青玉案。鋸贈一條長尺半。爲言曩者避兵接笏峰。一夕急雨飛寒空。雨狂更起擲鷓風。虹橋板自天半落。斜拖下壓黃冠宮。爾時青童白叟悚息不出戶。亟持此板歸山中。吾聞茲言吁可怪。石泐金銷此不壞。既非桐與栢。又非榿楠杞。梓楓豫章。穀紋水波鑿中央。沈思是物豈無用。何況獲自仙居洵堪重。當時宣和好古祕殿無爾曹。吾今藏棄足以豪。試令刻作黃神越章印。山行蛇虎應潛逃。

仙蛻巖

魚家姊妹趙家兒。雜坐歌師問板師。莫唱人間可哀曲。山阿遺蛻也堪悲。

御茶園歌

御茶園在武夷第四曲。元於此。煇焙局。安茶槽。五亭參差一井洌。中央臺殿結構牢。每當啓墊百夫山下。喊事見武夷志。椀金伐鼓聲喧嘈。歲筭二百五十戶。須知一路皆驛騷。山靈丁此亦太苦。又豈有意貪牲醪。封題貢入紫檀殿。角盤瓊枕怯薛操。小團硬餅擣爲雪。牛潼馬乳傾成膏。君臣第取一時快。詎知山農摘此田不毛。先春一聞省帖下。樵丁薨豎紛逋逃。入明官場始盡革。厚利特許民搜掏。殘碑斷白滿林麓。西阜茅屋連東阜。自來物性各有殊。佳者必先占地高。雲窩竹窠擅絕品。其居大抵皆巖壑。茲園卑下乃在隰。安得奇茗生周遭。但令廢置無足惜。留待過客閒游遨。古人試茶味方法。椎鈴羅磨何其勞。誤疑爽味碾乃出。真氣已耗若醴餉其糟。沙溪松黃建蠟面。楚蜀投以薑鹽熬。雜之沉腦尤可憾。陸羽見此笑且哧。前丁後蔡雖著錄。未免得失存譏褒。我今攜鎗石上坐。箸籠一一解繩縉。冰芽雨甲恣品第。務與粟粒分鎗毫。

仙掌峰瀑布

仰瞻兮山陘。懸瀑布兮翠屏。忽循兮山後。泉涓涓兮鳴石竇。石竇兮中開。激衝風兮轟厖。一丘兮一壑。忘吾道兮邈迥。萑蒲蕙兮烏麻飯。青松陰兮白日緩。思移家兮駐顏。年七十兮未晚。

天游觀萬峰亭

大山相排連。小山補其闕。羣峰罕異向。危亭乃孤揭。適當地敞開。不在勢突兀。虛明徹戶牖。豁達掃煙焮。盪空激颺輪。照夜湧日軌。有時霧著巾。忽焉雲觸轡。憑欄恣眺聽。靈境信超越。儼同喬嶽尊。遠爾盡朝謁。紛紛揚旌旆。穆穆乘圭笏。又疑三海圖。神物互出沒。足或蹶夔魑。背或負蛭壓。前平訝象耕。後陷類狐搯。隱屏翕而張。接筍斷不蹶。長松偃薺菜。細竹披苗髮。溪流乍隱見。祠屋半彫歇。歸然此獨存。坐久興逾發。雖云冠山椒。何異在巖窟。石房一道士。清癯老鶴骨。延我崎嶇丘。靜埽苔徑滑。苦無青精飯。力爲煮葵蕨。高田歲未荒。四月草先岱。分種及胡麻。安確響深樾。相對生隱心。欲歸恨倉卒。何當裹餼糧。留住一百月。

樟灘

建溪饒驚濤。樟灘最巉險。顛波勢欲下。亂石故磨颺。窪坳碾作渦。刻露圭就琰。我衰憂患多。過此容色斂。篙師凝睛立。尺水巧迴閃。鏗然矢投壺。狎恰不誤點。輕舟恣一擲。縱若烏脫羆。以茲推物理。遇境適夷險。人或發禍機。忌者思盡掩。揚瀾沸平地。鑿空架崖廠。由來人背噂。未必鬼神貶。濟盈軌易濡。忠信幸無忝。習坎入坎凶。旣出夫何玷。浮海桴可乘。舟揖況剡剡。

建陽

徽公舊是建陽居。竹樹清疎畫不如。講席至今留未改。人情大抵好相於。得觀雲谷山頭水。恣讀麻沙里下書。此意殘年仍莫遂。扁舟欲去轉躊躇。

延平晚宿

兩兩浮橋趁浦斜。居人分占白鷗沙。瓜瓢豆筴迎船賣。只欠南鄉澤瀉花。建寧產澤瀉花。可噉。昨過未及買。南鄉橋名。

雨中過黯淡灘

灘光黯淡雨連坑。一笑船師勸客行。三疊跳波兩搖手。權歌十里下延平。

水口

岸濶灘平漾白沙。船人出險鼓停撾。爲貪放溜風頭坐。不覺蜻蜓上槳牙。

竹崎關

溪漁樹底輸稅。關吏津頭算緡。縱有僧樓藥院。日長吟眺何人。

食荔支寄查上舍弟嗣琛時在秦中

荔子漿酸價未高。風前試解絳羅袍。常筵忽憶西征客。馬乳涼州也自豪。

噉福州荔

噉荔如噉蔗。佳境須漸入。必待藍紅江綠熟。始嘗何異渴人禁之飲米汁。粵洲火山四月丹也。勝盧橘楊梅酸。我來福州日北至。投我只合齊堆盤。端明譜中三十有二品。大槩綃衣雪作衽。粵人誇粵閩誇閩。次第胸中我能審。

林叟儔攜二子載酒過

釀比官醪。釀肴看水族。分老年思舊雨。深話到斜曛。契獨存僑札。交須合紀羣。不妨留秉燭。作賦共誅蟲。

甘泉漢瓦歌爲候官林侗賦

西京無書家。但有急就凡將篇。其後闕里闕。乃得五鳳二年輒。滕公石室閉已久。文體倜儻乖自然。芝英鶴頭書。歲遠俱沉堙。孰能抉淵奧。冥索崔張先。候官林侗。媿蒼雅。袖中忽出甘泉瓦。長生未央字。當中逸態橫。生恣塗寫。定州漢廟不足珍。銅雀香姜盡流亞。吾聞甘泉本是祖龍之所遺。武帝因而恢拓之。非無益壽延壽字。今已蕩盡蠲錙釐。金銅仙人去渭水。椽桷自毀化作龍鱗而。當知是瓦定有鬼神護。不然安得團圞如鏡。勿使纖毫虧。伊誰擅此隸法古。毋乃史逸丞相斯。下至元封人物能爾爲。侗也。耽奇莫與並。手搨硬黃墨一挺。裝池作冊索客題。重之不異焦山鼎。吾生亦好金石文。南躡五嶺西三雲。手披叢篁斬榛棘。殘碑斷碣搜秋墳。攜歸蓬屋少香芸。壁魚散走飢鼠嚙。蟲涎粉蛙徒紛紛。侗兮侗兮真好事。殿闕遺墟靡不至。短衣匹馬尋昭陵。陪葬諸臣表銜位。旁及降王一十四。右先咄咄左什忒。殿以那順范頭利。舊史缺漏新史刪。侗也爲之考其次。試入儲藏蘭話堂。長物何論僉一筭。君家嚴君政不苛。至今秦地猶謳歌。年過八十尙健飯。丹砂不餌朱顏酖。兼珍之養樂事多。長生瓦兆本爲此。請君一日三摩挲。

長慶寺噉荔支二首

長慶古僧寺。獨公新道場。重來疑夢寐。六月轉清涼。老喻苦瓜苦。曩客廣州訪獨禪師於海幢寺。饑進苦瓜。予不食。師言居士少年不耐苦也。

渴思香荔香。七星空有井。不用汲寒漿。

魚網船船渡。土人伐荔子木。樵柯歲歲殘。連根移上苑。重馬走鹿官。再至雙林少。寺中荔子舊有五。他時一飽難。山僧會客意。臨別更堆盤。

又聯句

熱客辭三伏。精廬訪一龕。園開小暑後。徑盡側生南。華尊僧臘嗟頻改。禪房亦舊語。茶瓜宜屏却。梯閣緩登探。石門吳震方。幼超劇喜青猿捷。先除石貝貪。荔也。荔蠹。層層堆玉案。各各滿筠籃。查慎行露比三霄冷。漿同十酒甘。倒囊元止渴。勿藥定祛痰。華尊譜就全勝畫。評時恣倚擔。瀘川知不敵。珠海較無慚。震方鎔蠟思封帶。磨鉛欲代觚。載歸鄉曲好。終賽一筒柑。慎行

汪學使薇餉楓亭荔

香荔誇奇絕。楓亭古驛中。色雖殊挂綠。品已壓輕紅。一種生偏側。千房味不同。重煩故人意。分減及衰翁。

林封君招飲榕菴

細泉危石響崢嶸。避暑筵開接款顏。祖竹杖多供客借。佛桑花放許吾攀。入門愛坐千年樹。對酒平臨一朶山。珍重主人投轄意。留看七塔夜燈還。

龔運使招飲園亭

烏衣子弟列通官。逸興東山老謝安。六月開筵花事好。百分勸客酒杯寬。開輪沼上儵魚樂。醉任塔前海鶴看。已是晚涼收羽扇。更排高棟俯層欄。

飲張舍人巖齋

門才風貌阮何間。官簿重題右史班。三伏尙能留客坐。一瓶相勸借書還。濃陰古壁垂趺蔓。驟雨新苔滑小山。我醉已拚逃席去。更煩香麝出屏彎。

江瑤柱

異味傳方域。嘉名注食經。連江誰布網。獨漉忽登鏹。遞自三山速。風來五月腥。羚羊羸見角。蠟蠹斂同形。銳比盆花鋪。圓同鈿帶鞞。粵呼爲角帶子。探腸先去甲。刮膜止存丁。淨洗膏猶沃。新烹火莫停。冰檐初挂鐸。雪菌乍抽釘。白嚼河豚乳。紅餐荔子廳。誰言分鼎足。試倚竈觚聽。

閩中海物雜詠七首

西施舌一名沙蛤。俗呼西施舌。

吳人輸一錢。思覩西子頰。何如得網中。宵分齧其舌。

香螺

鮓魚雖言美。祇供漢賊餐。莽操俱嗜此。詎若香螺潔。日上先生盤。

螺閩小記一
名蠔蚌。

綠蒲包海鱉。味勝蟹胥滑。一笑過江人。嘔心為蜚蚶。

蟹魚腹下有十二足。雌雄常相負取之。輒作雙。

尾插茨菇葉。臍攢螃蟹筍。南庖驚束手。非止北人嫌。

花蛤

略識味似螯。寧知化非雀。誰加水族恩。特與繡衣著。

黃螺

肉縮等蝸角。涎腥過螞房。憐渠一破殼。也有九迴腸。

珠蚶

海物多充庖。珠蚶亦配酒。取禍自有胎。不在深閉口。

題讓竹亭修禊圖卷

今年禊飲負花時。讓竹亭前到恨遲。比似永和應更勝。坐無一客不成詩。

飲陳孝廉學洙烏石山房

旅館苦毒熱。若鳥困樊籠。忽聆折簡招。柅車道山阿。此身離沃焦。冰雪投岷峩。主人頗善病。賓至移藥羅。預儲楚筍鞵。易客深雍鞞。虜壑不在僻。位置因坡陀。層欄萬井上。三面雲遮羅。俄看魚鱗收。一峰青一螺。日永風舒舒。卷幔吹漸多。亭幽倚翠壁。曲磴交荆莎。涓涓細泉流。攬石注陽坡。誰滋徑寸泥。乃吐雙莖荷。木桃綴華實。扶荔撈鮮波。瀏覽隨所欣。樂飲日已蹉。既無形骸拘。且免監史苛。杯闌見題句。小陸此寤歌。髡髻書策存。陳子出雅坪之門豈忍輕聖磨。吾郇物外心。從茲數娑拖。肯於三伏時。禮法繩愆訛。作詩繼小陸。觀者任諧訶。

題汪方伯小像三首

澎湖小別五年餘。消息頻傳過嶺書。一笑相逢還看畫。故人瀟灑只如初。薇堂綳子出花前。野老來逢湯餅筵。料得牽衣添阿囀。肯容郎罷賦林泉。乳毛五鬣拂龍鱗。瘦石多成雨點皴。此景并爲君占取。更留何地屬閒人。

壽山石歌

無諸城北山青嶺。近郊一舍無楓杉。中間韞石美如玉。南渡以後長封緘。方輿勝覽於福州土產首載壽山石是誰巧措蛙蚓窟。中田忽發蛟龍函。剖之斑璘具五色。他山之石皆卑凡。我昔南游旣塘市。對此不覺潛舛。是時楊老善雕琢。楊字玉璫紐壓羊馬。麝廬感兼金。易置白藤笈。不使花乳求休撓。今來賈索尙三倍。未免瑕漬同梅。

賦。其初產自稷下里。後乃深入芙蓉巖。菁華已竭。采未歇。惜也大洞成空嵌。非無桃紅艾葉綠。安得好手來鐫劂。桂孫見之不忍釋。裹以黃葛白蕉衫。伏波車中載薏苡。徒令味者生譏讒。況今關吏猛于虎。江漲橋近須抽帆。已忍輸錢爲頑石。慎勿輕露條冰銜。近凡朝士過關者。苛索必數倍。

高斯億爲余畫竹以三絕句報之

故人有才子。斯億爲老友。雲客之子。爲我埽叢筍。長帽眉山老。看來足亂真。

細似楊无咎。疎於顧定之。清風愛相對。赤日最高時。舊種南垞竹。圖中勝百分。歸裝無長物。得此卽封君。

以蜜漬生荔支戲成一律

省得紅塵一騎忙。輕郵試驗指迷方。兩教爐火煎鉛液。更犯巢蜂割蜜房。沃水預愁擔僕困。開筵試共酒人嘗。到家翻惹兒童笑。那不圓籠寄海航。

曝書亭集卷第十九

古今詩十八

屠維單闕

羅浮蝴蝶歌

爾雅釋蟲名。蝴蝶置不錄。之蟲豈無知。小大各有族。小者撻耒產江東。大者乃在朱明曜真之天巖洞中。當其物化初。天與形不同。蠻雲華首紫。海日博桑紅。游禽五色詎敢啄。滿身香霧花濛濛。仙人兮拍手笑。愛爾翩翩特娟妙。或云葛翁衣。或云麻姑裙。二者傳說徒紛紛。入秋倦飛絲乍罨。葉底風搖滿山繭。垂虹亭長手拄卽栗條。去年踰嶺尋鐵橋。歸來雪灘纒卸馱。分我蝶繭剛一箇。留之十旬鳳子生。曲腰短足相搪撐。豎雙眉。張兩翅。輕於吳綃薄於紙。對神光之陸離。駭賦質之僞詭。我思此蝶放之四百三十二。蜂前餐英嚼蕊恣歡妍。何難大似車輪然。我今縱之出簾柙。可惜不諳餉花法。雲母扇。丹霞衣。嗟爾萬里安得歸。文章枉使負奇色。不及灰黃粉墨野蛾高下東西飛。

又近體四首

攜來柏葉綴沙蟲。蝶繭多懸烏柏葉底。物候初溫五月風。蝶以五月朔破繭出。玄鳳忽然看倒挂。仙蠶深恨不同功。粉香弄玉

古今詩 十八

三一五

勻塗後。裙色麻姑想像中。離合神光終莫定。畫圖誰信小滕工。蛟蝶圖滕王元嬰子洪然所畫。

藤笈初開且試飛。槳牙牆角見應稀。輕狂忍把霜紈撲。愛惜須加繡幕圍。萬里風花香入夢。六朝金粉畫

成衣。吳娘正要湘裙樣。分付流黃第一機。宋樂府有九張機白一至九。

籬邊野外舞春駒。認得羅浮種獨殊。衆裏自應呼鳳子。生來只解抱花鬚。鉛華水淨分初日。金縷衣輕颯

五銖。比似吳人看西子。未貪市上一錢輸。孟子疏西施至吳市觀者各輸錢一文。

猶記歸裝嶺外齋。炎天二月展金泥。衰年再見真難得。異物初生也不齊。偶落人間休悵望。但留花底莫

東西。寄聲爲報垂虹長。好配新蛾與並柄。虹亭簡中尙存三繭。

題瞻園舊雨圖二首

壯年蹤跡任西東。老去諸餘念漸空。醉地至今猶戀惜。大功坊底小園中。

花南孔雀翠屏張。共倚新聲八寶裝。誰向井邊歌舊曲。淳熙半隸幾斜陽。園有井闌刻淳熙年字。

長水曉行

月暗千重樹。風微一葉舟。殘星高太白。重露滴牽牛。菽乳新漿熟。魚標小市收。不知葭葦岸。吠蛤爾何求。

荷花

梁間巢燕幾曾來。竈下狸奴去不回。猶有荷花憐舊雨。年年一爲主人開。

七月八日張孝廉大受招高上舍不齋載酒過百花洲索子父子吟藁率賦

七夕已過猶繡蒸。廚船遠發太湖棧。攜來瓜果嚼復嚼。盡此壺餐不能舊。日詩篇忘甲子。老年書法誤。丁朋煩君并向狂兒索。病劇知渠起未曾。

李高士延墨墓下作

慷慨松江別。淒涼桂水還。擔花嘗郭外。賣藥遍人間。野史何由續。遺書尙未刪。空餘懷舊淚。一灑柘湖灣。十月二十一日喪子老友梅君文鼎歸自閩中扁舟過慰攜別後所著書見示部帙甚富余亦以

經義考相質并出亡兒撫韻遺藁觀之成詩百韻次日送之還宣城兼寄孝廉庚

老夫初失子。痛若遭鞭刑。騷騷理喪具。裂布帷兩楹。本爲共命鳥。卒然翦其翎。天乎獨何罪。此禍丁我躬。姑弘切有叟揚裘來。扶杖叩我扃。袖中出誅辭。書之鵠紋綾。旣以悼逝者。且用慰頽齡。申言聖賢阨。難免造化憎。西河授詩義。不聞子在覺。尼父成春秋。不聞鯉趨庭。遺恨古則爾。所以尙達生。叟言我輩然。旋收淚一升。延之西窗坐。試話睽離情。與叟別八霜。蹤跡如蓬萍。或淹津門居。或栖皖口城。北書鴈翻蒼。南書魚尾楨。茲從閩江至。始獲遂合并。青髮長五尺。一袂書手拾。持籌計長歷。制器窺圓靈。削木驗日晷。繪圖準方程。我思古帝治。七政齊璣衡。下及周女士。咸知列宿名。束楚抱衾禰。觀象乃宵征。畢雨箕風揚。武人解辨形。後世祕其術。張眼同晦盲。瑣瑣靈臺郎。曷能測穹冥。下學理帖括。怠棄夏小正。百翻兔園冊。足致公

孤卿昏昏軫蓋中。莫辨一點星。居然變陰陽。上應中台明。三才昧其一。庶績何由凝。叟書析微茫。該洽純粹精。惜乎時不用。歲月老笠笠。我亦志述作。緬懷三代英。流俗是末師。立心壞先型。埽除詩書序。區別義文經。客或立異義。黨附紛譏評。恨不漢晉儒。驅納咸陽坑。以茲經義廢。勦說徒相承。於焉考史籍。旁綜墓碑銘。下及稗官說。也復掇華菁。百川趨四瀆。導之入滄溟。百穀播三農。穫之聚坻京。先民可不死。身後留名稱。書成五鳳子。來集軒窗樞。蓮有並蒂實。蘭有同心莖。按之瑞應圖。僉謂斯祥禎。況記洗兒初。熱湯盆中盛。有文在其背。曰壽似可徵。云何凶短折。我心滋不平。兒兮洵聰慧。聞鄙誇寧馨。九齡善學書。楷法工撥鐙。十五嫻詞賦。下筆人皆驚。視不眩邪色。聽不惑姦聲。清心薄嗜慾。生產絕勿營。性亦勤著書。席研希留停。請看所排韻。力欲闢榛莽。涼花帶風露。哀玉明瓏玲。又如食俊味。盡洗官庖腥。比於回溪諷。獵史尤縱橫。宋日鄉人錢調。嘗回溪史韻。憶常病少間。黏紙連門屏。諸書八萬卷。剔蠹捐乾螢。陳言委時夫。秀句羅元兢。良由深意苦。甘使定命傾。先猶木支廈。俄而綆脫餅。恆幹不久留。所惜目未瞑。吾家太傅公。清德踰冰凌。王父守滇郡。得歸賴贈行。先祖知楚雄府事。聞曾祖妣何夫太人。奔喪盡無貲錢。巡按御史贈行乃得歸。先人失舊業。恥爲塵垢摠。負郭無遺田。八口一豆羹。雖管役婢僕。五世罷管榜。人言積善家。降殃願匪輕。念此腸九迴。孤憤氣填膺。俗傳老婦祭。不修禍所嬰。我貧無黃羊。何以媚竈脛。或者童男女。讒口上告天。他經切。竈神有。餽童驕孫六女。又聞道士言。夜必守三彭。我嬾動堅臥。尸蟲釋拘囹。或者請于帝。俘我才子年。奴京切。魂箴掌巫陽。鬼律著女青。寧期意所嚮。務俾才

者懲。將無太山籙。明神未式憑。第假鬼伯權。好惡初無恆。修短雖有定。我心終怛怛。叟也驗歷數。消息可立成。試爲窮九厄。因之推八紘。山何戴斷鼈。地何震死鯨。楓何以膠折。栗何以芽萌。莫莢何以落。桐葉何以增。律何吹黍轉。鐘何應霜鳴。此何亡也忽。彼何勃焉興。鄰里皆多男。我何獨孤惇。叟宜指我迷。喚我夢甦醒。答云萬品殊。二氣互陶蒸。舒慘物不齊。五曹算未能。呼童開盜菹。飲叟酒一觥。冬春煮糲飯。寒燭燒短檠。卓午詎忍去。徘徊曝書亭。吳船闔三板。送之還宛陵。我詩儻垂和。兼語猶子庚。

怪鷓行

曩時怪鷓吟。嘯池上柳。喪我南村詩人李十九。五年不聞汝惡聲。東鄰西舍賀太平。今秋胡然忽而至。見之不異眼中刺。吾家阿鏐衾枕間。歎息鷓來命將逝。初猶遠林深處夜半鳴。旣乃橫飛不待日晦盲。搖頭鼓翼坐屋角。後眺先笑窺檐楹。始知是物本爲鬼伯使。如偃導虎山蹊行。訓狐賊人梟食母。汝與同輩尤陰獰。喚人魂魄亦何苦。況擇善者戕其生。嗚呼吾子今死矣。欲不遷怒及汝非人情。聞之周官建有庭氏。韋氏誓族氏。射以救日之弓。救月矢。必覆其巢。攻其翅。先王有害務盡除。豈若今人昧茲理。吾將斷竹續竹彈以丸。毋俾惡鳥來林端。月辰二六星四七。方書去汝夫何難。

除日二首

感念亡兒苦。難收淚兩行。夢中猶定省。歲杪益淒涼。秃筆堪成家。遺書尙滿牀。多情酒壚伴。作賦比山陽。

上舍顧仲清咸三文學金介復俊民。戴鏜淑章。李宜景濂俱有輓章。

典祀先人臘。蕭然魚菽存。薦時煩寡婦。拜後止童孫。老分歡娛少。閒將甲子論。知無頌花客。未暝闔蓬門。

上章執徐

送窮日作

吾家五窮鬼。四世推不去。今晨縛車船。送往河隄住。水萍風中絮。散作千百身。勿使天壤間。乃有石季倫。

君平鏡歌爲家上舍思贊賦

古銅一片漢所治。冷光溶漾符月儀。其背有文繚繞之。由中及外皆銘詩。文或中斷字橫施。讀之百過猶嘖嘖。聳牙齟齬摧髯而良久。始獲通其辭。乃是君平之所持。惜乎未覩書年支。成都卜肆新雨時。若榴花分槎上枝。手挽織女機中絲。以之自鑒鸞鶴姿。軸簾布卦營神箸。百錢拄杖足自怡。酒家戶戶招青旗。從游弟子侯芭師。暇日長定肩相隨。識此奇字常解頤。千年土蝕苔鬚髭。繡成碧綠丹黃縑。阿誰磨刮無纖疵。吾宗子仲性愛奇。裹以重錦導長綏。大笑俗尚蟠蛟螭。開奩一照冰雪肌。木魅却走山精馳。吾聞仙人鏡四規。澗心定志有所思。方來之事罔弗知。是物度亦神所司。慎莫使近粉漿腴。華山精舍春日遲。長廊急溜鳴塔墀。落梅滿地藥甲滋。主人勸飲墨玉卮。桐與考古恣遨嬉。古來金石各有宜。其人已往文在茲。金尤易鑠寶易虧。昔賢嗜好情不移。錢志小大印官私。家有款識宋傳貽。七鐘九尚廿鼎彝。鐙檠刀尺別。

等差。何哉。鏡銘獨見遺。嘯堂舊篆曾取斯。挂一漏百人交嗤。吾今對此興不衰。思揚繭紙研險糜。與令巧匠爲裝池。鏡兮鏡兮爾勿悲。神物遇合信有期。

春日南垞雜詩七首

入春風雨太連綿。著屐扶筇越陌阡。鄉里兒童莫嘲笑。已過七十杖朝年。七十杖于朝本祭義

睡起三商未覺遲。春衣盡典謾嗟咨。諸公袞袞黃河岸。正值桃花水上時。

十年手種池南樹。今歲纔分花白紅。尙有舊游三叟在。謂繆泳鄭不知更醉幾春風。

舍外青鳩解喚晴。籬根玉版慚抽萌。無兒可遣修雞柵。客至生憎臘膊鳴。

瓜頭水綠樹根流。早有活東池上游。只少故人攜酒榼。醉來新月送行舟。懷徐上舍

社公小雨不黏沙。瞥見迎風燕子斜。料是東家巢已定。但來花底啄芹芽。

移種盆松六尺強。欲當車蓋蔽斜陽。不知黛色成陰日。此地何人結草堂。

巡撫宋公以新雕蘇詩施注見貽賦謝

元祐罪人編年詩。東坡自寫背面像誰其注者施元之。中丞訪得嘉泰本。上客爲補由儀辭。梅谿舊箋付

臯瓿。傅稗遺楷傳漕司。嘉泰本刻之淮東倉漕司衰齡撥書反覆讀。笑比黠鼠啣薑時。

飲顧孝廉嗣立秀野堂同周吉士舉賦

秀野堂深曲徑通。巡檐始信畫圖工。王給事原祁寫小山窠石屋高下。清露戎葵花白紅。已許糟丘成酒伴。不妨蠶簡借郵筒。入秋準踐登臚約。吟遍江橋兩岸楓。

借陳同知昂畢上舍大生李孝廉大中從孫丕戴登澗山寺謁秦女祠分得合字成三十韻

二百里澗湖。夙與團渌合。茲丘峙其隅。廢眇等羸蛤。想當在中流。川氣互蒼白。漁商恆惴恐。波浪恣礪磕。愛此一箕山。表以千花塔。風帆走四面。烏鵲透三市。傳聞秦女神。於焉沉錦躡。大姑鶴背騎。仲姑蟾背踏。季也鞭青蚪。履用五絲鞞。力能役鬼工。地戶信押闔。忽悅靈旗翻。飛雨響修颯。物換改桑田。祠宇儼闕闕。月檐搖綵幡。煙帳熏紫蠟。至今千歲蛟。不犯青苔榻。其西鑿井泉。與湖暗呵飲。綆餅都棄寘。猶幸闌未塌。循徑入寺門。虛廊屏翳雜。土灰掩法王。無復辨魚鵠。一童啓荒扉。一老補敗衲。旣免禮數煩。且喜朋簪盍。巖幽足眺聽。鳥下乃潛虛。言是龍子蟠。黑雲時出納。何年湧山根。若頤略噬嗑。鴨脚樹兩株。不知幾僧臘。柯條神所護。孰敢肆摧拉。試驗縱橫陰。誰與量玉鈿。南有修竹林。冷翠壓籬翳。疎籬野蒿微。綠刺見斜搭。坐久山鳥鳴。惜哉少酒榼。何處星星鐘。隔浦遠相答。

徐檢討軌紙扇讀修上人詩愛其清逸上人時訪余放鶴洲余留吳不值却寄以詩

少年上人足佳句。清似玉壺一段冰。絕倒垂虹舊亭長。來尋放鶴老詩朋。迂辛短李許誰和。癩可瘦權知不能。何日扁舟攜白簞。聯吟竹屋夜窗燈。

澱湖陳氏書齋觀吳仲圭爲陶九成畫竹居圖冊

吾鄉梅花衲。畫竹如箭彘。但留煙雨叢。不必定娟好。一叟南村來。林泉互幽討。爲寫徑尺圖。籬落皆意造。兩書至正年。其體近章草。題句十一翁。一一盡遺老。我友澱湖潛。竹居等鄰保。真蹟儲篋中。啓示藉文纒。孟夏風始薰。新篁小亭抱。髣髴秋聲聞。可以除熱惱。道人述松雪詩有歸聽秋聲之句故及之。

題納涼圖

愛伴雲根坐。還留羽扇揮。休添一星燭。便惹麥蛾飛。

陳君緘寄普光王寺二碑索余游記復成三十韻兼寄錢上舍柏齡高處士不齋

我聞千佛名。載在三車書。惟茲普光王。梵夾乃忽諸。佛說無普光王經。唐中宗時。僧伽建寺。請名普照王。寺中宗以照字是天后諱。乃改爲普光王寺。親書其額。賜焉。蓋製其名。茲寺流傳南渡日。有僧棲山岨。危榜兆吉夢。初地開精廬。要知法王子。信者意所如。偶然占高座。卽事傳方輿。當其始經營。入定走魑魍。結成多寶塔。倒景浴修渠。莊嚴水晶域。瀟灑青豆居。有若爛銀盤。中湧翠芙蓉。過者停畫橈。清辭琢雕琢。四明吳文英過此題滿江紅詞陳迹歲三百。鼓簫歇巫胥。花宮縱蕪沒。臨眺興有餘。波湖息廣澤。禾麥交平畝。導水固有術。泄之以尾閘。忽念淮泗衝。濁河苦填淤。誼誼禱壁馬。折柳沉薪。樽至尊日焦勞。羣公但躊躇。千艘未得轉。何以實倉儲。芻蕘效未喻。西北水易疏。沾有七十二。可以通沮洳。淀有九十九。可以興耨鉏。俾之納稔種。亦得收蒲魚。天庾旣以充。河患不待祛。焉用萬斛舟。牖口紛牽

掣誰能急先務。草莽徒歛歔。良辰且游衍。藻景方舒徐。悔不抽帆檣。悉留心相於。左拍高生肩。右攬錢叟祛。誅茅此山麓。耦耕晞濁沮。

近來二首

近來文人愛標榜。不慮旁觀嘲笑工。但架廬陵屋下屋。瓣香誰解就南豐。近來論詩專序爵。不及歸田七品官。直待書坊有陳起。江湖諸集庶齊刊。

陸秀才競烈南田書屋圖

近郭一丘一壑。到門有橋有船。主人著書檐下。不入城市經年。

送李司訓琇之括州

我聞括州洞天福地有其四。近在縉雲麗水青田間。廣文先生此去主郡學。芙蓉面面峰迴環。毋嫌籤程遠。毋憚行旅艱。揚帆七里瀨。舍權雙溪灣。我昔逢雨雪。冰膠磴滑不易攀。子今乘清秋。一日可以超重關。惡溪亦不惡。終年水潺潺。隘口亦不隘。終日車班班。青衿胄子載酒至。往往剝啄鳴樞橛。龍泉碧盃蛛絲斑。香菇菜筍飯赤稷。全家志在潔白養。三簋之祿足以怡慈顏。況聞此地僻且閒。有腰免使陶潛彎。熱官何如冷官好。宴坐但看門前山。新詩相憶肯相寄。老夫爲子方便刪。闕詞方便刪。元微之句也。

東湖曲八首

弄珠樓外月輪明。九派寒潮一夜生。怪道漁榔爭入市。白鰕青鯽滿東城。
十里湖光一葉舟。五層塔火浴中流。曉來寺寺霜鐘急。驚起啼烏掠渡頭。
吳娃蕩槳濕輕紈。西浦菱歌聽未殘。路入板橋舟去遠。游人尙擁赤闌干。
博陸祠東畫舫開。兩頭簫管勸交杯。城門緩鎖銅魚鑰。坐待三更月出迴。
黃雀披綿出葦荇。花雞剖腹露紅椒。不煩蘆瀝品鹽糝。米汁船娘手自調。
鱸鄉蟹舍說豐年。秔稻常湖熟最先。一雨新晴纔幾日。家家門外送租船。
化城香刹裊幡竿。五髻如來石作壇。乍浦南風潮兩信。新黃柚子滿堆盤。
夾岸筵籬鹿眼麇。近船花草錦茵鋪。湖邊漸少閒田地。堤上宜添賣酒壚。

題趙方伯勸農圖

三農播百穀。原隰各有宜。匪特因地利。又必循天時。民生務在勤。豈可惰四肢。耘耨一不力。苗莠互爲其。
炎暑尤可憐。秧馬苦踣踈。晨蠟夕飛蠶。一一嚼頑肌。及其登場圃。手足盡皴胝。磨礱且簸揚。然後供一炊。
云何不愛惜。等之美稗爲。盈倉飽雀鼠。百斛飯僧尼。國奢常示儉。先務宜在茲。我后省耕斂。蠲租起瘡痍。
作繪耕織圖。子子先保釐。公復纂質言。勸農書也。鏤版下有司。遠邇七十城。戶誦比書詩。齊民諳要術。風俗公所移。吾衰受一廛。僻在長水湄。披圖媿善頌。對此豁雙眉。

南浦歸舟圖爲李上舍宗潤作

已別東湖夜月將。拏南浦歸舟。好占日色風色。直泝饒州信州。

西湖

十三亭子景平分。銀榜昭回天漢文。破除水墨馬一角。馬遠有水墨西湖十景册。畫不滿幅。人稱爲馬一角。姚雲東詩。宋家內院馬一角是也。界畫金碧王孤雲。裏湖外湖煙樹接。斷竹續竹山泉聞。承恩父老衣黃絹。芸鼓鑿鑿報夕曛。

臨平道中是日立春

老矣孤蹤尙棲泊。小除日近始來還。且沽市中缸面酒。臥看雪後礬頭山。谿雨移時泥滑滑。舟人上岸腰環環。安平泉源一叢樹。早有春鳥鳴其間。

虎山橋夜泊

薛家車子十四。白傅歌童一雙。風定虎山橋水。月明蠡殼船窗。

曝書亭集卷第二十

古今詩十九

重光大荒落

二月朔查山探梅集六浮閣分韻得覃字

查山一卷石。太湖匯西南。梅花幾百萬。亂插如蒼簪。我來微雨後。盡坼霜苞含。橫披谷錦繡。倒映天蔚藍。高臨銅官井。下者菖蒲潭。麋眼編疎籬。鹿胎糝空峪。卑枝或壓帽。瘦蒂恆飄衫。粉蝶羽翻飛。白龍須鬚鬚。曩時李先輩。丘壑性所耽。過之不能去。思結小圓菴。點筆寫爲圖。買山付虛談。清河有一老。於此開徑三。詩壘黃蔑樓。生壙金粟龕。偶占絕勝地。戶戶圍重嵐。漁洋峙厥左。層波激澗澗。其右浮者六一。一同眠蠶。所憾溆浦隔。未得窮幽探。徒羨漁子艇。揚帆捉羸蚶。張郎敬愛客。託契來僑鄰。園蔬進香飯。家釀發新坩。彭鱗列瑣細。橙橘分酸甘。主賓迭相勸。力飲忘身酣。是夕陰復晴。淨洗雪曇曇。花光暝逾蒸。四坐聞醜醜。牽吟共鬪韻。語笑吳越參。酬和繼沈范。少長齊羅聘。禮從野人野。嗜比貪夫貪。昂參橫醉後。各各猶研覃。回憶平生游。斯集樂且湛。擬留信宿居。懶上白竹籃。

初二夜月聯句

古今詩 十九

三二七

二月哉生明。華亭高不驚。查客曆象古無易。長洲顧嗣協迂客云。何期未屆。吳江徐軌電發。忽露一鈎白。
嘉定張大受。日容纖纖。缺兩頭。犖尊遠遠。眉半額。長洲顧紹敏。嗣宗驟剖老蚌胎。吳縣徐葆光。亮直乍吐
妖幕魄。秀水朱甫田。製遠拉折金臂環。崑山徐昂發。大臨屈曲玉牙尺。長洲顧嗣立。俠君仄痕浸湖波。長
洲張士俊。龜三初輝澹林隙。長洲鄭斌。季雅趁霞射東崑。長洲蔣深樹。存逐景度西磧。嘉定張士琦。天中
偃蹇桂樹枝。不驚蹀躞仙人跡。嗣協而看越烏將。軌喘笑吳牛亦。大受於焉拓風簾。犖尊恰喜映瑤席。紹
敏玲瓏閣外梅。葆光淨若曳霜帛。甫田暗水流其間。昂發積素影活碧。嗣立廣寒八萬戶。士俊料愛惜花
客。斌預使千里光。深冷沁凍蛟脊。士琦亟催簫譜修。不驚恣把餅泥圻。嗣協或舉深杯邀。軌或持紺法測。
大受維衡連疾遲。犖尊猶人命通厄。紹敏先時天不違。葆光翕者書焉闕。甫田勝引樂自今。昂發庶徵考
疇昔。嗣立多耀由政平。士俊寢和驗寒革。斌金樞落不知。深爛醉參橫夕。士琦

雲溪草堂圖爲徐進士永宣題二首

菱葉荷花蓼草磯。鶴巢深樹客來稀。主人且莫貪高臥。合試新涼柳汁衣。
江城過雨不開雲。百里洮湖一曲分。比似玉河隄上望。柯亭劉井總輸君。

上巳後三日顧孝廉之珽招同諸公泛舟西湖卽事分韻得交字

獨擢花陰入。重湖柳色交。斷橋亭蓋瓦。曲院水通坳。楚雀簧猶澀。江蓮葉尙包。宸游留翠墨。車馬隘春郊。

吳越武肅王祠觀表忠觀碑得潛字

一王三節返。龍德半飛潛。尚有豐碑在。能摹活筆錢。花開仍陌上。廟古逼城尖。薪業餘陳迹。思繙舊史添。

予注歐陽子五代史未就

八日汪上舍日祺招同諸公夜泛五首

青驄斜日盡迴鞭。錦瑟中流能合絃。誰似汪郎苦留客。夜深猶放總宜船。

湘湖遺老毛叟奇齡舊清狂。白髮相逢筍蕨鄉。已分今宵共沉頓。不妨跋扈少年場。

西泠橋外柳娟娟。宿霧迷濛月一弦。陌上花鈿如可拾。安知老子定無緣。

蠟燈何處送歸艎。一道萍開燕尾香。寄語紅牕休度曲。隔船回顧有周郎。

湖心亭子靜無塵。更上層樓算酒巡。好趁三潭涼月色。白銀盤裏采香尊。

十日周上舍嶽招飲晨過昭慶僧舍雨霽借諸君登舟循孤山沿蘇公隄至定香橋尋杖策歷大

小南屏觀磨崖人卦舟回席上賦六十韻

山行有前期。晨起風雨惡。周郎衝泥過。促赴開沽約。車從酒庫來。航近寺門泊。同調六七人。畢來踐宿諾。

俄頃濕雲收。周遭露巖嶮。紉如津鼓動。解我青絲紵。隄緣水仙祠。柁轉巢居閣。已枯宅邊梅。何況墓上鶴。

徐集孫謁林和靖墓詩高風留塑鶴殘雨暗荒碑

舍之度西泠。椒壁乍坊堊。長廊面積水。華構織新箔。云何丹粉外。團焦用綯索。

得毋法堯階。茅茨罷翦削。循此湖上洞。尋復步蘅薄。雙樹繚檐楹。層樓敞櫺櫺。倒影碧重巒。殘英紅一萼。抽梭白魚跳。拂鏡翠羽掠。十亭此爲最。奇豈緣棧壑。同游興未闌。我心亦有託。思訪磨崖書。剔蘚試摹拓。篙師橫舟誤。道失墮蕭葢。俄聞南屏鐘。扶杖強趨趨。到院風滿林。松栝雜楊柞。客過僧不迎。去疾走矍矍。此輩廢耕畝。安坐享齋餼。何不勒歸農。驅使荷鋤鋤。夕曛斷塔明。仰見飛鳥羣。起行十畝間。柔桑已沃若。修修綠筠竿。濕粉脫鮮籜。曲木橫爲橋。中以石填廓。苔磴側未安。賴有藤婁絡。頽齡苦足繭。十步九引卻。賈勇始一登。履險漸寬綽。石經早淪亡。餘者日銷鑠。家人卦六爻。何年此鑿鑿。曩借鉏菜翁。曹侍盤礴。彈指四十春。重過感今昨。流傳迂叟題。所喜未闕落。威鳳臆騰鶩。乖龍爪拏攫。亟宜響榻回。悔失攜竹膜。字仿婁機箋。手學蔡邕摸。坐久暝色催。出谷下危灼。平湖水悠悠。遠岫山漠漠。喚渡無緩聲。舉臠有逸爵。廚勅江庖烹。盤釘海物錯。紛綸算觥籌。稠疊進羹臠。吾衰僅兩齒。笑比牛軟嚼。於禮去煩苛。旣醉忘嗚噓。邇來數近游。今日樂上樂。雖殊梓澤絃。合繼蘭渚作。於焉迭觴詠。詩排硬語各。且當柅我車。入市趁櫻酪。主人洵好奇。語客君且莫。茲游縱可娛。所見但塗腹。詎足契真情。要必遠城郭。須爲裹飯交。選勝窮寂寞。兩峰躡晨梯。九鎖開夜鑰。行逢鹿銜花。臥聽禽擣藥。暇看樵子碁。雄對仙人博。子言我獨哂。其奈筋力弱。後游儻可陪。閉戶養腰腳。

顧十一孝廉嗣立載酒寓樓遂同夜泛三首

近郭新晴穀雨。故人載酒僧樓。商略今宵月色。一艘小舫中流。
白鷺鷺拳一足。綠楊柳散千條。誰唱彎彎月子。赤闌干第四橋。
蘇學士隄芳草。水仙王廟寒泉。正好當頭明月。莫緣半醉迴船。

借諸君過靈隱寺雨宿松靄山房限韻二首

湖雲乍合山雨微。平岡細路風吹衣。過橋幾處輒塔湧。到寺一道巖泉飛。
斬新白花蕊照眼。依舊青竹園開扉。攀羅捫葛信公等。我與僧彌暫息機。
正喜餘霞射東谷。何期蒼溜滴階頻。且貪是夕翦燈話。判作來朝著屐人。
慧遠酒邊能發興。周顛肉罷詎生嗔。貓頭之筍一飽足。況有青青鴨腳芹。

松靄山房六詠

四松徑

松子落五粒。松釵橫十尋。我來凡幾宿。夜夜警臯禽。

山茶院

一十四春風。一百五寒食。自開雪中花。至今好顏色。

清籟居

一夜雨鳴樹。不知雲幾重。推牕看曉色。對面北高峰。

西礪

山僧斲茯苓。洗此西礪水。宛轉流樹根。涓涓鳴不已。

栗園

布葉密如櫟。結實小於榛。時有芻尼至。翻飛不露身。

竹筧

流泉半嶺來。續以青竹管。穿過白花籬。忽注僧廚滿。

吳氏山莊牡丹歌

牡丹三本異凡骨。紫囊紅襖爭喧新。山家種此有方法。陳根淨洗無纖塵。徐量淺土壓深壑。旋摘芹芽除苦茵。要令植物生意足。不因得地長於人。我來恰值穀雨後。愛三百朵濃香勻。朱竿卓立張翠幔。游蜂舞蝶皆逡巡。日長狸奴慣癡坐。有時抱子來洗洗。分明橫幅趙昌畫。對此豁眼開心神。廬陵譜就種漸夥。或自曹毫移吳闔。天紅淺白僅盈尺。安得有此一丈身。我思來朝未必風不起。亟呼酒伴澆以壺頭春。

三潭采蓴聯句

明湖一鏡平。際曉光汎汎。蘇尊三月抽香蓴。纖纖裹柔苗。馮念祖吳儂戀鄉味。少小能識察。顧嗣立擬荷

錢未圓。比苻帶尤滑。周敏差遜。雉尾長。頗類蠶絲。札吳陳瑛。燕斂股天斜。鳧葵莖澡刷。周崧入掌溜。蠅逆毛掩。鶴鵠馬翌。贊當其采摘。時得一走七八。犖尊幾番。誠漁童百過。迴櫂窺念祖。匪直手拈。据更在眼明點。嗣立貯之老瓦盆。戢戢小魚頰。敏亟須下鹽鼓。曾不費椒糗。陳瑛卽此足解醜。饑捩恣交夏。崧卻笑張季鷹。苦待秋風刮。翌贊

雨宿大仁院

徑轉雙林下。牕分半壁隈。築牆防虎穴。登閣儼蠡臺。宿鳥翻風去。驚雷觸石迴。明當凌絕頂。導我一僧來。

石屋

大仁院北巖。窪中若廬旅。傾崖滴石髓。白日掠仙鼠。鑿佛大小軀。莓苔色黯沮。置身井谷中。窺天可倚杵。別蘚辨留題。各自命儔侶。試觀咸淳書。筆縱字尤巨。白鴈雖未來。邊烽已先舉。奈何平章賈。志不在疆圉。貪領狎客游。子弟共容與。嫉惡性所同。見者費熏煮。不覩眉山翁。拂石埽雞距。愛惜爭摩挲。響榻硬黃楮。洞門石扇開。幽探少樺炬。慮拔千歲蛟。嶷然不敢語。山南殷其雷。驟雨沒沙渚。偶坐贊公房。夕陽滿平楚。

南山雜詠十七首

水樂洞

蒼山入夏寒。一泉自溫谷。其流浸蘭蕙。其音喻琴筑。砉然石扇開。飛出白蝙蝠。

虎跑泉

山泉可用汲，酌以長頸匏。虎跡久已湮，深穴猶寥廓。松陰轉三面，未肯回鞞鞞。

煙霞寺

澀磴上招提，不知幾十級。入廚覓泉枯，過雨佛身濕。石乳滴空嵌，髣髴龍象泣。

風篁嶺

斷崖橫一嶺，穉竹何娟娟。時有山禽拂，新粉墮我前。欲尋巖下寺，揮我風中絃。

過溪亭

一亭四無鄰，棟壞柱已折。山僧慣迎賓，不忍過溪別。偶語莎草間，夕曛信明滅。

楊梅塢

我行楊梅塢，惜是孟夏初。是時果未熟，但見柯葉舒。思包綠荷飯，五月來精廬。

龍井

一泓淳山坳，過者不敢唾。雖然龍窟宅，亦許鬪茶坐。起摹襄陽碑，惜爲僧所澆。

片雲石

峰頭石縹緲，豈異一片雲。有時風雨過，獨立雲中君。安得五丁手，移置長水濱。

薩埵石

竭來給孤園。玩此薩埵石。石上生莓苔。千年暈濃碧。不見飢虎人。且鋪苾草席。

納翠山房

溪迴凡幾折。早已滌塵慮。靜看三樹松。深陰且箕踞。客去鶴飛來。客來鶴飛去。

九溪

尋遍十五寺。九溪鳴淙淙。下無一寸魚。上有百尺松。緣流思濯足。奈此菖蒲茸。

十八澗

暮經南山南。曲澗一十八。山橋往而復。山路塊兮比。夕曛漸催人。延首望香刹。

玉鈎橋

句曲一道士。愛住山之幽。褰裳慮深涉。賣彼白玉鈎。築橋訪詩侶。茲事宜千秋。

翁家山

崑崙翁家山。松花滿深塢。村民高下居。少長齊捕虎。但誇弓弩強。不識耕耰苦。

桂鷗

桂樹花不實。何年種山椒。良由山中人。歲暮不自聊。殷勤與我期。秋日來逍遙。

理安寺

三家村裏人靜。獨木橋邊路又。竹響驚回鼫鼠。泉香流出松花。

冬花厂

我愛僧房亂石堆。短籬篔護妙香臺。不貪夏果楊梅熟。恣看冬花盧橘開。

馮孝廉念祖招飲北園分韻卽送其同周崧入吳

故人樓被下吳淞。且復官泥坵酒封。主客不知何者是。登臨未覺老夫慵。池邊灌木陰千尺。郭外晴山翠幾重。有約豁亭宜避暑。迴船試共采芙蓉。

酬洪昇

金臺酒坐擘紅箋。雲散星離又十年。海內詩家洪玉父。禁中樂府柳屯田。梧桐夜雨詞淒絕。薏苡明珠謗偶然。白髮相逢豈容易。津頭且纜下河船。

題春郊浴馬圖

兩頭纖纖駢角弓。半白半黑浮雲驄。酒壚未醉莫歸去。最好春郊楊柳風。

題初白菴主小像

玉臺舊鏡已塵昏。何處驚看雪鬢痕。頗似琅山查長老。新涼可有副衣存。查龍圖寓居常州琅山寺。躬事薪水給衆人。稱爲長老。嘗與程

宿留旅舍。盜取其衣。呼宿曰。衣有副乎。當奉假。盜聞之。棄去。菴主近泊荊門外。爲盜所劫。故及之。

題丁明府秋江垂釣圖

秋原兮蕭條。秋雨兮漂搖。西風悴兮梧葉。南山落兮豆苗。園無粟兮纂纂。田有莠兮騷騷。之子兮移家。寄情兮雲壑。爰理兮釣綸。蔽之以漁箔。衣獨速兮青蓑。笠天斜兮黃箬。一艘兮雖小。亦足兮載書。采風兮媿雅。暇得酒兮烹魚。信斯圖兮可樂。惜榛蕪兮西湖之居。

寄樂平石明府爲崧

天開彭蠡。瀕南邦。石墨峰連羊角雙。近說循聲過朔郡。明府舊宰豐丘。定知詩派壓西江。畫簾茗莢香聞竈。夜闌琴絲月滿牕。望眼側身非一度。相思聊復采蘭汀。

題李上舍騎牛圖

騎牛恣所適。不在郭椒與丁櫟。試看圖中人。出郊穩踏芳草春。春風暖拂堤上柳。柳外青旗定應有。可惜偏提不在手。南鄰朱老儻見尋。勸爾沙頭一壺酒。

玄默敦牂

少宛堂

小宛堂階梅兩枝。疎花點點映清池。分明馬遠圖中見。只少楊家妹子詩。

題洪上舍傳奇

十日黃梅雨未消。破牕殘燭影芭蕉。還君曲譜難終讀。莫付尊前沈阿翹。

水帶子歌爲喬孝廉崇烈賦

水帶子。環外虛其中。九州以內制器不及此。得非來自日本東。刮磨者匠髹者工。惟智創物變乃通。置之兩腋下。絡頸雙青纓。中流踏浪如御風。過涉不愁滅頂凶。勝壺千金樽五石。溺人一笑可以生我躬。喬生手攜是物訪我梅會里。自言來自射陂水。黃梅時雨水稽天。甓社湖流人罷市。無朝無暮慮覆舟。且喜今朝得到此。挂之駝鉤壁上懸。與論往事增淒然。初聞淮南減水垣開設。天子謂是一垣一口決。俄而僉謀滋異同。爾考直前奏事真剴切。迄今黃流泛濫軫帝情。鴈戶豈得安其生。桃花春水縱不發。河隄使者毋遽誇平成。吁嗟乎。河伯不仁亦無害。準備家家蓄水帶。

送張士琦令永新

春草烏斯道。長洲陸子餘。由來循吏傳。頻見永新書。送爾之官去。牽絲製錦初。秋山日蒼翠。詩卷共清疎。

爲宋巡撫華題李營丘古柏圖

毘陵董啞子。不畫山畫水。淮陰龔高士。不畫人畫鬼。乃知負絕藝。落筆恆自矜。獨立萬古意。恥與時爭能。試觀營丘畫中柏。宛似青牛道士井邊植。一株足敵一百株。數尺看成數千尺。樹根有泉亦有石。樹旁有

草亦有棘。當時畫柏不畫松。榆葉樅身更奇特。商丘副相寶之久。是日從容出娛客。滿堂觀者齊動色。濃香亟就。棐几熏。章偃畢。宏畫不得。此樹不知凡幾年。童童有若車蓋然。吟窩東北池西偏。玉鴉又挂逾清妍。期我體物賦長篇。往年文康公。晚作孝陵輔。君臣相悅邁曩古。和調文武致太平。賜子圖書出內府。郭熙范寬真蹟存。猶載香廚舊時譜。公今鑿賞多逾精。暗中以手摸絹可辨宋元明。開來論詩兼論畫。過庭才子迭品評。三吳開府近一紀。盡收江表詩人作弟子。只如髯也亦是詩中豪。家石泉明府載震惜我和歌今老矣。

何孝廉噉荔圖

吳中才子過閩中。扶荔園開曲曲通。小榼都監餐不盡。惜無人爲擘輕紅。

觀劇四首

四照亭開桂樹叢。夜涼風細蠟燈紅。人間亦有霓裳曲。絕倒吳趨老樂工。
三徑秋花裊露新。重攜酒伴過城闌。只應夜夜西江月。留照筵前舊舞人。
燭下清歌楊叛兒。手世團扇謝芳姿。勝他幅幅纏頭錦。賺得張郎拜月詞。謂孝廉大受也。
歷歷羊燈樹杪樓。恁修簫譜散觥籌。龍鍾莫怪尊前客。弟子梨園也白頭。

題家廣文端鄧尉尋梅圖

村村梅底鬧壺餐。莫笑先生苜蓿盤。桃李漫山都不戀。冷香合讓冷官看。

慧慶僧房雪中聯句三首

柏

寺門柏二株。華亭高不驚。槎客老榦等鐵石。我來七月留。華尊蒼翠陰。日夕。今晨啓牕牖。武進徐永宜學人忽訝冷光射。漫天雲萬里。到地雪一尺。不驚庶物齊癡肥。華尊此樹獨寒瘠。疊葉剩鏤青。永宜交枝巧剔白。盤坳挺鴉叉。不驚瑟縮偃蛟脊。根封雪窖銀。華尊身曳全匹帛。夫豈本性然。永宜偶爲造化役。空廊立移時。不驚目眩肌癢悚。牀頭倒餘醞。華尊相對且酣適。扁舟泛未能。永宜悵望遠行客。不驚是日汪份張大受汪釣公車北上欲送未果

玉蘭

雪後玉蘭樹。華尊二本何勻停。居然華林關。不驚卑鉢羅滿庭。雖無裂鼻香。永宜照眼光瓏玲。重重傳瑤粉。華尊寸寸排銀釘。有時風吹墮。不驚素影逾娉婷。交枝露綫霽。永宜千苞壓繩樞。色殺辛夷紫。華尊體變珊瑚青。因憶虎丘北。不驚斜柯倚巖扃。歲久嗚其腹。永宜吐萼猶豐馨。此時更奇絕。華尊乘興思開輪。惟愁凍塗滑。不驚況復密霰零。不如雙樹底。永宜淡坐憐恹惺。華尊

山茶

海紅亦嘉樹。永宣恰與小牕對。十月已試花。不驚娟娟良可愛。孤根託招提。華尊冷豔免簪珮。曉起雪漸深。永宣我心始焉悔。既慮苞葉摧。不驚兼恐顏色退。孰知歲寒姿。華尊凜冽性所耐。譬蒙縞素衣。永宣嬀然逞餘態。畫師貪此景。不驚往往入圖繪。或描江梅並。華尊或取水仙配。分明黃趙筆。永宣只少鶉雀隊。寫生貌遜真。不驚比調朔繼晦。芳菲正有時。華尊改歲游可再。永宣

聯句題王處士畫折紅豆圖并序

東禪寺紅豆一本。結爲連理枝。高至三丈。花時沈啓南。文徵仲。唐子畏。湯子重諸君。恆修文酒之會。後爲疾風所拔。王處士武。以水墨渲染作圖。妙奪天真。適有餉束筍者。并繪之樹底。圖今歸張孝廉。挂之橋下。小軒。孝廉屬題。興到聯句。兼憶亡友惠吉士。周惕。成十二韻。康熙壬午涂月。秀水朱華尊。錫鬯識。

吳赤烏年寺。嘉定張大受。日容相思子一叢。葉參雙塔外。華亭高不驚。查客花豔八門東。照影清溪水。寺舊

有清溪堂。華尊題詩白石翁。甌香茶竈熟。岷山徐昂發。大臨徑轉麴車通。結實收新雨。大受調禽付短童。經行

消晝日。不驚開謝幾春風。惠子居相近。華尊王郎畫最工。偶然濡淡墨。昂發率爾變輕紅。破萼天桃似。大受披圖束筍同。已無枯樹在。不驚長恨舊墟空。賴有淋漓筆。華尊能移造化功。祇應懸素壁。昂發吟賞小軒中。大受

雜詩二十首

淮陰一登壇。風雲色寥闊。囊沙齊遂破。立幟趙斯拔。羽也縱英雄。氣盡豈得活。大統歸赤帝。鴻溝因割。何哉雲夢游。一旦眞王奪。始焉將百萬。目中無布越。旣與噲等伍。國士已羞殺。寧知論元功。後乃及蟲達。焚香戶庭中。逐臭者在外。彼自海畔行。於我尙無害。所嗟蘭蕙鉏。益要服蕭艾。苟揚世所賤。孔孟乃飢退。無鹽入齊宮。明妃去漢塞。物理固自殊。時運寧有待。愛者終莫憎。憎者不復愛。

含沙難匿影。貝錦無停機。一爲讒言中。聽者弗復疑。我欲指天陳。畏見南有箕。小雅七十四。感彼青蠅詩。芳蘭生當門。託根豈能久。嘉禾徑寸苗。拔萃讓萇莠。蛾眉一入宮。謠詠但言醜。匪畏妒人工。所憎二五耦。雕陵有飛鵲。定巢上林枝。不愁風雨漂。寧慮增繖施。雄鳩特佻巧。側目從旁窺。一朝逐鵲墮。公然來居之。搖頭鼓翼鳴。喚婦哺其兒。身無鳳凰德。飲啄鳳凰池。非所據而據。終爲百鳥嗤。

紅亦不復花。白亦不復花。堂前雙梅樹。但有枝杈枒。春風吹戶外。好鳥鳴鄰家。嗟我寂寞人。故里同天涯。淮王升天日。對帝稱寡人。始焉帝心眷。旣乃帝怒噴。謫歸小山中。桂樹枝輪囷。居然盜帝書。意欲垂千春。河間禮最古。楚元詩亦醇。區區服食方。咄汝非其倫。九師招不至。且與雞犬親。

夷羿射十日。其九落高穹。如何此神術。迺以授逢蒙。支左與詘右。於技無不通。一朝突反射。人鮮克有終。嗚呼在三義。有若日在中。六經各有師。不及斷梲工。昔賢服心喪。期與生我同。薄者無不薄。奚事鳴鼓攻。秋蓬本在下。吹噓送上天。回風崇朝至。過我門梁邊。假令一者來。何妨暫周旋。奈何舍我去。轉向斜徑穿。

不如楊柳花。相近猶纏絲。涼燠有定候。冰炭毋乃偏。

昔有池仲魚。移居城門下。城門設重關。際夜上銀鎖。既無穿窬患。兼有擊柝邏。自謂智慮周。乃藏殺身禍。烈燄已具揚。撲滅勢不果。吁嗟骨用朽。前事資驗左。處世多危機。衝波少安柁。桑海詎難乾。杞天亦可墮。宋鄭四國災。咸秦三月火。達人般遠憂。朝市足恆裹。逍遙十畝間。爲樂無不可。華山有小鳥。自名寒號蟲。翻飛必自卑。毛羽恆不豐。物微免弋獲。幸得過凜冬。一朝條風至。自詡時命通。洗頭玉女盆。鼓翼白羊峯。謂鳳不如我。聽者誰汝容。鳳兮翔千仞。覽輝下梧桐。一鳴音節節。再鳴聲噫噫。雖言德之衰。物理豈終窮。

千佛各有經。翻譯滿禪闍。山花木葉文。繁重苦難括。自從達磨來。一葦當津筏。聰明主妙悟。指授在呵喝。不讀一字書。猊坐立可奪。奈何君子儒。語錄效緇褐。讀古喻玩物。斯言太拘闕。聖人述六藝。反正亂可撥。豈惟身獨善。言動必迂闊。張口雲霧中。昏瞠何由豁。庶幾經濟才。寇虐乃能遏。

有酒斯鼓缶。吹壎必和籥。同調定見憐。一心不相離。古人重久要。隙末非所宜。谷風思小怨。大德反棄遺。新交不如故。君子常三思。請看蘇子卿。豈絕李騫期。

蘇秦六國印。主父四鼎食。積金已成穴。多方猶采獲。人壽無百年。子豈神仙籍。蜉蝣語螻蛄。我今日將夕。春秋爾易邁。不樂良可惜。

衡必鎔銖爭錢必子母權佳李鑽及核曲防遏其泉不屑一毛拔而況千金捐舉世皆楊朱方思墨翟賢
飛蟲揚其羽乃爲蛛網得白鹿游上林難免射工食君子慎所趨毋以貪自賊不見冥冥鴻寧受弋者弋
佛法西域來道里實遼遠其徒祇比丘馬馱經數卷至晉始有尼入梁俗莫挽此輩僧易狎爲態亦婉婉
一入富家門內言出於柵挾伴湖山游積金寺塔建精舍累百區有司豈能限宜淫青豆房飽食香積飯
因之壞風俗詎可借息假婦人有婦功蠶織乃其本如何水田衣娑拖出祇苑跪拜學男兒對客不自忖
誰修鳳樓識絕此毋往返

先王設庠序專以明人倫校官爲人師必先順乎親入貲稱博士母也情所欣雖有祿三簠莫具膳兼珍
九品流未入自詡爲王臣板輿道豈遠忍自柅其輪彼心誠泰然我見翻愴辛

東京厚風俗士行本學校必先親其親使民知則傲於時重喪紀期功相答效至或自解官居憂立名教
奈何今之人母死不作孝舍爾苴經製有醜酒肉貌首丘死者狐首山死者豹鮮民之不奔曷月掩泉窆
誰哉生厲階仕路巧騰踔

男兒一墮地弧矢射四方家有驥千里豈戀苗藿場威鳳鳴啾啾千仞肆翱翔覽輝一以下百鳥生儀光
圈牢有養物毛鬣分柔剛留以施刀俎逸欲終見殃駛景洵易馳安樂不可常奈何當盛年白晝處帷房

曝書亭集卷第二十一

古今詩二十

昭陽協洽

盛秀才書齋觀文嘉水墨杏花新燕

宣和譜花鳥。獨有燕子畫者少。後來小屏山。多寫白燕梨花間。大都畫粉不畫墨。又或畫雙不畫隻。吳中才子文休承。藝事三絕人共稱。冰紋之繭態留額。新燕圖來剛一尺。其餘盡寫石田詩。不許觀者旁題辭。梅湖盛生雅好事。少長羣賢並邀致。晴軒挂壁縱客看。歎息滿堂聲不寘。圖中烏衣甫出巢。杏林過雨含香苞。拂羽試飛力尙怯。風前未遽踏花梢。自來寫生手。往往守窠臼。惟有石田真軼倫。同時絕品數唐寅。兩君畫意不畫似。嘉也此圖亦逼真。吾衰應酬詩懶作。去聲只愛看畫題長句。坐中妙繪六七公。那不臨摹遺我茅堂中。搖頭鼓翼尾涎涎。令我日日長相見。

春暮看花木瀆夜過上沙連雨不止信宿還慧慶僧寺左足病臂自慰二十韻

春游抵木瀆。對酒愛晚晴。際夜泛上沙。俄頃風雨生。屋東西溝水。瀲灩階除鳴。繩床承漏瓦。三徙仍欹傾。淫潦晝不已。疾雷暮砰訇。有蚓蟠青泥。有菌抽黃莖。置身雲光中。濕氣易滿盈。老夫留信宿。臥起足疾嬰。

其左頓成甃。其右安得甃。推牕覽朝霞。散作魚尾鱗。言辭主人去。淨域返水精。兼旬罷看花。累月不入城。父母生我來。日月斯邁征。紅塵早插腳。重繭萬里程。雖經侍班聯。曾不伺公卿。既嬾著朝鞵。兼恥邪徑行。一從罷官後。誰復驅使令。不妨日蹢躅。堅坐無所營。吾自著吾書。吾自怡吾情。不有習鑿齒。足蹇春秋成。

苦熱和梅都官韻

于垤鶴不鳴。涉豕潛逃。不有膚寸雲。焉得陰雨膏。徒封蜥蜴甕。未毳烏獸毛。既乏招涼珠。詎有含風袍。良苗日以槁。莫抽分寸毫。夏畦病莫治。秋乃亡其曹。老翁愁旅食。疾首虛爬搔。廣廈尙苦熱。何況層樓高。夏日病足留。慧慶寺張顧二孝廉孫范二上舍徐陳范汪顧五文學載酒至席上譚藝率賦二首。一人半爾習鑿齒。三樂具焉榮啓期。老矣關心無俗事。相於把酒判深卮。風多盡卷枯棹水。旱甚將枯蔗芋陵。已辦衝泥油竹傘。當筵頻起祝雲師。

近聞天子幸捺鉢。闕下諸司務暫休。吾意最憐雙樹好。諸公合近五湖游。形模楊陸詩焉用。服習曾王筆自遒。五和一漁朝野別。不知何者果千秋。

初秋宋五進士聚業載酒過張三孝廉大受潮生閣送魏二孝廉坤之西江卽席分賦得九言

今年六月不雨至七月。小軒橋下恆苦水氣腥。昨宵高荷大芋聽。枕畔歷頭檢點白露。今朝睿武塘。魏二舍我豫章去。鴨鶩小艇盃。繫孤蒲汀。此時攬袂欲別不忍別。卻喜南園酒載雙玉餅。匠門羣從同調三五

客長歌短詠搖筆無留停。此時秋之爲氣感宋玉。碧梧桐猶未落。蘼蕪青。潮生閣梯從一初。枕上八牕盡拓四面風。冷冷灌嬰城中本吾舊。游地中有古井浪動連宮亭。珠簾畫棟亦有帝子閣。目極西南浦無潛形。人生快意豈必致通顯。文章一技可以垂千齡。桓山石椁縱使九泉銅。詎若閉關頌酒生劉伶。他時寫取水村圖第七。容我拄杖剝啄叩門扃。

橋下小軒對菊效陶

商風拂昧谷。翳日浮雲移。晚節菊有芳。不隨蕭艾萎。黃白愛並列。朱紫或間之。雖乏有皖實。沃沃呈其姿。主人治席硯。弟子前摛辭。抗論孔壁書。兼詠伐檀詩。吾亦扶杖至。逍遙循階墀。良久發清謳。妙舞堂中施。三爵客多又。一觴我同持。人生如噩夢。境適且自怡。今者若不樂。將爲四座嗤。

題喬孝廉崇烈書離騷

伯時圖九歌。和仲書九辨。昔賢愛楚辭。重之若筌典。舍人工楷書。法在去肥輒。三真六草間。用意帶章篆。年來日臨池。真蹟滿巾衍。離騷思所寄。一寫一百卷。吾思屈子才。妙語恣抽演。美人與芳草。發興義微顯。靈修美始合。改路忽他踐。藝蘭磐石阿。終憾託根淺。一旦化爲茅。遂爲蕘豎翦。冶容非不工。其奈出辭審。揚蛾衆女前。謠諼詎能免。水流豈復回。石爛不可轉。斯人久沉湘。心事爾能闡。想當懷伯庸。以茲費藤繭。紙長三過讀。令我亟稱善。冷笑書洛神。取義毋乃舛。

題梅生庚詩藁

吾門著錄多。梅生文載道。昨朝寄來詩。彌覺風格老。清琴一高張。羯鼓罷勿考。羣雅百五篇。足以豁懷抱。

闕逢涪灘

齋中讀書十二首

周官掌三易。以通天下志。卦名或不齊。旅占本一致。豈有先後天。瓜離異方位。斯言僞且堅。足以亂神智。演爲方圓圖。申以河洛義。儀象卦已陳。相錯六十四。圖中迭相生。十六三十二。請問安樂翁。正名名馬寄。太極非有象。一元氣渾淪。陰陽至精數。義由道士伸。列圖自下上。三五理具陳。陳子昂詩。太極生天地。三五誰能徵。義見道家洞真元妙經。番番希夷叟。以此勒貞珉。元公一丁倒。遂爲席上珍。陳搏無極圖。倒易。卽爲周子太極圖。後來費朱陸。往復辭紛綸。仲尼不可作。誰與別僞真。

書名達四方。掌之周外史。曷言乎書名。毋乃小序是。馬鄭注漆經。大義已及此。古文雖未見。序先暢厥旨。云何宋諸儒。深文共排毀。書序非孔子作。其說始林之奇。吾聞國史言。序書自孔子。哀哉秦火後。未亡亦僅爾。苟屬聖人言。亦當存其似。不見小戴文。禮家以取士。何獨詩書序。攻者後先起。

九疇一五行。洪範義先具。伯鯨一汨陳。維帝乃震怒。啓賢能繼禹。天罰行有扈。桑門易地風。其說本舛互。奈何洛下儒。侮聖不知懼。用三革其二。變一成百悟。既與洪範殊。寧免彝倫斃。百世而可欺。君子亦有惡。

孔門善說詩。子云商起子。流傳大小毛。授受大小序。縱有齊魯韓。見之色斯阻。夾漈一後生。攻以烈火炬。先儒誤聽信。鑿柄生齟齬。微言忽中絕。大義不復舉。聞人左丘明。著書秦相呂。其言雖近誣。其事頗足取。國僑賦褰裳。晉爲退師旅。木瓜美齊桓。情豈係男女。詩教厚人倫。誨淫何獨許。可怪上蔡師。魯齊王氏爲爲力亦太鉅。芟棄鄭衛篇。竄改雅頌所。王氏擅刪鄭衛諸篇又退召南野有死麕誰爲辨異同。復遵箋傳語。

男女一相悅。情迫莫自持。不聞桑中契。先以定情詩。國史明得失。輶軒別醇疵。如何歷鄭衛。專錄淫人辭。雞鳴風雨夜。奔者亦可危。執袪遵大路。豈不畏人知。丘中有麻麥。兩雄共一雌。雙雙李樹下。寧免相詬訾。立言詎可訓。說者宜再思。無邪尼父教。用告童子師。

詩亡王迹熄。百國有春秋。魯叟乃筆削。寶書肆旁搜。管乘楚構杙。鄭志亦見收。斯爲天子事。邦國合九州。大書王正月。恐疑於孟陬。胡氏逞私智。謂以夏冠周。豈其一布衣。斧鉞威諸侯。美惡同其辭。此言尤謬悠。當其在講幄。君臣意綢繆。經義月經進。諷諫同轉軸。是時十將存。可復二帝讎。奈何戒黷武。惟知安是偷。得毋檜所薦。知己士當酬。流傳誤後學。乖舛難悉糾。曷不廢其書。述事準左丘。

素王六經外。論語其總龜。紀者六十四。義取春秋辭。同門有不善。一一具書之。由求予亢寮。言失不可追。揆諸朋友義。情得狗其私。寧形弟子短。但以尊先師。試觀孟子徒。克丑亦若斯。後儒不曉事。吹毛務求疵。

倡論輟從祀。平反者爲誰。不若鄉愿人。非刺無可施。瞽宗祀此輩。衆口庶不訾。吾思屋上烏。愛由丈人推。云何七十子。一皆罷其祠。何年復舊典。俎豆勅有司。

漢士守一經。其義或駁躋。眞儒起北海。卓哉鄭司農。博綜六藝旨。叩之等木鐘。於時內外學。罔不羅心胸。

用以釋儀象。明堂暨辟雍。初非尙怪異。專一譚魚龍。緯書河圖。魚龍最怪。至於五帝名。亦惟祀典從。德業旣日尊。弟

子爭扳逢。黃巾拜車下。後儒翻不容。一朝輟栗主。俎豆何由供。嗟彼黎丘鬼。謂王通也。乃以祀瞽宗。

秦延君說書。敷文太支蔓。堯典僅一篇。爲言且三萬。博士賣騎驢。亦費三紙券。吾思吉人辭。終與躁人遠。辭苟足以達。其義自繾綣。忽狗買菜求。第抒心所願。不見陸士衡。才多反爲患。

詩篇雖小技。其源本經史。必也萬卷儲。始足供驅使。別材非關學。嚴叟不曉事。顧令空疎人。著錄多弟子。開口效楊陸。唐音總不齒。吾觀趙宋來。諸家匪一體。東都導其源。南渡逸其軌。紛紛流派別。往往近龐鄙。羣公皆賢豪。豈盡昧厥旨。良由陳言衆。蹈襲乃深恥。云何今也愚。惟踐形迹似。譬諸芳蔗甘。含漿噉渣滓。斯言勿用笑。庶無乖義始。

羣雅日凋謝。後起靡有涯。奇觚累百人。各自名其家。吾衰尙有志。道古閑詖邪。有明三百祀。攬秀披春華。青田與青丘。二美洵無瑕。吾鄉數程員。雙珠握靈蛇。自從永宣來。其辭正且葩。泊乎嘉靖季。七子言何夸。鉤金縱可揀。莫披黃河沙。一昧衆楚和。是後尤卑哇。先公聞缺舌。頓生亡國嗟。先太傅初聞袁中郎鍾伯敬論詩。歎曰。安得此亡國。

之音慘然不憐。吾欲返正始。助我者誰邪。

雨中從銷夏灣汎舟泊石公山麓

縹緲峰頭雨。飛來銷夏灣。舟停給孤寺。路轉石公山。吹浪神龜老。迎人吠犬豚。七檣帆百幅。最樂是魚蠻。

林屋洞二首

洞天傳第九。林屋是吳根。地戶眞官守。塗泥太古存。雜花春瑣細。仙鼠晝飛翻。二客思深入。囊衣換犢羶。
謂馮孝廉念祖。胡上舍期真。

出谷衣爭曝。盤坳炬已灰。仙居無路到。石扇幾時開。題壁思前事。洞口有亡友周質題名。窮源誠後來。不如神景觀。
松下且徘徊。時攜沈生翼徐生。惇復息道院中。

太湖眾船竹枝詞十首

村外村連灘外灘。舟居翻比陸居安。平江魚艇瓜皮小。誰信眾船萬斛寬。
具區萬頃匯三州。點點青螺水上浮。到得石尤風四面。眾船打鼓發中流。
黃梅白雨太湖棧。錦鬢銀刀牽滿罨。盼取湖東販船至。量魚論斗不論秤。
幾日湖心趁趁風。朝霞初斂雨濛濛。小姑腕露金跳脫。帆腳能收白浪中。
灣頭菜莢紅十分。湖中鷺鷥白一羣。儂船縱入采菱隊。不濕青青荷葉裙。

十歲癡兒兩髻梳。漁娃不放柁樓居。新年判費金三鎰。聘取村夫子說書。
權郎野飯飽青菰。自唱吳歎入太湖。但得罾船爲督堵。千金不羨陸家姑。
東溟大鵬也嗟我。滅渡橋頭銜尾過。一樣風波湖海別。黃魚爭比白魚多。
船頭腥氣漉魚籃。船尾女兒十二三。染就纖纖紅指爪。新霜愛擘洞庭柑。
莫釐峰下鳳舟回。望見高帆六道開。傳語羽林郎莫射。漁翁元爲進鮮來。

題楊寶浮瓠圖

柳條邊兮不知幾千里。有懷二人兮游子戾止。松花江兮不可方思。浮以五石之瓠兮。勝一葦之杭之。嗟
世兮嶮巇。投吾足兮安施。仰瞻兮匪屬。憚赤豹兮文狸。遐眺兮崇期。車或殆兮馬隕。遵陸匪安兮。湖流匪
危。竹杖乍釋兮。羽扇斯麾。我覽四方兮。孰是周才。若濟巨川。其髻也哉。

題文處士點山水

去年金侃亡。今年文點逝。誰修遺民傳。念彼宰相系。舊游章君存。早結僑札契。示我水墨蹤。巖壑最清麗。
髣髴黃鶴樵。浮嵐轉澄齋。僧樓架木杪。想見舊所憩。下有宛轉橋。得非寒山澁。陶陶永夕話。歎息何由繼。
竺塢瑟旣輟。山陽壚已閉。對此神默傷。寸心實悽戾。題詩卷還君。藏之永勿替。君自挂君圖。吾亦制吾淚。

同徐吉士昂發陸上舍種沈秀才翼過普賢僧房

茶塢山根寺。經營景定年。尙存行在牒。未改梵王筵。竹覆空池冷。松排老樹圓。天平知不遠。留酌白雲泉。

謁韓蘄王墓

蘄王墓近古梧宮。暨六夫人耐葬同。尙有石甌眠宿草。更無宰木動悲風。朝端彈事憑汪藻。身後碑文付趙雄。輸與喪師張魏國。史家具狀得徽公。

明瑟園雜詠三首

黑雲墮地晚風號。賴得山棲置屋牢。不特高梧新乳落。吹殘皂莢認瓜刀。
石橋夜夜雨傾盆。茶塢雲多不露根。檢點牛宮與豚柵。莫教新漲入蓬門。
竹外秋葵黃淺淺。池南夏木綠陰陰。日斜愛客絃桐至。翻恨山蟬處處吟。

八月十五夜陸上舍稱招同張孝廉大受徐吉士昂發顧孝廉嗣立徐上舍惇復沈秀才翼翫月石湖席上作

海湧東西寺。笙歌鬧梵臺。陸郎呼小艇。且喜石湖來。七十二橋月。流光上酒杯。浦禽鳴不去。勸客莫先回。

逢廬州守張純修四首

瓜州東廡徹離筵。並坐空江赤馬船。君去我歸京口插。春鷗秋蟀十三年。
潭柘山游舊侶稀。每逢鄰笛一沾衣。懷君千騎廬江郡。日對東南孔雀飛。

伍胥門外泊齋舫。話舊纏絲客共聽。幾度相逢秋水曲。黃花籬落白蓮涇。
四百南朝寺錯連。借君一榻坐蕭然。龕中彌勒應微笑。太守輸他布帛錢。

同曹叟話舊三首

斜街深樹早涼生。樹底婆拖伴我行。猶記書堂酒醒後。月中吹笛到天明。
長定花時鬪酒籌。周郎三爵足風流。縱然紅藕紅蕖在。二人皆周郎中侍兒。史授曲女弟子也。誰復嬌居燕子樓。
戟府沙隄路渺茫。十年蹤跡寄滄浪。白頭再過僧廬坐。共話中山獵後狼。

旃蒙作鹽

詠白杜鵑花應東宮教

銀榜璇題一道通。仙花移植冠芳叢。色殊李白宣城見。狀比嵇含嶺外工。照水影齊紅躑躅。卷簾香動玉玲瓏。梯航萬里來何幸。采入瑤山峇藻中。

方乾木蓮花圖歌爲鐵夫上人作

少日誦九歌。芙蓉摹木末。得非三閭大夫本。寓言豈有江花樹頭掇。壯年草木多識之。乃知黃心之樹產自西北陲。母丘道士曾作畫。醉吟先生亦有詩。傳聞雖久虛增羨。膩粉輕紅幾人見。黃山山後鐵頭陀。示我生絹圖一卷。葉如青桂身青楊。花開朵朵青蓮香。天都方乾染初就。拒霜不數滕昌祐。我思此圖更百

年定有好事爭流傳。老夫爲題詩一篇。卷還頭陀須愛惜。慎勿輕污飛蠅點墨瓜牛涎。

題黃山鐵公小像

鐵公黃海至。曾占最高峰。山後一茅屋。階前萬壑松。禪心離怖畏。詩卷閱春冬。不信巖居樂。君看冰雪容。

戲題汪上舍□□拓益小像二首

世無乞食僧。天女隨其後。莫是摩登伽。巧把阿難咒。
歡喜阿羅漢。精藍舍衛城。山僧少拘束。恣意蹋花行。

焦山別銘圖爲王副使燦作

華陽真逸昔。瘞鶴井穴乃在焦山根。銘文不省誰氏作。紀年第有千支存。審視要非唐後勒。昔年曾與張
韶論。茲山不與浮玉伍。其地僻左稀攀援。旋渦轉湍奔溜急。沐日浴月驚濤翻。峰坳集海舶。浪齧藏江豚。
銘辭汨沒露日少。誰抉地戶開天門。丈人守靈威。眞官降趙尊。若非神人護。遺蹟安可捫。蘆臺土君信好
事。躬自荷鍤操犢禪。剜苔剔蘚竟深入。先以前趾次尻臀。手摸其文無闕失。一紙價已當瑤琨。西江道士
爲傳寫。衣袂尙帶寒潮痕。惜哉轅馬且北去。山游未遂枯與溫。何年金石共搜討。疑義相析窮其源。

題宋中丞迎鑾集二首

魚永君臣古不知。玉音問答簡公攬。宋胡忠簡公攬駐乘輿。近來官閣無留牘。更勅香廚校祕書。

西陂水比石湖清。雲漢天章照夜明。且莫平泉疏草木。試看馬乳後園生。

七夕詞六首

箕北斗北火西流。萬里明河一夕收。難得纖纖兩頭月。夜涼猶挂曝衣樓。
照面微虧半月輪。經年別緒暫相親。奔龍控鶴緣何事。天路翻多褫襪人。
中庭兒女上駝鈎。夏果秋瓜列案頭。若使天孫有餘巧。只應先乞白癡牛。
清淺河流次第看。橋成猶費立津盤。來朝試彈林梢鵲。驗取修翎乾未乾。
舊事虛傳摩喉羅。家家秋思問誰多。兒童免戴青荷葉。借我連筒卷白波。
馬乳蒲萄哈蜜瓜。吳儂一倍鬪繁華。街頭不復簪楸葉。但買山塘茉莉花。

曹通政寅自真州寄雪花餅

舊穀芽揉末。重羅麪屑塵。粉量雲母細。糝和雪髓勻。一笑開盤福。何愁冰齒齷。轉思方法祕。夜冷說吳均。

題朱顯祖梅花手卷

空裏疏花淡更香。珊瑚水底尺難量。只應翠羽三更月。臥看橫枝如許長。

贈卓處士爾堪

忠貞公後族蟬聯。一代遺民藉爾傳。辛苦遼陽存過所。其先世入關過所尙存 篝燈重話革除年。

初冬北郭讌集分賦

詩朋期不違。勝引情乍愜。潦看楚澤收。簷與蜀岡接。纓纓斂餘花。雙雙下涼葉。短景猶戀人。深杯轉稠疊。

飲方觀園亭卽送其入都

隋苑頻移柳。吳歌罷采菱。平山窺戶入。遠水出郊澄。券尾驢三紙。霜羣鴈一繩。金臺行在望。樂劇許同登。

時義興諸子
執禮同行。

玉帶生歌并序

玉帶生。文信國所遺硯也。予見之吳下。旣慕其銘而裝池之。且爲之歌曰。

玉帶生。吾語汝。汝產自端州。汝來自橫浦。幸免事降表。僉名謝道清。亦不識大都承旨趙孟頫。能令信公喜。辟汝置幕府。常年文墨資。代汝一一數。參軍誰。謝舉羽。寮佐誰。鄧中甫。弟子誰。王炎午。獨汝形軀短小。風貌樸古。步不能趨。口不能語。旣無鸚鵡之鶴之活眼睛。兼少犀紋彪紋好眉嫵。賴有忠信存。波濤孰敢侮。是時丞相氣尙豪。可憐一舟之外無尺土。共汝草檄飛書意良苦。四十四字銘厥背。愛汝心堅剛不吐。自從轉戰屢喪師。天之所壞不可支。驚心柴市日。慷慨且誦臨終詩。疾風蓬勃揚沙時。傳有十義士。表以石塔藏公尸。生也亡命何所之。或云西臺上。晞髮一叟涕漣漣。手擊竹如意。生時亦相隨。冬青成陰陵骨朽。百年蹤跡人莫知。會稽張思廉。逢生賦長句。抱遺老人閣筆看。七客寮中敢呖怒。吾今遇汝滄浪亭。漆匣

初開紫衣露。海桑陵谷又經三百秋。以手摩挲尙如故。洗汝池上之寒泉。漂汝林端之霏霧。俾汝長留天地間。墨花恣灑鵝毛素。

柔兆闍茂

春日讀春秋左氏傳心非胡氏夏時冠周正之說偶憶草廬吳氏讀尙書絕句原詩前漢今文古後晉古文今若論

伏勝功遺
僅當鑄金因用其韻

魯史王正月。羣疑積至今。丘明一周字。直可抵千金。

題徐檢討飢豐草亭六首

青竹槍籬白竹門。西濛不異舊時村。暮年庾信文章老。只合江關賦小園。
蓄意誅茅縛作亭。中央四角總虛樞。客來不用愁鰕菜。漁弟漁兄滿洞庭。
一簣平山一曲池。貓頭生筍菟抽絲。新來長得金光草。試問主人知不知。
春泥就燥雨初晴。百草千花一夜生。爲報亭中宜對酒。不成送客反留行。
暇日娑拖一杖支。養生方法講多時。不應尙戀閒釵釧。棗木流傳本事詩。
登盤黃雀箭頭魚。誰道天隨子不如。近日欲傳糖蟹法。更來笠澤借叢書。

檢討方鏞板
行續本事詩

東禪寺林酒仙祠

仙長洲林氏子幼失水至嘉興爲比丘祥符五年卒于寺僧居簡北戰集爲作銘號明之中吳紀聞述其事仙遺詩有門前綠樹無啼鳥之句

獨破珠林戒。惟貪米汁甘。醉鄉仍此地。古佛與同龕。北礪遺銘在中吳。舊事諳門前留綠樹。過客每停驂。
憶高徵士不齋三首

苦憶蕙鄉一釣師。提將官裏去多時。匠門自閉潮生閣。寂寞張爲主客詩。潮生閣在張孝廉大受園中。徵士至吳長泊橋下。主客時酬唱。
西華東望禁垣重。韉底霜花曉更濃。料得簪毫趨宋殿。驚心怕後丑時鐘。
薊丘風雪最天斜。何處停車問酒家。此日聯吟遺一老。僧房獨對海紅花。

謁秦伯廟四十韻

沮漆尋源合。江蠻和士弘。古公遺哲嗣。內傳有明徵。肇迹貽謀遠。先幾脫屣能。帝心惟季度。祖武得昌繩。
句曲誅茅始。衡山采藥曾。屈伸等龍蠖。游息喻鷓鴣。三讓聲何忝。羣黎愛莫懲。稻田占樂歲。秦伯園田城內。瓜瓞
啓新塍。洌井深堪汲。高墉近可乘。謳歌頓洋溢。獄訟省侵陵。化被仁風厚。經傳至德稱。宋徐僑請更論語名魯經。玉輿
初弗顧。黃屋詎難勝。陸雲碑。獄訟載歸。謳歌屢請。能含下與之貴。永與皮冠之迹。自鑄宗盟重。維南庶績凝。命圭還作伯。端委豈無朋。
節孰千秋並。名將萬代矜。符子。太伯將讓國。語其傳曰。王欲吾嗣一國之事。世家倫序定。人表上中應。
古今人表。秦伯仲雍均居第二等。地紀吳甄胄。見陸廣微祠沿漢永興到門帆葉卸。陸龜蒙詩。讓玉倚郭殿檐層。行潦蘋
長薦平墟墓未崩。友于同一廟。皮日休詩。一廟棲止必雙憑。熟食均籩豆。文身判股肱。獨存冠黼。不
髮鬢鬢。史記索隱引世本文。雍是熟食。故字然哉。攷攷文身被髮止雍一人。遜位翻追王。浮家乃誕登。典儀咸秩久。齋宿有司恆。芭舞經春

演靈旗練日升。官橋行坦坦。近廟有至德橋。社鼓奏鑿鑿。嘉業諸孫歛。豐碑異代增。斗牛含氣象。烏兔信環纏。議

禮邦人懈。彌文俗吏憎。漸疎胞與翟。下道簿兼丞。書繪添奇鬼。潘凱記祠兩廡下。土妖木魅。詭形罔多。編成句。觸膜拜乞靈。牲醴減舊

秤。但令巫史祝。罕視薰香蒸。斷礎方花溼。空廊蔓草芴。青蟲晴挂樹。蒼鼠暗窺燈。邇者鳴鑿至。恭惟嘉惠

承。為章倬雲漢。題扁照柵棧。過客爭趨謁。其誰免戰兢。杏梁浮震澤。粟主配延陵。墜典勤分掌。同時董文正程明道

宗忠簡諸祠。降御書扁額。恩言盡服膺。法施民矢報。終古潔銅甄。

山塘紀事二首

寒食山塘路。游人隊隊偕。桁楊充臬隸。鼗鼓導神牌。紅粉齊當牖。銀花有墮釵。殷勤短主簿。端笏立階類

叢租切。階。吳俗。迎城隍神至。虎丘道士以玉珣地。圭袍笏立階。延至厲壇。

神來官道擁。祝祭厲壇仍。活脫青袍引。縱橫繡幟乘。巫風書具訓。奢俗禮宜懲。手版紛紛集。吾憐張季鷹。

吳俗。土穀神。城內外各十。多以手版迎城隍。張翰祠葑門外。亦與焉。

夏日雜興二首

五月新苗綠。上衣農人占。雨候荆扉。黑雲合處斜。光露無賴蜻蜓。千百飛。

桐陰細細白花攢。吾愛吾廬暑亦寒。縱少圍碁消永日。也應騎馬勝鹿官。

題裝潢顧生動卷二首

梅邊亭子竹邊風。添種梁園一捻紅。不獨裝池稱絕藝。畫圖兼似虎頭工。
過眼雲煙記未曾。香廚爭藉理籤籩。殘山剩水成完幅。想像張龍樹不能。

得三十五弟彝爵杭州書

司訓吾家弟。封書忽見招。紅荷花十里。開到定香橋。

寄訊龔御史翔麟

江橋卜築意龐安。聞道田居十畝寬。不使車塵暗戶外。儘容山色到簷端。燈前綠酒雙魚洗。雪後紅衣一釣竿。料得時巡春有信。種花應許上樓看。近年每逢車駕巡幸一至杭州。

送高佑貳之江寧二首

塵衫破帽獨支筇。重向金陵寄客蹤。試上風香層閣望。至今猶剩幾株松。

青衿文字國門編。暇話姚翁結客年。翁字北若。念祖友婿。快意黃金隨手盡。秦淮一道擁燈船。

汪侍郎壽攜仲子日祺夜過二首

解纜童兒塔。侍郎從海寧至。抽帆長水村。劇談無夜禁。密坐覺冬溫。雀鮮披緜重。魚頭漉酒渾。回思燕市飲。凋謝幾人存。

十載疎芳訊。崇朝去考堂。楚歌休憤恨。吳語自清狂。舊雨西牕在。空林朔吹長。阿戎飛動意。離席倒詩囊。

曝書亭集卷第二十二

古今詩二十一

強園大淵獻

宿陸上舍穉聽雨樓

客鬢已星星。小樓聽夜雨。昨日海棠花。飄落知幾許。早有私蝦蟆。聒聒草根語。

天平山謁范文正公祠

范公祠屋此山中。石筍抽萌萬笏同。遺像依然窮塞主。義田不改舊家風。歸來散絹三千匹。沒後題碑四五通。近視天書銀榜在。年年秋色照丹楓。康熙四十四年御書濟時良相。廟懸諸南橋祠有老楓三十本。

由上沙登靈巖山寺有感書壁

溪橋煙柳曉參覃。營拂纔過三月三。人自雨中來雨外。路從山北轉山南。遺民老結蓮花社。開士高居燕子龕。茶板粥魚消歇後。空餘井谷上方甘。

胥口

胥口如繩直。吳船比屋高。往來陵雨雪。歌笑涉波濤。淺碧搖新柳。天紅露小桃。近年浮宅慣。未覺此身勞。

謙集張上舍士俊水周林同諸君分韻得人字

岸上牽船思曼水中築室靈均客來何者是客客去此中有人

石湖

吳下長爲客舟行不計程過橋湖水闊隔岸野雲生寒食誰溫酒深村亦賣餚農人占甲子最喜上方晴

高麗使歌賦謝納蘭院長揆敘

若稽古帝伊耆穿九井御六螭百穀旣播雨露滋蒸民乃粒無仰飢維帝念人壽之永不稽首再拜就泰
壹小子而問之小子前致辭養生固有道曷不施楛鞭鞭百草嘗其平毒審其寒懊鳥皓切別君臣異溼燥
或冬而萌或夏而槁豐者弗蔓者抱鼎用飪日用攝咬咀三百六十五味著爲本草經授諸醫師俾讎討
山娟娟兮樹濛濛爰有紫衣童子歌宵中瑤光之宿帝車尾散爲仙卉三極五葉各一叢人銜鬼蓋海腴
名不同是爲土地精肩股各具體有時黃口兒土中啼不已高高羊頭岡深深虎穴底立苗團紫雲結子
墮紅米晉上黨趙邯鄲遠而新羅百濟根結蟠我昔於高麗岡經曾覽觀肯餘啓宇後朝鮮世世稱外藩
森羅三千七百島四至八到提封寬域中生稂類羊角其上檄樹清陰攢春州產尤嘉堅白少垢癥聞諸
遼陽土木搢地先以熱湯野爐煮何異都蔗去汁方登盤此邦之人日炙風辰乾元氣不損形神完珍藥
豈易得恆愁致者難納蘭學士相於久憶別重逢歲在酉三面山臨一面江學士游韜光句也誦君清詩不去口

今春鳳艦復時巡。扈從依然八十一車後。朝來帳殿喜合并。憫我形枯貌驚醜。分我神草凡百莖。投之几案鏗有聲。五加一把安足道。愛玩不異懷中璫。服之洗髮悲定心。氣益神智還精髓。失笑頗類西域之駱駝。口不能嚼左右齏。老眼秤星渾不辨。刀圭約略付鏗鏘。作詩報學士。奇觚急就有媿慮。全馬異劉叉。何

過龔御史翔麟田居留飲卽席賦

蘭臺有柱史。敢諫名不虛。奮吾彈將相。收身還里閭。性不愛肥膩。築室田中居。田中何所有。活水清不淤。竹依上番種。瓜撰辰日鉏。十枝五枝花。一寸二寸魚。籬下舴艋舟。門前鸞舳車。雖然在城市。俗務已漸疎。交謫無孺人。著錄付小胥。曉督芸鼓芸。宵從漁父漁。我來適孟夏。乍見蓮葉舒。蘆葦打漿入。直前上階除。是日新雨後。決決鳴溝渠。一孫扶藜杖。桂孫二客停笻輿。查編修嗣璣家上舍思賢主人略禮法。小摘園中蔬。山庖遠羶腥。俊味頗有餘。日長語雜亂。要勿及除書。學稼既有懷。老農豈不如。清詩唐宋間。流傳相款譽。幽棲洵可樂。奇服遂厥初。試觀襤褸子。有若窮和驢。團圞日旋磨。進退皆牽掣。對此淡蕩人。物外心相於。躬耕許我耦。願言期溺沮。

初夏湖上同修學士法海賈編修國維查編修慎行嗣璣汎舟學士紀之以詩遂和其韻

新晴最可娛。天朗片雲孤。尊膩魚王塔。鶯嬌柳浪湖。水亭施步障。風幔結流蘇。今夜弄明月。千金此一壺。

瑪瑙寺陳閣老行館

寶勝湖邊刹。峰連葛嶺青。過橋行殿近。散直小車停。野飯移廚速。山泉入筧聽。只愁宣喚至。容易別巖扃。

武林逢鄭高州梁

高涼太守鬢成絲。青眼看人似舊時。桐樹半生無改色。蟹螯一手尚堅持。後來領袖歸才子。老去雲煙勝畫師。別久重逢轉傾倒。七言三復曉行詩。太守右體不仁。左手猶能作畫。其曉行詩云。野水無橋。牽馬渡曉星。如月照人行。賦景最工。公子性有才名。

飲查編修慎行寓樓二首

顛毛初白與僧同。編修取蘇學士僧臥一卷。初白頭之句。白號初白菴主人。遂隊仍趨朶殿東。恰喜行廚櫻筍熟。繫鞵且對一漁翁。唐

坐玉堂。

高館江左右開。三餅權酒倒官醅。十年舊事篝燈話。此夜方舟泊釣臺。戊寅四月。同編修入閩。

杉青牖別修學士法海

肥阿題紈扇。灣洞住綵舲。合并曾幾日。相送落帆亭。

曝書亭得孫學士致彌都下札

杖藜還藉知童扶。暇覓筠牀雀糞洿。典籍曝餘翻散亂。田園歸後轉荒蕪。病蔬幾見連筒灌。薄酒生憎入市沽。差喜故人遙記憶。八行書肯報潛夫。

苦旱茗飲乏水戴秀才以所蓄天泉見惠率爾賦詩

浮玉山。隴兩日。荆溪橋。斷百瀆。吾家長水口。夏至不沒狗。村農鳴鉦踏水車。有如赴壑之修蛇。青天無雲赤日午。相與結隊撈魚鰕。忽焉長水湖。水車無聲泥上閣。東臯種禾禾漸焦。南山種豆枯豆苗。紫茄黃瓜半灰朽。安得舊井寒泉澆。朝來約童子。越阡度陌汲湖水。昨行五里今十里。斯時老夫出亦愁。人亦愁。蹠類楚沐猴。喘似吳耕牛。既不能喝三江五湖。倏倒流。又不能使龍跳蛟舞。拔老湫。升斗之水何從求。戴生前一言。家有泉兩壑。須臾擔僕來。打門遽相送。樂莫樂。且先嘗。何減三危之露九醞漿。竹火爐。冰盃。蟹。鴈。鶻。長。雀。舌。短。飲罷北牕眠。月輪又新滿。仰而問金波。那不麗天畢。雨滂沱。何辜今之人。忍令禿髮女。媵市也來。嬾。婆。生白栢湖。還言半媵見乍浦。

寄鄭秀才元慶

鄭生五亭住。四面白蘋香。竹樹旱無恙。湖田低不妨。圖書宜後定。天氣欲新涼。近得苕溪集。南渡劉一期止詩文。右讀草堂。

更舞蛟石爲蛇蟠石紀之以詩并序

府治東徐少卿祠。有奇石奇古。士人曰舞蛟。傳是花石綱所遺。然至元嘉禾志。明柳琰。鄒衡。趙瀛。三志均不載。未析所從來。按元慈谿黃玠弁山小隱吟錄。有爲濮樂開司。令作蛇蟠石歌。樂開家濮院。意明初產入官。後好事者移置此地。爾妄擬李白更九子山例。書之禾錄。

石以舞蛟名。木若蛇蟠古。試誦弁山吟。圖經猶可補。

吳甥振武用指頭作畫花竹翎毛草蟲山水畢肖異而賦長歌

軒皇曾列素女圖。虞帝欲觀古人像。禹鑄神姦貢牧金。康模醕酒豐侯相。周官設色之工五。畫繪由來有專尚。彼時蒙恬筆未製。安得中山管城樣。不知渲染用何物。藻火山龍授師匠。指頭作畫舊譜希。巧者未述知者剋。吾家賢甥罷官久。玉桂國中少倚仗。林泉高致頗軼倫。往往得錢墀屏幃。入春放溜始歸來。啜粟承歡北堂養。田園松菊縱荒蕪。且免折腰走俗狀。蕭晨訪我梅會里。小艇恰乘新水漲。開顏並對竹垞竹。一枝尤精難比伉。先施淡墨後濃墨。食指兼需巨擘將。有時爪痕抽藥苗。有時指節成花當。雪禽不數唐希雅。風蝶何殊秦友諒。少焉滌硯寫山水。茅屋苔磯雅清曠。斯須湧出八九峰。瀑布飛流樹穿浪。釘頭鼠尾信手皴。程奕屠希見惆悵。漆園以指喻非指。天地一指巧相況。觀爾新圖捫指成。使我衰年一神王。移家思避消夏灣。歲旱湖田定無恙。句里黎容客至嘗。毛公壇許人扶上。橙黃橘綠及是時。十幅蒲帆趨所向。甥能從我賦近游。共醉山家隔年釀。

南垞晚步同王生滋

荷風剛罷浴。蘭畹已新涼。高樹下歸鳥。小牕明夕陽。蛇牀秋草徧。魚尾暮霞長。老圃論生計。纔收一稜薑。

過李上舍村居

借行十畝桑外。並坐千年樹根。猗玗子無惡客。武夷君有曾孫。元結白號猗玗子。以不設酒者爲惡客。上舍六十。已得曾孫。

五毒篇效曹通政實用其首句

南蟲毒頭北蟲尾。以類名蝨總爲虫。五者潛行疾如鬼。誰與點筆繪作圖。一一獐劣殊形模。五月五日張戶樞。嗚呼之蟲。螫人遇所觸。謀及乃心禍斯酷。世間無如保蟲毒。

送筵占楊叟還廬江

桐帽樓鞵冰雪容。山茨歸臥棗香濃。瓊茅欲就靈氛卜。知近浮槎第幾峰。

雨集平山送查編修嗣堞蔡舍人璽方上舍世舉唐明府紹祖入都二十韻

金飈斂行潦。絳葉鳴涼秋。曉雨原上來。枯桑落荒溝。筠車北岡路。徑盡知所投。平山表遺迹。經始歐九修。手移新堂柳。綆汲洌井流。至今闌檻曲。詩版存王劉。吾來堂未建。再至乃登樓。未知百年內。紺塔能復不。一蕭鳴二下子。恆久。謝。載酒羅庶羞。征鴻適來賓。鳴鹿迭相求。翩翩羣雅才。箴笠偕燕游。江光湧平楚。草色連遙洲。淮南十一郡。千里極望收。同人齊所願。于野獲良謀。查蔡金閨彥。方唐才士尤。將從畿南驛。直抵山後州。豈曰無裳衣。客子在道周。感彼蟋蟀唱。役車何時休。燕南趙北際。慎勿久滯留。且復飲沉頓。率意成狂謳。

紀夢作

北山叟卜南山宅。言歸北山人不識。山家黑犬兩耳黃。獨木橋邊吠行客。柴門之下水淙淙。枳籬以外花茸茸。偶然鞭犬失青竹。化作羊須一白龍。

送程秀才元愈還宣城

梅孝廉庚女壻也

花飛春水都官句。山抹微雲女壻詩。送子羊頭車一兩。滿林柿葉正紅時。

歲暮送張生星還吳

四野同雲淪淪寒。只應小住共春盤。懷歸潘岳真多事。遺挂重思面壁看。

著雍困敦

五言賦鳴餽餽

禾俗養鴨兒。樂府歌阿子。一雄挾五雌。累百啜長水。方春穀將出。生意不可止。要術啄菹宜。市月難定起。淺夫計欲速。火攻迭運徙。半體形已呈。忽焉混沌死。他邦盡棄擲。吾黨獨見喜。鄉人曰喜彈銅童屑椒桂。竈妾洗毛髓。色滂黃白斑。候斂漿汁滓。鴨簽哂東京。鴨劓屏南史。既免治刀砧。兼弗齧牙齒。以之號餽餽。莫審所自始。得非飲食人。桐江方萬里。記取秀州門。竹杖扶入市。萬里竹杖詩。魏上岸來須。記取秀州門外鴨餽餽。至今七十坊。至元嘉禾志。載坊卷七十。饌法傳伍氏。物微愛憎殊。留賓姑舍是。二子下箸貪。桐城方世舉謂是勝羊豕。作詩賞逸味。虛谷同一揆。不知天地間。何者真好美。試問廚煙生。曾否動食指。

送李上舍之濟南謁新城王尙書

海右惟濟南，具饒山水趣。側坎趵突泉，單椒華不注。匯爲蓮子湖，七橋從坦步。尙書宅新城，道重東山傅。絲竹匪所耽，騷雅乃先務。林端有嘯臺，池北但書庫。著錄幾千人，片言等墳素。李生辭菰蘆，高山動遐慕。譬諸驪騮姿，孫陽宜一顧。莫因籤程迂，直趨九河渡。送行吟知章，心飛蠶尾樹。蠶尾山房，尙書著書室也。

九日籬菊未放桂有餘花里中諸子過出金華酒小飲分韻得小字

叢桂落餘花，雙餅出清醪。我客不速來，毋論戶大小。冷笑登高人，牽拂風林杪。

潘檢討未以方竹杖見贈賦謝

天台方竹杖，絕勝萬年藤。九節仙人斲，兼程衲子能。免尋籃輿坐，且喜石橋登。進擬池南岸，晨朝相菊騰。

德藏寺咏古跡五首

雙塔

寺門雙塔並，夕照挂林西。影落東湖曲，參差終不齊。

梓徑

入寺一徑分，文梓昔無數。想見獨吟人，赤腳踏紅雨。趙王孫孟堅有詩。

浦花堂

百里魯公浦。風荷岸岸香。金沙誰布地。傳是道宣房。

松風臺

松樹已無榦。松風舊有臺。華亭初不遠。定有鶴飛來。

山月池

海山一片月。終古照池水。當年人定鐘。聲聞十八里。事見魯應龍開聽括異志。

天游觀歌寄贈崇安王明府梓

昔我登武夷。勝絕天游觀。諸峰羅鳥下。一亭表天半。水紋斷續流。石骨陰陽判。藥鑪茗盃不外求。谷鳥林猿迭相喚。老夫高尋豁兩眸。坐久嬾下崎嶇丘。夕陽滿樹嵐翠浮。白雲忽起山之幽。須臾逢逢漲巖壑。仰視昂車井鉞參旗收。恍如置我不繫之虛舟。蓬萊方丈海外州。天雞乍唱旭旦日。依舊列岫仍環周。回思此地神物怪疑詎可測。願爲道士驂駕白鹿騎青牛。年今八十行歎復坐愁。安得九節竹杖扶我重上仙。掌之峰頭閒吹鐵篴弄明月。乾魚糲飯長勾留。邵陽王子今爲宰。詩思潘江文陸海。仙才白合治仙山。一鶴一琴恆並載。權歌九曲和元音。逸韻清鏘音欸乃。書院琳官次第新。陳丹暗粉更番改。畫簾暇日考圖經。祠祿題名舊章在。騷人初度先春期。玉梅早發珊瑚枝。邑人躋堂齊介眉。頌侯戩穀無不宜。三漿十酒掛滿卮。亦有鼓板兼歌師。當筵漫奏賓雲曲。明府自有白雪陽春辭。

查二編修弟嗣。礫煎錫爲洗頭盆。注水扶寸江行恆自隨。乃以脫贈賦五言詩紀事。

查仲華山頂曾窺玉女牕。洗頭無俗具。注水愛深缸。巧匠工煎錫。騷人利涉江。塵容許三沐。贈我戒歸艘。

題盛叟生壩

宜山居士抱詩癖。老傍南湖度幽宅。莫嫌內舍少兒孫。且免他時買松柏。

題張平山水墨明妃出塞圖

畫師徧寫春風面。殺粉併朱總未嫻。似此澹描翻絕世。按圖誰復詆平山。

曝書亭集卷第二十三

古今詩二十二

屠維赤奮若

寄查山張上舍二首

昔訪查山麓。梅花香滿頭。筠車三日坐。日日醉層樓。八載負前諾。今年春可游。老夫無那嬾。風雨返孤舟。傳說幽栖好。經營與舊殊。立碑先墓側。注水小山隅。路近通香海。帆輕截太湖。不知熨斗柄。更插幾千株。

送施生重游武夷三首

止止菴深舊下帷。焙茶擣紙遠如期。春山一路無啼鳥。澗水聲中到武夷。度嶺虹橋架壑舟。無妨仙侶暇重游。修琴載酒途非遠。誰道山中不可留。

隱屏峰後石蒼黔。百丈傳聞挂水簾。好事畊漁曾不到。圖經藉爾後游添。吳人徐逢左。洪武中游武夷。繪達左自號也。

雨

曉雨仍鳴瓦。春陰未浴蠶。乍看抽菜甲。翻覺斂花苔。窮鳥窺檐入。枯魚得米泔。佻離愁雁戶。泥滑市西南。

卽事二首并序

入春菽麥未熟。饑民載塗。告于太守。諭諸比鄰。各率私錢。爲粥以食餓者。日萬餘人。俄而謗書滿紙。無由
自白。乃有落瓜里民。就食經月。以農務告歸。持瓣香踵門稱謝。紀之以詩。

惻隱人心共。何期物論殊。螳螂齊挾斧。薏苡乃成珠。捷捷謀宵雅。中中胃左徒。角張逢五六。作事哂今吾。
世事翻成覆。人言僞亂真。不圖落瓜里。乃有鬻桑人。布穀迎新雨。收蠶及暮春。要知升斗水。也足潤頰鱗。

野老

學易村夫子。勞勞方寸心。卜錢求漢鑄。新得火珠林。

柬友人

吾圖吾書。筭論則無。與子忘形。點勘墨朱。期我故人。無失其故。乾餼以愆。將子無怒。勿躬勿親。聆我詆諆。
人或迂汝。胡詛我爲。子毋居居。子毋究究。雖有新知。人惟求舊。爾雅注。毛傳。居居。懷惡不相親比。孫炎曰。究究。窮極人之惡。

三月十日詔下青宮再建喜而賦詩

震驚由地畜。災命自天申。復覩重光日。切煩四老人。堂懸銀榜舊。筓出紵衣新。媿遠青雲路。難揚蹈舞塵。
四月八日效長慶體

今年孟夏行冬令。夜尙南風曉北風。露頂劇憐黃面佛。披裘仍作鹿皮翁。榆錢柳絮愁飄損。且喜餘花墊

尾紅。

題曹通政寅思仲軒詩卷

蕪城鮑明遠。古調李鴛期。眷念同懷子。因題思仲詩。春塘宜入夢。柔木易生枝。更放過牆竹。濃陰使院垂。
公弟居此。植杜仲一本于庭。故以名軒。

爲殷秀才譽慶題梅孝廉庚春雨幽居圖

飛梁苔滑滑。平楚風修修。如何仙源水。不有桃花流。

題程上舍鳴寒梅霽雪圖

自寫苔枝竹外雪。晴半樹梅花。此地不攜小酌。明朝風起如何。

眞州客舍對雨

夏日北風起。殷雷聞再三。黑雲奔萬馬。俄頃徧天南。驟雨散銀竹。乖龍回碧潭。何來雙白鳥。猶自舞毵毵。

魏諭德學誠調鶴圖

蔚州才子嗣清塵。藻鑿持衡識曲眞。畫裏歸裝無長物。一雙舞鶴比長人。

項叟小像

花開一百五日。月明二十四橋。君家大好山水。偏愛蒲團寂寥。

五月晦曹通政寅招同李大理煦李都運斯侄納涼天池水榭卽席送大理還蘇州
天池南有樓。天池北有樓。納言北樓下。招我池上游。軒牕拓四面。地潔無癡疣。解衣挂短桁。舍坐臨清流。
綠楊萬千絲。花鴨六七頭。徐聞水車響。少待魚罾收。須臾二季至。各各情網繆。小背搖大扇。四座風修修。
蘭肴屏肥膩。苦露獲所求。古來避暑飲。豈必量觥籌。東園久不雨。老樹焦煙浮。青蟲高下墮。吐絲若綴旒。
斯時墨雲升。或躍在淵蚪。因之鳴埤鶴。且免喘吳牛。有淪雖不作。氣已如涼秋。大理起避席。疊權還武侯。
主人不忍別。小舫尾中洲。峭帆十八幅。破浪同飛猷。榜人有常程。歧路難久留。分手文山祠。日暝回孤舟。
守風瓜步示沈秀才翼二首

連橋水沉鐵鹿。四面風吹石尤。東澤曾留綺語。請看月上瓜洲。
朝霞欲雨不雨。歸路愁水愁風。長江廣輪尋尺。此事何關釣翁。

丹陽道中

丹陽三里城。兩槳一舟行。雞犬家家靜。菰蒲岸岸生。過橋斜照斂。出郭小車鳴。不比瓜洲渡。波潮信宿驚。
載

化益作將軍。百蟲各率職。周官去蠹也。庶蠶攻必力。苟或害田功。惡其傷稼穡。食苗心曰螟。食苗葉曰貳。
食苗根曰蝨。食苗節曰蟹。秉畀炎火焚。田祖首罰殛。嗟載本末微。坏戶易潛匿。花兒匠太慵。掃除失記憶。

主人五畝園。曝書亭在北。樹之桃李梅。三而少柴棘。履道坦且幽。穿徑曲而仄。薰風來自南。綠陰淨如拭。睨院黃鳥音。縮翻翠禽翼。藻景愛靜觀。悠然意獨得。不意蟄者蘇。鬪生累千節。縹碧黃朱斑。文采假緣飾。依倚族類繁。黨附蝓蜚蠊。誦詩三百人。其名或未識。上樹少卻行。緣裳無懼色。一毛散空際。中者立受厄。小兒女至頑。敢怒不敢卽。傳聞官蝦蟆。噓氣出胸臆。之蟲在林梢。蠢動自顛踣。又聞小花鷹。飛掠來海國。慣伺之蟲。皆不避弋人。弋二者均莫致。俾爾橫暴極。桑柘以飢蠶。村姑有定則。賦芋自狙公。朝暮粟部勒。豈若是物貪。葉葉乃盡蝕。有若人禿鬚。又如鳥希革。歧枝結禁絲。遺矢類深墨。大哉造化工。生物固不測。巨或肆饕餮。小亦具凶德。苟卿原性惡。斯言信剛直。歲序迭環周。時運互通塞。商飈一以涼。流毒自然息。

贈吳下張生星

一道蓮涇直到門。粥魚茶版共晨昏。郎官石柱書無敵。甘白先生里尙存。五載匡廬曾結社。全家曇壤近成村。看君用筆形交讓。足比西京繆篆痕。

構李

佳果先秋熟。來禽也不如。瑤光珠斗散。青簡素王書。瘦地翻宜嫁。柔條亦易舒。最防黃霧寒。務使綠陰疎。暑暘漿偏潤。風吹粉未除。豐肌須小摘。纖核乃中虛。銷夏吾鄉好。分甘佛寺初。曾留西子招。當食轉憐渠。查編修弟嗣。家上舍思贊。書來許以七夕。見過愆期不至漫賦。

星期逾七夕。露坐判三更。河漢夜無影。梧桐秋有聲。愁嫌樺燭短。涼覺苧衣輕。可是烏巾酒。連船載不成。

蟋蟀二首

暑退陰蟲健。無端處處吟。起看河射角。坐久院橫參。易入羈人耳。潛驚嬾婦心。物微甘在野。何用苦追尋。

送徐甥焯之豫章三首

涪翁詩派授諸甥。中有師川調更清。我亦南州矜宅相。雁池賦雪早知名。西江詩派山谷甥居其四。

繡鴨灘頭水滿磯。豫章西去一帆飛。心傷慈母停鍼線。臨發誰縫九月衣。

南浦停舟霧雨迷。登臨兩度倦留題。風流輸爾秋屏閣。簾幙看山盡捲西。

社日送燕和查編修嗣璣

好去炎州燕。高秋別翠樵。舊巢非不戀。社鼓最愁聽。寄訊誰書札。翻飛幾驛亭。自今諸怯薛。恣放海東青。

村夜

山昏月未明。木落霜初降。何處夜歸人。一犬吠深巷。

顧孝廉嗣立過訪村居卽席懷汪泰來郭元鈺二徵士二首

鑑曲歸狂客。高陽命酒徒。披緜黃雀賦。入手紫螯麕。道遠資雙屐。孝廉將逾庾嶺。宵長判百瓢。新詩喜同調。端可

傲江河。

歛郡汪文學。江都郭秀才。圭璋宜特達。時命乃邇迴。喪子憐東野。留賓少上台。合并愁未得。與子且銜杯。

